

KLL

1913

241

~~23-7~~ 52 e

81-11

26173


APHORISMI CONFESSARIORVM EX DOCTORVM sententiis collecti

Auctore E M A N V E L E S A *Doctore*
Theologo Societatis IESV.

Adiecti sunt difficillimis quibusque sententijs
auctores sui.

Editio altera recognita.

1913



ANTVERPIAE
Ex Officina Ioachimi Trognesij.

M. D. XCIX.

Cum Gratia & Privilegio.

Corregido conforme al
catálogo de laño 1612 -
por comiss. del s^{to} off^o.
fr. Bartolomé
Berguilla
calificado.



ORATIO

AD BEATISSIMAM
DEI MATREM.

EDIDI nuper, sub Filij tui nomine, Virgo beatissima, Notationes in totam Scripturam sacram: cui enim potius librum dicarem, neminem reperi. Secundum autem Dei Filium cui, nisi Dei Matri, opus hoc dedicem? Accipe igitur, Sapientiæ diuinæ Sacrarium, libellum hunc, ex sapientum Virorum sententijs concinnatum; tuoque præsidio sic tuere & promoue, vt ad multorum proficiat æternam salutem.

AMEN.

Aa



Auctor Lectori S.

COLLEGGERAM multa lectione Doctorum sententias de Casibus, quos vocant, conscientiae, easque brevissime ad usum Confessorum ita disposueram, ut haberent in promptu eorum, quae in Confessionibus acciderent, dubiorum facilem expeditionem. Adieceram praeterea cuique sententiae auctorem suum, ut sciretur à quo accepissem. Id opus cum voluissem emulgare, non defuerunt qui etiam loca propria librorum auctoris cuiusque desiderarent, quasi parum esset scire cuius esset sententia, nisi adderetur quo sui libri loco dixisset. Visa mihi res importuna, etsi viri aliqui docti ita sentirent. Quid enim attinet citationibus non necessariis librum implere, & prolixum facere brevitati studentem? feci ergo ut nemo iam id requireret, qui nec auctorum nomina apponam, nisi raro, contentus in libri fronte dixisse Doctorum virorum


AD LECTOREM.

*Virorum esse sententias: quod ita esse, eruditi
vbi legerint, deprehendent, imperiti credent.
Vtrique verò boni consulent, si breuitati stu-
dens, id consilij ceperim, viros doctissimos in
hoc scribendi genere imitatus, cum præsertim
in hoc opus per annos ferè quadraginta dili-
gentissimè incubuerim. Quo autem id fructu,
docti indicabunt: mihi satis fuerit ad Dei
gloriam & animarum salutem hunc tanto
studio libellum composuisse. Vale in Christo.*



A P H O R I S M I

CONFESSARIORVM ex Doctorum sententiis collecti.



B E N E D I C T I O, vide *Benedictio, Ordo, Religio, Statutum.*

A B B A T I S S A, vide *Religio.*

A B O R T V S, vide *Homicidium.*

A B S O L V T I O, vide *Casus reseruatus, Contritio, Confessio,*

Episcopus, Excommunicatio, Exemptus, Satisfactio.

§. 1. Absolutionis verba necessaria sunt, Absoluo te; dicendum tamen, ut est in usu, Ego te absoluo à peccatis tuis. Quin etiam imitandus sapientum mos, qui ita absolunt post auditam Confessionem, & impositam poenitentiam: Misereatur tui omnipotens Deus; & dimissis peccatis tuis, perducatur te in vitam æternam, Amen. Dominus noster Iesus Christus te absoluat, & ego auctoritate ipsius te absoluo, primum à sententia Excommunicationis, in quantum possum & indiges: deinde te absoluo à peccatis tuis, in nomine Patris, & Filij, & Spiritus sancti, Amen. Passio Domini nostri Iesu Christi, & merita Beatæ Mariæ, & omnium Sanctorum, &

quicquid boni feceris, & mali patienter sustinueris, sint tibi in remissionem peccatorum, in augmentum gratiæ, & præmium vitæ æternæ, Amen. In breuibus tamen Confessionibus, ut illorum qui sæpe confitentur, satis est dicere solum, Ego te absoluo à peccatis tuis, in nomine Patris, & Filij, & Spiritus sancti, Amen.

2. Quod quidam, dum absoluunt, aperto sunt capite, nec ex ritu antiquo fit, nec ex sapientum usu, nec ex ratione, nec ex dignitate: est enim Absolutio sententia Iudicis, quam non decet aperto ferre capite: nec ullum est Sacramentum quod capite nudato tradendum sit, nisi Eucharistia, ob Christi præsentiam corporalem; & forrè etiam extrema Vnctio, quæ per modum orandi datur, quanquam nec in hac video cur opus sit caput aperire. Adde quòd illo modo (quem non probo) facile produntur circumstantibus pœnitentes qui sine Absolutione dimittuntur.

3. Pœnitentem, dum absoluitur, expedit orare.

4. Absolvere potest in mortis articulo seu periculo probabili (quale est proelium aut periculosam navigationem subiturorum, in quibus etiam numerandi sunt ad triremes damnati) quiuvis Sacerdos, etiamsi non absit proprius pœnitentis Sacerdos, à quibusvis casibus & censuris.

5. Absolvere potest Episcopus per se vel per alium sibi de iure, vel de voluntate saltem tacita sui Superioris, subditos ab omnibus casibus, etiam in Bulla Cœnæ contentis, modò sint occulti, id est, non notorii. Quid autem sit notorium, vide NOTORIUM.

6. Absolvere potest quiuvis Sacerdos à peccatis venialibus, & à mortalibus etiam, à quibus pœnitens aliàs est absolutus.

7. Absolvere potest Confessor alienum, si probabiliter credit eius Superiori id placere.

8. Potest quis sibi subditum absolvere vbique, & à peccatis, & ab Excommunicatione.

9. Ab-

~~1. Absolui potest qui se dicit dolere de peccatis, & velle abstinere, est enim id Attritio, quæ sufficit cum Sacramento: inducendus est tamen ad dolorem propter Deum offensum.~~

10. Absolui potest ægrotus qui dixit quantum potuit commodè, ne fortè, dum expectatur reliquum, moriatur absque Absolutione. Posse etiam absolui sanum, qui ob linguæ ignorantiam quædam solum explicat, non omnia, probabile est: facit enim talis, quantum potest, integram Confessionem.

11. Absolui posse morientem qui nihil potest confiteri, sed tantum ostendit signa Contritionis, alij aiunt, *Sylu. Confessor*, §. 3. n. 16. alij negant, cum quibus ego diu sensi, sed iam placet vt absoluantur, etiam amens qui antea ostenderat signa Contritionis seu doloris de peccatis. +

12. Absolui potest de quo Confessor dubitat an ipsum absoluerit: subintelligitur enim conditio, Si non te absolui.

13. Absolui potest qui proponit abstinere à peccato, etiamsi credat se proposito non statutum, sed peccaturum. Item qui ex probabili causa non vult omittere peccandi occasionem, modò proponat firmiter non peccare, etiamsi aliquoties sit relapsus: quamquam interdum expedit peccatum idem sæpe committentibus differre Absolutionem. +

14. Absolui potest qui se dicit dolere de peccatis, & velle abstinere, est enim id Attritio, quæ sufficit cum Sacramento: inducendus est tamen ad dolorem propter Deum offensum.

15. Absolui potest qui non confitetur aut negat peccatum quod Confessor ex alterius Confessione intellexit illum commississe ; non enim magis de isto alteri quàm ipsi credendum : expedit tamen de alterius consensu istum mendacij coarguere, sed id causè & prudenter agendum .

16. Absolui potest qui contrariam opinionem Confessoris opinionem sequitur, sed probabiliorem .

+ 17. Absolutio peccatorum data excommunicato bona fide confitenti, non absoluto autem ab Excommunicatione, valida est. *Caiet. Absolut. Nau. c. 9. n. 4. Med. cod. de Confess. q. 18.*

18. Absolutus per Bullam, ut fit, ab Excommunicatione ad aliquem effectum, cum reincidentia, non reincidit nisi in Foro exteriori, si res est manifesta: alioqui in omnibus potest se gerere ut absolutum; ita enim declaravit Gregorius 13.

19. Absolutio data per Iubileum, etiamsi postea non fiant per illud requisita, valida est, itemque dispensatio.

+ 20. Facultas absoluendi ab omnibus casibus, non comprehendit dispensationem à voto aut irregularitate. An verò qui potest absolvere ab omni censura, possit liberare irregularitate orta ex peccato, alij aiunt, alij negant: probabile est posse, qui potest ab omni pœna; illa enim pœna est.

+ 21. Absolvere potest à casibus Episcopo reservatis quivis Confessor illo mortuo: potest mortem enim eius desinunt esse reservata.

+ 22. A casibus alibi reservatis potest absolvere, ubi non sunt reservata, quilibet legitimus Confessor. Itaque ubi non est recepta Bulla Cœnæ Domini, potest ab eius casibus absolvere.

23. Dans licentiam peregrinandi, hoc ipso censetur dare licentiam ut possit absolui à casibus sibi reservatis, etiam ubi similia reservata sunt: secus est si
derus

detur solum potestas eligendi Confessorem in eadem Diœcesi.

24. Non possunt Episcopi prohibere quin absoluat à casibus reservatis, qui ad id habet priuilegium à Papa.

25. Qui audit habentem casus reservatos, absoluat eum, non impeditum tamen aliqua Excommunicatione reservata, audita omnium peccatorum Confessione, à reliquis, dicendo: *Ego te absoluo à peccatis tuis, &c. & pro reservatis mittat eum ad Superiorem, qui, auditis illis solis, eum absoluet. Quod si prius Superiorem adeat, hic poterit absolue à reservatis solis, & deinde mittere ad inferiorem, qui, audita omnium etiam reservatorum Confessione, pœnitentem absoluet ab omnibus. Palud. Caiet. Soto, Io. Med. Nau.* Non desunt autem qui putent, vbi Superior absoluit à solis reservatis, debere pœnitentem sola reliqua confiteri: sed alij Doctores id non probant, quia vni omnia Confessori dicenda sunt peccata. Quod si pœnitens vult communicare, & non impeditur Excommunicatione aliqua reservata, vbi est absolutus ab inferiore à non reservatis, vt dictum est, licebit communicare, modò se, cum primùm ei fuerit commodum, postea Superiori præfentet.

26. Confitens generaliter de peccatis aliàs confessis & absolutis, potest per partes absolui, scilicet nunc de parte peccatorum quæ dixit, postea de alia parte eam dixerit.

A D O P T I O, vide *Matrimonij impedimenta.*

A D V L T E R I V M, vide *Diuortium, Luxuria.*

1. **A D V L T E R I V M** non est, vbi alter saltem non est coniugatus per verba de presenti.

2. Adulter ad nullam tenetur restitutionem, & probat.

probabiliter dubitat filium esse suum, secus si credat. Quidam tamen putant, nec, si ei constet esse suum, teneri, nisi ex quadam æquitate, quia damnum non dat: quod etsi probabile est, sed vulgo non receptum; quare tutior communis opinio, quam primò posui.

3. Adultera non tenetur cum periculo vitæ, aut famæ, seu honoris, prodere filium esse ex adulterio: *Tedraza Præc. 7. d. 18. Cord. q. 102. Salon 2. 2. q. 62. a. 7. Anton. Tract. de restit. c. 8. Nau. c. 17. n. 47.* etsi quidam putant teneri aliquando etiam cum vitæ periculo. Nec verò filius tenetur matri credere etiam cum iuramento id asserenti: si tamen credat, tenetur se abdicare hæreditate, nisi hanc iam præscripserit. Nec ei mater tenetur prodere, cum dubium est an sit profuturum.

ADVOCATUS, vide *Iudiciales actus.*

1. ADVOCATUS potest, quamdiu causa dubia est, parrocinari: ex quo autem tempore tenetur scire esse iniustam, tenetur de damno.

2. Aduocare potest coram Iudice seculari Religiosus ob Monasterij necessitatem.

AEDIFICARE.

1. AEDIFICARE etiam in tuo solo non potes, quod tibi non prodest, & alteri nocet.

AFFINITAS, vide *Matrimonij impedimenta.*

ALIENATIO, vide *Donatio, Ecclesia, Hospitale.*

1. ALIENARI prohibita, possunt alienari ex causa dotis, vel alioqui pia. Itaque etiam res Ecclesiæ possunt alienari pietatis causa: non censetur autem tale esse, redimere damnatos iuste ad aliquam pecuniam.

2. Suc-

2. Successio non dicitur alienatio. Itaque prohibitus absolute alienare, potest relinquere heredi etiam extraneo, & extraneo etiam legare; & prohibitus à testatore extra certum genus personarum alienare, potest ex testamento dare ei qui sibi esset alioqui ab intestato successurus, etiamsi sit extra illud personarum genus, nisi aliud euidenter appareat ex verbis testatoris.

3. Alienatio facta cum debito consensu, & sine fraude, valida est in conscientia, etiamsi desint solemnitates à iure requisitæ. +

4. Prohibitus alienare, potest alienare mobilia quæ in triennium seruari non possunt; secus si seruari possint, & sint pretiosa.

5. Arbores Ecclesiæ, nisi sint pretiosæ, cædi & vendi possunt.

6. Iurans non alienare rem Ecclesiæ, potest in eius utilitatem alienare, itemque rem modicam: intelligitur enim iuramentum secundum iuris dispositionem. +

7. Solemnitas iuris non requiritur in rebus modicis, nec in iis quæ Religiosi retinere non possunt, (itaque Mendicantes possunt vendere immobilia sibi ab aliquo testamento relicta, vel aliàs donata) nec secundum quosdam in rebus mobilibus, etiamsi possint seruari, ut ouibus; nec in necessitate urgente. +

ALIMENTA, vide. Dos, Parentes.

1. ALIMENTORVM nomine veniunt ea, sine quibus non potest honestè viui, ut cibus, vestes, habitatio, & medicinæ, & interdum dos.

2. Tenetur pater filium etiam spurium alere, & dotare etiam si est filia, iuxta quantitatem alimentorum debitam.

3. Cum potest pater filium exheredare, potest & alimenta negare, nisi filium peccati poeniteat. Quidam

dam tamen negant posse vnquam à patre egentis filio alimenta negari; quod mihi probatur, est enim debitum naturale.

4. Alimentorum quantitatem, lege aut statuto definitam, potest pater filio spurio relinquere, etiam si is habeat alioqui vnde viuat, transibitque ad huius hæredes.

5. Tenentur ascendentes descendentes, si egent, alere, & contrà: nec potest vir vxori, quæ dotem attulit, prohibere, quin illa egentem patrem suum alat.

6. Tenetur auus maternus nepotem egentem alere, si hunc paterna linea alere non possit, aut nolit. Tenetur & socer nurum egentem, & frater fratrem etiam spurium, & sororem etiam naturalem seu illegitimam egentes, & tutor pupilli matrem & sororem egentem alere; itémque, secundum quosdam, patrius & parochus filios spirituales. Quæ mihi omnia, vt patum in more hominum sunt, ita multum videntur naturali Iuri consentanea: quantum verò peccent qui non faciunt, non ausim dicere. Illud tamen opulentos moneo, vt cogitent quod D. Paulus ait, Qui suorum curam non habet, esse infidelis deteriorem.

7. Egentem filium, quem pater & auus alere non possunt, aut nolunt, tenetur mater alere; alioqui debet ei solum lac: quòd si nec id possit, tenetur pater lactandum curare.

8. Alimentorum causa pia est, ideóque potest & in seculo & coram Iudice Ecclesiastico tractari.

ALTARE, vide *Benedictio, Ecclesia.*

1. ALTARE multis modis amittere consecrationem vulgò traditur: ego, quamdiu illud formam suam retinet, non puto amitti consecrationem vlla aut fractione, aut motione. Itaque amoto ligno ab
are

ara consecrata, non perditur consecratio. Quòd si lignum sit sigillum, in quo reliquiae, & amotum, suo loco statim reponatur, nec tunc opus est noua consecratione.

APOSTATA, vide *Excommunicatio*, *Religio*.

APPELLATIO, vide *Iudiciales actus*.

AQUA BENEDICTA, vide *Benedictio*.

ARCHIEPISCOPVS, vide *Episcopus*.

1. **A** R C H I E P I S C O P V S, dum visitat prouinciã, potest subditorum Suffraganeis Confessiones per se vel per alium audire, non autem illos sine suorum Episcoporum licentia confirmare.

ARCHIPRESBYTER.

1. **A** R C H I P R E S B Y T E R Ecclesiæ Cathedra-
lis potest audire omnes totius Episcopatus
Confessiones, & sibi in eo Vicarium constituere,
non tamen absolvere sine licentia à casibus reser-
uatis.

A V A R I T I A, vide *Eleemosyna*.

BAR



BANNITVS, siue *Proscriptus*.

1. **B**ANNITVS qui impunè potest à quouis occidi, Iudice id per sententiam in illum latam concedente, non potest occidi in alieno territorio, nisi de licentia saltem præsumpta domini territorij. Interim verò dum agitur contra sententiam per viam Nullitatis, seu Appellationis, non potest vsquam occidi.

2. Bannitum alere tenetur qui aliàs tenebatur, vt pater, filius, vxor: est enim id de Iure naturæ, quod per Civile non tollitur.

3. Bannitus potest succedere ex testamento, vel ab intestato.

4. Bannitum an possit etiam filius occidere, alij aiunt, alij negant, ego non puto. Illud verò probabile est, non posse illum se defendendo occidere eum, qui se velut minister iustitiæ occisurus aggreditur: quidam tamen posse putant.

BAPTISMVS, vide *Matrimonij impedimenta*.

1. **B**APTIZANS in necessitate sine solemnitate, non peccat, etiam si sit in peccato, aut excommunicatus.

2. Baptizans aliquem, putans esse alium; aut puellam, putans esse puerum, verè baptizat.

3. In dubio an fuerit verus Baptismus, sub conditione, si non est verè baptizatum, iterandus est. *Vide de Consec. d. 4. ca. Placuit, & de Bapt. & eius effectû, ca. secundo.*

4. Perfectus est Baptismus, etiam cum verba statim vel post aquæ asperisionem, vel ante eam, profertur.

5. Baptizato in necessitate domi, adhibenda in Ecclesia ceremoniæ quæ defuerunt. 1. q. 1. *Spiritus sanctus.*

6. Baptizare extra necessitatem non subditum, sine licentia Parochi non licet.

7. Nec formiæ baptizare licet, præfente viro qui possit & velit baptizare; nec laico, præfente Clerico: non tamen est id, si fiat, mortale peccatum.

8. Potest quis filium suum in Baptismo suscipere, si desit qui suscipiat. 30. q. 1. *Peruenit.*

9. Religioso prohibitum suscipere in Baptismo: si tamen suscipiat, contrahit spirituales affinitates.

10. Validus est Baptismus datus dormienti, vel amenti, si antea baptizari voluerunt: item qui datur amenti à natiuitate.

11. Compotem rationis puerum Baptismus petentem baptizare licet, inuitis parentibus infidelibus; in dubio verò de rationis usu, sufficit esse septem annorum: non compotem autem licet baptizare, si alter parentum Christianus consentiat.

12. Obstetrices tenentur scire formam Baptismi, & quidem præstat vulgari lingua scire, quàm Latina.

13. Baptizare extra Ecclesiam non licet, nisi in necessitate, aut Principis filium. *Vide Clem. de Baptis.*

14. Verus est Baptismus datus volenti baptizari, sed non credenti: ut est verus qui datur à volente baptizare, sed non credente.

15. Ungere Chrismate alterius anni baptizatum, extra necessitatem, non licet.

16. Qui posuit obicem per peccatum Baptismi effectui, debet illum postea Sacerdoti confiteri, non autem alia peccata ante Baptismum facta.

17. De patrini in Baptismo & Confirmatione obligatione instruendi filium spirituales in fide & moribus,

ribus, non est eadem Doctorum sententia; certe
vfu non est receptum.

B E L L U M, vide *Clericus*.

1. **M**ILITIS bellum, de cuius iustitia dubitatur, gerenti subditus, si in eo proelietur, non peccat; peccat autem si sciat esse iniustum.

2. In bello iusto etiam innocentes licet spoliare & capere, ad debilitandas hostium vires. Quod si bellum est perpetuum, ut contra Turcas, licet etiam innocentes captivare. Quod si dati sunt in obsides, & violent hostes fidem datam, non licet illos occidere; licet autem si sint de nocentum numero.

3. Capta in bello iusto non sunt restituenda, nisi essent res Peregrinorum, Clericorum, Religiosorum, aut rusticorum: quamquam quidam nec talia aiunt ex necessitate restituenda, quia iuste capta, ut dictum est supra.

4. Ablata iusto bello ab iis qui illa iniusto bello acceperant, non esse prioribus dominis restituenda, probabilis est quorundam opinio: & quidem vfu videtur receptum, ut capta à Turcis prioribus dominis non restituantur, idemque videtur de rebus ab illis emptione acceptis dicendum. Quod si alicubi lex aut consuetudo praescripta aliud velit, id sequendum.

5. Potest Princeps, ad vitandum Reipublicae maius damnum, tradere hostibus aliquam urbem: est enim id exponere periculo partem pro totius salute.

6. Milites, sine voluntate saltem praesumpta Principis, damnum hostibus dantes, tenentur restituere: praesumitur autem velle etiam, ut capti à Turcis, cum fugiunt, dominos suos aliosque spolient.

7. Capti etiam iusto bello fugere possunt.

8. In dubio non licet aliena inuadere, licet autem defendere quae possides: melior enim est in dubio conditio possidentis.

9. Offe-

9. Offerenti ante conflictum satisfactionem, non licet bellum inferre: quidam tamen dicunt licere, nisi offerat ante belli publicationem.

10. Subditi non tenentur ad bellum proprijs expensis gerendum, nisi fortè ex pacto, aut consuetudine præscripta.

11. In bello licet quidem Clerico hortari ad victoriam, adeoque ad pugnam, non autem pugnare, nisi se defendendo.

12. In bello dubio pugnare licet pro se defendente.

13. Miles in bello iniusto non potest hostem occidere, nisi se defendendo.

14. Milites nostri temporis non gaudent privilegijs antiquis militum.

15. Belli tempore non potest Princeps populum deserere.

16. Militi etiam ægrotanti debetur stipendium.

B E N E D I C T I O .

1. **B**ENEDICTAÆ aquæ aut oleo si addatur aqua non-benedicta aut oleum, totum fit benedictum. Quidam tamen aiunt, semper, quod additur, debere minus esse eo cui additur; quod ego non puto necessarium.

2. Benedictio in secundis nuptijs non datur, si alteruter coniugum fuit aliàs benedictus. Quidam tamen dicunt posse iterum benedici qui virginem ducit. Sunt & qui velint posse utrumque benedici, cum alteruter nunquam fuit benedictus. Puto ego seruandam consuetudinem regionis.

3. Franciscani Sacerdotes, & qui eorum privilegijs gaudent, possunt benedicere omnia Ecclesiæ ornamenta, exceptis Corporalibus, quæ soli Generales, & Prouinciales, eorumque Vicarij, possunt benedicere.

4. Abbas qui potest exercere Pontificalia, potest bene-

benedicere omnia, vbi non interuenit vñdic. *Ex Concil. Congreg.*

B E N E F I C I U M, vide *Capitulum, Conductio, Clericus, Donatio, Ecclesia, Electio, Episcopus, Excommunicatio, Residentia, Simonia, Suspendio.*

1. **Q**UI habet beneficium, sufficiens ad sustentationem, non potest iura conscientia aliud accipere: quòd si à Papa in eo dispensetur, quis audeat tanta auctoritatis factum condemnare? aut verò causæ, ob quam est dispensatum, æquitatem discutere? Potest quidem Confessor acquiescere dispensationi Papæ, etiam in duobus beneficijs Curatis; ipse qui possidet, an debeat, viderit: certè interim dum se putat bene possidere, absolui potest; item què dum per Vicarios bene prouidet pluribus Curatis, etiam si dubitet de iusta causa dispensationis; rite enim possidet dispensante Papa: quanquam me auctore nemo non modò Curata duo, sed nec Simplicia habebit, si vnum sufficiat. Quin etiam optarem, vt, iuxta *Tanormit. doctrinam, cap. conquærente de Cler. non resit.*, Papa ijs qui duo habent beneficia, quorum alterum sufficit, alterum adimeret.

2. Episcopus non potest dispensare ad duo Simplicia, si vnum est sufficiens, aut si vtrumque requirit residentiam: nec, secundum quosdam, ad duo in eadem Ecclesia; quod tamen alij concedunt, si sint dissimilia officijs.

3. Ad pluralitatem eorum quæ in Hispania Præstemonia vocantur, non requiritur dispensatio.

4. Dispensatio super pluralitate non valet, si aliquod beneficium in dispensationis petitione tacitum est. Nec valet impetratio beneficij à Papa, vel eius delegato, si tacetur aliud prius habitum: secus

est si ab Ordinario impetretur. Vide de *prabend. & dignit. cap. 6.*

5. Habens dignitatem, aut Personatum, aut Curatum beneficium, si alterum tale accipiat, vacat prius ipso iure: quod nisi statim resignet, priuatur etiam secundo. *cap. Multa, de prab.* Sed id per sententiam iudicis, nec enim se debet ipse priuare: imò nec prius vacat, secundum Innocentium & Io. Andr. nisi à Iudice moneatur, idque post pacificam secundi possessionem. Sunt & quædam alia quæ excusant, quæ consultò omitto: iam enim sine dispensatione talia non possunt haberi, ubi autem est dispensatum, illis nihil est opus.

6. Habens beneficium Curatum suo Simplici annexum, non censetur habere curam animarum. At Vicariatus perpetuus Ecclesiæ Parochialis, tamquam beneficium Curatum habetur.

7. Habens Parochialem, aut huius Vicariatum perpetuum, si intra annum à possessione pacifica non fit Sacerdos, priuatus est ipso iure, nisi iusto impedimento excusetur, aut Ecclesia sit Collegiata, vel Plebania, sub se habens Capellanos, vel ille curam per se exercere non teneatur, aut cum illo dispensetur. Vide *ca. Licet, de elect. libro 6.*

8. Potest quidem Episcopus dispensare studij causa per septem annos, sed debet ille tamen intra dictum tempus saltem Subdiaconatum suscipere, & interim Ecclesiæ per alium providere.

9. Collatio beneficii Curati ante annum vigesimum quintum saltem inceptum eius cui confertur, nulla est, nisi Ecclesia esset Collegiata.

10. Collatum alicui beneficium, eius non fit, antequam consentiat.

11. Resignatio beneficii in favorem alicuius, non transfert in eum ius, antequam ei à Papa vel Episcopo detur: itaque potest poenitere qui resignavit, antequam illi detur.

12. Non

12. Non perditur beneficij possessio per renunciationem.

13. Beneficium non perditur per inhabilitatem superuenientem, vt per homicidium, aut aliud eiusmodi impedimentum.

14. Triennio possidens beneficium pacifice, etiam si mala fide, sit eius dominus, secundum Nauarr. & Regulam de triennali possessione; nec tenetur ostendere titulum, vt declarauit Concilij Congregatio.

15. Nemo sibi potest beneficium conferre. De excess. Præl. ca. 3.

16. Promissio beneficij vacaturi, aut ad id præsentatio, nec licet, nec valet, quacunque verborum forma fiat. Vide de concess. præb. ca. 1. 13. & 16. & lib. 6. eodem tit. cap. Detestanda.

17. Collatio beneficij facta per Vicarium reuocatum, sed ignorantem reuocationem, valet; itemque renuntiatio facta per Procuratorem reuocatum ante intimationem reuocationis illi factam, etiam si is, cui sit renunciatio, reuocationem sciat.

18. Obtinens beneficium condemnati per errorem, sed secundum allegata & probata, iuste possidet.

19. Potest Episcopus cum illegitimo dispensare ad vnum beneficium Simplex.

20. Etiam cum in iure dicitur vt beneficium vacet ipso facto, sine alia monitione, aut declaratione, non priuatur quis possessione nisi per Iudicem; sed potest interim in conscientia gaudere fructibus: secus est si dicatur vt collatio non valeat, vt accidit in Simonia.

21. Cui reualidatur titulus beneficij malè acquisiti, potest retinere fructus à se malè perceptos: fructus enim beneficij vacantis debentur successori; vacabat autem iure, etsi non de facto, beneficium illud, & ipse successor est.

22. Qui in beneficio malè acquisito fecit debitum officium, potest excusari à fructibus consumptis in vitæ sustentationem, si pauper est.

23. Qui

23. Qui beneficium obtinuit simulata sanctitate, vel ob causam turpem, non tenetur resignare, nisi esset turpitudine quæ collationem iure ipso nullam redderet, vt Simonia.

24. Clericus in sacris si contrahat matrimonium, non ideo perdit beneficium; nec si est in minoribus, & contrahat solum sponsalia de futuro.

25. Filius illegitimus non potest habere beneficium in Ecclesia in qua pater habeat, aut habuit, nec pensionem super patris beneficio. *Ex Concil. Trid.*

26. Nec legitimus potest habere beneficium quod pater habuit.

27. Capellania instituta cum conditione vt detur Sacerdori, aut in certa familia ei qui sit Sacerdos, potest, *secundum Nanarr.*, dari ei qui non sit Sacerdos, modò fiat quàm primùm Sacerdos.

28. Capellanus obligatus ad celebrandum, potest id per alium facere. *Ex Congreg. Concil.*

29. Collatio beneficii facta irregulari, suspenso, aut interdicto, nulla est; ideoque solet in collatione dari Absolutio à talibus impedimentis.

30. Ante decimum-quartum inceptum nullus potest beneficium obtinere, nec pensionem, nisi in fundatione beneficii aliter fuisset cautum. *Ex Trid. Concil. & Concil. Congreg.*

31. Ad dignitatem & Personatum sine cura requiruntur viginti-duo anni incepti. *Ex Trid.*

32. Collatio beneficii aut Ecclesiasticæ iurisdictionis facta non habenti primam tonsuram, nulla est.

33. Quod sine Ecclesiastica auctoritate fit, aut datur, non est beneficium Ecclesiasticum, itemque ubi non est ius percipiendi redditus.

34. Appetere aut procurare sibi Curatum beneficium, non semper est illicitum.

35. Collatio beneficii contra fundatoris instituta, non valet.

36. Iniqua est institutio prohibens dari Curatum meliori.

fit hæres, sunt successoris, vel fortè ex vsu Camerae Apostolicæ.

55. Canonicus habens Capellam, non recipit distributiones Horæ qua Missam celebrat.

56. Qui post sex menses ab obtento beneficio etiam Præstimonio, non impeditus legitimè, non recitat Officium, non facit fructus suos, sed tenetur dare fabricæ beneficii, vel pauperibus, omnes quidem totius diei si totum eius Officium omissum, alioqui pro Matutino omisso dimidium, pro quavis alia Hora sextam partem: idemque est faciendum ei, qui ut Clericus habet pensionem, si non recitat Officium B. Mariæ. *Ex Bulla Pij Quinti.*

57. Si talis pauper est, potest sibi retinere de consilio Confessoris, *secundum Nauar.*

58. Quòd si fecit alia ad quæ ob beneficium tenebatur, poterit sibi retinere quantum illa merentur. Itaque sufficiet Parocho restituere quintam partem; Canonico, quartam; alijs beneficiatis, tertiam, ut quidam dicunt.

59. Qui potest conferre beneficia, potest concedere ut permutentur.

60. Potest auctoritate Papæ in commutatione beneficiorum fieri compensatio per pensionem aut pecuniam pro fructibus alterius beneficii maioribus.

61. Non potest Notarius pro litteris beneficii, scilicet pro charta, labore, & alijs, accipere nisi vnum aureum. *Ex Trid. & Concilij Congregatione.*

B L A S P H E M I A.

1. **B** L A S P H E M I A grauior est periurio & homicidio.

2. Illud Concilij Lateranensis, ne blasphemus absoluitur sine graui poenitentia, non est vsu receptum.

3. Blasphemans inaduertenter, ita ut si aduerteret,

non

non faceret, non peccat mortaliter. Quidam tamen putant ex consuetudine blasphemare etiam inaduertenter, esse mortale; quod non est improbabile.

B O N A .

1. **B** O N A mobilia dicuntur, quæ commodè seruari non possunt ultra triennium, ut frumentum, vinum, oleum.

2. Pecunia inter mobilia reputatur.

3. Mobilia pretiosa quæ seruari possunt, interdum æquiparantur immobilibus.

4. In bonis mobilibus vel immobilibus iura etiam & actiones comprehenduntur, ex consuetudine potius quàm ex iure.

B O N V S V I R .

1. **B** O N V S vir in Foro quidem exteriori intelligitur Iudex; in interiori autem, vir prudens & timoratus.

B 2

CALIX.



C A L I X .

1. **C**ALIX tornatilis, in quo scilicet pes à cyatho separari potest, per eam separationem non perdit consecrationem.

2. Calici non perit consecratio, nec si deauratio decidat, nec si de nouo deauretur.

3. Calicem solus Episcopus solet consecrare.

C A M B I U M , vide *Contractus*.

1. **P**ERMVTARI potest pecunia cum altera diuersi metalli cum lucro moderato.

2. Aureus cuius pretium æstimatur vade decim Iulis, potest dari pro duodecim: est enim illa pretij taxatio facta ad emptiones, non ad permutationes.

3. Plus valet pecunia præsens, quàm absens: item cum multi accipiunt ad cambium, & pauci dant: item ob metallum, figuram, pondus, temporis occasionem, dubium de valoris mutatione, raritatem, aut dantis incommodum: quæ considerari oportet, ne faciliè cambia, quæ sunt in vsu, damnentur.

4. In cambio lucrari solet qui rogatur pecuniam accipere alibi reddendam, vel dare alibi recipiendam: illic enim velut transfert ad locum vbi reddenda, hîc autem velut à loco vbi recipienda.

5. Cambio lucrari etiam ei licet, qui alioqui non habet ordinarium camporis officium, sed ex occasione oblata facit.

6. Etiam in eodem regno licet cambium per litteras, etsi id lex aliqua prohibeat; præsumit enim fraudem: quæ si absit, non intendit prohibere. Idem-
que

que dicendum de cambiis omnibus alioqui licitis, aut cambiorum licitis conditionibus, si lege aliqua prohibeantur: cessante enim fraude quam lex præsumit, fieri possunt.

7. Cambia dubia si facta, non condemnanda; si facienda, non approbanda. +

8. Cambium quod fit sustinente campforis procuratore duas personas in nundinis, scilicet creditoris & debitoris, quod vulgò dicitur *Colla ricorsa*, est à Pio Quinto approbatum, in Bulla quadam data ad Bononienses. +

CAPITVLVM, vide Beneficium,

1. **C**APITVLVM, sede vacante, succedit Episcopo in iurisdictione ordinaria: itaque potest absolvere, dispensare, statuere, inquirere, visitare, & dare indulgentias, vt Episcopus. Non confert tamen beneficia; id enim Papæ reservatum, *secundum declarationem Congregationis Concilij*. Nauarrus autem ait, posse quidem conferre illud, cuius collatio ad ipsum & Episcopum communiter pertinebat, non autem si pertinebat ad Episcopum cum Capituli consensu, aut consilio: quod videndum est an sit vsu receptum.

2. Vocem in Capitulo non habet, qui non est Subdiaconus. *Ex Trid. Concil.*

3. Cùm requiritur Capituli consensus, vel præsentia, potest ad id aliquos sui loco deputare.

4. Quod à maiori Capituli parte fit, dicitur, *secundum Baldum*, fieri de consensu vnanimi seu concordia Capituli *Vide Tabien. verbo Concordia*.

5. Capituli debitum non censetur debitum singulorum.

CASVS FORTVITVS, vide *Commodatum*.

1. **N**EMO tenetur ex damno accidenti casu fortuito, nisi culpa præcessisset in illum aliquo modo ordinata, seu directa, aut mora restituendi id, quod restitutum non periisset, *Salon 2. 2. q. 62. a.* aut pactum ut etiam in tali casu teneretur, *Angel. Commodatum, §. 14.* quamquam etiam non obstante pacto utendum est æquitate: non tenebitur autem si casus accidit ex culpa eius, cui ex pacto aliqui debebatur.

2. Ad mutuum perditum casu fortuito, teneris, quia in te translatum est, per mutuum dominium. *Sotol. 4 q. 7. a. 2. Salo sup. Tolet. l. 5. c. 25. Mercado l. 5. c. 5.*

3. Mandans tenetur de damno ex casu fortuito; si probabile erat euenturum, aut mandatarius gratis seruebat; secus, si ob stipendium, aut pietatem; aut cognationem, aut eiusmodi aliquod debitum; aut si eius culpa damnum accidit.

CASVS RESERVATVS, vide *Absolutio*.

1. **C**ONCEDENS casus sibi reseruatos, si aliquid specialiter nominet, cætera similia concedere intelligitur: quod si aliquid excipiat, cætera similia videtur excipere.

2. Concessis casibus Papalibus, intelliguntur etiam censuræ.

3. Sublata reservatione Papæ, intelligitur etiam Episcopi sublata.

4. Sacrilegium reseruat Episcopo, intelligitur solum quo violatur locus sacer furto, aut sanguine, aut semine, non autem luxuria personæ sacræ: ubi quidam aduertunt, ex iure Episcopo non sacrilegium, sed fortilegium reseruari; pro quo vulgo, per errorem, lectum sacrilegium.

5. Casus in dubio non præsumitur reservatus.

6. Blasphemia publica reservata Episcopo, solum in Foro exteriori, nisi ipse aliud declaret.

7. Si quis oblitus casuum reservatorum absolutus est à potente & intendente absolvere illum ab omnibus, quod semper intendit qui absoluit, potest absolui ab illis postea per quemcunque Confessorem, quia iam non sunt reservati. Idemque dicendum de illo qui reservata quidem confessus est, & ab illis absolutus, sed animo incapaci Absolutionis. *Sylv. Confess. 1. Navar. de pæn. d. 5. c. 1. §. Caut. n. 32. Palud. in 4. d. 13. q. 5. Gabr. dist. 17. q. 1.*

8. Casus reservati in Religione, non habent locum in Novitiis, antequam per vota admittantur; ut neque præceptorum obligatio.

9. Casus non reservat nisi Papa, aut Episcopus, aut Prælati habens Episcopalem auctoritatem.

C A V P O , vide *Stabularius*.

C E N S V S .

1. **O** Portet in censu rem esse immobilem, (talis autem est annuus redditus) & sua natura fructiferam, & totum pretium recipi in celebratione instrumenti, nec postea augeri aut minui, & perire censum pro rata re pereunte, aut sterili facta, & posse redimi semper eodem pretio, denunciando tamen prius per bimestre, & post denunciationem etiam ab invito intra annum repeti.

2. Prædicta ex Bulla Pij Quinti, quæ loquitur de censu temporali & redimibili. Itaque potest institui census perpetuus & irredimibilis.

3. Quædam in dicta Bulla prohibentur ob præsumptionem fraudis; quæ si absit, licent. Itaque potest pretium non statim solui, potest & prius solui, & fieri pactum ne redimatur census nisi totus simul,

& quòd si ante certum tempus non redimitur, sit perpetuus.

4. Non prohibet Bulla debita Iuris naturæ, vt satisfactionem pro damno dato non soluendo censum in tempore; nec dari fideiussorem, aut hypothecam etiam omnium bonorum, ad securitatem venditionis, vel solutionis; nec emere certam pecuniæ summam ad vitam, vt pro mille centum. Id enim non est census, sed contractus, Do vt des. Solent quidem ad vitam euentis dari octo pro vno, possuntque pro tali pensione obligari omnia bona.

5. Soluendus est census in fine anni, nisi aliud habeat consuetudo, aut pactum.

6. Pretium census est, quo publicè vendi solet.

7. Oportere fructum loci non esse minorem redditu census, communis est opinio: quidam tamen negant id esse necessarium.

8. Vt potest solui pro censu pecunia, ita fructus aliquis ex pacto, etiamsi locus censui subiectus talem fructum non ferat.

9. Etiam anno quo nullus colligitur fructus, soluendus est census.

10. Censum ex vtraque contrahentium parte redimibilem licere, alij aiunt, *Conrad. q. 84. tract. 4. Med. q. 55. dub. 2. cod. de reb. per usur. acquis.* alij negant: ego concedere non audem.

11. Vbi Bulla Pij Quinti recepta est, negant quidam licere censum super persona constitui, alioqui licere & super persona, & super communitate, & super bonis incertis, scilicet possessis & possidendis: alij etiam vbi recepta est, licere, si sit perpetuus, quod ego non concesserim.

12. Census numeratur inter bona immobilia.

CENSURA, vide *Absolutio*.

1. **C**ENSURA est Excommunicatio, suspensio, & interdictum; non autem irregularitas, (quæ potius pœna est) nec depositio, aut degradatio, aut cessatio à diuinis.

2. Censuram nemo incurrit ante annum decimum, nec fortè ante annos pubertatis, secundum quorundam probabilem sententiam.

3. Censuræ positæ contra non reuelantes id quod à Iudice in eis proponitur, non comprehendunt nec litigantes, nec eos quos ipsi consulunt, nec eos qui probabiliter credunt rem illam ab eo qui tenet, iuste possideri, nec illos qui certò nesciunt quod queritur, aut, si sciunt, non possunt probare quod iubetur denunciari, aut non possunt sine periculo magni damni denunciare. *Vide IUDICIALES ACTVS.*

4. Irretitus aliqua censura, etiam irregularitatis, ex homicidio, vel Excommunicatione, aut suspensione, potest celebrare, ne alioqui infametur.

CHARITAS, vide *Correptio, Eleemosyna, Iniuria*.

1. **D**EVM ex toto corde diligere, seu super omnia, ad salutem quidem est omnino necessarium: quo verò tempore ex præcepto quis teneatur sic eum actum elicere, ut, si non eliciat, peccet mortaliter, non convenit inter Doctores. Illud certè non videtur negandum, teneri, cum tenetur contemni, ut in administratione Sacramentorum ex officio.

2. Teneris in extrema necessitate salutis spiritualis proximi, pro eo vitam exponere: quòd si es eius Episcopus, aut Parochus, etiam in gravi. Itemque teneris pro vita eius exponere bona tua temporalia, tuæ vitæ aut tuorum non necessaria; denique sub-

B 5

venire

nenire ei in graui eius necessitate, si potes sine magno tuo incommodo.

3. Qui non est eius Prælatus, aut Parochus, non tenetur inuisere peste infectum cum vitæ periculo, nisi salus animæ eius omnino tali visitatione indigeat.

4. Infantem aliqui sine Baptismo moriturum, teneris cum tuæ vitæ periculo baptizare, secundum quosdam: quod alij probabiliter negant; nec enim cum tanto damno deberi ei tale officium: aliqui & mater grauida teneretur permittere se secari, vt fœtus baptizaretur, aliqui sine Baptismo moriturus; quod nemo dicet.

5. Proximum à mortis corporalis periculo, etiam inuitum, teneris liberare si possis, non autem à peccato, nisi sit in damnum proximi, & possis sine tuo graui incommodo.

6. Damnatum iuste ad mortem non teneris, etiam si possis, pecunia redimere; nec enim ipse se tenetur redimere: quòd si redimas, potes accipere tibi in seruum perpetuum. Quòd si iniuste damnatum redemisti, potes quidem in seruum accipere, sed ipse se potest redimere.

7. Licet permittere proximum cadere in peccatum, vt correptus de eo, vel punitus, emendetur, si aliter emendare non possis.

8. Potes proximo optare malum corporale ad salutem animæ, & mortem, ob Reip. bonum; & hosti, tibi aliqui valde nocituro, mortem, non odio, sed ad vitandum damnum tuum: item de morte eius gaudere, ob bonum inde secutum.

9. Inimico non teneris ostendere signa amoris, nisi in casu necessitatis, scilicet cum ei teneris ex charitate subuenire: teneris quidem alloqui, si aliqui esset scandalum, & salutantem te resalutare, & veniam potenti dare. Quòd si scandalum nullum sequitur, & causa subest aliqua hæc negandi, non auderem ne-

gantem.

gentem condemnare: nec enim talia videntur esse necessaria, sed sufficit non odisse, & paratum esse in necessitate, ut proximo, subuenire.

10. Diligendi quidem magis meliores, sed possunt intensiori affectu diligere sanguine coniunctiores, inter quos plus diligendi parentes quam filij, & vxor & pater quam mater.

CIRCUMSTANTIA, vide *Confessio*.

CIVITAS, CIVIS.

1. CIVITATI nomine venit in fauorabilibus etiam territorium, imò & Diœcesis; in odiosis verò solum quod est intra mœnia, nisi alioqui esset dispositio inutilis, aut posset fraudem pati.

2. Non dicitur ciuitas facere, nisi collegialiter deliberet, etiamsi maior eius pars faciat.

3. Cuius efficitur quis loci, ubi cōsequitur dignitatē.

4. Monachus efficitur cuius loci, ubi est Monasterium.

CLERICVS, vide *Ecclesiasticus*, *Elemosyna*, *Beneficium*, *Gabella*.

1. CLERICI nomine in materia fauorabili venit habens primam tonsuram, & Religiosus, & Episcopus; at in odiosa, nec Religiosus, nec Episcopus, nec secundum quosdam Dignitas, aut Canonicus Ecclesiæ Cathedralis. aut qui non est in sacris. Venit etiam Clericus in materia fauorabili nomine populi, & Monachi.

2. Cum Clericis in iure aliquid prohibetur, aut precipitur, intelliguntur solum qui sunt in sacris, aut beneficiari.

3. Clerici primæ tonsuræ non solent esse exempti, quantum ad ciuilia, à potestate seculari.

4. Clericus in sacris potest conueniri coram Iudice seculari, in ciuilibus, de licentia Episcopi sui.

5. Clericum in sacris, qui dimissa tonsura, & Clericali habitu, se gerit enormiter, cōmunis est opinio, perdere Clericale priuilegium: quod Nauarrus & de tali & de professio Religioso negat, nisi prius moneatur. Mihi illorum placet sententia, qui cōcedunt talem posse per secularem Iudicem puniri, si ita expedit bono Reip. Item si talis assuetus est actis enormibus, vel est alioqui incorrigibilis, certè *glo. de priuileg. ca. 27.* ait qui sine habitu & tonsura deprehēditur in delicto, nec certum est tunc esse Clericum, etiamsi postea constet esse, posse puniri per secularem Iudicem. Nunc autem per Cōc. Trid. Fori priuilegio non gaudet qui est in minoribus, nisi habeat beneficium; aut gestans habitum & tonsuram, inseruiat alicui Ecclesiæ ex mandato Episcopi; aut in Seminario, vel Schola; vel Vniuersitate, de licentia Episcopi, quasi in via ad Ordines maiores versetur.

6. Clericus portans arma lege seculari vetita, potest à ministris iustitiæ secularis sine restitutione spoliari *secundum Couar.* & quidem, *secundum Nauar.* arma Clericorum, nisi sint Monachi, non sunt res Ecclesiasticæ.

7. Potest Clericus in crimine deprehensus capi à seculari Iudice, vt Ecclesiastico tradatur: potest & non à capi, si cum armis incedat: præsumitur enim velle delinquere, à quo potest impediri etiam per secularem potestatem. Quinetiam potest à quouis seculari teneri Clericus, & includi, ne lædat alterum: potest & de fuga suspectus capi à creditore, & tradi Iudici Ecclesiastico.

8. Clerici tenentur, secundum quosdam, legibus Civilibus quæ Ecclesiasticum officium non impediunt.

9. Clerici familia eiusdem est cum ipso Fori.

10. Clerici bona possunt per Iudicem Ecclesiasticum confiscari, in casibus quibus laici per leges sic puniuntur.

11. Cle-

11. Clericus factus post delictum sine fraude, est exemptus à potestate seculari: quòd si cum fraude, potest quidem in rebus puniri, sed non in corpore.

12. Clericus ob falsum testimonium coram Iudice seculari, non potest per eum puniri.

13. Clericus percussus à laico, potest agere coram Iudice Ecclesiastico.

14. Clericus calumniosus accusator debet priuari officio, & verberatus in exilium mitti. +

15. Clericus non potest consentire in Iudicem Ecclesiasticum non suum, sine licentia sui Episcopi.

16. Clerici minoris à laico læsi restitutio petenda coram Iudice seculari.

17. Clericus pauper non tenetur cedere bonis. Nec pro debito non ex delicto contracto potest conueniri ultra quàm facere potest; nec, si est in sacris, puniri corporaliter pro debito quod non potest soluere.

18. Clerici patrimonium, etiam ad cuius titulum est ordinatus, non gaudere priuilegio bonorum Ecclesiæ, quidam aiunt; alij negant. Sunt & qui putent absolutè gaudere eius bona patrimonialia. Ego dicerem spectandum in ijs quid vsu sit receptum.

19. Clerici priuilegijs non gaudere Eremitas; quidam aiunt, quòd non sint Ecclesiasticæ personæ: alij gaudere dicunt, si sint astricti Regulæ, aut Superiori ijs priuilegijs gaudenti: idemque censent de Inclusis habitu mutato.

20. Clericus potest vti consuetudine & statuto laicorum, ad suam utilitatem.

21. Clericus in minoribus, potest ex causa fieri secularis.

22. Potest qui est in sacris, aut beneficiatus, aduocare coram Iudice Ecclesiastico: at coram seculari, solum in causa propria, vel Ecclesiæ, vel miserabilium, vel propinquorum (qui alium aduocatum commodè non possunt habere) vsque ad quartum

gradum. Non potest autem esse laici procurator generalis, sed solum in aliquo negotio: nec locum tenens Principis secularis; sed potest esse Consiliarius: nec lucri causa negotiari per se, sed ob suam aut suorum necessitatem. Non est autem negotiari vendere aliquid carius quàm emisti, nisi ad id emisisses. Potest & per alium honestè negotiari, & per se vendere arte honesta à se facta. Non potest verò gestare arma offensiva, nec interesse executioni sententiæ capitalis, nisi officij spiritualis causa; nec exercere Medici aut Chirurgi officium, vbi opus sit adustione, aut incisione, nisi cum pauperibus, aut propinquis, aut aliqui sua aut proximi necessitas postulet; nec venari, nisi causa recreationis, sine strepitu; nec accipitres ad id alere, aut falcones; nec aleis ludere, nisi modicè, causaque recreationis. ludere autem in magna quantitate ob lucrum, Nauarrus mortale existimat.

23. Clericus faciens prohibita Iure humano non peccat mortaliter, *secundum Caiet.*, si absit cōtemptus, & scandalum, & legi poena grauis non sit apposta.

24. Peccare ait Nauar. Clericum si non benedicit in principio mensam, aut in fine gratias Deo non agit.

25. Clericus non tenetur dare sportulas; nec potest à patre suo vendi.

26. Acquisita à Clerico, etiam filio-familias, sunt ei quasi Castrensia.

27. Clerici omnes, excepto Episcopo, liberè testantur, eisque ab intestato succeditur, *secundum Couar.* Quod si eis esset prohibitum testari de acquisitis negotiatione illicita, & contra Canones, intelligendum est, *secundum Nauar.*, si negotiatio contineat iniustitiam, aliqui poterit de ea etiam testari.

28. Non potest Clericus per testamentum facere præiudicium patri suo in bonis acquisitis ante Clericatum, in quibus ille habet vsumfructum.

29. Clericum habitare cum femina suspecta, mortale

tale esse ait doctissimus vir Petrus Sotus.

30. Clericus etiam absens subditus est suo Episcopo, nisi domicilium mutasset.

31. Clericus nulli loco aut beneficio adscriptus, potest ire quò velit, sine Episcopi licentia. *Ex Congr. Conc.*

32. Clericus non tenetur deseruire Ecclesie, in qua non habet beneficium. *Ex Congreg. Concil.*

33. Clericus in maxima necessitate potest cogi ab Episcopo ciuitatem custodire: potest & in inuasa ab hostibus pugnare, nec erit irregularis, si nullum occidat, aut mutilet.

34. Clericus quilibet potest cantare Epistolam sine manipulo, itemq; Euangelium, & Passionem. *Ex Nauar.* +

35. Clericus habens beneficium, aut pensionem excedentem sexaginta aureos de Camera, tenetur ad censuram, & habitum talarem, & si miles est, ad suum militare, alioqui ipso facto est priuatus officijs, & beneficijs. *Ex Bulla Sixti Quinti.*

COEMITERIVM, vide Ecclesia, Sepultura.

1. COEMITERIVM fieri potest sola Episcopi deputatione.

2. Potest vendi in necessitate, vt sacra vasa.

COGNATIO, vide Matrimonij impedimenta.

COLLEGIUM, vide Congregatio.

1. COLLEGIUM faciunt tres, Congregatio. Cnem duo, Populum decem. Potest Collegij & Vniuersitatis ius manere in vno.

2. Collegij Ecclesiastici destructi iura & priuilegia manent penes Ecclesiam.

3. Qui in Collegio alicuius artis eam non exercet, non gaudet Collegij priuilegio. +

COLVM:

COLVMBARIVM.

1. **C**OLVMBARIVM habere licet, vbi est consuetudo, nec populus queritur.
2. Columbas, cum videntur à columbario profuga, licet cuius accipere.

COMEDERE.

1. **C**ARNES humanas edere in extrema necessitate licitum est.
2. Edere ex intentione vsque ad vomitum, alij mortale esse aiunt, alij negant: sed si fiat ex consilio medici, licitum est.
3. Prouocare vomitum; vt iterum comedas, mortale esse, non improbabiliter quidam affirmant.

COMMODATVM, vide *Casus fortuitus*, *Culpa*, *Debitum*, *Depositum*.

1. **C**OMMODATVM ad certum vsum, non potest repeti, etiam superueniente necessitate, si commodatarius aliunde fuisset habiturus, nisi tu commodasses.
2. Commodans scienter rem vitiosam, non admoto commodatario, tenetur de damno secuto.
3. Quidam aiunt commodatarium non teneri in conscientia, nisi de culpa mortali *Soto l. 4. q. 7. a. 2. Tolet l. 5. c. 18.* alij negant. Vide **CULPA**, & **CONTRACTVS**.
4. Commodato uti ad alium vsum, aut diutius quam voluit commodans, furtum est.

COM-

COMMUNIO, vide *Eucharistia*.

COMMUNITAS, vide *Respublica*, *Collegium*.

CONCESSUM.

1. **C**ONCESSUM intelligitur, quod non est prohibitum.

CONCILIUM.

1. **C**ONCILIUM Trident. cœpit obligare quantum ad ius positivum, à Calendis Maij anni 1564. *Ex Bulla Tij Quarti.*

2. Concilium Prouinciale debet fieri tertio quoque anno, Diœcesanum verò quotannis. *Ex Concilio Tridentino.*

3. Concilium Prouinciale potest excommunicare Archiepiscopum.

4. Concilij Prouincialis decreta non sunt publicanda Papa inconsulto. *Ex Congreg. Conc.*

5. Ad decreta Concilij Diœcesani non requiritur Cleri approbatio. *Ex eadem.*

CONCIONATOR, vide *Prædicare*.

CONDUCTIO, vide *Venditio*.

1. **C**ONDUCTOR, si eius voluntate, aut eius casu fortuito, locator operarum, qui alias fuisset mercedem habiturus, est impeditus, tenetur soluere: tenetur & locator de damno ex sua culpa secuto. Ita quidam sentiunt, sed tu consule quæ de Casu fortuito & de Culpa scripsimus.

2. Conductor potest expelli domo, ob necessitatem nouam locatoris eam habitandi, aut reparandi.

216

aut si ibi inhonestè agat. In quo ultimo casu Nauar. ait nihil esse de pensione remittendum : alij id negant. Ego quidem in primo casu adderem, vt est additum in Commodato, nisi conductor alias domum fuisset non sibi adimendam conducturus.

3. Conductor domo discedens, non potest suo loco alium relinquere, inuitis socijs.

4. Conductor equi tenetur ad expensas ordinaras, vt pastum; non autem ad extraordinarias, vt medicinas.

5. Famulo non debetur stipendium temporis quo agrotauit, nec, dum agrotat, expensa magna, sed modica, & cibus, nisi aliud sit in pacto aut consuetudine.

6. Conductor tenetur pro rebus perditis ab alio, ob eius inimicitiam, cuius ipse causa est.

7. Conductor non soluens, potest statim expelli: nisi ad decennium conduxisset; tunc enim per biennium expectandum. Quod si locator promisit non expellere, intelligitur si soluat pensionem.

8. Cum timetur res peritura negligentia conductoris, poterit is cogi suscipere in se periculum, sed minuendum est aliquantum pretium ob talem obligationem.

9. *Extra. Ampliatiosa*, de non locanda re Ecclesie ultra triennium, non est vsu recepta.

10. Locationes beneficiorum anticipata solutione, non valent in successorum prejudicium. *Ex Conc. Trid.* Quidam tamen dicunt, quod conductor soluisset, debere successorem ratum habere, si est conuersum in Ecclesia vtilitatem.

11. Conductori coacto ob pestem aut alioqui iusta de causa re locata non vsu, remittenda pensio pro rata; itemque in sterilitate fortuita, vt cum ex tribus partibus colligi solitis vix duæ colliguntur. nec fit compensatio fertilitate anni precedentis & sequentis. Non fit autem remissio si res sit locata ad decem annos

annos pro parua pensione, aut si locator alteri locando fuisset pensionem integram habiturus, aut si aliud sit in pacto aut consuetudine. Non dicitur autem sterilitas, si fructus collecti pereunt; nec fertilitas, si fructus multum valeant.

12. Auctis fructibus casu fortuito, augendam pensionem pro rata; & minutis, minuendam; ait Nauar. Ego id non puto usu receptum. Quod si auctis fructibus casu fortuito conductor non auget pensionem, non video cur minutis illis ea minui debeat. Quare in ijs standum puto, ut supra dixi, pacto, aut consuetudine.

13. Nec res Ecclesiastica; nec fructus pensionis locari possunt ad longum tempus; id est, decem annorum, nisi cum conditionibus requisitis ad alienationem.

14. Beneficiatus potest locare redditus beneficii ad annos nouem, & secundum quosdam, etiam ad plures; sed illo mortuo expirat locatio. Locatio tamen rei Ecclesie facta à Rectore nomine Ecclesie, eo mortuo durat.

15. Conductori debentur expensæ necessariæ, & quibus res facta melior.

16. Locationi factæ per virum de re vxoris, non tenetur ipsa stare soluto matrimonio; nisi se ad id obligasset.

17. Conductor potest rem locare alteri personæ honestæ, nisi aliud sit conuentum.

18. Vsufructuarius non potest rem locare ultra tempus vitæ suæ.

19. Prohibitus rem obligare, potest in breue tempus locare.

20. Cui concessa est domus habitatio, potest eam alteri locare, secundum quosdam: quod ego non puto in totum verum, nisi sit usufructuarius: Vide DOMVS.

21. Si sine conuentione de pretio, conduxisti solitum

+ tum operas locare, debes ei soluere quantum talibus dari solet.

+ 22. Alienum torquem locans, non tenetur pretium restituere, si eius dominus non fuerat locaturus. Quidam tamen dicunt teneri, saltem in quantum factus est locupletior; quod videtur probabile.

23. Conductio rei spiritualis ipso iure est nulla, ut & venditio.

CONGREGATIO, vide *Collegium, Respublica*.

1. CONGREGATIONES pie, seu Confraternitates, possunt fieri sine auctoritate Superiorum.

2. Congregatorum collegialiter præualet sententia maioris partis, nisi Papa præsideat.

CONFESSIO, vide *Casus reservatus, Contritio, Eucharistia*.

1. CONFSSIONIS præcepto non satisfacere qui non est dispositus ad Absolutionem, quidam aiunt, alij negant; quod videtur probabilius, modo integre confiteatur. *Vide ea. Quod quidam, de pæn. & remis.* Quamquam etiam qui non integre confitetur, Ecclesiæ pœnas euadat, ut quidam probabiliter asserunt.

+ 2. Potest differri Confessio ultra tempus præcepti, de sententia Confessoris, aut ex iusta aliqua causa.

3. Etsi quidam putant teneri ad Confessionem qui habet usum rationis, scilicet cum pudet malefacti, tamen Ecclesiæ non videtur obligare ante pubertatem.

4. Præcepto annuæ Confessionis satisfacit quis confitens quouis anni tempore; qui annus ex consuetudine Ecclesiæ incipit in Octaua Paschæ: quamquam

quam communicaturus in Pascha, si est in peccato mortali, tenetur iterum confiteri: itemque si est in articulo mortis, seu eius probabili periculo.

5. Probabilis est illa sententia, teneri statim confiteri, qui putat toto reliquo anno defuturum sibi Confessorem, aut qui possit à casu reservato absolvere. Illud certissimum, qui non præmissa peccati mortalis Confessione communicavit, debere post communionem quàm primùm confiteri. Addunt & quidam, necessario confitendum, cum vix potest quis nisi confitendo evadere peccandi periculum: quod mihi non displicet; sed quia vulgo ignota obligatio, non est in usu.

6. Si quis fictè, id est, non rite, confitetur, nempe sine dolore, aut proposito emendationis, sufficere postea solam fictionem confiteri, alij aiunt, alij probabilius negant.

7. Iteranda Confessio sine ullo dolore facta, aut sine proposito vitandi peccatum, aut ei qui non poterat absolvere, aut si scienter omissum aliquod peccatum mortale, aut quod tale esse putabatur, et si cum dubio aliquo: secus est si putabatur non tale esse. Addunt quidam, etiamsi facta Confessori prorsus imperito, aut qui non omnia intellexit, aut si quid mortale per crassam vel ignorantiam vel oblivionem est omissum. Quæ ego non puto certa: sufficit enim postea confiteri per negligentiam omissa, aut quæ forte Confessor non intellexerat.

8. Si quis apud eundem Confessorem iteret Confessionem, non est opus repetere peccata iam ei dicta, sed id solum quod Confessioni defuit.

9. Qui tenetur iterare Confessionem, si eius rei oblitus confitetur postea aliquoties peccata quæ facit, validæ sunt illæ Confessiones.

10. Qui ex iusta causa aliquod mortale peccatum in Confessione tacet, non tenetur confiteri iterum illa quæ dixit. Est autem causa iusta, non posse confiteri

fiteri illud, nisi audiat aliquis qui propè sit, vt in nauis, vel hospitali; aut temporis angustia excludi, aut periculum damni notabilis si confitearis.

11. Abusus est non ferendus, nihil confiteri nisi interrogatum: nec est dispositus ad Absolutionem qui aliter non vult confiteri: est enim id velle tacere peccata de quibus non interrogabitur.

12. Mentiri in Confessione de peccatis venialibus, aut de alijs confessis mortalibus, veniale solum peccatum est, etiam si illa antea proposuisses apud te verè confiteri. Quod si vnum solum peccatum tale confitearis, & in eo mentiaris, aut si dicas te fecisse peccatum aliquod mortale quod non fecisti, probabilis est quorundam sententia, tunc peccari mortaliter, q̃b iniuriam factam Sacramento: quod ego tamen in totum non ausim affirmare; quid enim si quis simplicitate id faciat excusabili? Illud certum, posse in Confessione taceri peccata venialia, vel omnia, vel aliqua; non enim sunt de necessitate Confessionis, nisi fortè ex Regula aliqua Religionis: sed nulla talis obligat ad confitendum omnia venialia.

13. Nemo tenetur confiteri audiente tercio, aut per scripturam; etsi quidam putant teneri, qui aliter non potest, scripto aut nutibus confiteri, & in morte per interpretem: quod de nutibus quidem concesserim, de scripto & interprete non prorsus improbaucrim, sed nec tamen condemnarim non facientem.

14. ~~Nemo tenetur confiteri nisi interrogatus, & in confessione non debet mentiri, & non debet confiteri de peccatis venialibus, nisi interrogatus, & non debet confiteri de peccatis mortalibus, nisi interrogatus, & non debet confiteri de peccatis venialibus, nisi interrogatus, & non debet confiteri de peccatis mortalibus, nisi interrogatus.~~

15. Debet quidem, qui potest, verbis confiteri: sed si causa subsit, potest etiam presenti Sacerdoti peccata legenda tradere, etsi id quidam negant. Vide 30. q. 5. *Qualis.*

16. Qui delectatus est de peccatis prateritis alijs con-

confessis id solum oportet confiteatur, non autem exprimere quæ illa fuerint peccata. *Vide Tho. opus. 64.*

17. Oportet confiteri speciem peccati, & numerum.

18. Ad declarandam speciem tui peccati, potes, si necesse est, declarare simul alienum, imò etiam cum tibi id utile est ad animæ salutem, aut illius, cuius sic fortè fama periclitatur; nam famæ præponenda salus: cum autem tu potes dicere, potest & Confessor eisdem de causis interrogare. Hæc Doctorum Antiquorum doctrina; quæ tamen Neotericis quibusdam non placet, qui tacendum putant peccatum per quod alius infamatur, aut alioqui damnum notabile patitur, *Tabien. Circumst. n. 2. Risch. in 4. n. 21. Palud. ibid. Canus lect. 5. Caiet. Confess. 3. Pet. Soto relect. de integr. Confess. Nauar. de pæn. d. 5. in C. Consideret. quod probabile quidem est, præsertim in periculo damni; sed quod ad infamiam attinet, placet mihi Antiquorum sententia.*

19. Confitendam circumstantiam, quæ etsi peccatæ speciem non mutet, tamen multo grauiorem facit, aiunt quidam, *Marfil. Halens. Maior, Gabr., Canus, Ledes. Pet. Soto*: alij negant, *D. Th. Bonau. Duran. Palud. Adrian.* est certè cum necesse sit confiteri: ut si quis furatus est centum aureos, non sufficit dicere solum, Furatus sum; multum enim refert scire quantum acceperit.

20. Tametsi incestus specie non differant, aiunt quidam confitendum gradum, præsertim si primus est, ut cum parente aut germano. Vbi tamen quidam volunt sufficere, si solum dicat fuisse factum in primo gradu, non nominando patrem aut fratrem; quod satis est probabile.

21. Temporis circumstantia non mutat speciem, etsi mutare quidam putent.

22. In furto & luxuria confitendum an factum sit in loco sacro, vel cum re sacra; & si effusus sanguis, an in loco sacro, Quod si quis occidit, addendum

etiam

etiam quidam putant fuisse cognatum, vel personam sacram; & si furatus, per vim etiam rapuisse; si sic res facta.

23. Volunt quidam etiam in peccato continuationem diuturnam confitendam, itemque frequentem eiusdem peccati repetitionem, seu relapsum: quod ego non puto necessarium, nec esse in usu.

24. Odij in parentes circumstantiam putat Nauar. necessario confitendam: Caiet. autem, si notabiliter offensus est benefactor, id etiam explicandum.

25. Feminam confitentem mentalem fornicationem, si virgo sit, etiam id dicendum, alij aiunt, alij negant: ego non puto ab ea requirendum an virgo est.

26. Peccatum fuisse cum filia confessionis, non est necessario explicandum, etsi quidam putant: non est enim id incestus.

27. Nec si quis contra conscientiam peccauit, aut contra votum quod saepe renouarat, ea renouatio particulariter exprimenda.

28. Diuinationes per diuersa non differunt specie: itaque sufficit dicere, se peccasse diuinatione, aut superstitione.

29. Confitendum scandalum, scilicet factum fuisse aliquid animo inducendi alium ad peccatum, vel tale fuisse, ut ad id occasionem daret; ut cum factum est publicum.

30. Quidam putant, cum vterque peccans est coniugatus, id exprimendum: itemque si omissa Missa cum duplex esset Festum, aut violatum ieiunium cum duplex Vigilia. Ego cum alijs sentio, sufficere illic dicere fuisse adulterium, hic verò omissam Missam, vel ieiunium violatum.

31. Qui peccatum confessus, verbi gratia, fornicationem, oblitus est dicere fecisse se contra votum, postea sufficit id solum dicere, omisso peccato; etsi quidam putent, etiam tunc peccatum exprimendum.

32. Na.

32. Natur. ait, sufficere meretricem dicere se per tot annos fuisse omnibus expositam; sic enim satis intelligi quid fecerit. Ego vero non essem tam generali Confessione contentus.

33. Qui dixit se decem plus minùs peccata fecisse, si postea recordatur fuisse duodecim, non tenetur illa duo iterum confiteri: secus est si dixisset fuisse tantum decem.

34. Qui cum puer esset, ignorabat aliquid esse peccatum mortale, cum postea aduertit, sufficit illud solum confiteri. *Sylu. Confess. 1. §. 6. Nau. c. Fratres, de pæn. dist. 5. n. 82. Adrian. Tabien. Soto.*

35. Potestas eligendi Confessorem non expirat morte concedentis.

36. Cum periculo iam est proprio Sacerdoti confiteri, aut alioqui iusta causa est ei non confitendi, posse sine eius licentia, petita tamen prius, alieno confiteri, alij aiunt, *Palu. in 4. d. 17. q. 3. Gab. d. 17. q. 2. videtur Syl. Confess. 1. n. 6. & Nau. c. Placuit, de pæn. d. 6. n. 144.* alij negant; quæ mihi opinio tutior videtur, quanquam alteri multum fauet *ca. Placuit, de pæn. d. 6.* per quod, utpote prius, limitandum est *ca. Omnis utriusque.* Itaque factum non condemnare, cum præsertim credendum sit id Papæ placere, nunc maximè, cum nemo potest Confessiones secularium audire nisi approbatus: quamquam & apud Religiosos locum potest suum habere quod dictum est, scilicet ut petita & non obtenta licentia, possint alij confiteri cum causa subest.

37. Eadem sæpe confiteri, valet ad gratiæ augmentum, & pænæ remissionem.

38. Confessori scienti peccatum tuum, sufficit dicere, Accuso me de illo peccato quod tu scis.

39. Potest quis pluribus simul Sacerdotibus confiteri.

40. Cum quis in necessitate plures simul audit, potest simul absoluerè, dicendo, Ego vos absoluo, &c.

+ 41. Rustici qui bona fide confessi sunt, non expresso numero peccatorum, non sunt postea ab alio Confessore cogendi numerum omissum dicere, repetita Confessione; facile enim deprehendi potest quid soleant facere: nec, si se putant bene confessos, de aliquo præteritæ Confessionis interrogandi, etiamsi Confessor putet aliquid necessarium defuisse.

42. Confessio integra habenda est, quam talem iudicat peritus Confessor: nec postea debet pœnitens quicquam confiteri, nisi certus sit nunquam se illud fuisse confessum.

43. Meretrices non comprehenduntur statutis Synodalibus excommunicantibus non confitentes aut non communicantes in Pascha: itaque tales nunquam denunciantur.

+ 44. Non tenetur quis ob periculum obliuionis peccata scribere.

C O N F E S S O R, vide *Absolutio, Archipresbyter, Confessio.*

1. C O N F E S S O R E M eligere potest, qui habet Curam animarum, vt Parochus, & Prælatus Religionis exemptæ, & Vicarius Episcopi: item Cardinalis, & Decanus, & Archidiaconus. Potest & Cardinalis dare suæ familiæ Confessorem.

2. Familiæ Episcopi Confessor est Parochus proprius, vel Ecclesiæ Cathedralis; peregrinorum verò, & vagabundorum, & mercatorum, vel mercenariorum vagantium, Parochus loci, vel alioqui approbatus Confessor.

3. Nullus potest audire Confessiones secularium etiam sacerdotum nisi Parochus, aut qui fuerit ab Episcopo ad id approbatus. *Ex Trid. Concil.* Potest verò approbare Episcopus, etiamsi sit excommunicatus, denunciatus, aut suspensus, modò non sit depositus.

4. Qui-

4. Quidam putant , Doctorem vel Licentiatum in Theologia , vel Iure Canonico, ipso Iure censei per Papam approbatum: quorum sententiam non aulim improbare.

5. Priuilegium dicitur esse Ordinis Prædicatorum, adeoque eorum erit qui habent communicationem priuilegiorum, vt semel approbatus ex ipsis Confessor vbique possit audire Confessiones, nec id posse prohibere aliquem Episcopum: quod ego, ob eius auctoritatem vnde accepi, facile credo. Illud scio ex Bullis Pij Quinti, Religiosum ab aliquo Episcopo approbatum , non posse ab eodem iterum examinari, quod si sit ex Mendicantibus, nec à successore. quod an sit postea validè reuocatum , aliorum iudicio relinquo : ego interim non puto , meæque opinioni existimo fauere decreta Congregationis Concilij, quam sæpe soleo citare. Scio & quosdam sentire, Religiosos ab aliquo Episcopo approbatos posse vbique audire Confessiones; sed id alij negant : ego nec faciendum dixerim, nec, si factum sit, improbarim : cur enim magis hîc quàm alibi possit audire, si est approbatus.

6. Semel alicubi approbatus potest vbique audire habentem facultatem eligendi Confessorem approbatum , & à quouis Parocho adhiberi ad audiendas suorum Confessiones.

7. Religiosi de licentia sui Prælati possunt confiteri cuius Sacerdoti , etiam non approbato , vt poterant ante Concilium Tridentinum : id enim in hoc nihil mutauit.

8. Sacerdotes seculares ex consuetudine confitentur cuius approbato.

9. Excommunicatus & suspensus à iurisdictione potest dare licentiam audiendi Confessiones, vel alteri confitendi , etsi quidam negent ; solum enim prohibetur ista per se exercere.

10. Quantum ad Confessionem , & commu-

+ monem, & alia tibi vtilia, proprius Sacerdos est, vbi de præsenti habitas, nec potes commodè tuum adire. *Ex Sylu.* Quod mihi videtur valde notandum.

+ 11. Qui dubitat an sit idoneus ad audiendas Confessiones, Superioris præcepto excusatur; non autem si sciat se ad id esse ineptum, seu insufficientem. Excusatur & imperitus si audit periti Confessionem, vel alicuius, tempore necessitatis, vt morientis, vel ab infidelibus capti, vel soliti confiteri solum venialia.

+ 12. Prælatus approbato prohibens audire Confessiones, non ideo facit inualidam Absolutionem, nisi ei auferat iurisdictionem.

+ 13. Confessor non tenetur interrogare quem putat se prius bene examinasse, etiamsi credat illum aliquid omittere; est enim sufficiens illa Confessio. Nec, si aduertat illum omittere aliquid quod probabiliter putet non esse peccatum mortale, tenetur illum monere, nisi res esset quam ille scire teneretur, aut esset peccatum in proximi damnum vergens: quamquam, si nulla ex monitione speratur vtilitas, relinqui potest in sua bona fide.

+ 14. Si pœnitens nihil de peccatis cogitauit, non audiendus, nisi esset periculum mortis, aut putaretur damnum alioqui graue secuturum; tunc enim examinandus, & iuuandus.

+ 15. Tenetur Parochus audire subditi Confessionem, nisi iusta causa impediatur: etsi quidam putant non teneri, nisi cum ille confiteri tenetur.

+ 16. Confessor Episcopi, vel Superioris exempti, potest in ipsum absoluendo, & dispensando, quicquid ille potest in subditos.

+ 17. Habere ordinariè duos Confessores, alterum cui graua dicas, alterum cui leuia, vt probus habeas, quidam dicunt esse peccatum mortale ob illud
sum

sum Confessionem, secus verò esse si semel ac iterum fiat ob pudorem.

18. Sigilli Confessionis obligatio non est, vbi non est Confessio Sacramentalis, id est facta ad obtinendam Absolutionem, aut alioqui causa salutis: quare tunc potest peccatum prodi Iudici legitimè interroganti, de quo tamen vide IUDICIALES ACTVS, & SECRETVM. Quòd si quis accedat animo peruertendi Confessorem, aut quarendi auxilium ad peccatum, prodi potest.

19. Cognito magno Reip. periculo per Confessionem, sufficit generaliter monere vt caueatur: potest & is, cui paratum est malum, moneri, vt caueat tali loco & tempore, modò non sit periculum vt prodatur pœnitens.

20. Tegenda omnia audita in Confessione, quorum reuelatione Confessio redderetur onerosa: itemque omnia peccata aliena in ea audita: denique quicquid pœnitens regi voluit. debet & pœnitens tacere quod Confessor regi voluit. Quidam tamen dicunt, non cadere sub sigillo id per quod peccatum nullum proditur.

21. Non est contra sigillum, monere Superiorem de peccato quod scis ex Confessione solere committi, vt provideat, verbi gratia, prohibendo accessum ad Monasterium certarum personarum, modò ne prodatur quis in particulari, aut periculum sit ne à Superiore per eam reuelationem deprehendatur.

22. Occulte corripere postea pœnitentem de auditis ab eo in Confessione, etsi est illicitum, sed non contra sigillum Confessionis: quamquam licere interdum indicat *ca. Sacerdos, de offic. Ord.*

23. Si duo Confessores eundem audiant, non poterunt postea inter se de illius peccatis loqui, nisi ille credatur boni id consulere.

24. Reuelare aliquid leue Confessionis, modò sit peccatum, quidam putant esse mortale; quod mihi

durum videtur.

25. Potest Cōfessor iurare se nihil scire, imò nihil se audisse tale in Confessione, subintelligendo, sic vt dicere teneatur: eodemque modo potest pœnitens iurare se nihil aut nihil tale dixisse in Confessione.

26. Non est contra sigillum dicere, Iste mihi confessus est peccata sua, vel. peccata venialia, modò nihil prodatur in particulari; nec de publico peccatore dicere, Ille mihi confessus est suum peccatum; etsi id quidam negent.

27. Licet negare suffragium ad aliquod officium, ei quem ex Confessione scis non esse ad illud idoneum, imò & eius electioni resistere, modò absit periculum proditæ Confessionis.

28. Quem Episcopus sola Confessione scit irregularem, debet petentem ordinare, nisi habeat aliquam causam negandi honestam, aut absit periculum reuelatæ Confessionis, etiamsi ille putet se ob Confessionem repelli.

29. Nec in occulto licet vitare, quem per solam Confessionem scis excommunicatum.

30. Tenentur ad sigillum quouis modo Confessionis conscij; itaque & is à quo Confessor consilium petiuit, & cui illicitè reuelauit, & Confessionis interpretes: quamquam horum, quidam aiunt, non parum esse atque Confessoris obligationem, esse tamen obligatos suo modo.

31. Contra reum proditum reuelata Confessione, non potest procedi; transit enim illa notitia cum onere sigilli.

32. Potest pœnitens dare licentiam reuelandi; potest & datam, cum voluerit, reuocare.

33. Pœna reuelantis Confessionem, est depositio, & perpetua pœnitentia in Monasterio.

34. Vsurarius publicus non est admittendus ad Confessionem, antequam det cautionem de restitutione vsurarum.

CONFIRMATIO, vide *Archiepiscopus*, *Baptismus*.

1. CONFIRMARE potest Episcopus, etiam in suo Palatio, aut alio loco honesto, & tempore interdicti, & post prandium.

2. Confirmans in sua Dioecesi etiam alienos concurrentes, non peccat; credendum enim gratum id esse proprio Episcopo.

3. Non potest Episcopus confirmare in aliena Dioecesi, sine licentia proprii Episcopi.

4. De quo dubitatur an sit confirmatus, confirmandus sub conditione, si non est confirmatus.

5. Non confirmandus perpetuo amens, nec infans ante septennium. Quidam tamen putant posse utrumque confirmari; quin etiam expedire ut infantes confirmentur; & quidem debere, si sint morituri.

6. Chrisma oportet esse unius anni; nam vetus comburendum in Ecclesia.

7. Balsamum est de necessitate præcepti; an verò sit etiam de necessitate Sacramenti, alij aiunt, alij negant.

8. Balsamum Indicum verè est balsamum.

9. Facienda unctio in fronte, cum signo crucis, & inuocatione Trinitatis.

10. Omittere cereum, aut colaphum, non est peccatum mortale.

11. Non peccat mortaliter qui negligit confirmari, si absit contemptus.

12. Negligentia Episcopi notabilis in confirmando, mortale est peccatum.

13. Non est necesse præmitti ieiunium aut Confessionem.

14. In necessitate idem potest esse patrinus, qui fuit in Baptismo.

15. Patrinum oportet esse confirmatum. *Ca. In Baptismate, de Consec. d. 4.*

16. Nec in necessitate quidam volunt licere tenere filium aut fratrem: cum quibus ego non sentio.

17. Ligandam frontem donec siccetur unctio, nec lauandam per septem dies, quidam aiunt. At solent Episcopi ministri eam statim tergere; quare etiam postea lauari potest, si opus sit.

CONIUX, vide *Matrimonium*.

CONSCIENTIA, vide *Dubium*.

CONSECRATIO, vide *Benedictio, Calix*.

1. **E**CCLÉSIA quolibet die potest consecrari. *Vide de Consec. Eccles. ca. 2.*

2. Ecclesia consecranda ab Episcopo proprio, vel ab alio de illius licentia.

3. In Ecclesiæ consecratione oportet Missam celebrare: sufficit autem quod Presbyter celebret. *Vide glo. ca. Omnes, de Consec. d. 1.*

4. Consecrationem Ecclesiæ, aut Altaris, aut virginum, solus Papa potest simplici Sacerdoti committere. *Vide glo. de Consec. d. 4. Omni tempore.*

5. Consecratur virgo die dominico, & festo solenni, & in necessitate quouis die, idque à solo Episcopo: sed velum continentiae dat etiam Presbyter.

6. Possunt consecrari etiam pollutione voluntaria corruptæ, dicuntur enim vulgò virgines: puto etiam posse corruptas occulto stupro, nam etiam tales virgines putantur; nec peccatum suum tenentur prodere.

7. Consecrandus Episcopus die Dominico, & intra menses tres à sua confirmatione.

CON-

CONSENSVS, vide *Capitulum, Contractus.*

1. **T**ACENS habetur pro consentiente, in ijs quæ sine eius consensu fieri non possunt.

CONSERVATOR.

1. **C**ONSERVATOR, id est Iudex datus à Papa ad defendendum aliquem contra apertas iniurias, potest cogere per Excommunicationem brachium seculare ad se adiuuandum.

CONSILIUM, vide *Restitutio.*

1. **C**ONSILIUM sequi tenetur, qui iubetur facere de consilio, aut secundum consilium, non autem si petere tantum aut facere cum consilio. *Vide ca. 1. Ne sed. vac. libro 6.*
2. Si is cuius consilio faciendum est, aut dare non vult, aut est absens, procedi potest ad actum, si est periculum in mora.
3. Consilium à se datum reuocans non tenetur, secundum quosdam, de damno secuto, *Nau. l. 3. c. 4. n. 27. citat Med. cod. de rest. q. 7.* si tamen non persuadet, tenetur monere illum cui paratur damnum, ut caueat. Quidam tamen aiunt, semper de damno teneri suo consilio facto, si non persuasit dum reuocaret, quia verè damni causa est: aliud verò longè esse in mandato quod sufficit reuocare; postea enim non potest dici damnum datum ex mandato.

CONSVETUDO, vide *Lex.*

1. **C**ONSVETVDINEM generalem habentem vim legis, non potest Episcopus abrogare, ut nec Ius commune.
2. Consuetudo immemorabilis habet vim legis & prius.

præiilegij, & facit præsumi iustum titulum.

3. Consuetudo rationabilis: si est contra Ius, præscribit quadraginta annis: si autem est præter Ius, decem. Quidam tamen dicunt, rationabili consuetudine non solum contra Ius Ciuile præscribi decem annis, sed & contra Canonicum, Papa sciente, & non contradicente: quod mihi magis probatur; cur enim tam longa consuetudine non dicatur lex abrogata? Nec mihi satisfacit illorum responsum, per decem quidem annos non receptam legem non ligare; at ubi recepta est, opus esse per quadraginta non fuisse in vsu: nec enim video cur lex à principio non recepta per annos decem, nihilominus ligare debeat, aut cur ad receptæ abrogationem quadraginta opus sit. Hæc à me probabiliter dicta, doctiorum tamen, vt & reliqua omnia mea, submitto iudicio.

4. Consuetudo non obligat, nisi id intendat qui potest legem condere: quod præsumitur cum est immemorabilis, aut saltem annorum quadraginta.

5. Consuetum dicitur, seu solitum, quod bis factum est.

CONTRACTVS, vide *Culpa*, *Debitum*, *Depositum*, *Obligatio*.

1. **C**ONTRACTVS in quo seruatur Ius naturale, validus est, etiam si desit Iuris humani solemnitas, nisi lex irritet non solum contractum, sed etiam dominij translationem, vt à pupillo: cui tamen Iudex illam per sententiam rem attribuerit, licet illam tenet.

2. Contractus minoris validatur iuramento, si sit doli capax: quidam tamen requirunt ætatem pubertatis.

3. Contractus maioris cum minori tenet, si minor voluerit.

4. Con-

4. Contractus qui communiter fit, & est Reip. utilis, condemnari non debet, nisi aperte constet esse illicitum, cum præsertim Resp. ex potestate quam habet in bona communia, credenda sit supplere si quid alioqui tali contractui desit. +

5. Si dictum est in contractu, ut fiat aliquid secundum alterius partis arbitrium, æstimanda res est secundum arbitrium boni viri.

6. Inductus dolo ad contractum spirituales, ut Religionem, vel matrimonium, tenetur, nisi dolus eiusmodi sit, ut eo etiam prudens decipi posset: tunc enim putandum defuisse omnino voluntatem contrahendi. In temporalibus vero inualidus est contractus, si ei dolus causam dedit. +

7. Contractus quiuis factus ex metu iniuste ad id incusso, inualidus est.

8. Post contractum donationis statim possunt conditiones apponi quas voluerit donator. +

9. Contractum celebratum inter ludentes aleis prohibitis, ius irritat.

10. In contractu qui Italicè dicitur *Scommessa*, Hispanicè *Aposta*, Latinè *Sponsio*, cum scilicet de re aliqua alius ait, alius negat, propositò pretio ei qui deprehenderetur verum dixisse, non tenetur restituere qui rem certò sciebat, si dolus absuit. +

11. Consensus qui actui defuit, potest post aliquod tempus adhiberi, & illum validare. +

12. Contractus subditorum potest Princeps ex causa dissolvere.

13. Cum permutantur res inæqualis valoris, quæ sunt in diuersis locis, censentur permutantes donare quod excedit.

14. Tempus longum facit præsumi contractui adhibita omnia necessaria, etiamsi in instrumento non exprimantur. +

15. Ex contractu præcessoris facto nomine dignitatis, tenetur qui in ea successit.

16. Contractus non irritatur ex eo, quod in Ecclesia celebretur.

17. Conditio contra substantiam actus posita à principio per vtrumque contrahentem, vitiat contractum. Quod si non talis sit, sed sit impossibilis, aut turpis, in spiritualibus quidem rejicitur, in temporalibus communiter vitiat.

18. Pactum de non reuocanda donatione, etiam ob ingratitudinem donatarij, non valet, etiam si firmetur iuramento, quia est contra bonos mores; etsi quidam putant firmari iuramento. At communis est opinio, pactum contra bonos mores nec iuramento firmari.

19. Pacto seruiendi per annum obligatus, si ægritudine per tempus aliquod impeditur, non tenetur supplere, sed stipendium minuere.

20. Pactum de non recuperando pignore, si præfixo tempore debitum non solvatur, non valet, nisi firmetur iuramento, aut pignus non plus valeat quàm debitum, aut fiat ratione pœnæ. *Vide glos. cap. 7. de pignor.*

21. Pactum de certa summa soluenda pro verisimili interesse, vel periculo, siue sequatur id, siue non, licitum est. *Valent. Compend. de contract. q. 5. Pet. Nau. l. 3. c. 2. n. 111. 112. Tabien. Usura 12. Angel. Usura 1. §. 37.*

22. Pactum iuratum non tollitur per clausulam generalem dicentem, Non obstantibus quibuscunque.

23. Pactum de futura successione etiam iuramento firmatum, non valere, quia aufert testandi libertatem, quidam aiunt, alij negant: ego valere puto in conscientia; est enim velut donatio quædam causa mortis, seu cum conditione vt habeat effectum post mortem.

CONTRITIO, vide *Confessio*, *Peccatum*.

1. **C**ONTRITIO est dolor de peccato, quia sit eo offensus Deus.
2. Conteri tenetur quisque in actu requirente statum gratiæ, adeoque in Sacramentorum ex officio administratione; itemque in mortis articulo.
3. Qui se mallet mortuum fuisse, quàm Deum offendisse, videtur contritus.
4. Attritio, id est imperfectus de peccato dolor, sufficit cum Sacramento Pœnitentiæ ad gratiam impetrandam. *Vide Concil. Trid. Sess. 14. c. 4.*
5. Dolor sufficiens est cum Sacramento, dolere quòd non satis doleas; itemque displicentia de peccato, cum proposito cauendi, etiamsi displiceat ob timorem pœnæ, aut peccati turpitudinem, modò adsit spes veniæ.
6. Non requiritur ad singula peccata singularis dolor, sed sufficit vnus de omnibus peccatis dolor.

CONTUMELIA, vide *Iniuria*.

1. **O**MNES contumeliæ, id est iniuriæ publicæ contra honorem, eiusdem sunt speciei; itemque omnes detractiones, id est occultæ contra famam iniuriæ.
2. Contumelia ex genere grauior est furto: potest tamen furtum ex quantitate grauius esse.

CORREPTIO, vide *Denunciatio*, *Iudiciales actus*.

1. **C**ORRIPERE tenetur quisque proximum de peccato quod certò scit esse mortale, si potest sine suo graui damno, & credat profuturum, nec illum sine correptione emendandum, estque tempus

corripiendi opportunum.

2. Omittere correptionem, ferè semper veniale peccatum est. *Vide Aug. 1. ciu. ca. 9.* In Prælatis tamen, quorum maior est obligatio subditos corripiendi, facile potest esse mortale, si ex negligentia aut timore correptionem necessariam omittant.

+ 3. Corripere publicè peccantem publicè, ferè non tenetur, qui non est peccantis Superior.

+ 4. Denunciare peccantem Superiori non oportet, si non speretur ex eo correctio, aut si correctio sufficiat ad emendationem, aut si quis videat patrem suum peccantem.

+ 5. Potest quis ante correptionem Prælato denunciare, si peccatum est publicum, aut in damnum tertij, aut alioqui Reip. perniciosum, vel Communitati,

+ aut Prælatus vir prudens & probus. *Vide Tho. 2. 2. q. 33. & quolib. 11. q. 13. & 4. d. 19.*

C R E D E R E, vide *Fides*.

C R I M E N .

I. C R I M E N læsæ maiestatis non incurrit, qui non est Principi subditus.

C V L P A .

I. C V L P A lata dicitur, quam homines communiter vitare solent; levis, quam diligenter; leuissima, quam diligentissimi.

+ 2. Si contractus fit in fauorem vnius solum, tenetur is de culpa etiam leuissima. *Rosel. Respit. 12. §. 1. Arag. 2. 2. q. 62. a. 2. Saloribid. a. 6.* alter verò solum de dolo: si autem in fauorem vtriusque, vterque tenetur de leui. Ita Nauar. cum Iureconsultis, quod ego seruandum puto in Foro exteriori: alioqui in conscientia nemo tenetur nisi de culpa lata, seu mortali.

Sato

Soto 4. q. 7. a. 2. Tollet. l. 5. c. 18 nisi aliud sit conven-
tum. aut res esset eiusmodi, quæ exactam requireret
diligentiam, & per negligentiam laesa esset: quam-
quam in ijs multum potest prudentia, & æquitatis
ratio, quid sit agendum, decernere.

CVRATOR, vide *Minor*.

1. **C**VRA TOR, & tutor, tenentur ad damnum
culpa sua eueniens. Quòd si, cùm teneren-
tur, negotiari omiserunt, possunt pupilli ab eis acci-
pere quinque pro centum.

2. Tutor non impeditus causa iusta, tenetur cum
Notario quàm primùm facere Inuentarium.

3. Mater per transitum ad secundas nuptias desinit
esse tutrix, itemque per vitam incontinentem.

CVRATVS, vide *Parochus*.

CVRIOSITAS, vide *Diabolus*.

1. **M**ORTALE peccatum est, velle videre id,
aut scire, cuius visio, aut scientia, in pericu-
lum peccandi mortaliter inductura creditur.

CVS T O S, vide *Restitutio*.

1. **C**V S T O S de damno tenetur, quod non im-
pedit cùm possit.

2. Cùm fures à culpa excusantur ob necessitatem,
potest custos dissimulare.

DEBIT



DEBITVM, vide *Beneficium, Contractus, Ecclesia, Hereditas, Mutuum, Restitutio.*

I. DEBITVM soluendum æstimatione monetæ temporis contractus.

2. Qui debet monetam certi metalli, in ea soluat, vel eius æstimationem in tempore solutioni præfixo.

3. Si debita pecuniæ mutata est materia vel pondus, soluenda est æstimatio temporis contractus: quod si solum pretium mutatum, ante moram prodest id & nocet creditori, nisi aliud sit conuentum; post moram verò soluenda est æstimatio temporis quo solui debuit. Quidam tamen dicunt soluendam maximo pretio quo valuit post moram.

4. Res in specie debita missa ad eius dominum per hominem vulgò fidelem habitum, domino perit: quod si mittens mala fide possidebat, ei perit; quia fuit in mora. Perit etiam domino si apud debitorem perit ante moram sine eius culpa dante causam interitui.

5. Pecunia debita perit creditori qui eam tempore opportuno oblatam noluit recipere, & deposita est apud honestam personam: item si absente creditore consignata est Iudici, vel, deficiente Iudice, honestis personis.

6. Qui non est soluendo, & exigente creditore flagellatur à Iudice, postea nihil debet.

7. Probabile est quod quidam dicunt, Neminem teneri soluere id, cuius soluti lex repetitionem concedit, nisi iurasset soluere.

8. Debetur publicum salarium seu stipendium integrum

regum Potestati, Aduocato, Assessori, & Doctori, etiamsi ante finem statuti temporis moriantur: at salarium talibus promissum à priuata persona, solum pro rata debetur.

9. Ad debita tenetur heres, (non autem usufructuarius, nisi huic fuisset relicta tertia aut quarta pars sub nomine hereditatis, tunc enim pro rata teneretur; secus esset si bonorum nomine, & non hereditatis) tenetur etiam haeres ad legata, & ad vota realia defuncti, *De Graff. l. 2. c. 22. n. 10. Nau. c. 12. n. 80. Bapt. Corr. q. 291.* itemque iuramenta realia.

10. Debitum alicui ex promissione, vel iuramento, non debetur heredibus eius, si is qui promisit, in illius tantum personam intendebat.

11. Si res debita perinde fuerat apud dominum, peritura, nec antea ei utilis futura, liberatur debitor: secus est si illud dubium sit, & iste fuit in mora. *Lopez. c. 95. Rosel. Restit. 16. §. 2. Per. Nau. l. 4. c. 1. n. 23.*

12. Debitor morosus tenetur de damno & lucro cessante, usurarius tamen solum tenetur de damno: illud verò quod dictum est de lucro cessante, intelligunt quidam solum postquam creditor monuit vel se sibi solui etiam id.

13. Qui furatus est pecuniam, solum eius valorem debet, non autem quod ex eius negotiatione aut permutatione lucratus est, nisi creditor itidem fuisset lucraturus. *Berard. p. 2. c. 8. n. 26. Beja casu 1. 22. Ma. a. 81. Tolet. l. 5. c. 22. Pedraz. Prac. 7. d. 14.*

14. Si pecuniam debitam non habens offert rem meliorem, tenetur creditor accipere.

15. Potest creditor petere debitum ante tempus à debitore suspecto.

16. Debitum viri nolentis soluere, posse vxorem soluere, etiam illo prohibente, Nauar. ait: quod mihi probatur.

17. Soluens creditori sui creditoris, liberatur in conscientia.

18. Cum

18. Cùm debitor tenetur creditorem adire, sufficit illum quærere vbi solet conuersari.

19. Debitum filio-familias soluens sine consensu patris, aut minori sine consensu tutoris, non liberatur nisi sit in illorum vtilitatem conuersum. Ita Sylus. Ego puto in conscientia liberari, si illi erant creditores, adeoque debitæ rei domini.

20. Si pro nolente soluere, cùm deberet, soluisti, tenetur ille tibi.

+ 21. Pro debito à te post annum soluendo, potes nunc minus soluere sic volenti creditori: est enim id velut emere rem futuram, quæ minùs valet quàm si praesens esset. Ita Nauar. & quidam alij: quod Sotus & alij quidam negant licere. mihi non videtur illicitum, si quis ab aliquo alio debitum post annum soluendum emat à creditore minori pretio. *Nau. c. 17. n. 231. Caiet. de usu. sub fin. Boninsig. Tract. de empt. & vendit. dicit se non audere damnare hanc opinionem. nec apparet cur non liceat idem ipsi debitori facere; quamquam certè aliquid videtur interesse, vt mirum non sit quibusdam improbatum: ego faciendum non probarim, factum non improbauerim.*

+ 22. Debitum tibi, si non potes aliter commodè recuperare, potes clam tollere, *Cord. in Sum. q. 99. & 111. Tabie. Restit. n. 31. Angel. Furtum, §. 40. Nau. c. 17. n. 107. & postea iurare te non accepisse, scilicet illicitè.*

+ 23. Si creditor est in eadem necessitate cum debitor, reddendum ei id cuius non fuerat translatus dominium. Putant & quidam etiam aliud debitum quoduis reddendum, nisi extrema sit debitoris necessitas: in qua, etiamsi antea iurasset se redditurum, non teneri; intelligebatur enim, nisi extrema opprimeret necessitas. *Sotol. 4. q. 7. a. 1. Angel. Furtum. §. 36. Rosel. Restit. 1. c. 1. & citat Scotum in 4. d. 15.*

+ 24. Qui mala fide accepit, aut fuit in mora restituendi, tenetur reddere, nisi maius damnum patiatur reddendo nunc, quàm creditor non recipiendo.

25. Bo.

25. Bonæ fidei debitor non tenetur mutare statum ad soluendum rem non in specie debitam, etiam si creditor statum mutare cogatur si non soluatur; melior enim est conditio possidentis.

26. Non debet debitor pati soluendo, quod creditorem velle eum pati æquum non est.

27. Genuensium debitorum mos, sic cum creditoribus componentium, ut minori summa contenti sint, liberat eos etiam ad pinguiorem fortunam venientes, etsi quidam id negant. Sufficit autem, secundum *Navar.*, maiorem creditorum partem sic esse contentam, ut minori parti, quæ reclamavit, non plus solvatur quàm ceteris: tenentur enim & hi stare conventionem maioris partis.

DEBITVM CONIUGALE, vide *Matrimonij impedimenta, Votum.*

1. **R**EDDENDVM coniugi debitum, etiam si ille petendo peccet, ut quando fecit votum continentię, etiam de consensu coniugis. *Conar. p. 2. c. 3. n. 6. Ha'ens. p. 2. q. 147. memb. 3. ad 3.* etsi quidam dicunt, non teneri reddere; alij, nec posse.

2. Potest, qui non vouit, petere debitum ab altero, qui etiam se consentiente vouit continētiā. Quod si communi consensu vterque vouit, neuter petere potest, aut reddere: quamquam reddere posse quidam dicunt, nec improbabiler. Videtur autem aliis pertinere dispensationem ad Papam, tanquam votum absolutum continentię: quod mihi non videtur, sed posse Episcopum dispensare.

3. Cum vterque vouit non petere, possunt copulari, non petendo tamen, cum alter intelligit alterum, si posset, petiturum. *Ex Navar.*

4. Contrahens matrimonium post votum castitatis, non potest vnquam petere, nisi in gratiam coniugis, (est enim id quoddam reddere) aut dispensante Epi.

Episcopo. Quidam tamen aiunt, sola prima vice peccantem peccare, postea verò licere ob statum matrimonij: quod mihi de viro non videtur improbabile: fieret enim alioqui magnum vxori præiudicium, si ipsa cogatur semper petere. Illud certum, post votum non contrahendi matrimonium, posse, qui contraxit, debitum petere, & qui post votum Religionis matrimonium consummauit.

5. Copulam, si fiat ad vitandum in se fornicationis periculum, esse peccatum veniale, alij aiunt, alij probabilius negant: certè ad vitandum in coniuge, non est; item si fiat ad vitandum morbum; est verò, si fiat causa sola voluptatis.

6. Copulari ante benedictionem, aut nullum, aut leue peccatum est, (etsi quidam mortale esse putant) quin etiam expedit, si multum illa differatur.

7. Dubitans an sit validum matrimonium, reddat debitum, *Med. cod. de test. q. 17. Couar. p. 2. de spons. c. 7. §. 2. n. 8.* & si post inquisitionem diligentem adhuc dubitat, petere etiam potest. *Vide ca. 44. de sententia Excommunicationis, & Sotum l. 4. q. 5. a. 14. & Lopez q. 377.*

8. A coniuge adultero, vel adultera, etiam publicè, licet petere, & etiam reddere. Potest & adulter & adultera à coniuge petere: sed is potest negare, nisi etiam ipse sit adulter, aut causa adulterij coniugis.

9. Non tenetur coniux intra duos menses debitum reddere, si velit de statu Religionis assumendo deliberare. *Vide ca. Ex publico, de conuers. coniug.*

10. Reddendum debitum coniugi, cum apparet petiturum, nisi pudore impediretur.

11. Tempore menstrui debitum petere, aut reddere, quidam mortale peccatum putant: quod alij probabilius negant.

12. Copulam in loco sacro mortale esse peccatum, etiam

etiam reddentis, quidam aiunt: ego etiam petitionem puto aliquando posse à mortali excusari, vt si fiat ad vitandum peccati periculum, aut alia iusta causa.

13. Qui coniugis cognatum in primo vel secundo gradu cognouit, non potest debitum petere, (potest verò petere alter coniux, & petenti negare) nisi dispenset Episcopus, aut ignorauerit esse cognatum, aut per vim cognouisset. Quidam tamen dicunt, si petat, non peccare mortaliter: quod ego non admittim in sciente Ecclesiâ prohibitionem.

14. Nullus copulæ modus, si fiat in vase debito, id est intra vxoris pudenda, est peccatum mortale, nec si fiat in festo, aut quouis alio tempore, aut cum vxore grauida.

15. Excusat à reddendo debitum, periculum morbi: quod si est infectionis etiam periculum, licebit non solum thoro, sed etiam cohabitatione separari.

16. Coniugi amenti potest alter debitum reddere, sed non tenetur, quia non liberè petit.

17. Inchoatam copulam omittere ante seminationem, non est mortale, nisi sit in alterutro ex eo periculum pollutionis.

18. Non est mortale non reddere sapissime & molestè petenti, moderatè enim petendum; aut sic petenti, vt non intendat ad mortale peccatum obligare; aut quia plures iam sunt filij, quàm vt ali possint à parentibus. In omnibus tamen dictis casibus excipiendum, nisi in petente esset alioqui periculum incontinentiæ.

19. Debitum petere nocte manè communicatum, peccatum est, sed non mortale.

DECIMAE.

- I. **D**ECIMAE non debentur, vbi non est eius rei consuetudo: & quidem personales, id est ex lucro

lucro industriæ, nullibi ferè sunt in usu.

2. Decimas non debet Clericus ex fructibus Ecclesiæ, nec ex patrimonio, si Ecclesiæ seruiat cui debentur decimæ: standum tamen consuetudine præscripta in ijs & similibus.

3. Si de prædio dotetur Ecclesia, non ideo liberatur ab obligatione soluendi decimas, quas solebat alteri Ecclesiæ.

4. Decimæ animalium pars debetur Parochiæ propriæ, pars ei ubi pascunt, nisi aliud sit in more positum.

5. Non soluens decimas ob iustum impedimentum, potest absolui, *secundum Nauar.*, non obstante Concilio Tridentino.

DEGRADATIO, vide *Depositio*, *Hora Canonica*.

1. **D**EGRADATVS Clericus (quod fit ob crimen grauissimum) priuatus est executione Ordinis, & beneficio, & priuilegio Clericali: itaque potest per Iudicem secularem puniri; nec, qui eum percutit, est excommunicatus.

2. Degradatus, à solo Papa restituitur.

3. Non solet degradari nisi qui est in sacris: potest autem degradari quicumque in crimine aliquo est incorrigibilis.

DELECTATIO MOROSA, vide *Luxuria*, *Peccatum*.

DELEGATVS, vide *Gratia*.

1. **D**ELEGARE potest quilibet Ordinarius, id est habens potestatem ordinariam, & dare potestatem subdelegandi. Potest etiam delegare delegatus Principis, nisi ei committatur nudum ministerium,

rium, & non ipsa potestas; & subdelegatus delegati Papæ; itemque Vicarius Prioris seu Guardiani absentis, est enim velut Ordinarius; & Vicarius Episcopi generalis; denique is cui tacitè id concessit qui delegavit.

2. Potest Prælati delegare privilegium quod habet ratione officij absolvendi subditos, & cum eis dispensandi.

3. Delegatio non expirat delegante excommunicato, aut suspenso, nec ipso mortuo, si est data ad eius beneplacitum: alioqui & mortuo ipso & amoto expirat, nisi iam causa esset incepta.

4. Ante certificationem de reuocatione non expirat reuocata à delegante delegatio.

DELICTVM, vide *Crimen, Peccatum.*

DENVNCIATIO.

1. **D**ENVNCIARE iussus per edictum generale intra certum tempus, si non fecit, tenetur quàm primum potest, nisi post illum terminum sci-
uisset. Vide EXCOMMUNICATIO.

DEPOSITIO.

1. **D**EPOSITVS retinet privilegium Fori & Canonis. Vide EXCOMMUNICATIO.

2. Depositione digna sunt, stuprum, incestus, adulterium, & omnia adulterio maiora, (quin etiam cap. Peruenit, d. 59. indicat sufficere fornicationem) item furtum, periurium, homicidium, etiam solo consilio vel hortatione factū, & omne crimen inducens irregularitatē: denique quidvis enorme Iudicis arbitrio.

3. Depositus sine degradatione per Episcopum, ab eodem potest restitui. Quidam tamen addunt, nisi ob crimen sit depositus maius adulterio.

DE-

DEPOSITVM, vide *Commodatum*.

1. **D**EPOSITVM vel commodatum missum per hominem habitum fidelem ad dominum, ei perit: item si pereat apud depositarium, vel commodatarium, sine culpa ad illius interitum aliquo modo ordinata, aut si perinde apud dominum fuisset periturum.

2. Deposita apud te, vel commodata, causa solius deponentis, in periculo postponenda sunt tuis omnibus; si verò causa vtriusque, tuis æqualibus; si tua causa solum, tuis pretiosioribus. Offerre quidem aliena periculo pro tuis non potes; sed tua seruare neglectis, eo modo quo dictum est, potes, si ea cum tuis simul seruare non possis.

3. Ecclesia tenetur de deposito apud Sacristam, si iste deputatus erat ad custodiam depositorum, non autem si solum erat deputatus ad Sacristiæ custodiam.

4. Potest in conscientia & depositum & commodatum pro debito detineri, quicquid sit de Foro exteriori.

5. Pactum quòd depositarius de dolo non teneatur, non valet.

6. Depositum dandum fisco, si ei omnia deponentis bona sunt adiudicata, ait Nauar. Ego ei, qui deposuit, restituendum crediderim, quod ad Forum conscientiae attinet, nisi id Index prohibuisset.

7. Depositarius reddens depositum familiari deponentis liberatur; non liberatur autem si rem pretiosam dedit, leuiter credens signum aliquod afferenti.

8. Res usu consumptibilis deposita, fit mutuum simul ac depositarius vti incipit de voluntate deponentis.

D r.

DETRACTIO, vide *Contumelia*.

DIABOLVS.

1. **C**UM diabolo non licet colloqui, aut agere, nisi vt cum hoste: cum eo tamen colloqui in arreptitijs seu demoniacis vanè & curiosè, veniale solum peccatum est. Nec illicitum est ab eo aliquid interrogare, solum ad aliorum vtilitatem, modò absit societatis cum illo aut familiaritatis animus: nam amicitia cum eo quævis, mortale est peccatum.

DIMISSORIAE.

1. **D**IMISSORIAE litteræ validæ sunt etiam Episcopo mortuo.

2. Non possunt autem dari à Capitulo sede vacante, nisi post annum, aut si quis ob beneficium cogatur ordinari. *Ex Concil. Trid.*

DISCERE, vide *Fides*.

DISPENSATIO, vide *Confessor*, *Episcopus*, *Excommunicatio*, *Gratia*, *Iuramentum*, *Matrimonium*, *Ordo*, *Votum*.

1. **I**N dubio an res egeat dispensatione, potest Episcopus declarare non egere, vel ad cautelam dispensare, secundum quorundam probabilem sententiam. +

2. Cum subest causa dispensandi, videtur peccare Prælatus, qui potest, si non dispenser.

3. Data facultas dispensandi, intelligitur si sit causa legitima.

D

4. Ad

DEPOSITVM, vide *Commodatum*.

1. **D**EPOSITVM vel commodatum missum per hominem habitum fidelem ad dominum, ei perit : item si pereat apud depositarium, vel commodatarium, sine culpa ad illius interitum aliquo modo ordinata, aut si perinde apud dominum fuisset periturum.

2. Deposita apud te, vel commodata, causa solius deponentis, in periculo postponenda sunt tuis omnibus ; si verò causa vtriusque, tuis æqualibus ; si tua causa solum, tuis pretiosioribus. Offerre quidem aliena periculo pro tuis non potes, sed tua seruare neglectis, eo modo quo dictum est, potes, si ea cum tuis simul seruare non possis.

3. Ecclesia tenetur de deposito apud Sacristam, si iste deputatus erat ad custodiam depositorum, non autem si solum erat deputatus ad Sacristiæ custodiam.

4. Potest in conscientia & depositum & commodatum pro debito detineri, quicquid sit de Foro exteriori.

5. Pactum quòd depositarius de dolo non teneatur, non valet.

6. Depositum dandum fisco, si ei omnia deponentis bona sunt adiudicata, ait Nauar. Ego ei, qui deposuit, restituendum crediderim, quod ad Forum conscientiæ attinet, nisi id Index prohibuisset.

7. Depositarius reddens depositum familiari deponentis liberatur ; non liberatur autem si rem pretiosam dedit, leuiter credens signum aliquod afferenti.

8. Res vsu consumptibilis deposita, fit mutuum simul ac depositarius vti incipit de voluntate deponentis.

DETRACTIO, vide *Contumelia*.

DIABOLVS.

1. **C**UM diabolo non licet colloqui, aut agere, nisi ut cum hoste: cum eo tamen colloqui in arreptitijs seu demoniacis vanè & curiosè, veniale solum peccatum est. Nec illicitum est ab eo aliquid interrogare, solum ad aliorum vtilitatem, modò absit societatis cum illo aut familiaritatis animus: nam amicitia cum eo quavis, mortale est peccatum.

DIMISSORIAE.

1. **D**IMISSORIAE litterae validae sunt etiam Episcopo mortuo.
2. Non possunt autem dari à Capitulo sede vacante, nisi post annum, aut si quis ob beneficium cogatur ordinari. *Ex Concil. Trid.*

DISCERE, vide *Fides*.

DISPENSATIO, vide *Confessor*, *Episcopus*, *Excommunicatio*, *Gratia*, *Iuramentum*, *Matrimonium*, *Ordo*, *Votum*.

1. **I**N dubio an res egeat dispensatione, potest Episcopus declarare non egere, vel ad cautelam dispensare, secundum quorundam probabilem sententiam.
2. Cum subest causa dispensandi, videtur peccare Praelatus, qui potest, si non dispenfer.
3. Data facultas dispensandi, intelligitur si sit causa legitima.

D

4. Ad

4. Ad dispensandum sufficit putari causam esse rationabilem.

5. Quod *Seff. 22. Trid. Conc. ca. 5.* dicitur, non valere dispensationem Papæ usque ad notitiam Ordinarij, intelligo de data in Foro exteriori.

6. Gratia seu potestas dispensandi non expirat morte concedentis: at mandatum seu commissio particularis cum aliquo dispensandi, expirat si res est integra, ut quidam aiunt. At ego puto cum alijs, cui data est potestas dispensandi cum aliquo, quia gratia quædam est, non expirare: quin etiamsi Episcopo data sit, illo mortuo manere in Capitulo.

7. Dispensandi potestas est fauorabilis, & extendenda, (quamvis ipsa dispensatio sit odiosa, quia contra Ius) adeoque extenditur ad casum in quo eadem ratio, aut maior. Itaque qui potest in affinitate, potest in publica honestate, si fortè, cum data est facultas, errore putabatur esse affinitatis impedimentum, cum esset publicæ honestatis. Non tamen ideo absolute, qui potest in maius, potest in minus, nisi in casu, ut dictum est, ex præsumpta concedentis voluntate; quod præsumi potest, cum rationabile est. Qui autem potest legitimare natum ex adulterio, potest etiam si sit simul ex incestu natus: in materia enim fauorabili veniunt mista sub simplici.

8. Qui facit scienter id ubi est opus dispensatione, censetur dispensare, si potest: ut cum Prælatus dat licentiam ad id quod non potest sine eius dispensatione fieri.

9. Episcopus potest dispensare in ijs, in quibus homines sæpe indigent dispensatione, ut ieiunijs, festis, & eiusmodi à Iure seu lege Papæ prohibitis: item cum materia est levis.

10. Dispensatio valet, etiam tacito eo, quod si fuisset expressum, fuisset quidem dispensatum, etsi non tam facile: & regulariter, quod lex non iubet exprimi, si taceatur, non nocet. nocet tamen, secundum

Nauar.

Natur., tacere fraudem factam ad impetrandum, facilius dispensationem. Itaque valet dispensatio super cognatione, etiam tacito quod se carnaliter cognouerunt: & idem est, si post impetratam, sed nondum datam per eum cui fuerat commissa, se cognouerunt, & isti interroganti iurarunt se non cognouisse; non enim tenentur ei occultum peccatum proderi. Quod si Papa dixit, Dispensetur, nisi prius copulam habuerint; intelligitur si id constet legitime in Foro exteriori, de quo non tenetur reus fateri, nisi iuridice interrogatus, scilicet post sufficientia indicia. Atque hæc intellige de dispensatione in Foro exteriori; nam in interiori fatendum est Confessori quod Papa vult.

11. Cum in supplicationibus aut dispensationibus dicitur, Fortè; ex stylo Curia perinde est, ac si affirmaretur.

12. Ad dispensandum sufficiunt quauis verba cum intentione dispensandi.

13. Dispensatio illegitimi ad Ordines, non intelligitur de factis: nec, si est ad beneficium, intelligitur de Curato; & si ad Curatum, non ideo ad dignitatem. Quidam tamen dicunt, talem promoueri posse ad beneficium quod datur per electionem. Quod si est ad beneficium prius dispensatus, & postea petit dispensationem super pluralitate, debet dicere se illegitimum: idemque dic de irregulari; debet enim id exprimere in secunda dispensationis petitione.

14. Qui dispensatur ad Ordines, potest Simplex beneficium accipere.

15. Dispensatus ad certum beneficium, si id sine sua culpa non obtinet, potest virtute illius dispensationis aliud obtinere.

16. Potest peti dispensatio super vno impedimento publico vel occulto, tacito alio publico vel occulto in posterum dispensando.

27. Principem dispensare sine causa in lege sua, non est mortale peccatum, si absit scandalum.

D I S P U T A T I O, vide *Fides*.

D I V O R T I V M, vide *Debitum coniugale*,
Dos, *Matrimonium*.

1. **P**OSSUNT coniuges etiam habitatione separari, ob corporis aut animæ periculum, & propter alterius pertinacem hæresim, vel adulterium, vel Sodomiam, vel pollutionem cum aliquo extraordinariam, etiam si cum coniuge inuita. Quod si est occulta causa, & alioqui scandalosa separatio, opus est ad eam Superioris auctoritate, non autem ad separationem thori.

2. Post diuortium, innocens non tenetur alteri etiam emendato reconciliari, (tenetur autem ei volenti alter) sed potest ordinari, vel fieri Religiosus. Quidam tamen putant adulterantem post diuortium debere adulteram reuocare, sed alij id negant probabilius.

3. Sufficit ad separationem suspicio de adulterio adeò vehemens, ut pro certitudine habeatur.

4. Vxore consentiente, & votum continentiz omittente, potest vir Sacerdos fieri: quod tamen, nisi illa senex sit, faciendum non videtur.

5. Potest, secundum quosdam, vxor discedere à viro nolente desistere à furtis, aut vsuris: quod ego non facile admiserim.

6. Adulteram non tenetur vir dimittere, si absit scandalum ex retentione. Quod si ipse etiam adulter est, non potest dimittere, nisi fortè ipse sit emendatus, & illa impœnitens Vxor verò nunquam tenetur adulterum virum dimittere.

7. Quidam putant petentem debitum ab adultera censeri

transferi reconciliatum; at potest id sine animo reconciliationis fieri.

8. Non potest discedi à coniuge amente, nisi ob periculum vitæ.

9. Potest coniux à coniuge ad tempus separari, ad illius correctionem.

10. Non potest dimittere qui dedit adulterandi occasionem, aut scit factum sine culpa coniugis.

11. In adulterio notorio perditur dos, & donatio propter nuptias: (de paraphernalibus alij aiunt, alij negant: sed id Iudex viderit; requiritur enim eius sententia) redduntur autem omnia post reconciliationem; at adultera mortua, ei ad quem eius morte pertinebant. Sed de ijs Iureconsulti censeant. Notorium autem dicitur adulterium, si deprehendantur in eodem lecto, aut (secundum quosdam) se occultè inuicem osculari.

12. Facto diuorrio, filij partem innocentem sequuntur, de Iure Ciuili.

DOCERE. DOCTOR.

1. **D**OCTVRVS etiam Grammaticam, debet prius facere fidei professionem, iuxta Bullam *Pij Quinti*: itemque promouendus ad gradum aliquem, aut Rectoris aut Cancellarij officium.

2. Qui sciens se non esse idoneum, gradum Doctoris aut Licentiati petit in Theologia, aut Iure, aut Medicina, mortaliter peccat; & qui scienter admittit.

3. Gradus datus apertè sufficienti, sine examine, aut alio requisito, validus est, potestque talis licite vti.

4. Docturus scripturam Regularis extra Claustrum, prius est per Ordinarium approbandus. *Ex Conc. Trid.*

5. Pro licentia docendi non potest aliquid exigi. *Vide ca. 1. 2. & 3. de Magistris.*

6. Et Presbyter, & beneficiatus, possunt doctoram in Iure Ciuili.

7. Doctorare, seu gradum Doctoratus dare, posse Episcopum de Iure communi; quidam aiunt, alij negant; quod ego magis probo.

8. Ordo dignitatis Doctorum iste est, Theologus, Canonista, Legista, Medicus.

DOLVS, vide *Culpa*.

1. **D**OLVS est cum voluntate nocendi, scilicet machinatio fallax.

2. Lata culpa in conscientia non habetur pro dolo.

3. Dolo procurans delictum, non potest tenere prouenientia sibi ex illo per aliquod statutum.

DOMICILIVM, vide *Confessor, Parochus*.

1. **D**OMICILIVM alicuius est, ubi familia eius vel habitatio cum intentione manendi; Clerici autem, ubi residentia. Quod si in duobus beneficijs æqualiter residet, utrobique est domicilium.

2. Qui æqualiter aut fere æqualiter in duobus locis habitat, in utroque habet domicilium.

3. Domicilium sibi quisque potest eligere post pubertatem.

4. Scholastici, etsi non habent domicilium in loco studij, tamen possunt ab illo Episcopo absolui, & dispensari, ut subditi, non autem ordinari.

DOMINIVM, DOMINVS, vide *Princeps, Seruus*.

1. **D**OMINVS tenetur de damnis, quæ, cum posset, non impediuit in suo dominio.

2. Non tenetur dominus famulum ob peccatum, dome

domo eijcere, nisi fortè id necessarium sit ad peccatum illud vitandum.

3. Quòd solent quidam Nobiles pueris famulis dare solum victum & vestitum, licitum est.

4. Potest dominus in domibus subditorum dare hospitium externis per aliquot dies, modò id faciat suis expensis. Potest & solus hospitium, & furnum publicum, si velit, habere.

5. Etsi quisque dominus est honoris sui & famæ, non licet tamen hæc sine causa negligere.

6. Dominium rei, quæ nullius fuit, non acquiritur sine apprehensione: sufficit autem in rebus spiritualibus habere titulum.

DOMVS ; vide *Conductio*.

1. **C**ONCESSA alicui domus habitatione, intelligitur etiam concessum ut possit locare, nisi solus usus concedatur. *Vide Inst. de usu & habit.*

DONATIO, vide *Alienatio*, *Contractus*,
Dos, *Iuramentum*.

1. **D**ONATIO quantacunque valet in Foro conscientia: & leges prohibentes certam summam, intelliguntur in Foro exteriori.

2. Donatio facta in fraudem, modò vera sit, tenet, donec per Iudicem reuocetur.

3. Collatio beneficij non dicitur donatio, nec ob ingratitudinem reuocatur.

4. Donatio facta per metum ad id incussum, non valet, nisi iuramento firmetur. Tenetur quidem talia dare, quia iuravit; sed alter tenetur ei restituere, quia dare per metum coëgit.

5. Donatum Monasterio reuocatur usque ad legitimam, si postea filij nascentur, etiamsi sit iuratum, non reuocandum; non enim de filijs cogitavit: nec

confirmatur si postea moriantur; extincta enim est actio. Idemque dicendum de donatione facta alijs, si non sit remuneratoria.

6. Donatio facta coniugi valet, si fiat ob causam piam, vel honestam, aut si donans non sit sic pauperior, (non fit autem qui non acquirit cum possit) aut accipiens non sit ditior, aut sit remuneratoria, aut fiat in tempus soluti matrimonij, aut causa mortis, aut condonando promissam dotem, aut sit confirmata iuramento de non reuocando, aut post rem datam donans moriatur, aut profiteatur in Religione nihil possidente.

7. Non dicitur donare, qui alicuius necessitati subuenit: itaque potest vir pro vxore soluere vectigal; & vestes quotidianæ vel lugubres datæ à viro, statim fiunt vxoris.

8. Donatio inter sponso de futuro valet, nisi fiat in tempus futuri matrimonij; tunc enim potest reuocari.

9. Donatio vxori à consanguineis viri, viri esse quidam dicunt: ego puto vxoris esse in Foro conscientia, si absolute ipsi data sunt, vt ipsius essent.

10. Donatio propter nuptias, scilicet facta à sponso dum contrahitur aut quasi contrahitur matrimonium, soluto matrimonio, ad virum redit, cuius etiam fructus sunt illo durante.

11. Donatio patris valet in casibus, in quibus coniugis donatio valida est.

12. Donatio matris, aut auia, aut aui materni valet.

13. Pater potest donare filio propter nuptias, & eunti ad bellum, & emancipato, & remunerando, & ad alimenta, & ad honorem acquirendum, & studij causa, & vsumfructum bonorum filij ipsius, & in casibus de quibus supra.

14. Donatio patris conualescit emancipatione; itemque patris morte: itaque fructus percepti à tempore donationis sunt filij.

15. Dona-

15. Donatio aui censetur aduentitia, & nepoti acquiritur.

16. Donatio, etiam cum scriptura & testibus, potest ante acceptationem reuocari: (potest verò Notarius pro absente acceptare, & donatum pro causa piquisque) oportet verò vt donans indicet absenti, & non sufficit si alius id faciat sine eius mandato. Quod si ille præsens tacet, censetur acceptare.

17. Non est inualida donatio omnium bonorum, si intelligatur præsentium, nec adiungendo etiam futurorum, si fiat causa pietatis, aut sibi aliquid reseruando, aut causa dotis, aut causa mortis, aut iuramento vel morte firmetur.

18. Donatio causa mortis potest reuocari poenitentia, aut pramortuo donatario, nisi esset iuratum aut promissum non reuocandam.

19. Donatio, nisi fiat causa mortis, censetur facta inter viuos, nec reuocatur nisi ob ingratitudinem donatarij.

20. Donans cum pacto vt post mortem det Ecclesie, potest tollere postea illud pactum.

21. Mandatum donandi expirare morte mandantis, ait Couar. Ego nonnihil dubito, est enim res fauorabilis, & gratia quædam. Vide MANDATVM.

22. Prohibitus donare vltra certam summam, poterit donare causa remunerationis, aut gratitudinis, aut eleemosynæ, etiamsi per id minuatur legitima filiorum; secundum Nauar.

23. Donatum simulanti ad id sanctitatem, aut paupertatem, restituendum esse, alij aiunt, alij negant. Quidam dicunt, si magna summa per fictionem accepta est, restituendam, quia contra donantis intentionem accepta: quod ego verum puto.

24. Datum per modum disponendi ad aliquid, vt ad Religionem, vel alium statum, etiamsi id non fiat, potest retineri.

25. Potest Rex donationem præcessoris, aut suam,

si regnum insigniter seu enormiter ladat, reuocare.

26. Si quis tibi dicat, Do tibi talem agrum, qui est viginti iugerum, tuum erit, etiamsi sit plurium.

27. Donatum cum pacto quod non possit alienari, potest secundum quosdam alienari, si donans nullum sibi aut alteri ius in ea re reseruauit: quod mihi non improbat.

28. Filius-familias potest donare ea in quibus pater non habet vsumfructum: itemque patre consentiente causa mortis donare.

DOS, PARAPHERNALIA, vide *Diuortium*, *Hæreditas*, *Matrimonium*, *Parentes*.

I. MATREM filij non tenentur dotare, filiam tenetur pater, & indigentem etiam auus paternus, & frater ex eodem patre. Qui autem dedit filijs legitimam, non tenetur eis vel eorum filijs dotem dare: & si auus det dotem, computabitur nepotibus in legitimam.

2. Pater filiam tenetur iterum dotare, si illa, etiam ex culpa, dotem perdiderit: succedit enim dos loco alimentorum.

3. Acceptam sine dote tenetur vir alere. Quod si dos promissa non soluitur, non tenetur in domum accipere, aut alere: non potest tamen ea de causa domo pelli, si ipsa sine culpa est; nec ei potest debitum coniugale negari.

4. Fructus dotis vsque ad mortem vxoris sunt viri: quod verò superest, à viro restituendum, nisi modicum sit. Nec tenetur restituere fructus paraphernalium, id est bonorum quæ sibi vxor præter dotem reseruat, si vel modici sint, vel de illius voluntate consumpti; nec bona vtrique communia, etiam à se male consumpta.

5. Mortua vxore ante consummatum matrimonium,
non

non lucratur ex statuto vir partem dotis : cùm autem lucratur, debet illam relinquere filiis illius vxoris, si aliam ducat. Sufficit autem ad lucrandum statutum domicilij viri, etiam si aliud sit in statuto loci ubi contractum est.

6. Dos potest repeti, vel non reddi, viro bannito, vel ad inopiam vergenti, vel eam dissipanti.

7. Pactum filie nubentis, quod contenta sola dote, renunciat bona patris reliqua, non valet sine iuramento. *Vide ca. 2. de pactis, lib. 6.*

8. Non potest alienari dos, aut donatio propter nuptias, sine iuramento vxoris, facto sine vi & dolo.

9. Occidens vxorem, non acquirit bona quæ alioqui ex morte eius habuisset; itemque si eius culpa vxor obeat; sed habebunt ea vxoris hæredes. Perdit & vxor lucrum, virum occidens. *Vide l. Si ab hostibus, ff. Sol. matr.*

10. Occidens adulteram propria auctoritate, perdit bona quæ alioqui ob adulterium haberet.

11. Non potest vxor de dotis fructibus, aut bonis sibi cum viro communibus, donare sine viri cōsensu.

12. Tota dos reddenda, etiam si vir eius causa multa expendisset.

13. Acquisitum ex pecunia vtrique communi, inter vtrumque diuidendum.

14. Pro dote omnia viri bona hypothecata, & paraphernalibus quæ ipse administrat, & pro donatis ob nuptias: sed solam dotem habere priuilegium prælationis, quidam aiunt; alij, habere etiam donata propter nuptias.

15. Dos præfertur omnibus creditoribus, etiam prioribus, nisi petatur dos præcedens, aut illi habeant expressam hypothecam. *Tolet. l. 5. c. 25. Nau. c. 17. n. 50. Anton. Tract. de restit. c. 2. Quidam tamen doctissimi nec id excipiunt, nisi sit consuetudo. Angel. Dos, §. 11. Per. Nau. l. 4. c. ultimo, n. 53. Modos, dos tempore præcesserit hypothecationem. At fiscus præ-*

cedens præfertur doti. In dubio autem præcedentia alij volunt fiscum præferri, alij dotem; quod magis probo.

16. Actio hypothecaria pro dote, valet à tempore quo promissa est: quidam tamen dicunt oportere fuisse viro numeratam.

17. Vidua pauper alenda ab hæredibus viri, intra annum quo non coguntur dotem soluere: sed statim ei reddenda sua immobilia, & vestes lugubres; quas tamen restituet, si intra annum nubat; nec aletur, si potest à secundo viro ali. Quòd si est statutum ut certum quid detur viduæ usque ad dotis solutionem, seruandum est.

18. Cùm dos promissa non datur, potest interim & vir & dotis hæredes frui pignoris fructibus, etiam si excedant onera matrimonij, & fructus dotis; itemque vidua ipsa, & quilibet cui debetur ea dos, etiam si ad solutionem eius dilatio data esset, & etiam si talis onera matrimonij non sustineat. Potest verò loco fructuum tantundem accipere pecuniæ, vel quantum potuisset ex dotis fructibus percipi. *Bañez 2. 2. q. 78. a. 2. Mercadol. 5. o. 3. Med. cod. de usu. q. 2.*

D V B I V M.

1. **D**VBIVM est, cùm neutri parti assentiris, quòd pro vtraque sint rationes: scrupulus verò est, cùm opinaris quidem, sed cum formidine. Est in opinione assensus, qui deest in dubio; in scrupulo verò est apparentia quædam.

2. Ad votum aut præceptum non teneris, dum pro vtraque parte æqualiter dubitas. *Barth. Med. l. 1. Sum. a. 13. §. 7. Colligitur ex Valen. to. 3. disp. 6. q. 6. p. 4.*

3. Potest quis facere quod probabili ratione vel auctoritate putat licere, etiam si oppositum tutius sit: sufficit autem opinio alicuius grauis Doctoris, aut bonorum exemplum.

4. Scrup.

4. Scrupulus deponendus consilio docti viri, aut ratione probabili, aut cùm dubitatur an sit scrupulus.

5. Scrupulosus ne confiteatur, nisi quę potest iurare & fuisse peccata mortalia, & se nunquam illa fuisse confessum.

6. In dubio de Baptismo, Confirmatione, Ordine, aut consecratione, putandum deesse, nisi dubitetur de mortui Baptismo; in matrimonio verò putandum in dubio esse.

D V E L L V M , vide *Excommunicatio*.

1. **D** V E L L V M à Principe concedi non potest, sed ex causa tolerari potest.

2. Duellum cum accusatore licet ei qui alioqui vita vel membro priuandus sit: item Duci inique oppugnato, qui alioqui victoriam desperat: & militibus exercitus vtriusque, ne hostes alioqui fiant audaciores: item præcipiente Superiore ob bonum commune: item duobus ad mortem damnatis; fit enim tunc vterque minister iustitię: item ei qui alioqui ab altero est occidendus; (est enim velut tunc vitam defendere) etsi id quidam negant.

D 7

E B R I E



E B R I E T A S .

2. **M**ORTALE est se ebrietatis periculo committere, item alium scienter inebriare: non est autem tale, vendere scienter vinum se inebriare volenti, etsi id quidam affirmant.

ECCLESIA, vide *Alienatio*, *Consecratio*, *Festum*, *Gabella*, *Sacra*.

1. **ECCLESIAE** nomine non venit Monasterium, nisi in materia fauorabili: in qua venit etiam Hospitale factum auctoritate Episcopi: & venit etiam nomine Monasterij Ecclesia secularis.

2. Ecclesiae diruta materiam non posse conuerti in vsus profanos, sine Papae licentia, aiunt quidam: ego Episcopi puto sufficere.

3. Licet in Ecclesia in necessitate & comedere, & reponere suppellectilem, & dormire. Quod si absit necessitas, veniale peccatum est.

4. Non licet in Ecclesia secularia negotia, aut iudicia, nec publicae conuocationes, nisi causa pietatis: licet autem Ecclesiasticae causae, & honestae representationes, & dare gradum Doctoratus.

5. Ecclesiae non potest nocere Praelatus in quæsitis, sed in quarendis.

6. Ecclesiae oeconomus in temporalibus potest esse laicus.

7. Ecclesiae rem posse Rectorem obligare pro illius vel sua necessitate, tenerique successorem, probabiliter quidam dicunt: itemque posse vendere rem Ecclesiae pro huius debitis soluendis. Nec hæc putanda pro-

pro-

prohibita alienatio, cum sit incipientem eius utilitatem.

8. Patronum Ecclesie facit eius ædificatio, vel donatio.

9. Ad reparationem Ecclesie non tenentur laici. *Ex Glo. ca. Quatuor, 12. q. 2.*

10. Ecclesia, quam minantem ruinam populus non vult reparare, diruenda. *Ex Cong. Concil.*

11. Privilegia omnia concessa Reip. censentur concessa Ecclesijs.

12. Contra Ecclesiasticam libertatem facit, qui violat concessa Ecclesie vniuersali, non autem si tantum concessa particulari Ecclesie violat.

13. Polluitur Ecclesia, sic ut indigeat reconciliatione per nouam benedictionem, primò effusione sanguinis per iniuriam, quæ sit peccatum mortale, factam homini, etiam mortuo, in Ecclesia ipsa existenti, (secus autem est si supra eam sit, aut subtus, aut extra portam) sufficit verò ibi esse inflictum vulnus, etiam si sanguis extra Ecclesiam effluat, aut ille sine sanguinis effusione intereat. Non polluitur autem per sententiam sanguinis ibi latam, aut si locus non sit sacer per benedictionem, etiam si in eo soleat Missa celebrari, ut solet in Oratorio per Episcopum designato. Polluitur verò Ecclesia suspensio in ea per Iudicem reo, non autem si percutiatur; verbi gratia, Reip. perturbator, qui aliter capi non potest: nec, secundum quosdam, si quis alteri nares percutiat, unde multus sanguis effluat; quia non est grauis percussio, nec insignis iniuria.

14. Secundò, effusione magna seminis viri, vel femine, si fiat cum peccato mortali.

15. Terriò, sepulto in ea excommunicato denunciato.

16. Quartò, sepulto in ea infideli: & tunc radendi etiam parietes, nisi Ecclesia esset consecrata.

17. Quintò, si est per Episcopum denunciatum.

EXCOMM.

excommunicatum consecrata, vel benedicta. Quòd si benedixit cœmiterium, aut altare consecranit, nec in hoc celebrandum, nec in illo ante reconciliationem sepeliendum.

18. Sextò, si maior pars parietum simul corruat.

19. Nota tamen, quòd in prædictis oportet factum esse notorium, per rei evidentiam publicam, aut confessionem iuridicam rei. Itaque si pauci sciunt, nec rem diuulgant, non est opus reconciliatione: nec etiam si quis bona fide in ea celebrauit, id enim sufficit pro reconciliatione: imò etiam si mala fide celebrasset; etsi quidam negent, dicentes posse Episcopum (vel eius absentis Vicarium) si est impeditus, dare licentiam celebrandi, donec ipse reconciliet. At ego, vt dixi, satis magnam puto cum alijs esse reconciliationem seu benedictionē ipsam celebrationem.

20. Si Ecclesia erat consecrata, reconcilianda est per Episcopum, aqua per Episcopum benedicta, scilicet cum sale, vino, & cinere; vel per Presbyterum de Episcopi commissione. Quòd si non erat consecrata, reconciliare potest Presbyter aqua per ipsum benedicta simpliciter, scilicet sine cinere & vino. Credendum autem esse consecratam, si vnus testis affirmet, aut extent consecrationis signa.

21. Ante reconciliationem Ecclesię in ea celebrans, nec suspensus fit, nec irregularis.

22. Polluta Ecclesia, polluitur & cœmiterium coniunctum, non autem contrà; & illa reconciliata, reconciliatum est.

23. Polluto cœmiterio, non polluitur ei alterum contiguū. Quòd si pollutio fiat in porta vtrique comuni, illud polluitur, cui pars illa vicinior. Quòd si in medio est, illud polluitur, cuius præcipuè causa porta est facta. In dubio autem, cuius causa, quidam dicunt vtrumque pollui, ego neutrum dicerem: si enim cum certum est alterum esse pollutum, alterum non polluitur, quanto minùs cum dubium est?

ECCLESIAE IMMVNITAS, vide Ecclesia.

1. GAUDET immunitate etiam Palatium Episcopi, & Hospitale Oratoriumque Episcopi auctoritate fundata, & cœmeterium, & Monasterium, & Corpus Christi cum aliò quàm ad carcerem portatur. Gaudebant & olim quadraginta aut triginta passus circa Ecclesiam, sed id iam non est in usu.

2. Non gaudent immunitate enormia in Ecclesia aut cœmeterio patrantes, nec publici latrones, nec raptores virginum.

3. Agrorum depopulatores, vel proditoriè occidentes, vel assassini, vel grassatores viarum, vel hæretici, vel rei laxa maiestatis in Principem, tradendi sunt de licentia Episcopi Curia seculari, ex Ecclesia extracti, nec in eo vllum est periculum irregularitatis. Ex Bulla Greg. 14.

4. Gaudere infideles alij aiunt, alij negant: sunt & qui negant gaudere blasphemos, aut fures, aut mercatores qui decoxerunt, vulgò falliti, aut qui per Ecclesiam ducuntur in carcerem à satellitibus, aut qui prope Ecclesiam delinquant spe immunitatis, aut Clericos, aut Religiosos. Certè solent Clerici auelli inde à Iudice Ecclesiastico, quod tamen quidam improbant.

5. Serui, præstita eis cautione de impunitate à dominis, his reddi solent.

6. Manu apprehendens Ecclesiae portam, aut vestem, non est auellendus.

7. Non violat immunitatem Ecclesiae qui inde volentem extrahit, nec Iudex qui non gaudentem immunitate inde vi extrahit, aut gaudenti ibi arma aufert, & alia lege prohibita.

8. Confugientem ad Ecclesiam, & egentem, ipsa alit.

aliter. Non potest autem Iudex prohibere quin ad ipsum cibus deferatur.

ECCLESIASTICVS, vide *Clericus*,
Ecclesia.

1. **ECCLESIASTICAE** personæ dicuntur, quicumque sunt Fori Ecclesiastici, etiamsi non sint Clerici.

2. Ecclesiasticus potest præsidere ciuibus civiliter.

ELECTIO, vide *Beneficium*, *Religio*.

1. **ELIGERE** non potest nec excommunicatus, nec suspensus ab officio, nec irregularis, nec impubes.

2. Eligi non potest excommunicatus, aut suspensus, aut interdictus, aut ineptus.

3. Non potest eligi in Prælatum Religionis, qui non sit in ea professus.

4. Non vocati ad electionem cum deberent, possunt eam & irritare, & ratam habere. Quod si vocati non veniunt intra terminum competentem, non sunt expectandi.

5. Electio, si adsit eligentium consensus, etiamsi desint iurispositivi solemnitates, tenet in conscientia, nisi lex expressè dicat ne valeat. Quod si dicat ut ipso iure irrita sit, expectanda sententia iudicis.

6. Electio noctu facta, secundum, iura non valet.

7. Eligens indignum, tenetur Ecclesiae læsæ. *Pedraz. Trac. 7. d. 36. Mercad. l. 6. c. 17. Valent. to. 3. disp. 5. q. 7. p. 2.*

8. Peccat qui non eligit aut non præsentat aptiorem: sed non tenetur restituere, si eligit aut præsentat aptum. *Sylu. Acceptio person. §. 4. caret. lent. 12. q. 4. Nau. c. 17. n. 70.* Quod si in Prælatum non eligit, cum possit,

possit, aptiorem, peccat mortaliter. Confirmatori tamen sufficit quod electus sit dignus: imò debet à maiore parte electum confirmare, etiamsi à minore electus, sit dignior.

9. Si tuum suffragium non est profuturum eligendo digniori, potes & debes eligere dignum, ne eligatur indignus; non potes autem eligere indignum, ne eligatur indignior: potes verò ex duobus æquè dignis eligere vtrum malis.

10. Electio Iure communi ad Collegium pertinere potest autem quilibet de Collegio eligentium, si ipse eligatur ab alijs, numerum deficientem suo suffragio supplere, etiam ad Papatum. Nemo tamen, si solus sit, potest eligere seipsum, etiamsi in ep solo manserit Ius Collegij.

11. Elector absens legitimè, potest constituere Procuratorem, qui tamen sit de Collegio; sed non potest per litteras mittere suum suffragium.

12. Electus non potest dissentire sine peccato, si illi à Superiore præcipitur, aut alioqui sequitur notabile Ecclesie damnum.

13. Licitum est statutum vt electio fiat de certo hominum genere. Quòd si illi digni non sunt, possunt eligi alij, alioqui iniquum esset statutum.

E L E E M O S Y N A, vide *Charitas, Donatio, Furtum.*

1. **E**L E E M O S Y N A debetur ex præcepto pauperi existenti in extrema necessitate, ab eo qui potest subuenire sine periculo talis suæ aut suorum necessitatis: item ei qui grauem patitur necessitatem, ab eo qui sine magno suo & suorum damno potest ei subuenire. Dicitur autem extrema necessitas, cum quis, nisi succurratur, est moriturus.

2. Cum inter Doctores non conueniar quando peccet mortaliter qui non facit eleemosynam, non facile

eilè condemnandi diuites qui non faciunt , monendi tamen vt faciant quantas maximè possint, ne illis dicatur in die iudicij, ob omillas eleemosynas, *Ite* maledicti in ignem æternum. & illud S. Ioannis eis inculcandum : Qui viderit fratrem suum necessitatem habere, & clauferit viscera sua ab eo, quomodo charitas Dei manet in illo?

3. Grauius peccant seculares, qui, cùm possint commodè, egentibus non subueniunt; sed grauius Ecclesiastici, qui superflua honesta sustentationi non dant pauperibus, qui nunquam deficiunt.

4. Nemo tenetur magnam summam pecuniæ dare pauperi ad emendam necessariam quidem ei medicinam, sed exquisitissimam, adeoque magni pretij: sufficit enim illi adhibere communia remedia.

5. Nemo tenetur pro pauperis vita totum suum statum expendere, si maius id damnum sit quàm illius mors.

6. Non teneris ad longè absentem, de cuius extrema necessitate audiisti, ire, vt ei succurras: sufficit enim presentibus necessitatibus subuenire.

7. Qui potest, tenetur subuenire pauperi alioquin ob inopiam peccaturo.

8. Qui non potest ex suo subuenire extrema patienti, potest ad id alienum rapere, nec id postea tenebitur restituere. Posse verò grauius indigentem rapere alienam non magni momenti rem, dicunt quidam, nec improbabiler. *Vide FURTVM.*

9. Ex auaritia nolenti sibi prouidere, cùm possit, non tenentur alij prouidere; non enim indiget.

10. Extremè patienti sufficit mutuum dare, si ille habet vnde restituat.

11. Ele-

11. Eleemosynam potest dare maritata, etiam viro prohibente, si est consuetudo ut tales dent. Item si vir absit, potest dare quantum ille praesens dare solebat. Potest & de paraphernalibus bonis dare, & de rebus sibi à viro ad victum assignatis, & de lucro sua industria acquisito, ad quam alioqui non tenebatur, & pro viri salute, & cum ipsa familiam gubernat, & cum occurrit necessitas cui vir tenetur subuenire.

12. Potest & Religiosus ex datis sibi ad sustentationem, & cum credit id Praelato placere, eleemosynam dare: Praelatus verò potest, quia bona administrat.

13. Potest & filius-familias ex peculio Castrensi, aut quasi Castrensi, & ex datis sibi à patre ad sui sustentationem.

14. Potest & seruus cum credit domino placere, aut si res est modica, aut eiusmodi quae sine notabili domini damno dari possit.

15. Potest & tutor & curator, quia pupilli bona administrant.

EMPHYTEVSIS, seu LIVELLVM, vide Feudum.

1. **E**MPHYTEVTA rem perdit, si non soluit per biennium debitam pensionem: sed opus est Iudicis condemnatione, qui nihil tamen facit nisi parte perente. Quidam tamen dicunt, posse dominum rem propria auctoritate accipere. Non perdit autem qui moram purgat soluendo statim, nec qui legitime impeditus non soluit: cum verò rem perdit, perdit etiam melioramenta quae fecit.

2. Qui vendit emphyteusim, debet dare laudemium domino id est tricessimam partem pretij: secus est si donet. Quòd si rem dimittit sine voluntate domini, non liberatur à pensionis solutione.

3. Cum

3. Cùm res perit, non soluitur pensio.
4. Emphyteusis Ecclesiæ non præsumitur data nisi in tertiam generationem: nec transit nisi in filios veros, quale non est Monasterium; nec in illegitimos. Aliæ autem emphyteuses datæ pro filiis, transcunt etiam in naturales.
5. Renunciens hæreditatem, non censetur renunciare emphyteusim.

I M P T I O, vide *Contractus*, *Debitum*, *Venditio*.

1. **L** I C I T E emis rem communi pretio, etiam si scias latere in ea aliquid valde pretiosum, ut in fasce herbarum, aut agro, aut domo.
2. Si quid minoris iusto pretio emptum est, solum restituendum quod defuit iusto pretio, non autem res ipsa, vel eius fructus.
3. Qui rem vendit sciens & volens pretio vilissimo, donare præsumitur quod deest iusto pretio.
4. Quæ communiter nisi anticipata solutione vendi non possunt, aut non solent, licite vilius emuntur, quàm valeant cùm dantur: illud enim quod pro talibus dari solet, iustum pretium reputatur. *Lopez c. 214. & dicit sic docuisse Viñt. Conar. l. 2. Variarum, c. 3. n. 6. Videtur Soti l. 6. q. 4. a. 1. Rosel. Vsuræ 2 §. 13. Modo, aut, potius velit venditor vendere iusto pretio numerata, quàm cum lucro credita. Licite etiam vilius emit, qui emit in gratiam venditoris, aut merces expositas à coacto aliqua necessitate.*
5. Caram venditionem tibi factam potes ante solutionem in alium transferre, volentem illud damnum pati.
6. Prohibetur Iure tutor emere rem pupilli.
7. Non solet emi Christianus bello captus, sed redimi.
8. Qui ab Ecclesia, aut minore, emit sine solemnitate Iuris, sed pretio iusto, licite possidet.

9. Res

9. Res duobus vendita, est secundi, si ei traditur, nisi prior emptor esset Ecclesia, vel ciuitas: teneatur tamen venditor priori emptori de interesse.

10. Non licet emere quod probabiliter putas esse alienum. Quod si postea vendis, teneris rei domino pretium dare.

11. Quod si bona fide alienum & emisti, & vendidisti, non teneris ei, aut emptori, nisi in quantum factus es locupletior. *Rosel. Restit. 7. §. 18. Nau. c. 17. n. 8.* Quidam tamen dicunt, emptorem debere seruari indemnum: alij, æquum esse ut tu & emptor singuli domino dimidium pretij soluantis.

12. Non tollit autem dubium superueniens antecedentem bonam in emendo fidem. *Colligitur ex Mol. 1. 2. to. 1. disp. 63. Rosel. Transcriptio, §. 12. Salon 2. 2. q. 5. a. 7.*

13. Emens à fure, potest ei rem, ne pretium amittat, restituere. *Pet. Nau. l. 3. n. 185. Salon sup. q. 62. a. 6. Lopez c. 95. Nau. c. 17. n. 8. 9. 29. & 84.* et si id quidam negant. Quod si emit ut restitueret domino, tenetur is ei pretium, quo emit, restituere.

14. Licitum est pactum in emptione, ut in retrouenditione plus detur pretij, si res plus valeat; itemque ut non redimatur ante aut post certum tempus: quod autem possit redimi utroque volente, et si quidam affirmant, ego tale pactum non ausim approbare.

15. Emptum ex Ecclesiæ pecunia ab administrante, Ecclesiæ acquiritur.

16. Cum dubium est quantum valiturum est tempore traditionis, quod emitur anticipata solutione, potest dari pretium medium inter duo extrema dubia. *Colligitur ex Couar. l. 2. Variar. c. 3. n. 6.*

E P I S C O P V S , vide *Absolutio*, *Beneficium*,
Confessor, *Consuetudo*, *Dispensatio*, *Electio*,
Exemptus, *Ius patronatus*, *Matrimonium*,
Princeps, *Religio*, *Residentia*, *Verbera*,
Votum.

1. **E**PISCOPATVM accipere potest quis à Papa
 cogi. *Vide Tho. 4. d. 29*

2. Qui ante Episcopatum fecit votum Religionis,
 teneri prius ingredi, indicatur *ca. 10. de voto*. Quidam
 tamen dicunt, casum illius cap. fuisse particularem,
 nec ceteros obligare: quod in hi probatur.

3. Episcopatus appeti potest ob Ecclesiæ necessita-
 tem vel utilitatem.

4. Episcopatum tenetur deponere, qui non est ad
 eum idoneus.

5. Respondet Episcopus, cùm creatur, se scire
 utrumque Testamentum, scilicet quantum est opus
 ad suum officium: & cùm fidem suam Deo in ordi-
 natione obstringit, velut votum quoddam facit: &
 quidem si non curet Canones servari, videtur esse
 periturus.

6. Ad Episcopatum requiruntur anni triginta com-
 pleti. *Ca. Cùm in cunctis, de elect.*

7. Oportet Episcopum esse doctorem, id est, po-
 pulum suum docere. Quòd si non prædicet ipse, da-
 bit suis sumptibus populo prædicatorem. Quòd si in
 Quadragesima dubium sit ad quem pertineant sum-
 ptus Prædicatoris; ad Episcopum pertinebunt. *Ex*
Congreg. Concilij.

8. Episcopus solum usque ad possessionem Episco-
 patus potest reliqua beneficia tenere; vacant enim
 per eius confirmationem: si tamen pauper est, pos-
 sunt ei ad sustentationem relinqui.

9. Nominis dignitatis in pœnalibus non compre-
 hendi-

henditur regulariter Episcopatus.

10. Episcopus non incurrit suspensionem Iuris, nec interdictum generale, nisi de eo fiat expressa mentio: secus est in Excommunicatione. Nec proceditur contra eum etiam in hæresi, nisi de Papa mandato.

11. Episcopus factus ex Monacho seu Religioso, solum tenetur ad tria vota, & habitum, non autem ad Religionis statuta, mutat autem obedientiam à Prælato in Papam, & de fructibus potest ut velit, modò honestè, disponere, & sibi relictam hæreditatem administrare: sed eam, nisi sit ex patrimonio, in morte relinquat suæ Ecclesiæ. Quòd si relinquat Episcopatum, non tenetur redire ad Religionem.

12. Cum ob senectutem, vel ægritudinem, coadiutorem sibi assumit, debet de consensu maioris partis Capituli id facere.

13. Episcopus grauitè peccat, si infamiam iniustam non studeat à se repellere, nisi velit Episcopatum deponere.

14. Episcopus si per alium visitat, debet ei providere de omnibus, excepto victu. Quòd si ipse per se visitet, habebit à populo solum victum dici quo visitat. At si per Diocesim discurret solum propter Christum, faciet id suis expensis. *Ex Congreg. Concilij.*

15. Potest Episcopus duas Ecclesias vnire, & vnā in duas diuidere, & vnā alteri subijcere, de consensu tamen habentium in eis aliquod ius; & commutare Ecclesias, earumque possessiones, & ius vnus Ecclesiæ alteri ex causa dare. Potest & vnire vnum beneficium alteri, non requisito consensu beneficiati, modò is fructibus non priuetur dum viuit, & adlit patroi consensus.

16. Potest celebrare & celebrari facere vbique tempore interdicti, cui ipse causam non dedit: quo priuilegio etiam gaudent multi Religiosi. *Vide de priuileg. cap. 30.*

17. Et instituere & regere ministros Ecclesiæ &

E

Ora-

Oratorij sua auctoritate aut alioqui Episcopali constructorum, & dotatorum, etiamsi id fundator prohibuisset.

18. Et dispensare, secundum quosdam, ad plura beneficia Simplicia; nec enim id prohibet Conc. Trid. *Vide BENEFICIUM.*

19. Et precipere Clerico, ut Romam eat pro causa Ecclesie; & Parocho, ne sine sua licentia absit ultra duos dies.

20. Et procedere contra quemcunque ob peccatum mortale, nisi esset iure permissum, ut meretricium; subduntur enim ei etiam laici quantum ad spiritualia: potestque eos cohibere à peccatis per pœnam pecuniariam, vel exilij, &c.

21. Et in necessitate exigere à Clero moderatū subsidium. *Vide gl. Clem. de excessibus Præl. & de censib. ca. 6.*

22. Et dare dimissorias ad Ordines, etiamsi sit solum Episcopus originis, vel beneficij. *Vide l. 6. de temp. Ord. ca. 3.*

23. Et imponere beneficio quod confert pensionem, ad alendum Clericum pauperem.

24. Et dicere ubique Missam in sua Diocesi, cum altari portatili, (& extra cum licentia Episcopi loci ubi receptum est Conc. Trid.) idque alijs etiam, ut possint, concedere ex causa.

25. Et commissa sibi à Papa etiam per verba, Oneram conscientiam tuam, alijs committere.

26. Et iudicare in causa Ecclesie sue.

27. Et absolvere ab Excommunicatione reservata, etiamsi sit casus Cane publicus, impeditum ne possit ire ad eum ad quem pertinebat Absolutio.

28. Et dispensare in omni inhabilitate ad beneficia, si Papa id sibi non reseruet specialiter.

29. Et absolvere exemptos, & cum eis dispensare, si illorum Prælatus ipsos ei subijcit.

30. Et cogere sub pœna Excommunicationis exhiberi sibi testamēta defunctorū, eaque exequenda curare.

31. Et

31. Et eligere sibi Confessorem, etiamsi renunciasset Episcopatus : sed tunc debet eligere approbatum à suo Episcopo.

32. Et testari de acquisitis propria industria, & de donatis sibi, & de patrimonio.

33. Et dare Confessorem extraordinarium Monialibus, etiam sibi non subiectis, ex alia Religione, vel seculari. Quòd si Monialis non potest induci ut suis Regularibus confiteatur, poterit ei dare quem ipse velit Confessorem ordinarium. *Ex Congregatione Concilij.*

34. Et absoluerè ab omni casu occulto, etiam Papæ reservato, & dispensare in omnibus irregularitatibus & suspensionibus, ex occulto delicto prouenientibus, excepto homicidio voluntario, & ijs quæ deducta sunt ad Forum contentiosum. *Ex Conc. Trid. sess. 24. c. 6. de resor.* Quomodo verò intelligatur voluntarium, vide HOMICIDIUM. Quòd si reus in Foro exteriori causam per falsos testes vicit, poterit dispensare, ut quidam probabiliter aiunt; cessat enim ratio prohibitionis. *Viual. tract. de Excomm. n. 42.* potest etiam in mutilatione dispensare.

35. Occultum intellige, quod non est notorium, etiamsi possit probari per multos testes; sufficit enim non esse diuulgatum: oportet verò non solum factum esse publicum, sed publicè sciri esse illud delictum: imò si multi delictum esse sciant, & fieri videant, sed nesciunt incurri talem censuram, poterit in ea dispensare: itaque cum dubitatur an quis censuram incurrerit, poterit in ea dispensare, quia deest notorium.

36. Potest verò prædicta cum subditis, adeoque cum ijs qui per maiorem anni partem habitantes in Diocesi, contraxisse videntur domicilium, aut ceperunt habitare animo perpetuò manendi: sed de hoc vide DOMICILIUM.

37. Potest etiam ab hæresi absoluerè per alium ad id

+ delegatum; habet enim ad id per Conc. Trid. potestatem ordinariam, quæ potest committi. *Cordub. Sum. casuum*, q. 8. nec ea potestas tollitur Episcopis per Bullam Canæ. *Bañes 2.2. q. 9. a. 4. Vinal. de Absol. ab Excomm. n. 13.*

38. Potest concedere non Episcopo, quæ sunt iurisdictionis, non autem quæ Ordinis, vt ordinare, consecrare. *Panor. c. Accedentibus, de excess. Pralat. Angelus Episcopus, n. 4.*

39. Potest esse Legatus Principis pro causa honesta.

40. Episcopus non potest Religionem ingredi sine Papæ licentia. *Innoc. 3. c. Nisi eam pridem, extra de renunciationibus. G. à Val. to. 3. disp. 10. q. 3. p. 5.*

41. Nec dare licentiam Clerico non residendi sine causa legitima.

42. Nec prohibere quin matrimonia domi fiant.

43. Nec gregem deferere sine præsentia indigentem: potest tamen ex causa necessaria abesse, cum per sufficientem interim prouidet. *Trid. Sess. 23. de residentia, c. 1. Tol. l. 5. c. 4. G. à Val. to. 3. disp. 10. q. 3. p. 5.*

44. Nec abesse sine causa iusta à diuinis in Ecclesia Officijs diebus festis, saltem dominicis.

45. Nec prohibere quin prædicetur in Parochia, dum prædicatur in Cathedrali. *Ex Cong. Conc.*

E U C H A R I S T I A .

1. **Q**U I in Pascha communicauit, si in articulo mortis non communicet ex negligentia quadam, sine contemptu, non peccat mortaliter. *Palud. 4. d. 9. q. 1. n. 16. Syl. Euchar. 3. in princ. Armit. Communio, n. 4.*

2. Debere etiam morte puniendis dari communionem, affirmant quidam. *Syl. Euchar. 3. q. 5. Tol. l. 2. c. 28. ex l. 4. q. 2. c. fin.* (alii posse ex causa negari, & excusari in hoc Iudices consuetudine) quod si detur, possit vnam horam ante mortem dari, & non
iciunis,

ieiunis, etiamsi iam comedissent; est enim viaticum.

3. Non est in usu ut amentibus, etiam in mortis periculo, detur, ob irreuerentiæ periculum. *Hal. 4. p. 7. 49. m. 4. Gab. d. 9 q. 2. dub. 4.*

4. In articulo mortis, absente Presbytero potest communionem dare Diaconus, non autem laicus, etsi id etiam quidam concedunt. *Suarez to. 3. disp. 69. sect. 2. & 3. in fine.* Quod autem extra eam necessitatem possit etiam committente Presbytero, etsi quidam putant, ego non puto. In ea verò posse etiam prohibente Presbytero, & nolente, probabile est ex Papæ rati habitione, ut potest Religiosus alioqui iure prohibitus, etiam tunc dare Baptismum, & Communionem, & extremam Vnctionem. *Suarez loco citato.*

5. Qui semel sumpto viatico, optat sæpius in ea agitudine communicare, posse id etiam non ieiunium, ut quia non potest nisi sumpta medicina communicare, affirmant viri docti: quod non audeo improbare. *Arnul. Communio, §. 18. Tab. ib. §. 48. Suarez disp. 66. sect. 5.*

6. Eucharistia non est deferenda ad ægrotum, quæ eam non potest sumere. *Ex Cong. Conc.*

7. Qui in Pascha transgressus præceptum non communicavit, non peccat iterum mortaliter si postea non communicet, etsi quidam contrarium affirmant. Semel enim tantum id præceptum obligat, scilicet in Pascha, ut & præceptum de Confessione semel solum quolibet anno. *Ant. 2. p. 1. 9. cap. 9. §. 3. Syl. Euchar. 3 q. 15. Tab. Communio, q. 7. Soto 4. d. 18. q. 1. a. 4. Vult. in Sum. n. 137.*

8. Qui per octo dies ante vel post Pascha communicat, præcepto satisfacit; & qui longè post, ex consilio Confessoris. *Ex decreto Eugenij Quarti, apud Nauar. ca. 21. n. 45.*

9. Debent laici qui Regularibus seruiunt, in propria

Parochia communicare in Pascha. *Ex Cong. Conc.*

10. Mendicantes, & qui eorum priuilegijs gaudent, possunt quibusuis dare communionem, vno Resurrectionis die excepto: possunt & illo cum licentia Parochi, aut si communicaturus alio die satisfaciat Parochiæ. *Suarez to. 3. disp. 72. sect. 2. dub. 2. quamquam Nauar. c. 21. n. 32. & alij quidam non improbabiler sentiant, illo die non posse sine licentia, alio verò posse, etiamsi communicaturus velit Ecclesiæ præcepto satisfacere.*

11 Satisfacit Sacerdos in Pascha celebrans quouis loco.

12. Excusantur pueri etiam post annum duodecimum præcepto prohibentium communicare parentum: parentes verò excusantur recepta consuetudine.

13. Qui in Pascha habet casus reseruatos, absoluitur à cateis, si non est impeditus Excommunicatione aliqua reseruata, & communicet; absoluentus postea à reseruatis, cum ei fuerit opportunum. Quòd si caret Confessore, & sequeretur scandalum si tunc aut alio tempore non communicaret, aut celebraret, potest cum sola contritione, & proposito quàm primùm possit confitendi, communicare, etiamsi sit excommunicatus, & celebrare.

14. Non licet vnquam accipere communionem, nisi à proprio Sacerdote, nisi cum creditur ei placere. *Suarez in 3. p. 19. 3. disp. 70. sect. 2.* Videtur autem sufficere in Ecclesijs Religiosorum, qui ex priuilegio possunt omnes communicare, vt Superior, vel Sacrista, det ad id licentiam Sacerdoti seculari.

15. Potest sacerdos communicaturo dare partem suæ Hostiæ, si alia non est.

16. Parochus in Pascha, & mortis articulo, non potest negare communionem subdito petenti, etiamsi ex Confessione sciat illum esse in peccato. *Palud. 4.*

d. 2.

de 9. q. 2. concl. 3. Gab. 16. a. 3. dub. 1. nec alius Sacerdos paratus ministrare, potest negare publicè petenti. v. Si tantum, &c. Placuit, 6. q. 2. secus est si occultè. Ang. Euchar. 3. §. 20. Tab. Communio, §. 52. Hal. 4. p. q. 49. m. 1. aut si à Parocho non ministrante alijs petatur extra supradictos casus.

17. Publicum peccatorem oportet, priusquam communicet, tollere scandalum per aliquam satisfactionem. Potest quidem de eius licentia Confessor dicere esse emendatum: potest & emendato clàm communionem dare; cessat enim scandalum.

18. Iniuste excommunicato potest dari communio, si absit scandalum.

19. Potest communicari quavis diei hora, & quouis die, etiam in Parasceue. *Vide Rat. diu. Off. 1. 6. c. 75. Almar. 1. p. Off. ca. 12. Ioan. Belet. ca. 99. Ordin. Rom. li. Sacr. 5. Greg. 2. tom. Liturgia.*

20. Posse statim comedi post communionem, quidam dicunt: mihi non probatur; sed nec reprehenderim facientes.

21. Communicare post copulam conjugalem licere quidam dicunt: certè licet ei qui solum reddidit: at qui petijt, non peccat quidem mortaliter communicando. *Hal. 4. p. q. 47. m. 2. Ma. 4. d. 9. D. Th. 3. p. q. 80. a. 7 ad 2. imò nec qui post pollutionem voluntariam quam confessus est. Ego tamen differendam communionē cēserem, ob reuerentiā. D. Th. loco cit. in corp.*

22. Accedere ad communionem cum affectu alicuius peccati venialis, non videtur esse nouum peccatum, nec impedire Sacramenti effectum, etsi quidam aliter sentiant.

23. Qui se putat bona fide dispositum, nec sibi conscius est alicuius peccati mortalis, fit de attrito contritus virtute Sacramenti. Non dicitur autem cum conscientia peccati accedere, qui dubitat quidem, sed non putat.

24. Accedens ad communionem, si recordatur alicuius

eius peccati mortalis, & non potest sine nota discedere, communicet, postea quamprimum confessus.

25. Communicantem in peccato mortali, satisfacere præcepto Ecclesiæ quidam negant, alij probabilius concedunt. *Setol. 2. de iust. q. 3. a. 10. Cord. Sum. Hisp. q. 15. Covar. c. Alma mater, 1. p. §. 5.*

+ 26. Potest laicus in necessitate Sacramentum tangere, ut si in terram cadat.

+ 27. Traiectum aliquid contra voluntatem, ut parum aquæ dum os abluitur, non impedit communionem. *Palud. 4. q. 2. d. 8. Dur. q. 4. D. Th. 3. p. q. 80. a. 8. ad 3.*

28. Non impedit communionem non dormisse nocte, aut cibum non digessisse. *Suarez tomo 3. disput. 66. sect. 4.*

29. Potest, qui communicavit, si est ieiunus, iterum communicare, ne hostia perdatur, aut corrumpatur.

30. Sacramentum corruptum combutendum, & cineres iuxta altare sepeliendi. *Ex Pœnit. Rom. tit. 5. cap. 9. Quod si erat sanguis, expedit prius in stupa sicari.*

+ 31. Non est necesse, pyxidem, ubi reponitur Sacramentum, esse consecratam; nec Sacerdotem, cum communicat extra sacrum, habere stolam.

32. Potest Presbyter & Diaconus in necessitate se ipsum communicare: posse & laicum itidem, quidam putant. *Suarez disp. 69. sect. 3. in fine. alij negant.*

+ 33. Si quid Sacramenti cadat in linteum, sufficit illud lauari: quod si non reperitur quod cecidit fortè in tapetum, non prohibetur id servire, ut antea, profano vsui; ut nec bibi vinum dolij in quod fortè ceciderunt aliqua sanguinis consecrati guttula.

+ 34. Ut ante Sacramentum in Ecclesia semper sit lumen, etsi nullum est iuris præceptum, est tamen consuetudo vniuersalis, quæ vim habet præcepti.

35. Non

35. Non potest quidem Eucharistia afferuari in choro Monialium; sed potest ex causa, ut in festo aliquo, ex licentia Prælati, illic exponi aperte, ad devotionem illarum.

EXAMEN.

1. **E**XAMINARI non oportet eum, quem notum est esse sufficientem. Vide glo. d. 47. de Petro.

EXCOMMUNICATIO, vide Clericus, Furtum, Interdictum, Missa, Sacramentum.

1. **E**XCOMMUNICATIO est nulla si sit lata à denunciato excommunicato, suspensiove à iurisdictione, aut interdicto, aut post legitimam appellationem, (potest verò appellari etiam post Excommunicationem conditionalem ante impletam conditionem, quia ante eam non ligat) aut cum errore intolerabili.

2. Qui post Excommunicationem appellat, non potest denunciari, antequam audiatur appellatio.

3. Declaratio quòd quis inciderit in Excommunicationem, suspenditur per appellationem: & si fiat sine partis citatione, & comparentis auditione, est nulla.

4. Excommunicatio sine iusta causa, non est valida in Foro interiori: itaque potest talis celebrare, ubi non est scandalum. Cæter 2. 2. q. 70. a. 4. Ma. 4. d. 18. q. 2. Gab. ib. P. à Soto de Excommunicatione, lect. 2.

5. Excommunicatio ab homine non ligat eos, qui post eius finitam iurisdictionem contrafaciunt.

6. Excommunicatione non ligatur, quem excommunicans, aut petens Excommunicationem, non intendit ligari: non intendit autem quem si cogitaret, exciperet, ut uxorem, filium, aut fratrem; nec quem

E 5 causa

causa iusta excusat; nec qui inculpabiliter ignorat Ius, aut factum, scilicet latam esse Excommunicationem, aut se fecisse id pro quo lata est. *Soto 4. d. 22. q. 1. a. 2. Syl. Ignorantia §. 16. Nau. c. 27. n. 254.* nec cui à parte datur dilatio priusquam incidat: nec verò postea incidet nisi data esset de consensu Iudicis. *Ang. Excom. 1 §. 20. Syl. ib. Nau. c. 27 n. 15.*

+ 7. Excommunicatio, non dato spatio se tuendi contra præceptum, est nulla.

8. Nemo debet excommunicari, nisi ob contumaciam quæ sit peccatum mortale. Nec vlla Excommunicatio incurritur sine peccato mortali, seu mortali inobedientia contra Ecclesiam. *Ex c. Nemo Episcoporum, & c. Nullus Sacerdotum, 11. q. 3. c. Sacro, de sententia Excom. c. Romana, eodem t. in 6.*

9. Excommunicatio sine monitione, ferè semper est inualida: sufficit verò in Excommunicatione generali generalis etiam monitio: & quidem ipsum præceptum generale promulgatum monitio est, & quævis prohibitio peccati futuri.

+ 10. Excommunicatio lata à delegato qui copiam suæ commissionis parti petenti noluit dare, est nulla, *secundum Innoc. & Pan. & Felin.*

+ 11. Non potest quis se excommunicare, nisi denunciando Superioris Excommunicationem.

+ 12. Episcopus non potest excommunicare existentem extra Diocesim, aut in loco exempto, aut non subiectum sibi tempore promulgationis edicti, seu Excommunicationis ab homine: secus est enim de statuto aut lege, quæ potest etiam postea subditum, aut in territorio agentem, ligare. Quidam tamen dicunt, non posse quidem pro peccato extrà commissio excommunicare, sed pro commissio in Diocesis loco non exempto posse excommunicare etiam absentem: item si absens non vult restituere aut residere. Quæ ego Iurispraxis discutienda relinquo: interim existimo, qui

NON

non est subditus dum peccat, non posse pro eo ab Episcopo excommunicari, nisi fortè per statutum, ut si externus in eius territorio peccet: de quo vide *Glo. ca. 21. de sent. Excom.*

13. Excommunicare subditum suum potest Præpositus Ecclesiæ Collegiatæ, etiam Regularis, ut Prior, Guardianus, eorumque Vicarij ex ipsorum commissione, & Capitulum Sede vacante. Quidam tamen negant posse Priorem vel Abbatem.

14. Non potest excommunicari Collegium, aut Communitas, nisi sciantur omnes deliquisse, aut dicatur sic: Omnes & singuli Collegij, qui tale quid fecerint, sint excommunicati. *Exc. Romana, §. in universis. de sententia Excomm. in 6.*

15. Reges à solo Papa excommunicantur, & censuris ligantur.

16. Excommunicationes vulgò ignotæ, adeoque usu non receptæ, non ligant. +

17. Excommunicatus occultus potest ad vitandum scandalum, vel gravem iacturam, Missam audire, & celebrare, nec fiet irregularis.

18. Quidam putant, nullum præceptum sub pœna Excommunicationis obligare in re difficillima; haberi enim id in iure pro impossibili: nec si in re levisima adijciat pœnam Excommunicationis. +

19. Excommunicatio lata in facientes, non comprehendit mandantes, aut aliter adiuuantes, nec solum facere incipientes: nec lata in mandantes, aut consulentes, comprehendit eos, sine quorum mandato aut consilio res perinde facta fuisset; nec lata in contradicentes, eos qui iustè contradicunt: nec, cum principaliter excommunicatur faciens, & secundariò consulens aut iubens, comprehenduntur hi, si res non fiat. +

20. In dubio an consulens principaliter excommunicetur, interpretandum quòd secundariò seu accessoriè tantum. +

+ 21. Consulens dicitur, qui rogat, aut monet, aut ostendit esse utile.

+ 22. Cum in Excommunicatione dicitur vt intra tot dies aliquid fiat, numerandi sunt à die scientiæ de Excommunicationis edicto. Quòd si præcipitur aliquid reuelari, qui solum post terminum illum rem sciuit, non ligatur si non reuelet.

23. Excommunicationes Conciliorum Prouincialium, etiamsi à Gratiano citentur, non ligare nisi in suis Prouincijs, quidam dicunt: quod ego non ausim dicere de ijs quæ vbique videntur receptæ.

+ 24. Excommunicatus est ipso facto, quicumque, etiam ipse excommunicator, consulendo, fauendo, aut iuuando communicat cum aliquo in crimine ob quod ille est excommunicatus, c. *Nuper, c. Si concubina, de sententia Excommunicationis*, sciens illum esse particulariter denunciatum: excusat autem ignorantia, etiam crassa, modò non sit affectata: item si consilium nihil mali adiecit; aut si iuuat quidem, sed non directè: estque reseruata hæc Excommunicatio eidem cui prior.

25. Cum dicitur, Sit excommunicatus, aut, Excommunico, aut, Sub pœna latę sententię, significatur ipso facto, si res prohibita fiat. Secus est si dicatur, Sub Excommunicationis, vel Anathematis, pœna, vel interminatione. Vide glo. ca. *Relatum, de iure patr. & c. Dolentes, de celeb. Miss. & de Simonia, ca. 33. & de sagitta, ca. 1. & de eo qui furtiuè, ca. 1.*

26. Aliquando, Anathema sit, ponitur pro, Excommunicetur. Vide d. 23. *Si quis.*

27. Excommunicatus est suspensus ab officio & beneficio. Anto. 3. p. r. 24. q. 76. Syl. Excomm. 3. in 10. effect. Ang. Excomm. ult. §. 11. Nau. c. 27. n. 21. nec potest esse Procurator, sed potest institui, futurus post Absolutionem; nec accusare, iudicare, aut testificari, nisi in causa heresis: si tamen in iudicio accusat, aut testificetur, non peccat mortaliter: potest tamen institui hæres, eiusque testamentum & contractus tenent, red.

reddendaque ei debita; & potest agere in iudicio pro utilitate Ecclesiæ.

28. Non valet beneficij collatio facta excommunicato, nec electio, aut præsentatio. *Panor. c. Pastoralis, §. verum, n. 15. de appellationibus, & alij omnes ex c. Postulatis, de Clerico excommunicato ministrante, & c. Constitutus, de appellationibus.* Quod si est collatum nescienti Excommunicationem, potest retinere post Absolutionem, dispensante eo ad quem collatio pertinebat: potest & acceptare beneficium sibi ante Excommunicationem collatum, & post Absolutionem possidere. *Couar. c. Alma mater, 1. p. §. 7. n. 4. Nau. c. Si quando, de rescript. concl. 13.*

29. Excommunicatus non potest eligere: valet tamen præsentatio facta à laico excommunicato.

30. Gesta per excommunicatum, vel suspensum, dum publicè in officio toleratur, valida sunt, etiamsi sciatur esse excommunicatus: toleratus autem dicitur, cum errore populi habetur pro legitimo. +

31. Licentia data à Pastore etiam denunciato excommunicato, de ijs quæ aliàs poterat, valet: ut quod subditus ab alio ordinetur, aut confirmetur, aut possit prædicare, vel audire Confessiones, vel assistere loco ipsius matrimonio, &c. Quod si non est denunciatus, non peccat mortaliter exercendo actus iurisdictionis qui non sunt Officia diuina. +

32. Communicans illicitè cum excommunicato, etiam à se, incurrit Excommunicationem minorem, nisi sit Papa. *c. Excommunicamus, & c. Sicut à simili. 11. q. 3. & c. Nuper, de sententia Excommunicationis.* incurrit verò etiam cum mortuo communicando, ut lauando, aut comitando, &c.

33. Excommunicatio autem minor impedit ne quis possit suscipere Sacramenta, (sed potest confer-

re, & vti iurisdictione) nec eligi. *Ex c. Si celebret, de Clerico excommunicato, & c. Duobus, de sententia Excommunicationis.* electionem verò talis ad beneficium quidam irritam aiunt. *Ang. Excomm. 1. §. 1. Syl. Excomm. 4. §. 3. Tab. Excomm. 8. §. 1. Vival. tract. de Excomm. n. 48. alij irritandam. Ant. 3. p. 1. 2 §. c. 2. §. 1. Soto 4. d. 22. q. 2. a. 3. Richar. ib. a. 7. q. 4. ex cit. c. Si celebret.* certè, si se ignorabat excommunicatum, non videtur inualida.

34. Excommunicati vitandi solummodo si sint denunciati nominatim, aut si notorij Clerici percussores, sic vt nulla possint tergiversatione celari, aut iuris remedio excusari, *Ca. Excommunicatio minor, & Absolutio, c. pænal. Tab. Interdict. 3. n. 19. Vich. de Excommunicatione; dub. 4. & 10. Ant. Soto, Ledes. & alij,* & non credantur esse absoluti, aut dubitetur an sint denunciati. Quòd si alibi est quis denunciatus, & hîc nescitur, non est hîc publicè vitandus. *Sylu. Excommunicatio 5. §. 26. Couarr. Palud. & alij.*

35. Ab excommunicato quem non teneris vitare, potes accipere Sacramenta, si est Pastor tuus, aut paratus ministrare *Ca. Absolutio, c. 3. Medina de Confess. q. 22. Adrian. 4. de Confess. q. 5. Soto 4. d. 22. q. 1. a. 4.* in articulo autem mortis potes etiam à denunciato.

36. Excommunicatum non denunciarum potes sepelire in sacro, & pro eo Missam offerre. *Nauar. c. 27. n. 36.*

37. Non impedit Excommunicatio dispensationem factam ex Papæ commissione.

38. Prohibita cum excommunicato contenta hoc versu: Os, orare, vale, communitio, mensa negatur.

39. Os, id est, sermo, litteræ, nuntij, munera. Missa tamen ab eo munera, possunt mitti pauperibus. Potes & salutantem salutare, & scribenti rescribere; est enim id debitum ei quoddam solvere *Henricus l. 13. c. 7. §. 3. citans alios.*

40. Orare, id est, participare in diuinis. Potest tamen in Ecclesiæ Officijs permitti, si à paucis scitur, ne prodatur: alioqui pellendus ex Ecclesia: & si non possit pelli, omittenda Officia, etiam Missa, si nondum cæptus Canon; tunc enim pergendum, & post communionem finienda Missa in Sacristia: nisi esset ingressus ad orandum seorsim; tunc enim non cum eo communicatur, ut nec communicat cum eo qui aliud quàm ipse sacrum audit; aut si idem, sed non intentione cum illo communicandi. Quod si excommunicatus Officium recitet cum laico, non videtur graue peccatum: nec peccatur si quis cum eo oret priuata oratione, prohibetur enim communicatio in oratione quæ fit Ecclesiæ nomine: itaque potest pro ipso orari in Missæ Memento, scilicet priuata oratione.

+

+

+

41. Vale, id est, salutare, scilicet verbo, vel scripto: nam assurgere, vel caput aperire, non videtur prohibitum. *Ang. Excomm. 8. §. 4. Ant. Soto, &c.*

+

42. Communio, scilicet habitatione, aut conuersatione. Potest tamen quis in eodem cum illo loco esse, modò non conuersetur. *Syl. Excommunicatio 5. q. 4. Ang. cit.*

+

43. Mensa, scilicet communis, itemque lectus. Qui tamen simul ederet aut dormiret sine intentione communicandi, non peccaret. *Videtur Petri à Soto, 1. de Excommunicatione, lect. 3.*

+

44. Excusant communicantem, etiam in diuinis, contenta hoc versu: Vtile, lex, humilis, res ignorata, necesse.

45. Vtile, scilicet participanti, vel animæ excommunicati: itaque potes salutare si id tibi utile, & agere cum illo quod illius animæ profit, ut ad Concionem ducere. Excusat & in diuinis communicantem timor damni grandis, & in alijs communis societas.

+

+

46. Lex, scilicet matrimonij: itaque excusatur coniux.

47. Humilis, scilicet subiectio, vt, filiorum, vel seruorum, vel famulorum; denique subditorum, vt Prælato Religiosorum, & Episcopo Clericorum.

48. Debent & patres excommunicatis filijs prouidere, & seruis domini.

49. Res ignorata, scilicet nescire esse denunciatum.

50. Necessè, scilicet alterutri.

51. Communicare cum excommunicato, ferè est veniale, nisi in diuinis communicetur illicitè.

ABSOLVTIO AB EXCOMMVNICATIONE, vide *Absolutio*.

1. **Q**VI habet facultatem absoluendi in Foro interiori, potest absolvere etiam extra Confessionem: idemque etiam dicendum de dispensatione.

2. Absolutio ab Excommunicatione cum conditione, verbi gratia, si satisfecerit, valebit cum satisfecerit.

3. Cum datur facultas absoluendi satisfacta parte, sufficit si faciat absoluendus quod potest: itaque potest absolui data cautione saltem iuratoria, si aliud non potest: imò in Foro interiori sufficit propositum satisfaciendi cum poterit.

4. Valida est Absolutio data contra formam statuti, aut Canonis, verbi gratia, sine iuramento aut satisfactione requisitis, etiam si in constitutione dicatur quòd sine forma nullatenus absoluator; prohibet enim solum, sed factum non irritat.

5. In Absolutione ab Excommunicatione sufficiunt quæuis verba cum intentione, nec requiritur expressio causæ Excommunicationis.

6. Absolutus in mortis articulo cum obligatione se presentandi, cum poterit, ei ad quem pertinebat Absolutio, non tenetur ad id si absens parer:

ad

ad parendum enim solum, & non ut absoluator, iubetur presentari. Ita Nauar. cuius mihi opinio perplacet: quin etiam post Conc. Trid. nullam video obligationem se presentandi, cum absolute dicat, in eo articulo posse quemvis Sacerdotem absolueri ab omni censura, nec addat aliquid de illa obligatione.

7. Potest absolui quis non solum sine dolore, sed etiam inuitus; & ab vna Excommunicatione, relicta alia. Si autem pluribus sit ligatus ob idem factum, non sufficit ab vna absolui. *Uide de sententia Excommun. ca. 27.*

8. Qui iuste impeditus non potest Papam adire, aut eum cuius erat absolueri, non tenetur mittere, aut ad eum scribere, sed potest ab Episcopo, aut Superiore suo, habente Episcopalem iurisdictionem, absolui, vel ab alio de eius commissione: sed si cessante impedimento non adeat, reincident; quod commune est omni absoluto ab eo qui alias non poterat, aut cum onere se presentandi Superiori, (qui tamen, priusquam reincident, concordat cum aduersario in cuius fauorem erat Excommunicatio, non tenetur se presentare) potest verò tunc adire etiam per alium, vel per scripturam. Quòd si nec Episcopum poterat adire, absoluet Parochus; eoque deficiente, quiuis approbatus Confessor. Ita viri doctissimi, quibus assentior.

9. Absolutus simpliciter, sed praestita cautione de satisfaciendo, si non satisfaciat, non reincident.

10. Absolutio data post appellationem aduersarij ne absoluator, valet.

11. Absolutus cum reincidentia si in termino certo non soluat, si in illo non potest soluere, non reincident.

12. Excommunicatus donec satisfecerit, indiget, ubi satisfecerit, Absolutione.

13. Absolutio, aut reuocatio Excommunicationis, suspendit.

suspensionis, aut interdicti, per vim aut metum extorta non valet. *Ca. 1. de ijs qua vi, l. 6.*

+ 14. Absolutio ex causa falsa valet, *Nau. c. 27. n. 38.* etsi id quidam negant.

+ 15. Ab Excommunicatione non reservata, siue sit Iuris, siue generalis ab homine, quod aequipollet statuto, potest quivis Confessor absolvere, etiamsi illa per Papam esset confirmata: at à sententia particulari hominis confirmata per Papam ex certa scientia, cum causæ cognitione, nec qui eam tulit, potest absolvere. Quòd si Papa iussit excommunicare, committens causæ cognitionem, (quod semper intelligitur si Papa causam prius non cognovit) poterit absolvere qui excommunicavit.

16. Excommunicatus non ideo est absolutus, quia Papa cum illo scienter participat. *Clem. 4. de sent. Exc.*

17. Solet in Papæ litteris dari Absolutio, saltem subintelligitur data, ad consequendum effectum litterarum; nec aliàs servit.

+ 18. Solemnitas Absolutionis non requiritur in Foro Sacramentali.

19. Cùm in magnis criminibus datur ab absolvente præceptum de parendo Ecclesiæ, intelligitur ne postea faciat id, ob quod erat excommunicatus.

20. Qui solemniter absoluit, post iuramentum de parendo Ecclesiæ & satisfactionem, saltem per cautionem iuratoriam, quæ duo præmittenda, illud quidem in graui crimine, id verò cùm quis ob debitum aliquod est excommunicatus; ad singulos versus alicuius Psalmi Pœnitentialis, verberet leuiter pœnitentem: deinde post Kyrie eleison. Pater noster. Saluum fac seruum tuum. &c. Esto ei Domine & Nihil proficiat. & Domine exaudi. & Dominus vobiscum. Oremus. Deus, cui proprium est misereri, &c. famulum tuum, quem sententia Excommunicationis ligatum tenet, &c. tandem absoluat.

21. Ab-

21. Ab Excommunicatione minori, quam quis incurrit ob peccatum veniale, posse absolvere quemvis Sacerdotem, quidam aiunt. *Armil. Absolutio. n. 38. Nau. c. 27. n. 8. & 25. Vivaldus in fine tract. de Excommunicatione min. et si alij requirant in absoluente iurisdictionem. Ostiensis in Sum. t. de sententia Excommunicationis, §. quis potest. Syl. Absolutio 1. §. 3. & Excommunicatio 4. not. 2. ca. Excom. c. ult. Ang. Absol. 1. §. 1. Soto, Viñt. Ledes. &c. certe potest quiuis Confessor.*

DE EXCOMMUNICATIONIBUS
BYLLAE CAENAE, vide Gabellæ, Hæ-
resis, Episcopus.

1. QVOD dicitur de hæreticorum receptatoribus aut fautoribus, intellige si fauceant hæreticis in hæresi, seu quatenus hæretici sunt, non autem si ratione amicitiae, aut propinquitatis, aut alioqui pietatis. Nec verò includendi sunt hæretici pater, filius, aut coniux, secundum quosdam: ob tantam enim coniunctionem sunt velut eadem persona. Ego verò solum eos excusarim ratione paulo antè dicta.

2. Qui vnâ solam paginam hæretici libri legit, non est censendus excommunicatus; parua enim condonantur: nec qui legit scripta hæretici, sed non hæretica.

3. Ob hæresim mentalem nullo proditam signo exteriori, quod sit ex se peccatum mortale, & sufficienter expressum hæresis, id est, pertinacis erroris in fide, quem eo signo asserere intendat, nemo est excommunicatus: itaque non est qui petit consilium, aut refert hæresim, aut transcribit, etiamsi illam interim mente teneat; nec qui hæreticum opus facit, sed sine animo hæretico.

4. Recedere ab obedientia Papæ, est nolle illum agnoscere esse Vicarium Christi, & Ecclesiæ Caput.

5. Piratæ intelliguntur, qui in mari, & velut ex officio, principaliter furtis & rapinis student, non qui minus principaliter, aut in flumine.

6. Naufragorum bona surripientes, etiam hîc iam excommunicati: sed nostra Societas potest absolueré, iubendo vt restituant.

7. Per pedagia & gabellas quidam intelligunt etiam alia tributa; & per pedagium nouum, etiam vetus cum augetur: quorum ego neutrum facile concessim; est enim materia odiosa.

8. Exigere intelligitur, qui ab inuito extorquet.

9. Gabellam imponere potest, qui non habet Superiorem in temporalibus.

10. Gabellæ prohibitæ intelliguntur, quæ à nullo possunt exigi, non autem si solum prohibeantur à quibusdam personis, vt à Clericis, exigi. Notant verò quidam, cum aliàs Papa prohibet Clericis gabellam imponi, intelligi de imposita ratione fructuum, non autem si imponatur omnibus, & à Clericis simul exigatur. quæ mihi Nauarri opinio non displicet.

11. Falsificans scilicet per se litteras Apostolicas, scilicet iam expeditas, excommunicatur; non autem si litteras Nuntij Apostolici, aut Pœnitentiaræ; aut si quid mutet, non mutata sententiâ; aut postquam expirarunt; aut si laceret, aut comburat.

12. Ferrum deferens ad infideles (quibus cum Christianis bellum est) ex terra fidelium, vel lignum quibus possint facere arma offensiuâ, vel defensiuâ, excommunicatur; non autem qui equum vel ensen donat ob gratitudinem, aut ob beneuolentiam captandam; nec qui deferit ritualia, aut communes merces; nec qui in eorum nauibus operam suam ponit, etiam agentibus contra fideles.

13. Iusta de causa impediētes victualia ad Romanam Curiam delata, non excommunicantur.

14. Excommunicatio percutientium morantes in Curia, vel eadentium euntes eò, aut inde reuertentes, non videtur esse in usu.

15. Excommunicantur insequentes hostiliter Episcopos, scilicet consecratos. Non dicitur autem quis eum insequi, qui se iam aliquò recepit.

16. Item qui cursum litterarum Apostolicarum laicali auctoritate impediunt. Non est autem impedire, velle prius examinari, & se de eo consuli, vt fit à Rege Hispaniæ. Denique facientes contra Papæ litteras aut præcepta iusta de causa, aut necessitate, non incidunt.

17. Item Ecclesiasticos fructus sibi per auctoritatem usurpantes: secus si recipiant, aut furentur, vt solent alia quævis bona.

18. Item imponentes onera personis aut fructibus Ecclesiasticis, scilicet si particulariter; secus si omnibus, non excludendo Ecclesiasticos. *Vide supra.*

19. Absoluens illicitè à casibus Bullæ huius, in Excommunicationem incidit, sed non reservatam: non incidit autem si absit præsumptio mortalis, vt si faciat ex ignorantia, aut obliuione, aut causa probabili. +

20. An concessis casibus huius Bullæ intelligatur concessus casus hæresis, probabiliter affirmant alij, alij negant: vtrumque probabile.

QVAEDAM ALIÆ EXCOMMVNICATIONES PAPAE RESERVATÆ.

1. **S**I quis Clericum percutiat, 17. q. 4. *Si quis suadente*, excommunicatur. Clericum intellige etiam primæ tonsuræ, & Religiosum etiam novitium, non autem quemvis Eremitam, aut
Inclu.

PR^o ALIAS EXCOM. PAPAE RESERV.

Inclusum, aut Clericum degradatum, vel ob incorrigibilitatem depositum, aut hæreticum, secundum quosdam.

+ 2. Non incidit qui non violenter tangit; (quale non est crumenam furari) nec, ut ego puto, qui mandat, aut consuit, aut ratum habet; nec qui ignorabat esse Clericum; nec si talis sit percussio, ut in laicum facta non esset mortalis; nec qui enormibus deditum relicto habitu & tonsura percutit; nec qui causa correctionis facit, ut pater, praeceptor, aut dominus, aut alioqui propinquus vel senex; nec qui ad rei suæ vel alterius defensionem; nec qui repertum loco suspecto cum vxore sua, aut matre, aut filia, aut sorore percutit.

+ 3. Episcopus potest absolvere legitimè impeditum ne possit Papam adire, ut fœminam senem, ægrotum, impuberem, pauperem. Qui verò in impubertate percussit, etiam post eam potest ab Episcopo absolui, nec tenetur Papam adire.

+ 4. Potest & quemvis absolvere si levis fuit percussio: quod eius iudicio relinquitur. Levis quidem censetur, si fiat palma, pugno, pede, ligno, aut lapide non relincente vestigium, aut multam capillorum euulsionem.

+ 5. Potest & suos Clericos collegialiter viuentes, si percutiant non enormiter; itemque Prælatus Religiosos.

+ 6. Putat Sotus, pueros Clericos se inuicem percutientes usque ad sanguinis è naribus effusionem, etiam in Ecclesia, non esse excommunicatos; quod mihi prudens dictum videtur: certè tales non Absolutione, sed castigatione purgandi.

+ 7. Incendens studio maloque animo locum sacrum, postquam fuerit per Episcopum excommunicatus, & denunciatus, à solo Papa absoluitur. *Vide ca. Tua, de sent. Excomm.*

8. Item-

8. Itemque effractor simul & spoliator loci pii, auctoritate Episcopi ædificati, postquam fuerit nominatim denunciatus excommunicatus. *Vide cap. Conquestus, eo tit.* Non effringit autem, qui clauem aperit.

9. Religiosus qui non est Parochus, si extra mortis articulum sine licentia Parochi, vel eius Vicarij, præsumit illius subdito ministrare Eucharistiam, aut extremam Vnctionem, vel matrimonium solēniter, (quamquam id postremum videretur sublatum per Conc. Trid. quod solum vult esse suspensum quamdiu volet Episcopus) vel absolueret ab Excommunicatione Iuris à qua non possit. *Vide Clem. 1. de priuil.* Requiritur præsumptio: itaque excusat ignorantia, aut causa probabilis.

10. Domini interdictum violantes, & quicumque publicè excommunicati aut interdicti, nominatim moniti à celebrante diuina Officia, vt de Ecclesia exeant, in ea remanere præsumunt. *Ca. Grauis, de sentent. Excommunic.*

11. Exenterantes mortuos, vt alibi sepeliant, nisi fiat iusta de causa, vt in cadauere Regis, aut ne fœteat, aut causa Anatomix, aut quia mortuus apud infideles, &c. *Extrau. Detestanda, de sepult.*

12. Dantes aut accipientes aliquid ex pacto ob ingressum Monasterij. *Vide Extrau. 1. de Simonia.* Intellege verò nisi sit consuetudo accipiendi, aut accipiat bona intentione; requiritur enim præsumptio. Sunt verò exceptæ Moniales, per quosdam Pontifices.

13. Simoniaci reales in Ordine, aut beneficio, & mediatores. *Extrau. cum det stabile, de Simon.* Dantes solum consilium, vel auxilium, non censent quidam mediatores dicendos. *Vide SIMONIA.*

14. Professæ egressæ è Monasterio, nisi causa incendij magni, aut lepræ, aut pestis, probata per Superiorem & Episcopum, itemque licentiam dantes, comitan-

mitantes, & recipientes. *Pij Quinti Bulla*. Egressa autem non dicitur, quæ iusta aliqua de causa nunquam est ingressa.

15. Intrantes Monasteria Monialium sine vrgenti necessitate, & ipsæ recipientes. Item fœminæ intrantes Claustra Regularium, & qui recipiunt. *Greg. 13.* Non videntur autem incidere nisi qui intrant prætextu alicuius licentiæ datæ à Superiore. Consultatur tamen vsus, qui legem solet interpretari.

16. Ad duellum admittentes, prouocantes, permit- tentes, interessentes, facientes, dantes auxilium, consilium, aut fauorem. *Pius Quartus*. Excipiuntur verò Reges.

EXCOMMUNICATIONES NVLLI RE- SERVATAE.

1. **P**OTESTATES seculares imponentes tributa Ecclesiæ, vel Ecclesiasticis personis, si moniti non desistant. *Ca. Non minus, de immun. Eccl.* Oportet verò monitionem habere competentem dilationem. *Vide supra in BULLA CAENAE.*

2. Extorquentes gabellam per se vel per alium ab Ecclesiasticis, aut ab eorum rebus, non portatis ad negotiandum. *Ca. Quamquam, de censib. l. 6.* Non est autem negotiari, bona sua vendere.

3. Domini temporales prohibentes subditis vende- re sua Clericis, aut præstare officia. *Ca. si. de immun. Eccl. l. 6.* Non incidunt, qui ex iusta causa prohibent sine licentia sua vendi, aut præstari officia.

4. Facientes seruari statuta aut consuetudines contra libertatem Ecclesiasticam, id est, Ecclesiæ vniuersæ concessam. *Ca. Nouerit, de sent. Excomm.* Excusat iusta causa existimata. Nec sunt statuta contra libertatem, quæ moderantur expensas fu- ærum, aut Officiorum diuinorum.

5. Raptores mulierum, vel consilium, fauorem, vel auxi-

auxilium dantes. *Concilium Tridentinum.*

6. Inrantes Septa Monialium sine Episcopi aut Superioris licentia in scriptis. *Trid.* +

7. Clerici in dignitate, aut Personatu, aut Sacerdotes audientes Ius Ciuile aut Medicinam per duos menses, nisi audiant Romæ, aut vt Ius Canonicum melius intelligant. *Ca. super Specula. Ne Clerici vel Monachi.* +

8. Doctores qui Religiosum dimisso habitu docent Leges, aut Medicinam, *Ca. 2. Ne Clerici vel Monachi, libro 6.*

9. Religiosi habitum temere relinquentes. *Ibid. Secus si ex causa rationabili, aut sine peccato mortali, aut alio non assumpto, aut assumpto ad breue tempus.* +

10. Contrahens scienter de præsentis cum consanguinea vel affine in gradu prohibito, vel cum Religiosa, vel Religiosus professus, aut Clericus in sacris, & qui tale matrimonium celebrat scienter. *Clem. 1. de consan. & affin.* Excusat ignorantia, etiam crassa, (requiritur enim dolus) itemque iustus timor.

11. Cogens aliquam minus liberè, contrahere matrimonium. *Trid. sess. 24. ca. 9.* Intelligitur id de dominis aut Magistratibus, exteriorem iurisdictionem habentibus. +

12. Impediens sine causa foeminam velum accipere, vel profiteri; vel cogens Monasterium ingredi, aut profiteri; vel id consilio aut aliter adiuuans. *Concil. Trident.*

13. Concedens in terra sua locum ad duellum, item Patrini. Certantes, consulentes, & spectantes. *Trid.* Intellige si fiat cum consensu Principis, & Patrinis: sed vide infra.

14. Ex condito duellum facientes statuto tempore & loco, etiam sine Patrinis & charrellis, & loci securitate; & domini permittentes, aut non prohibentes, & quouis modo adiuuans, & ex composito

F spe.

† spectator vel socius, etiamsi illi ad locum acceden-
 tes nō potuerint pugnare, *Greg. 13.* Intellige id quan-
 do est duellum propriè, (non si quis alterum ad pu-
 gnā singularem prouocet, vt sit) & in casu quo est
 illicitum.

† 15. De duello fecit etiam Clem. 8. acrem prohibi-
 tionem: tu vide; nec enim animus est huc omnia
 congerere, præsertim censuras, quæ sunt pæne infi-
 nitæ, nec admodum certum quantum quæque re-
 cepta vsu, quantumque obliget.

E X E M P T V S.

1. **E**XEMPTVS de licentia Superioris potest Epi-
 scopo se subdere, vt ab eo Absolutionem vel
 dispensationem, qua indiget, obtineat.

E X I L I V M.

1. **E**XILIO perpetuo damnatus, dicitur depor-
 tatus; qui autem ad tempus, relegatus.
2. In exilium non potest pater filium mittere.

E X T R E M A V N C T I O.

1. **D**ANDA est etiam amenti si petierat, aut pe-
 tiuisset si cogitasset, aut ostenderat signum
 doloris. *D. Th. 3. p. q. 32. Soto 4. d. 23. q. 1. 2. nisi sit*
periculum irreuerentiæ. Quod si erat excommuni-
catus, absoluat prius ab Excommunicatione.

2. Non solet dari pueris, nisi ætate qua communi-
 cant: sufficit tamen ætas qua possunt peccare. *D. Th.*
Soto loco cit. & alij.

3. Danda post viaticum. *D. Th. 3. p. q. 65. c. 3. ib. Caiet.*
Soto d. 1. q. 2. a. 2. Henr.quezl. 3. c. 10. alicubi tamen an-
te datur.

4. Datur solum morti propinquis ex morbo, vel
 vinc-

vulnere, vel partu, vel senectute. *D. Th. Soto loco cit. & alij.* Quod si morbo liberatus iterum periclitetur, iteranda est; & quidem in diuturnis morbis, vt hydropisi, quoties redit periculum.

5. Eam ex negligentia omittere, non est peccatum mortale, si absit contemptus, aut scandalum. *D. Th. 4. d. 23. q. 1. quæstiunc. 3. ad 1. Soto ib. q. 1. a. 1. Syl. Vnctio, §. 9. Nau. 22. n. 16. & alij.* etli quidam aliter sentiunt. & quidem omittere tanquam ad salutem non necessariam, non est contemptus.

6. Materia est oleum benedictum ab Episcopo. *Trid. sess. 14. c. 1. Doct. 4. d. 23. D. Th. 3. p. q. 29. a. 4.* quamquam etiam sine benedicto validum est Sacramentum. *Viêt. de Sacramentis, q. 217.* potestque adhiberi oleum non eodem anno benedictum. *Henricuez l. 3. c. 8. & est communis.*

7. Forma est deprecatiua, alicubi tamen indicatiua. *Palud. 4. d. 23. q. 1. a. 2. Bona. ib. 1. p. a. 1. Dur. q. 3. n. 7. & alij.* nec est necesse addere, In nomine Patris, &c. *Soto 4. d. 1. q. 1. a. 8. & alij communiter.* sequendus tamen receptus mos.

8. Deficiente proprio Sacerdote, potest alius, etiam Religiosus, administrare, sub ratihabitione proprii, *Soto 4. d. 23. q. 2. a. 1. Caiet. Excommunicatio, 5. c. 64.* potest verò dare licentiam proprius, etiam excommunicatus aut suspensus nominatim. *Tab. Vnctio, §. 5. Armil. ib. Syl. §. 4. Nay. c. 27. n. 100 §. 3.* non enim censetur licentia actus iurisdictionis prohibitus. est autem valida etiam ab hæretico data.

9. In necessitate sufficit Sacerdos sine ministro. *Vide de verb. sig. ca. 14.*

10. Si Sacerdos non possit progredi, supplenda per alium quæ restabant. *D. Th. d. 23. q. 1. a. 1. quæstiunc. 1. ad 3. Syl. §. 4. Tab. §. 5. & alij.*

11. Potest Presbyter vnus partem vnā ungere, & alius aliam in necessitate.

12. Pedes aut renes ungere non est necesse; certe renes in foeminis omittendi. *G. à Val. t. 4. d. 8. q. 2. p. 2.* Nec manuum vnctio quibusdam videtur necessaria: saltem videtur sufficere vnā manum aut vnum oculum ungere, & itidem de reliquis membris paribus: sequendus tamen vsus receptus.

13. Mutilati in partibus proximis ungendi, & cæcus in oculis, ob concupiscentiam. *D. Th. 3. p. q. 32. a. 7. & omnes.*

14. Ad singulas vnctiones adhibenda stupa noua, postea comburenda. Sufficit verò verba proferre paulo ante vnctionem, aut post, vt in Baptismo & Confirmatione.

15. In dubio an viuat ægrotus, danda sub conditione, si non est mortuus. *Armil. Vnctio, §. 7. Tab. §. 6. Sylu. §. 5.*

16. Effectus eius est remissio peccatorum venialium; sed & mortalia remittit, faciendo de attrito contritum. *Trid. sess. 14. c. 2. D. Th. 3. p. q. 30. a. 1. & alij communiter.* & sanitas animæ ad malum prona, & pigra ad bonum. *Trid. cit. D. Th. & alij.* eiusque spiritalis recreatio & roboratio, & interdum etiam corporis sanitas. *Navar. c. 22. n. 12. Summisla communiter de Vnctio,*

FALSA.



FALSARIUS, vide *Excommunicatio Bulla*
Cana Domini.

1. **FALSARE** monetam, crimen est læsæ maiestatis: falsa autem dicitur, facta sine legitima auctoritate, materia, pondere, aut signo: rondere autem exuberantem monetam, falsare non est, et si peccatum est: est verò falsarius, qui iustum pondus minuit.

2. Falsare non est, nec peccatum mortale, amissæ scripturæ de hæreditate aut nobilitate aliam similem facere; nulli enim fit iniuria. +

FAMA, vide *Dominium, Infamia*.

1. **FAMA** dicitur vox communis maioris partis vicinæ, ex probabili suspitione orta.

2. Ad famam probandam sufficiunt duo testes,

FAMILIA.

1. **FAMILIA** dicitur vsque ad quartum gradum, itaque omnes etiam gradus quarti, dicuntur familiares; itemque omnes famuli, etiam extra domum habitantes.

2. Familia Episcopi gaudet priuilegio Fori, non autem familia Ecclesiæ.

FAMVLVS, vide *Conductor, Dominus, Seruus*.

F

FESTVM

FESTVM, vide *Ieiunium*, *Missæ*.

1. **F**ESTVM potest Princeps & Ciuitas indicare, sed sine obligatione Missam audiendi.
2. Festum ab Episcopo inditum non obligat, si populus ex causa rationabili contradicit. Quod si receptum est, debent seruare etiam Religiosi exempti. Non potest autem ipse indicare sine Cleri aut Capituli consensu. *Vide ca. Conquestus, de Ferys.*
3. Ad festa maiorum voto aut iuramento recepta tenetur quidem populus, sed non sub obligatione voti, aut iuramenti; est enim hæc personalis.
4. Non potest Episcopus prohibere alioqui in festo licita: quod si sub Excommunicatione prohibeat, nulla est Excommunicatio, *secundum Nauar.*
5. In festo licet docere, piscari, venari, etiam lucræ causa, &, secundum quosdam, libros ob lucrum describere, vel pingere aliquid: sed alij negant probabilius. Licet quidem exemplum aliquod delineare, quod vulgò dicitur *ritrar*, (vt fit passim, etiam Romæ) & acupingere linteum, quod vulgò *rica-mar*, discendi causa; & præliari, & vendere illo die necessaria, & iter agere, etiam comitantibus mulis onustis supellestili, concedente id consuetudine; & Aduocatum vel Procuratorem suum officium facere apud partem, vel Iudicem, modò ne procedatur ad actum iudicalem, nisi causa pietatis, aut necessitatis; & mulionem iter coeptum continuare. Molendina & nundinas excusat consuetudo, pistores necessitas.
6. Excusat à festi obseruatione metus iustus, necessitas, pietas, vtilitas publica, (itaque excusantur laborantes pro loco pio, aut publico) vitatio damni corporis, vel animæ, (itaque excusantur puellæ laborantes ad vitandum otium) & dispensatio Episcopi, vel Parochi, vbi is solet dispensare.

7. Excusat uxorem viri, & filium patris, & seruum, vel famulum domini coactio.

8. De rebus quæ in festis licent, licitè fiunt etiam instrumenta.

9. Audita Missa, potest quis ad locum, vbi non est festum, ire, causa laborandi, ex loco vbi festum est.

10. Circa festi principium & finem seruanda recepta consuetudo: vbi autem à vespere incipit, excusantur barbitonfores in Vigilia laborantes, concessione Eugenij Quarti, *secundum Nauar.* +

F E V D V M, vide Pignus.

1. F E V D O amisso non per mortem, amittuntur, & fructus pendentes; si verò per mortem, post Calendas quidem Maij vsque ad finem Augusti fructus pertinent ad hæredes, at anteriores ad dominum.

2. Non potest quis priuari feudo à Principe sine causa.

3. Feudales consuetudines ligant etiam Ecclesiasticos & Ecclesiam.

4. Non solet succedere in feudo femina, nec ascendentes, nec Monasterium.

5. Vassallus vassalli tui, non est tuus vassallus.

F I C T I O, vide Mendacium.

F I D E S, vide Discere, Docere.

1. N E C E S S E esse explicite credere fidei mysteria, quæ publicè in Ecclesia celebrantur, sentiunt multi cum D. Thoma: alij, excusari multos ignorantia, præsertim cum deest qui doceat; sufficereque illis, cum Baptismo, credere quod credit Ecclesia. quam opinionem etsi adhuc solebam improbare, +

nunc non ausim. Quid enim? dicemusne perire infinitam Christianorum alioqui bonorum multitudinem, qui de mysterio etiam Trinitatis, & Incarnationis, vix quicquam rectè norunt, imò peruersè sentiunt, si interrogas? Potius crediderim condemnari istorum Pastores, ob negligentiam docendi.

2. Negligentiam docendi filios Symbolum fidei, & Dei præcepta, & Pater noster, mortalem ait Nauar. itemque ea discendi negligentiam. Quod vt non improbo, ita illam probo sententiam, sufficere ex istis scire substantiam, etiamsi verba præcisâ non teneantur. *Medina de rectâ in Deum fidel. 4. c. 6. nec aliud videntur velle Theol. 3. d. 25. & D. Th. 2. 2. q. 1. a. 6. ad 3.*

3. Prohibitum laico, sub Excommunicationis ferendæ pœna, disputare de fide. *Ca. 1. de hæret. lib. 6.* quam prohibitionem si sciens contrafaciat, peccabit mortaliter.

4. Fidem tenetur quis, etiam cum periculo vitæ, coram infideli tyranno confiteri, cum id postulat Dei honor, aut proximi salus, aut alioqui scandalum sequitur.

5. Habitum fidelis exuere, & induere infidelis, modo absit scandalum, interdum ex causa licet: nec enim, qui se ita induit, infidelitatem profitetur, cum ex alijs multis causis soleat fieri.

6. Fidei professionem publicè facere debent assumpti ad dignitatem in Cathedrali, vel Canoniciatum, vel ad curam animarum, etiam Religiosorum. *Pim. Quartus.*

FIDEI V S S I O, vide Mutuum.

1. **P**OTEST pro fideiussione aliquid pretij accipere etiamsi nullum timeatur periculum; est enim ex se pretio æstimabilis. *Contra. Tract. 2. q. 46. casu 14. Med. cod. de rebus per usu. acquis. q. 4. Pet. Nau. l. 3. c. 2. n. 247. Soto l. 6. q. 1. a. 2.*

2. PRO

2. Pro fideiussione Prælati non tenetur successor, non enim est hæres.

3. Tenetur debitor de omni damno sua culpa accedente fideiussori: de quo tamen vide C V L P A.

4. Fideiubeus simpliciter, non tenetur ad interesse, nec ad debiti augmentum.

5. Fideiussor vique ad certum tempus debiti solvendi, si id à creditore debitori prorogetur, non tenetur ille postea, nisi in id de nouo consenserit.

6. Non tenet fideiussio accessoria contractui inuálido, vt minoris, qui se non potest obligare. Quidam tamen tenere dicunt, si quis se pro minori obligauit.

7. Fideiussio eius qui est sub alterius potestate communiter non valet. Nec Clericus, nisi in necessitate, debet pro laico fideiubere.

8. Promittens aliquem præsentare, si is ob crimen capitale postea commissum, sine illius culpa lata, fugiat, non tenetur.

FIDEICOMMISSVM.

1. FIDEICOMMISSO subiecta possunt alienari causa dotis, etiam post fide commissum promissa, & alimentorum.

FILIVS, vide *Dispensatio, Donatio, Hereditas, Parentes, Peculium*.

1. FILIUS familias dicitur, qui est in potestate patris, aut aui, vel proaui, &c.

2. Supremus ascendentium habet omnes descendentes in potestate; quo mortuo, manent in potestate sequentis.

3. Fœminæ non habent filios in potestate, nec eius ascendentes.

4. Legitimus filius dicitur, qui lege probatus, ut adoptatus.

5. Legitimus naturalis, qui ex legitimo matrimonio.

6. Naturalis, qui ex copula nec approbata nec reprobata Iure Ciuili.

7. Spurius, qui ex reprobata, ut ex consanguinea, aut adultera; aut vulgò conceptus, qui patrem non potest monstrare, vel ex Religioso, aut Clerico in sacris. Qui autem est ex soluta & coniugato, non dicitur spurius.

8. Expositus, si facta diligentia nihil reperitur, præsumitur legitimus: in dubio autem dicunt quidam posse Episcopum dispensare, scilicet quantum ad Ecclesiastica.

9. Episcopus potest legitimare subditum quantum ad Ordines & beneficium sine cura & dignitate: censetur autem dispensare, si scienter ordinet: eritque talis, etiam quantum ad secularia nulli præiudicantia legitimatus in terris Papæ.

10. Legitimatus à Papa quantum ad spiritualia, est etiam quantum ad temporalia vbique, secundum quosdam. *Vide c. 13. Qui filij sint legitimi.* Certè ex causa potest etiam quantum ad temporalia vbique, si velit; etsi quidam negent.

11. Legitimatus à Principe non ideo est legitimatus quantum ad Ecclesiam. *Vide glo. d. 101. Peruenit.*

12. Legitimatio valet etiam in alio regno, vbi nulli fit præiudicium.

13. Legitimare potest, qui non habet Superiorem in temporalibus: tamen spurium solus Papa aut Imperator legitimat.

14. Pius Quartus reuocauit facultates legitimandi spurios in præiudicium aliorum.

15. Non præsumitur legitimans velle alteri præiudicare.

16. Non

16. Non legitimus non habet patris nobilitatem.

17. Naturalis etiam spurius efficitur legitimus, quantum ad omnia, per parentum matrimonium sequens, etiam solum ratum, si tempore quo conceptus aut natus est, poterat inter illos esse matrimonium; & venit etiam nomine legitime nati.

18. Natus ex matrimonio nullo, sed contracto bona alterius factem coniugis fide, in facie Ecclesie est legitimus: item qui ex illegitimo matrimonio, sed postea per dispensationem approbato: item cum parentes falsò, sed bona fide, putant secum legitime dispensatum.

19. Etiam putatiuum matrimonium, id est, quod ab alijs putatur legitimum, facit prolem antea susceptam legitimam: ut si quis contrahat cum consanguinea, ex qua prolem antea susceperat.

20. Filius naturalis non dicitur esse sub patris potestate. Quidam tamen id de patre concedunt, de adscendentibus negant.

21. Filium esse aliquem probat sola fama, nisi contrarium constet.

22. Filiorum nomine non veniunt nepotes in materia odiosa, veniunt autem naturales (non autem spurij) cum tractatur de virilitate, aut eadem ratio est quæ de legitimis.

23. Patria potestas non tollitur per Ordinem sacrum, etsi quidam id negent: tollitur verò per Episcopatum, & Cardinalatum, & per professionem patris, aut filij, & alicubi per filij matrimonium, & si pater sit perpetuo exul, vel hæreticus, etiam occultus, aut scienter contrahat incestus nuptias, aut sit captus bello iusto, aut servus sit.

24. Emancipatio fit coram Iudice, potest autem fieri per Procuratorem.

25. Emancipatus reuocatur in patriam potestatem ob alimenta patri negata.

26. Supremus ascendentium potest vnum descendentium emancipare, alijs relictis.

27. Emancipato patre, sub eius potestate est filius quem postea gignit.

28. Filius præsimitur emancipatus, si per decennium seorsim a patre id ferente negotietur, tanquam emancipatus.

29. Filij emancipati viuentē matre, post eius mortem habebunt vsumfructum in media parte bonorum eius, in altera autem pater.

30. Spurius relictus à patre potest tenere vsque ad condemnationem iudicis. Quidam tamen aiunt, legatum ad alimenta, vel dotem, posse quidem tenere, sed non alia, nec ex testamento, nec ab intestato, nec ex contractu inter viuos. Mihi tamen prior opinio magis placet.

31. Filius non succedit patri in dignitate obtenta post suam natiuitatem.

32. Filius potest accusare patrem de hæresi, vel prodicione.

33. Filius in ætate imperfecta datur parenti fidelis, in perfecta autem sequitur ipse vtrum parentem maluerit. *Vide de conuers. infid. ca. 2.*

34. Parentibus non obedire in rebus honestis ex contemptu, aut alioqui in re magni momenti, ad ipsorum potestatem pertinente, mortale est. Putant & quidam mortale esse, si contra eorum iustam voluntatem matrimonium contrahat sine causa iusta. Alij id negant, si absit scandalum, aut grauis aliqua necessitas.

35. In extrema necessitate postponendos esse filios uxori, quidam volunt. *Vide Tho. 2. 2. q. 26. ar. 11.*

FISCVS, vide *Hereditas, Testamentum*.

1. **N**ON succedit fiscus in prohibitis alienari.
2. Confiscari non possunt bona delinquentis, etiam hæretici notorii, nisi post sententiam iudicis.
3. Ad fiscum transeunt bona cum oneribus: itaque teneretur solvere debita.
4. Etiam si lex dicat ut quis teneatur statim bona dare fisco, non tenetur ante sententiam iudicis.
5. In dubio tenendum contra fiscum.

FOEMINA.

1. **F**OEMINA non potest publicè prædicare, nisi ex Papæ licentia.
2. Nec vii habitu virili, etiam ob continentiam. Vide *unc. Gang. ca. 13.*
3. Nec esse testis in testamento solemnni extra terras Ecclesiæ, (ubi verò solemnitas non requiritur, ut tempore pestis, potest) nec in causa criminali, nisi hæresis, aut læsæ maiestatis, aut Simonix, aut cum aliter veritas sciri non potest, aut cum proceditur via inquisitionis.
4. Nec pro debito incarcerari, nec cogi accusare, aut testificari, nisi in certis casibus, ut in causa criminali.
5. Potest post partum vel Ecclesiam adire ex deuotione, vel se domi continere ex reuerentia.

FRUCTVS, vide *Beneficium*.

FUGA.

1. **F**UGA non dicitur, qui ad Superiorem vadit.

F 7

F V 2

FURTIVM, vide *Debitum*, *Eleemosyna*, *Inventum*.

1. **EXCUSARI** à peccato furtum ob magnā necessitatē, probabiliter quidam dicunt: alij ob solam extremam volūt, idque modò rei dominus non sit in eadem necessitate. *August. lib. de mendac. cap. 7. & 12.* ob nullam excusat. Ego cum illis sentio, qui à diuite, qui tenetur pauperi subuenire, aiunt licere ad eam, rem clam accipere. *Ang. Furtum, §. 37. Medina cod. de eleemosyna, c. 7. P. a. Navar. l. 3. c. 1. n. 375.*

2. Excommunicatio lata ob furtum, intelligitur si ex se sit mortale peccatum, scilicet rei notabilis; non autem si per accideñs, vt quia graue damnum dedit, aut molestiam.

+ 3. Non est mortale clam ab eo accipere, qui daret si peteretur, etiam si clam accipi nolit; nec oportet restituere.

4. Clam viro aut patre rem non magnam accipere, non est furtum: quòd si sit notabilis, restituenda.

+ 5. Si accepisti quod dubitabas an tuum esset, debere te restituere, quidam aiunt, alij negant, quòd in dubio melior sit possidentis conditio.

6. Qui damnum nullum dedit rem alienam accipiens, quia ea dominus non utebatur, non tenetur restituere, si nulli est domino vsui futura.

7. Ex monte alieno ligna tollens, aut necessitate urgente, aut parum damni dando, non tenetur restituere.

8. Qui per vices pauca alicui furatur, cum ventum est ad notabilem summam, tenetur ei restituere, etsi quidam id probabiliter negant.

9. Qui per vim rapuit, tenetur etiam pro iniuria satisfacere.

10. Si oblatam rem à fure domino, is noluit accipere, ei perit, si sine furis culpa perit.

11. Ad

11. Acceptum à fure, sufficit ei restituere, *Halens.*
4.p.q.86.m.3. Anto.2.p.r.1.c.12. §.16. Syl. Resl.3.q.7.
Ang. Resl.1. §.6. aut cui ille voluerit: cili quidam ve-
lint, debere domino proprio restitui. Calet.2.2.q.62.a.
6.1010 l.4. de iust. q.7.a.2. Couar. l.1. Resol. c.311. lo. Med.
cod. de elem. q.10. Bart. Med. in Sum. l.1.c.19.

12. Si quod filius furatus est, expendat in vtilitatem
 patris, potest de patris bonis restituere, *videmque*
vxor de bonis viri.

13. Re deteriorata, tenetur fur ad æstimationem
 eam in qua dominus ea fuerat vsurus; percunte
 verò, dabit eius pretium, deductis ijs quæ expendit
 in eam cum domini vtilitate.

GABILLA,



GABELLA, vide *Clericus*, *Excommunicatio*
Bulle Cæna.

1. **GABELLAM** potest imponere, qui Superiorem non habet in temporalibus, & cui ipse id concesserit, vel consuetudo præscripserit.

2. Potest Episcopus in Ecclesijs sibi pleno iure subiectis, cum Capituli consensu, ex causa tributum seu pensionem imponere.

3. Potest urgente necessitate dominus temporalis, vel communitas, imponere talliam seu tributum; non enim id prohibitum, sed gabella ordinaria populum grauens.

4. Nouæ gabellæ non obligant, secundum quosdam, nisi constet legitimè impositas. *Pet. Nau. c. 1. n. 267. Arraz. 2. 2. q. 62. a. 3. tum Gabella, n. 18. Caiet. V. t. gal. Angel. Pedag. §. 6.* Alii in dubio volunt gabellas censeri iustas; presumendum enim pro Principe. *Valent. r. 3. disp. 5. q. 6. p. 5.*

5. Quæ verò imponuntur pro rebus delatis ad proprium usum, communiter habentur iniquæ. *Beja casu 1. 20. April. Angel. Pedagum, §. 3. Nau. c. 17. n. 20. Caiet. V. t. gal. c. 1. Tolet. 1. 5. c. 73. Pedraz. Prac. 7. d. 26. Pet. Nau. l. 3. c. 1. n. 237.* Si Princeps, ait, habet a' unde, non potest super his exigere; esset enim contra ius naturale: si non habet, potest consuetudine excusari. c' si quidam id negent, si iusta causa imponantur. *Arraz. 2. 2. q. 62. a. 3. item quæ pro priuata Principis vtilitate, & non pro communi Reip., aut quæ cessante causa, (Nau. l. 3. c. 1. n. 257. Lopez. c. 187. Foran. q. 95. tum Gabella, n. 14. Beja casu 1. 20. April.) ob quam sunt impositæ,*

sitz, exiguntur, aut maiores quàm cāusa postulat, aut quibus alij plus quàm alij indebitè grauantur.

6. Gabellam fraudare, & non restituere, non esse mortale, docti viri asserunt. *Tabien. Pedagium, n. 8. Nau. c. 23. n. 60. Videtur Caiet. Veltigalia, c. 2. Arrag. 2. 2. q. 62. citat pro hac sententia Henr. Quodlib. 3. q. 22. Est Beja casu 1. 20. April. qui pro eadem sententia citat Matth. Matthes. in suis Notab. notab. 78. Ego id in totum non ausim asserere: sed nec eos tamen, qui fraudarunt, ad restitutionem obligatim. In tanto enim dubio; ob grauium Doctorum opiniones, melior est conditio possidentis: dicunt enim quidam, vix vllam gabellam esse iustam. Caiet. Veltigalia, c. 3. alij, omnes ferè dubias esse. Fum. Gabella, n. 18.*

7. Qui Remp. nouis tributis grauant sine eius necessitate, tenentur restituere, secundum Nauar. V. Principibus.

8. Cùm nimis durum est tributum, sufficit soluere si petatur.

9. Res empta tranlit cum onere gabellæ non soluitur.

10. Cuius nouus non debet gabellam impositam pro debito veteri.

11. Deputati ad exigendum, possunt dissimulare cum pauperibus.

12. Deprehensa res ante locum quem exire non licet, non est confiscanda: poterat enim, qui ferebat, poenitere, & redire.

13. Gratia exemptionis ob numerum certum filiorum, durat etiam mortuo aliquo illorum.

14. Clerici non tenentur ad gabellam contractuum, nisi negotientur, nec de patrimonio suo; tenentur autem ad impositam pro refectione pontium, viarum, aut huiusmodi, aut pro totius Reip. bono.

15. Ecclesiæ prædium tenetur ad onus sibi perpetuè annexum, priusquam ad Ecclesiam veniret; nisi alicubi aliud sit in vsu, vt in Italia.

16. Em-

16. Emptor rei Ecclesiasticæ debet gabellam, & colonus rei Ecclesiasticæ soluit pro parte sua.

+ 17. Exempta ab omni exactione Mendicantium bona, coloni, arrendatarij, & negotiorum gestores.
Ex Titulo Quinto.

G R A T I A, vide *Delegatus, Dispensatio, Lex.*

1. G R A T I A non expirat morte concedentis, nec ante certificationem de reuocatione.

2. Litteræ fidei publicæ, vulgò saluus conductus, non expirant morte concedentis.

3. Gratia quam Papa facit, committendo tamen Episcopo examen, non expirat illo mortuo.

4. Gratia eligendi Confessorem, aut absoluendi à casibus, vel dispensandi, non expirat mortuo concedente.

5. Gratiam præcedentem sequens Excommunicatio non aufert.

6. Gratia non perit deficiente causa ex qua concessa: impetrata tamen ex falsa causa, nulla est.

7. Gratia in qua dicitur, Donec voluero, vel, Donec aliter ordinauero, vel, Ad beneplacitum Sedis Apostolicæ, durat mortuo concedente. Quod si dicat Papa, Ad nostrum beneplacitum, expirare eo mortuo quidam putant; alij negant. *Vide sup. DELEGATUS.*

8. Concesso aliquo, intelliguntur etiam concessa omnia sine quibus non potest commodè fieri.

9. Concessione generali non veniunt insolita concedi, nec quæ quis probabiliter creditur non fuisse in specie concessurus, nisi aliunde constet intentio concedentis: & quidem beneficium Principis, nisi alteri præiudicet, latissimè est interpretandum.

10. Non vitiatur gratia per id, quod etiamsi non fuisset, concederetur; vt, verbi gratia, si quid ex ignorantia falsum dictum est in supplicatione; nec si taceatur id, quod si concedens sciret, daret quidem, sed non tam facile; nec si facta est ob pauperatē
quæ

quæ reuera fuit tempore concessionis, etiamſi tempore informationis per Episcopum iam non ſit.

11. In priuilegio nomine marium comprehenduntur etiam fœminæ.

12. Papa non præſumitur concedere exorbitantiæ, nec velle derogare iuri, aut præiudicare alicui, niſi exprimat.

13. Per constitutionem non derogatur viux vocis oratulis, aut priuilegijs, aut ſtatutis, aut conſuetudinibus, niſi exprimantur nominatim, etiãſi dicat, Non obſtantibus quibuſcunque, &c. vt ſolet. *Vide glo. extrau. de off. deleg. Sedes Apoſtolica, & de reſcrip. c. 6. & 14.*

14. Priuilegium in dubio præſumitur non reuocatum. *Vide glo. 25. q. 2. Priuilegia.*

15. Priuilegium aut reſcriptum poſterius non tollit prius, niſi de eo faciat mentionem, etiamſi dicat, Non obſtantibus quibuſcunque priuilegijs, ſtatutis, &c. *Vide de reſcr. li. 6. ca. 10. & glo. d. 18.* quoniam ſecus eſt de conſtitutione poſteriori reſpectu prioris. *Vide ibi. & de reſcr. ca. 1. 3. 6. & lib. 6. de conſtit. ca. 1.*

16. Reſcriptum dicitur mandatum Principis faciens ius ſpeciale in aliquo negotio: item commiſſio cauſæ alicuius, & priuilegium, ſeu gratia.

17. Lex reuocans priuilegium non valet ante promulgationem in Diœceſi.

18. Priuilegium extenditur ad caſus ſimiles.

19. Priuilegium non tollit legem, aut conſuetudinem, aut ius priuati, niſi exprimat nominatim derogando.

20. Priuilegia Mendicantium non reuocantur, niſi de illis fiat expreſſa mentio.

21. Gratia valet in conſcientia etiam non expeditis litteris.

22. Gratiam Papæ ſurreptio facit nullam, non autem gratiam Ordinarij; nec ſurreptio vitiat niſi id eſt etiamſi eſt cauſa: excuſat autem à ſurreptione factum ex ignorantia.

23. Impetratio gratiæ vel beneficij pro aliquo fine eius mandato, valida est.

24. Cum in priuilegio vel commissione ponuntur multæ causæ, etiam copulatiuè, sufficit vnâ, quæ potest illum effectum operari, esse veram.

25. Bulla contra data aut promissa pro gratia, intelligitur de datis aut promissis aliqui illicitis.

26. Priuilegia Religiosorum quæ abrogantur *Sess. 25. ca. v. l. Trid. Conc.* intelliguntur quæ sunt contra Iura de quibus agitur in præcedentibus capitibus de Regularibus.

27. Quod quis potest ex priuilegio concessio dignitati, aut ex officio, potest alteri committere. Talia sunt priuilegia concessa Prælati Religionum.

28. Priuilegio dato à Papa non possunt Religiosi renunciare sine eius licentia.

29. Priuilegio sibi cum alijs communi non potest quis renunciare sine Superioris licentia.

30. Priuilegio tuo gaudet etiam socius tuus, si tibi alioqui est inutile.

G R E X .

1. **G**R E G E M porcorum faciunt quatuor aut quinque; ouium verò decem.

C V L A, vide *Comedere*.

H A B I T V S, vide *Fides, Vestis*.

H A E R E D I T A S, vide *Alienatio, Contractus, Debitum, Dos, Legitima, Parentes, Peculium, Testamentum*.

1. **D**E F I C I E N T I B V S descenditibus & ascenditibus, potest quis hæredem institui.

te quem velit; & deficientibus filijs legitimis, potest instituere naturalem, relicta tamen legitima ascendentibus.

2. Filiam sufficit instituere cum sola dote.

3. Legitima successione deficiente, succedit coniux: (& interdum dominus loci, ex præscripta consuetudine) deficiente verò etiam coniuge, fiscus.

4. Intestato non succeditur in agnatis, id est, coniunctis per patrem, nisi usque ad decimum gradum, secundum Ius Civile, qui secundum Canonicum non idem est in collateralibus: de quo vide MATRIMONIUM. In cognatis verò, id est, per matrem vel amitam, usque ad sextum.

5. Ab intestato succedunt filij æqualiter: quorum si aliquis sit præmortuus, pro eo succedunt eius filij & filix, & pro his nepotes. Habetur autem loco filij Monasterium capax possessionis, propter Monachum.

6. Deficientibus filijs, succedunt pater & mater æqualiter, & pro ijs auus & avia ex utraque parte. Quòd si defuncti pater sit mortuus, succedit ei sola mater, non auus paternus. In ascendentibus enim, qui propinquior est, remotiorem excludit: secus est in descendantibus. Quòd si nec filij sint, nec ascendentes, nec vxor, succedit filius naturalis & patri & auo in sexta parte, si mater à patre domi ut concubina habebatur; cuius sextæ dimidium matri debetur: sed de ijs viderint Iureconsulti.

7. Filius naturalis succedit matri ut legitimus, non autem spurius propriè; etsi quidam id concedant, quando matri non sunt legitimi filij: certè à matre sibi relicta potest tenere donec per Iudicem prouideatur. Imò potest ipsum mater instituere, secundum quosdam, &, si vulgò habetur legitimus, vocare in testamento legitimum, scilicet secundum vulgi communem opinionem. At spurius, id est, vulgò conceptus, seu patre incerto natus, matri succedit, nisi

hæc

hæc sit illustris. Sunt & qui dicunt, filium solutæ ex coniugato vel Presbytero succedere matri vt naturalem.

8 Legitimus viuentē patre, succedit ei vt legitimus; itemque adoptatus.

9. Spurijs fratres, si sint vterini, succedunt sibi inuicem ab intestato. Alioqui spurijs, id est, damnato per Ius Ciuile coitu natis, non succedunt parentes, nec fratres, nec contrā.

10. Parentes, fratres, & sorores succedunt simul ab intestato. Quod si parentes mortui, succedunt aui cum nepotibus, vt suprā dictum est: fratres tamen & sorores ex vno latere tantum non succedunt cum ascendētibz defuncti, nec cum fratribz eius ex vtroque latere, aut, his defunctis, cum eorum filijs.

11. Deficientibus filijs, & parentibus, & fratribz, eorumque filijs, succedunt propinquiorez in capita, etiam fœminæ: nec fit distinctio inter coniunctos ex vno latere, aut ex vtroque.

12. Vxor pauper succedit cum filijs quantum ad vsumfructum in quarta parte, si sunt vsque ad tres; si plures, per capita cum illis, nisi ei vir aliquid legasset: idemque est in viro paupere, mortua vxore.

13. Liberto mortuo sine liberis, succedit patronus ab intestato.

14. Monasterium succedit Religioso professo ab intestato, relicta tamen legitima filijs, &, horum defectu, ascendētibz, & dote filiabus.

15. Intestato Clerico non habenti cognatos, succedere deberet Ecclesia cui seruiebat: sed fortē iam succedit Camera Apostolica.

16. Spurius potest à patre hæres institui, cum conditione si legitimeretur à Principe.

17. Spurium potest extraneus hæredem instituere.

18. Occidens aliquem vt ei succedat, potest succedere vsque ad condemnationem per Iudicem. Excipe

pc

pe tamen occidentem uxorem, vt suprà D o s.

19. Cùm in pœnam delicti prohibetur aliquis hære-
ditare, requiritur sententia iudicis.

20. Institutus hæres ea spe, vt hæreditatem restituat
spurio, non tenetur, etiamsi promississet: nec tamen
tenebitur restituere consanguineis defuncti, aut
filio, antè condemnationem: si tamen restituat spu-
rio, iste poterit tenere. Potest quidem ille sibi acci-
pere, & postea spurio liberè donare. Quidam tamen
dicunt, si cum pacto restituendi accepit, teneri: alij,
etiam cum pacto acceptam, dandam succedentibus
ab intestato.

21. Pactum renunciantis hæreditati alioqui debite
non valet, nisi firmetur iuramento, (sed si est enor-
mis læsio, poterit petere Absolutionem à iuramēto)
aut sit pro eo datum æquiualens, aut si in fratris
gratiam renunciauit: sed tunc accipienda legitima.
Quòd si de patris consensu factum, potest pater
consensum reuocare.

22. Filiam, etiamsi cum iuramento renunciaasset
hæreditati, potest pater postea instituere.

23. Si quis exhæredetur, potest petere hæreditatem,
donec causa probetur.

24. Si hæres nolit adire hæreditatem, poterit adire
qui fuit exhæredatus.

25. Si cui descendenti relinquatur hæreditas, aut sit
legatum, aut donatio, cum pacto vt post mortem
det alteri totum vel partem, intelligitur si non ha-
beat liberos; hi enim succedent, etiam fœminæ.

26. Hæres institutus ab eo qui factus Monachus in
Monasterio possidente bona, non succedit ante il-
lius mortem. Quòd si ille intendebat ingredi Reli-
gionem, testamentum professione velut morte con-
firmatur.

27. Cui relicta bona cum pacto vt sine liberis deco-
dens det Petro, si sit Religiosus professus potest dare
Monasterio; est enim id loco filij: nisi appareat re-
statu-

statorem Monasterium excludere voluisse. *Vide de preb. ca. in presentia.*

28. Statutum excludens filiam à successione, intelligitur solum ab intestato, & in bonis quæ sunt intra territorium statuentis.

29. Infidelis, patre ad fidem conuerso, perdit ius hæreditatis.

30. Non potest filia exheredari quia nupsit patre invito, nec quia nupsit indigno; at potest si elegit turpem vitam.

31. Non potest institui hæres damnatus ad mortem, aut perpetuò ad exilium vel triremes.

32. Hæres ex testamento minus solemni, potest hæreditatem retinere, si ei constet de voluntate testatoris. Au verò hæres & executor teneatur ad voluntatem testatoris, deficiente solemnitate, non conuenit inter Doctores: ego non puto teneri.

33. Si hæres non adit hæreditatem institutus in re certa, erit hæres vniuersalis.

34. Hæres intra tres menses à notitia testamenti potest hæreditatem nondum aditam repudiare. Quòd si facit inuentarium, non tenetur ad debita & ad legata ultra vires hæreditatis, alioqui tenebitur in Foro exteriori si adeat; nec detrahit Falcidiam: debet verò incipere inuentarium intra dies triginta à dicta notitia, & intra alios sexaginta perficere: sufficit verò intra hos sexaginta perficere, etiamsi post illos triginta inceperit. Nec intra dictum tempus potest molestari à creditoribus vel legatarijs: debet verò facere cum Notario, citatisque creditoribus & legatarijs.

35. Ante xs alienum deducendæ impensa funeris, & quæ necessaria ad adeundum hæreditatem: & quidem factas circa corpus Rectoris Ecclesiæ, soluet successor; at vestes lugubres, & sepulchrum magnificum, heredes. Pòst soluenda debita, ultimò legata, etiam à fisco si hæreditas est confiscata: in debitis

bitis verò intelliguntur etiam vota realia defuncti.

36. Ad hæredem non transmittitur obligatio, nisi quæ est ex iustitia: tenetur verò ad contractum testatoris, etiamsi tangat suam legitimam.

37. Contractus factus pro se, & filiis, & hæredibus, non comprehendit hæredem extraneum, id est, non coniunctum in quarto gradu saltem consanguinitatis, vel affinitatis.

38. Hæredis culpa in restituendo non nocet defuncto. +

39. Hæres bona fide soluens debitoribus vel legatariis prius petentibus, non tenetur nisi de eo quod superest: sed priores creditores habebunt actionem contra illos.

40. Hæres detrahit Falcidiam, id est, quartam partem hæreditatis gravatæ legatis non ad pias causas ultra tres partes, nisi testator prohibuisset detrahi, aut hæres non confecisset inventarium, aut esset legata dos. +

41. Detrahit etiam Trebellianicam, id est, quartam partem, quando debet hæreditatem restituere per fideicommissum, nisi testator prohibuisset detrahi, aut restituenda esset hæreditas piæ causæ, aut ipse esset institutus in re certa. Computantur autem aliquando in Trebellianicam fructus percepti. +

42. Collatio bonorum in commune debet fieri ab hæredibus si sint descendentes, & non contenti acceptis à patre, aut legatis, velint in hæreditate succedere. Solent autem conferri profectitia, & dos filiarum, & donatio propter nuptias.

43. Non conferuntur autem sumptus in alimentis filij, etiam coniugati, etiam in convivijs, ut Doctoratus, vel Missæ novæ, vel in peregrinatione, vel recreatione, vel liberatione. Includuntur verò in alimentis vestes ordinariæ, & excessus in expendendo accepta ad sustentationem, (non autem vestes precio- +

G. s.

ſæ, vt quæ ſolent ſponſa dari, computandæ verò ſunt precio quo in præſenti valent) vel in libris datis filio abſoluto ſtudio, cum propè eſſet vt exerceret; (quidam tamen dicunt computandos ſi non erat Doctor, attendendumque valorem præſentem) aut expenſum ad acquirendum filio officium, vel gradum, nec vendibilem, nec ad hæredes transferibilem; vel donatio ſimplex validè facta filio ſub poteſtate patris, vel morte confirmata, vel remuneratoria, aut facta à matre, vel auia, vel auis paternis; vel lucrum factum proprio nomine ex pecunia communi. At donatio ob cauſam facta, aut filio emancipato, confertur.

+ 44. Societas fratrum in lucro omni, non intelligitur in lucro ex officio publico, aut merito perſonæ; ſed ex negotiationibus.

45. Si pater filij aduentitia bona dilapidauit, tenentur ei reliqui fratres: tenentur & pro parte ſua ſuſtinere onus ſolutionis factæ à patre ex pietate pro filij delicto: quod ſi ex neceſſitate ſoluit, ſolus filius ille ſuſtinebit.

HÆRESIS, vide *Bulla Cane, Episcopus, Excommunicatio, Filius, Fiſcus.*

1. NON eſt hæreticus, qui ex infirmitate animi de fide dubitat, non pertinaciter: quin etiam, dum dubitat, non eſt cenſendus hæreticus; in dubio enim non eſt pertinacia propriè, quæ ad hæreſim requiritur: nec qui per ignorantiam errat contra fidem, ſe tamen Eccleſiæ Romanæ ſubmittens, paratus id credere, quod illam credere intellexerit. *Vide cap. Damnamus, de iur. Trin.*

2. Hæretici abſolutio valida eſt, etiam ſi fictè conuertatur.

3. Hæreticus non priuatur bonis, aut poteſtate, niſi per ſententiam iudicis. *Syl. Har. q. 8. Adrian. quod. 6.*

a. 1.

a. 1. *Soto l. 1. de iust. q. 5. a. 6. Nau. c. 23. n. 66. nec post eam tenetur dare bona filio, nisi id exprimatur in sententia.*

4. Hæretici impœnitentis & damnati per Iudicem filius, & nepos, hæretica verò solus filius, nullum potest beneficium aut publicum officium obtinere, nisi esset natus ante patris hæresim, aut in regione hæretica, aut esset occultum ipsum esse filium hæretici: potest tamen ordinari.

5. Abiurans hæresim, est inhabilis ad officia & beneficia: secus si abiuret non hæresim, sed solum de leui, aut vehementi.

6. Ex sortilegio aut diuinatione non probatur quis hæreticus, sed præsumitur.

7. Sepeliens cum præsumptione, id est, dolo & malitia, in loco sacro cum quem scit esse hæreticum, est excommunicatus: non scit autem, qui sola fama scit: quin etiam puto requiri nominatim denunciatum esse non solum hæreticum, sed excommu-
nicatum. +

8. Patrem hæreticum potest quidem filius denunciare, sed non tenetur, nisi sit periculum peruersionis aliorum.

9. Ultramontanus non tenetur denunciare hæreticum, cum quo solum ultra montes est conuersatus; secus si in Italia, aut Hispania.

10. Omnis hæreticus est schismaticus, sed non contra.

11. Credentes hæreticorum dicuntur, qui implicitè credunt quod illi explicitè.

12. Temeraria dicitur assertio tamquam certi eius quod efficaciter probari non potest: erronea verò, cum præterea falsa est: at hæretica, si est apertè contra fidem. +

HISTRIO, vide *Ludus*.

HOMICIDIUM, vide *Bannitus, Bellum, Dos, Hereditas, Irregularis, Tyrannus.*

1. **A**BORTVM procurare ad salutem matris, si dubitatur an anima rationali pręditus sit fœtus, mortale est; non autem si credatur animatus esse, & detur medicina non ad abortum, sed ad matris sanitatem, etiamsi præter intentionem abortus sequatur.

2. Mas ferè animatur die quadragesimo, fœmina octuagesimo. *Couar. in Clement. 1. de homicidio, 2. p. §.*

3. n. 1. & alij. in dubio autem credendum esse matrem.

3. Poenę positę à Sixto Quinto abortum procuranti, locum habent solum cum fœtus est animatus. *Ex Gregorio 14.*

4. Homicidium voluntarium dicitur, quod per se & directè intentum, seu ex proposito fit: at secus est si sine occidendi intentione fiat id, unde mors sequi etiam ut plurimum soleat, & sequatur; ut si quis grandi ligno aut lapide volens solum percutere, occidat. *Vide Basil. ad Amphil. ca. 8. & 11.*

5. Miles in bello etiam iniusto occidens, non censetur homicida voluntarius.

6. Licet occidere defendendo se vel alterum. Dicunt & quidam licere pro rerum defensione. *Caiet. 2. 2. q. 64. a. 7. Aragonensis ib. & alij.* quod D. Aug. non concedit, qui nec pro castitate tuenda licere ait, *lib. 2. de morib. Eccles.* Ego tamen non aulim condemnare, cum præferim, ut quidam volunt, Ius Civile potestatem dedisse videatur, ut pro tuis vel proximi rebus defendendo possis occidere.

7. Pellere aliquem loco in quo simul cum illo servari non potes, si ab alio occidatur, non est illum occidere, sed non defendere cum tuę vitę periculo. Ita quidam docti viri, sed ego non nihil dubito.

8. Ho-

8. Hostem publicum an liceat occidere, vide **TRANNYS.**

9. Potes paratum te occidere, priusquam te inuadat, occidere, si aliter non possis euadere; est enim id te defendere; itaque non condemnandi qui occidunt eos, à quibus alioqui essent occidendi. *Vide Caiet. 2. 2. q. 95. ar. 8. & in Summa, verbo Duellum. Couar. Clem. Si furiosus, par. 3. §. 1. n. 2. ver. 7. Nauar. cap. Ita querundam, not. 4. corr. 20. Anton. 2. par. tit. 1. ca. 22. §. 8. Soto de iust. & iure, q. 1. ar. 8. col. 5. Qui tamen excipi vult Iudicem & testes mortem tibi certam inique parantes. Tu vide an id consentaneè prædictæ sententiæ.*

10. Fugientem cum equo tuo, si non possis aliter capere, licere sagitta occidere, itidemque furem fugientem cum rebus tuis, quidam aiunt. *Syl. Excomm. 6. not. 4. casu 9. Soto l. 5. q. 3. a. 8. alij negant, vtrique docti. Licere etiam fugientem occidere, si id necessarium sit ad defensionem honoris tui alioqui notabiliter amittendi. Ant. 3. p. t. 4. c. 3. §. 1. Viñt. relect. de iure bell. q. 2. n. 5. Nauar. l. 5. n. 3. Item honorem defendendo, occidere volentem te leuiter percutere, vbi id insignis est iniuria; & colapho accepto, gladio percutere statim ad vitandam ignominiam. Quæ docti quidam concedunt, alij etiam docti negant, & negaret, mea quidem sententia, D. August. Ego nec concedere ausim, nec facientem in totum condemnarim.*

11. Cui licet alium occidere, potest ad id socios assumere.

12. Pro defensione patriæ etiam patrem occidere licet.

13. Casu occidere, non adhibita debita diligentia, mortale esse Nauarrus ait.

14. Adulteram traditam viro à Iudice, vt occidat, si velit, potest occidere, est enim tunc minister iustitiæ

voluntarius. *Medina de rest. q. 3. Soto l. 5. de iust. q. 1. a. 3. & in 4. d. 37. q. unica.*

15. Occidere in adulterio deprehensam vxorem, vel filiam, itemque adulterum, licere aiunt quidam, alij melius negant. *Med. loco cit. causa 4. Couar. 2. p. de sponsal. c. 7. §. 7. n. 8. Nau. c. 15. n. 3. Soto cit. &c.*

16. Dare aliquid mulieri ne concipiat, homicidium quoddam esse dicitur, *ca. 5. de homic. volunt. nempe improprie.*

17. Non licere permittere potius occidi inuasum, quam iniuste inuadentem (nisi ille consentiat) defendendo occidas, quidam aiunt. Ego non puto te teneri occidere vnum, vt alterum defendas: ait enim *Ambros. lib. 3. Offic. cap. 9. & habetur 14. q. 5. Denique, non esse vni subueniendum, si non possis id nisi alterum laedendo. Puto tamen te, etsi non teneris, posse tamen.*

18. Permittere te occidi ab inuadente, potius quam illum occidas, virtutis est. *Caiet. 2. 2. q. 64. a. 7. Syl. Bellum, 2. n. 3. Ant. 3. p. r. 4. c. 3. Couar. 2. p. de sponsal. c. 3. §. 12. necessitatis autem numquam est, vt ego sentio: etsi quidam dicunt aliquando esse necessesse. Illud potius aliquando necessarium, ne te occidi permit-
tas, vt si miles iuratus proclieris.*

19. Homicida & mutilans tenetur etiam de iniuria, eius verò hæres solum de damno. Quod si ille pro homicidio suspensus est accusatus ab aduersario, nulla videtur restituendi obligatio: quidam tamen esse dicunt, nisi aliud sit in more recepto possum.

20. Grauius peccat occidens corporaliter quam spiritualiter, nisi etiam spiritualement mortem intendat. *Vide Tho. & Caiet. 1. 2. q. 73.*

21. Homicida voluntarius non est incapax pensionis. *Ex Conz. Copr.*

22. Vitam pro altero ponere licet: licere verò in extrema necessitate dare alteri tibi necessaria, quidam

dam aiunt, alij negant; ego licere puto.

23. Licet agrotum inuisere etiam cum vita periculo, & ei assistere etiam cum id facere eius salutem non est necessarium; est enim actus virtutis. +

24. Vitam pro honore ponere licere, quidam aiunt, alij negant.

25. Aiunt quidam, licere ligato manum vel pedem sibi abscindere ad fugam, ne occidatur. *Ma. 4. d. 15. q. 3. Soto l. 3. de iust. q. 4.* itemque minitanti mortem, offerre potius membrum secundum: non tamen licere tibi ipsi membrum abscindere, minitante aliquo mortem nisi facias; nec eruere tibi oculum, minitante aliquo te alioqui vtrumque perditurum. *Soto loco cit.* Ego cur, si illa licent, hæc non liceant, non video.

HONOR, vide *Homicidium, Vana gloria.*

1. **H**ONOREM & laudem, si debeantur, optare, peccatum non est.

2. Honoris insignia sumere sibi, modò non cum præiudicio alterius, licet.

HORAE CANONICAE, vide *Beneficium, Oratio.*

1. **A**D Horas Canonicas seu Officium diuinum non tenentur Religiosi non professi, nec professi, nisi sint in sacris, aut choro destinati. *Nau. c. 25. n. 96. & lib. de oratione, c. 7. n. 4. & n. 13. Soto l. 10. de iust. q. 5. a. 3. & alij.* Quidam tamen & Moniales, & eos omnes qui non sunt in sacris, obligatione liberant: quod etli probabile, non est usu receptum. Nec Clericus qui nec est in sacris, nec habet beneficium. *Ex Soto, Nauar. cit. & alijs.* nec is cuius sanitati obest recitatio: nec qui urgente negotio est impeditus; huic enim sufficit recitare Horas

+ temporis non impediti : nec qui sine notabili aliquo damno recitare non potest : nec qui fructus nullos recipit. *Nav. c. 25. n. 100. est communis.* nec, secundum quosdam, qui valde exiguos, *Soto loco cit. ut octo solum ducatorum ; quem tamen alij non excusant. Nav. cit. n. 100.* Sunt & qui velint solum titulum obligare ad Officium, quod duriusculum videtur.

2. Degradatum quidam excusant, alij obligant. *Soto de iustit. l. 10. q. 5. a. 3. Navar. c. 7. n. 17. & id durum.*

+ 3. Qui legitime excusatur, non tenetur ad aliud loco Officij. Qui tamen nescit recitare Officium, dicat saltem Rosarium, seu Coronam, ut vulgò appellatur.

+ 4. Capellania instituta sine Papæ aut Episcopi auctoritate, non obligat ad Officium, quia non est beneficium : nec beneficium datum ad Officium non Ecclesiasticum, ut ad pulsandum organa, aut ad docendum etiam Theologiam.

+ 5. Habens solum minores Ordines, ad nullum Officium recitandum tenetur, etiamsi Episcopus præcipiat. *Soto & Nav. locis cit.*

6. Extra chorum potest quisque dicere Officium Romanum.

+ 7. Domesticus Cardinalis aut Episcopi potest cum eodem Officium dicere.

8. Ingresso chorum tardè, sufficit postea sola quæ iam erant ab aliis recitata supplere. Quod verò quis impeditus inseruiendo officijs non potuit in choro dicere aut audire, non tenetur supplere.

+ 9. Qui in choro suam partem dicit, & alteram, etiamsi attentus, non potest percipere, non tenetur supplere, nisi, ut quidam addunt, surdus esset.

+ 10. Potest quis priuatim Officium dicere lingua qua velit, ut Græca aut Hebræa; etsi ego, ut vulgari dicat, non facile admiserim.

11. Qui

11. Qui solus mentaliter Officium dicit ob maiorem deuotionem, quidam excusant, alij accusant, censentes necessariam esse voce pronunciationem. Mihi tutum non videtur mente sola dicere. *Nauar. c. 25. n. 97. & communis aliorum.*

12. Loco Horæ alicuius, aliquid aliud æquiualens ex causa dicere, non videtur illicitum; hæc aliud aliquando ex causa Officium: nec verò, si sine causa fiat, & contemptus absit, mortale est. *D. Th. quod. 5. a. 13. Syl. q. 12. Caiet. Hora.*

13. Qui ex iniuncta pœnitentia debent aliquos Psalmos, possunt simul dicere.

14. Notabilem Officij partem ex negligentia omittere, mortale est. *Palud. 4. d. 15. q. 5. Nauar. de oratione, c. 7 n. 5. & alij.* non tamen, si totum omittatur, plura sunt peccata, sed vnum.

15. Ordo Officij potest priuatim ex causa mutari, nempe prius dici quod posterius dicendum est: quod si sine causa mutetur, mortale non est. *Palud. cit. q. 5. a. 2. Syl. Hora, n. 17. Anton. & alij.*

16. Vesperæ in Quadragesima possunt priuatim à prandio dici. *Sylu. Hora, n. 10. Nauar. de oratione, c. 3. n. 15.*

17. Post mediam noctem transijt obligatio Officij præcedentis diei.

18. Potest ex causa statim post Completorium dici Matutinum sequens, & manè totum Officium diei.

19. Officium publicè dicere in statu peccati, non est mortale, si non sit aliquid proprium Ordinis sacri.

20. Vagari mente ex negligentia in Officio, veniale solum peccatum est: nisi ex proposito id fiat, nam tunc etiam Officium repetendum. *Caiet. 2. 2. q. 82. a. 13. Soto l. 10. q. 5. a. 5. Sylu. Hora, n. 12. Nauar. cit. c. 25. etsi id quidam negent. T. à Nauar. l. 2. de resist. 1. 2. v. 233. & multi alij.* sufficit verò ad verba

16. Cogere sine causa famulos ad opera non ferentia ieiunium, mortale esse, quidam non improbabili-
liter aiunt.

17. Puer ante usum rationis potest vesci carnibus
die ieiunij, quia non est legi subiectus.

IGNORANTIA, vide *Lex*, *Pœna*.

1. IGNORANTIA Iuris vel facti excusat à pœna
legis humanæ, etiam cum non excusat à pec-
cato: ut cum quis peccat, sed ignorat ob id politans
à lege pœnam; abest enim contemptus legis.

IMAGO.

1. IMAGINEM crucis sculperè humi in lapide, sub
grauissima pœna prohibetur *l. unica, c. Nemini
liceat*. Itaque quibusdam mortale videtur: sed durum
id, cum non sit lex illa usu recepta.

IMPOSSIBILE.

1. IMPOSSIBILE dicitur iuridicè, quod non po-
test fieri iustè, aut honestè, aut commodè: ita-
que valde difficile velut impossibile reputatur in le-
gibus humanis, quæ ad impossibile non obligant.

INCESTVS, vide *Luxuria*.

INCORRIGIBILIS.

1. INCORRIGIBILIS in Iure dicitur, qui vel non
paret iudicis sententiæ, vel post condemnatio-
nem idem crimen aut peius facit.

INDI-

INDIGNATIO.

1. **INDIGNATIO** non volentis videre vel audire
Ieum cui irascitur, communiter est tantum ve-
niale.

INDVLGENTIA, vide *Absolutio*.

1. **INDVLGENTIAM** etiam sine causa datam
valere quidam aiunt: alij non solum iustam
causam requiri, sed & indulgentiæ proportionatam.
Bonau. 4. d. 20. 2. p. 1. q. ult. Caiet. opusc. de causa indulg.
1. 1. tract. 9. Soto 4. d. 21. q. 2. a. 2. Armil. n. 10. Gab. supra
Can. lect. 57. & quidam alij. ego de indulgentia à Papa
data non censeo quicquam dubitandum.

2. Indulgentiam non consequitur, qui non est in
Dei gratia. *D. Th. 3. p. 9. 27. a. 1. Soto 4. d. 21. q. 2. a. 3.*
Adrian. 4. de indulg. col. 13. conclusio 3. et si quidam pu-
tant valere acceptam in peccato indulgentiam, rece-
dente peccato. Ego puto eum etiam qui pro defun-
cto accipit indulgentiam, debere esse in gratia, nisi
opus faciat ex persona Ecclesiæ, vt Missam, aut eius-
modi aliud. Qui tamen ex iniuncta pœnitentia, aut
aliàs, debet defuncto suffragium, si in peccato soli-
uât, non tenetur iterare. Valere autem indulgentiam
& catechumeno, & excommunicato, si sint in gra-
tia, quidam asserunt.

3. Cùm ad indulgentiam requiritur Confessio, suf-
ficere quidam putant contritionem, cum proposito
confitendi tempore debito ex præcepto. *Palud. 4.*
d. 20. q. 4. a. 2. Panor. c. Omnis utriusque sexus, de pœn.
n. 21. & quidam alij. ego non puto. *Ant. 1. p. 1. 10.*
c. 3. §. 2. & 3. Ang. n. 17. Caiet. opusc. de indulg. ad
Iulium, c. 10. Adrian. Nav. & alij. nisi fortè in eo
qui non potest confiteri.

4. Cùm dicitur absolutè vt fiat elemosyna, qui-
dam

dam requirunt summam quandam cuiusque statui conuenientem: ego potius dicerem, cuiusque deuotioni relinqui quantum det: & qui pro se datam ab alio ratam habet, dare censetur. Quòd si quis iussit famulum dare, & non dedit, quidam negant consequi indulgentiam: ego id non dixerim.

5. Indulgentia data pro mortis articulo accepta semel expirat, nisi aliud constet de intentione concedentis.

6. Cùm dicitur vt visitentur aliquot in Ecclesia altaria, sufficit in ea ad illa se orando conuertere ex eodem loco.

7. Cùm datur indulgentia visitanti tali die Ecclesiam, semel tantum illo die dari intelligitur. Quòd si est perpetua, aut per multos dies, vt in Iubilæi anno, toties quoties.

8. Anni & dies indulgentiæ intelliguntur de ijs qui in poenitentiam rite possunt iniungi, secundum quosdam: alij de diebus purgatorii intelligunt, pro quorum paucis hîc multi vix sufficiunt.

9. Indulgentia non perit morte concedentis, nec ante notitiam reuocationis.

10. Per Iubilæum non suspenduntur indulgentiæ concessæ personis particularibus, aut ab alio quàm à Papa concessæ: nec priuilegia Religiosorum. *Vide extrau. Quædam modum, de poen. & remiss.* Nec suspensio aliarum indulgentiarum durat nisi tempore Iubilæi.

11. Tanto tempore Iubilæi potest quis absolui à reſeruatis, si talis potestas per Iubilæum conceditur.

12. Iubilæum promulgare Religiosis potest ipsorum Prælatus.

13. Cùm dicitur in Iubilæo vt quisque ante omnia cōſcriteatur, sufficit cōfiteri intra tempus Iubilæi.

14. Si quis durante Iubilæo cœpit Confessionem, quam oportet differri longius, potest tunc absolui à

reſeruatis, & commutari in votis, poſtea verò ab omnibus abſolui, etiam quæ oblitus eſt reſeruatis, ac in oblitis etiam diſpenſari: imò verò poteſt omnia facere poſtea finita Confeſſione Confeſſor: cœpta enim cauſa, manet delegati poteſtas, donec finiatur.

15. Prædicare indulgentias indiſcretas, id eſt, non iuridicas, aut non veriliſimiles, mortale eſt.

16. Poteſt Episcopuſ etiam non ordinatuſ dare indulgentias, itemq̃ue Cardinaliſ: poteſt verò dare quadraginta dieſ, & in Eccleſiæ dedicatione vnum annuſ ſoluſ: nec etiam ſi plureſ Episcopuſ tunc adſint, quicquam addere anno poſſunt pro ea cauſa. *Vide c. Cum ex eo, & c. Noſtro, de pœn. Syl. q. 5. n. 15. Soto 4. d. 27. q. 2. & alij Doct. ib.* An verò in Foro conſcientiæ poſſit dare plureſ dieſ aut annos, & an poſſit dare defunctiſ indulgentiam, alij aiunt, alij negant. Poteſt verò Episcopuſ conſeſſionem indulgentiæ Clerico delegare, poteſt & ſubdito etiam viſitanti Eccleſiam extra Diœceſim indulgentiam dare: & cum alicui Eccleſiæ dat indulgentiam, etiam non ſubditi, viſitantes, illam conſequuntur. Denique poteſt dare non ſubdito indulgentiam, de conſenſu Superioriſ illiuſ.

17. Indulgentia vtitur etiam qui eam conceſſit. *D. Th. 3. p. 7. 27. a. 4. Dur. 4. d. 20. q. 5. Palud. ib. q. 4. Soto 4. d. 21. q. 1. a. 4.*

18. Cum duo Papæ pro opere aliquo dant viginti dierum indulgentiam; qui illud facit, conſequitur 40 indulgentiam.

19. Suffragiorum potiſſimuſ Miſſa, quamquam interdum ratione neceſſitatiſ poteſt pluſ eleemoſyna.

INFAMIA, vide *Irregularitas*, *Iudiciales actus*.

1. **INFAMIA** facti fit crimine notorio, vel opinio-

ne multorum proborum virorum: non sufficit autem rumor sparsus, & creditus apud aliquos: nec si sit ortus ab inimicis: nec si quis in iudicio sit confessus; non enim habetur confessus pro condemnato: nec si per Procuratorem litigans condemnetur. Tollitur verò per factum contrariū. Repellit autem, dum durat, à dignitate, à iudicando, (non autem ab arbitrando) procurando, testificando in causa criminali, accusando, postulando, & ab Ordinis susceptione, aut beneficii.

2. Infamia iuris fit sententia definitiua super crimine publico, aut quibusdam priuatis, vt furto, vsura, sacrilegio, incestu homicidio, periurio, adulterio, veneficio, (vide 6. q. 1. *infamis*) & aliquando ipso facto, vt si quis in adulterio deprehendatur, aut duas habeat vxores, aut sponsas. Quidam tamen aiunt, semper requiri sententiam. Tollitur autem per Principem non agnoscentem Superiorem.

3. Infamia iuris tollit Ordinis executionem, & dignitatis exercitium, & honorem, & repellit à beneficii & Ordinis susceptione. Dispensat autem Papa, & in quibusdam Episcopus.

4. Infamis iure Ciuili, regulariter est etiam infamis iure Canonico.

5. Ob crimen laesa maiestatis infames fiunt etiam filij & nepotes.

6. Infamia ex delicto proprio, aut parentum, tollitur baptismo.

INFAMARE & FAMA, vide *Confessio*,
Iniuria, *Iudiciales actus*.

1. **INFAMARE** se graviter & falsò, mortale est peccatum; & cum obligatione restitutionis, secundum quosdam: quod utrumque alij negant. At Aug. 1. *de ciuit. cap. 20.* mortale esse indicat: certè in re valde graui ita videtur: imò etiam cum se quis infamat vorum dicendo, potest & id mortale esse, ex scàndalo vel damno sequenti; alioqui proprium peccatum prodere, veniale est: qui verò facit timore tormentorum, etiam se ea proditiōe periculo mortis exponens, nec videtur condemnandus peccati, *Nau. c. 18. n. 19. & c. 23. n. 70. Soto de secreto tegendo, memb. 3. q. 4. a. 10. & alij.* nec obligandus ad restituendum vel sibi, vel alteri, qui fortè ex eo lãditur. Quin etiam quod aiunt quidam filium sibi capitale crimen imponere vt patrem seruet, non esse mortale, probabile est. Licet etiam prodere tuum crimen, cum vides alteri falsò imponi, sed non teneris: potes etiam tacere, cum tibi crimen imponitur quod alius fecit.

2. Prælatus, & quicumque ex officio aliorum salutem procurat, peccat si famam suam seu bonam existimationem non defendat: secus est de priuata persona, nisi fortè de hæresi infametur, aut apostasia, aut re turpissima.

3. Non potest famæ restitutionem remittere is, per cuius infamiam Resp. lãditur: si tamen remitrat, liberatur infamator.

4. Potes ad tui licitam defensionem, aut proximi, infamantis crimen deregere, ad minuendam scilicet eius auctoritatem, ne ei credatur, vel dicere illum mentiri. *Ma. 4. d. 15. q. 16. Soto ib. 7. 3. Syl. res. 3. quaestio 3. Nau. c. 18. n. 48.* Potes & tibi dignum honorem aut gradum procurare, excluso eo qui te fortè impedit.

dit, prodendo eius vitium publicum, aut naturale; nulla enim sic vteris fraude, aut vi. Potes & alienum crimen ei prodere, secundum quosdam, cui perinde est ac si non dixisses. *Pedraz. prac. 8. d. 2. Tabl. n. Detrañt. n. 3.* quod alij negant: ego mortale non puto, vbi non sequitur notabile damnum; vt cum dicis Confessori, aut alioqui probo viro. Potes & prodere ob aliorum bonum, vt ab illo caueant; vel ob bonum ipsius, vt illum adiuuent. Qui autem ex sola loquacitate prodit, solum venialiter peccat, si non sequitur magnum damnum, aut ille qui proditur, non magnopere curat: item qui dicit se tantum audisse; id enim non est infamiae causa sufficiens; etsi quidam id negent, nec improbabiler, si credibile erat etiam sic famam perdendam: non tenebitur tamen restituere, si dixit se non credere, aut dubitando dixit, non affirmando. *Vide Soto 4. d. 15. q. 4. & Caiet. 2. 2. q. 73. a. 2. & Nau. c. 18. n. 36. & 49.*

5. Infamatum alicubi iuridice, aut publice, alibi prodere, non est mortale, nec vlla restituendi obligatio. *Caiet. t. 1. opusc. tract. 31. respons. 9. Mercad. lib. 6. c. 11.*

6. Infamanti alterum teneris resistere, (saltem praefendo vultu tibi non placere) si sis eius superior, vel possis sine tuo damno. *Tol. l. 5. c. 67. Valent. t. 3. disp. 5. q. 10. p. 1. Arrag. 2. 2. q. 62. a. 2.* est autem communiter veniale, cum ex negligentia vel timore non resistitur.

7. Qui non potest famam à se laesam sufficienter restituere, debere satisfacere pecunia, aut alia re, aut petere remissionem, alij aiunt, *Nau. c. 18. n. 48. & alij multi;* alij negant. utriusque probabiliter.

8. Qui famam alienam laesit, tenetur etiam cum suo maiori damno, quam alteri dedit, restituere: videtur autem posse nobilem ignobili pecuniam pro eo dare, aut rem perinde gratam, ac famae per verba restitutionem. *Soto l. 4. de iust. q. 6. a. 3. ad 4. Conar. reg.*

Pecc.

Peccatum. p. 1. n. 6. P. à. Nau. l. 2. c. 4. n. 348. Med. cod. de rest. 9. 3. Val. sup. 9. 6. p. 5. Arrag. sup. Telet. sup. c. 70. Merc. l. 6. Famosi verò libelli auctor tenetur per contrarium libellum restituere.

INFANS.

1. **I**NFANS quis dicitur vsque ad septimum annum inclusiuè. *Vide glo. ca. 4. de temp. ord. lib. 6.*

INFIDELIS, vide *Indaus.*

1. **I**NFIDELIVS ex causa rationabili, vt necessitatis, aut utilitatis, vendere, aut dare ea quibus in suis ritibus vtuntur, non est mortale; sunt enim ipsi parati facere. *Syl. Infidelitas, § 4. & Ars, § 3. Ant. 2. p. t. 1. c. 9. §. ult. Adrian. quod. 3. dub. 2. G. à Val. t. 3. disp. 1. q. 10. p. 5. Quidam tamen contrà sentiunt, quibus non assentior. At tradere eis libros sacros comburendos, etiam timore mortis, mortale est, secundum Augustinum, *epist. 164. & 171.**

2. Cum infidelibus possunt conuersari in fide firmi.

INFIRMVS, vide *Vita.*

1. **N**ON peccat mortaliter æger qui cibo abstinet ob summam difficultatem edendi, præsertim cum exigua est spes vitæ; censetur enim illa quædam impossibilitas: nec qui pharmacum respuit, cum certum non est per illud sanitatem recuperandam.

2. Non tenetur æger migrare in ciuitatem salubriorem, aut emere valde preciosum pharmacum; sufficit enim vti remedijs communibus. Potest & medicinam recusare ob animæ utilitatem, vbi non est mortis periculum. Potest & fœmina, ob amorem pu-

puđicitiz, nolle medico pudenda ostendere, etiam cum id ad sanitatem videtur necessarium.

INGRATITVDO.

1. INGRATITVDO ex contemptu magni beneficij, graue est peccatum, quod pauci reputant.

INIURIA, vide *Charitas, Contumelia, Infamare, Restitutio.*

1. NON tenetur quis remittere debitam sibi pro iniuria satisfactionem: nec verò potest si est subditus alteri, vt vxor, filius, Religiosus. Potest verò Collegium regulare factam Religioso iniuriam remittere, ipso etiam reclamante: secus est de seculari, vt Canonorum.

2. Iniuriam posse à quouis etiam Clerico percutiendo, si opus sit, repelli, & percussum colapho posse statim repercutere, ad vitandam ignominiam, non improbabiler quidam asserunt.

3. Non facit iniuriam, qui vt aliquem à testimonio ferendo, aut beneficio consequendo repellat, vt rat verè furem aut homicidam, cum animo denunciandi, aut accusandi; vtitur enim iure suo.

4. Licitum est improperium causa correctionis, vt verbera.

5. Duorum se inuicem offendentium, si aequaliter, debet qui prior offendit reconciliari; alioqui, qui grauius.

6. Contumelia inter foeminas, aut viles personas, non semper est mortalis.

7. Contumelia qua aliorum profectus impeditur, ferenda non est.

8. Derisio, ob contemptum grauior est contumelia, hæc autem grauior detractione.

INQVISITOR, vide *Iudiciales actus*.

INTERDICTVM, vide *Episcopus, Suspendio*.

1. **I** N T E R D I C T V M etiam ab eo qui posuit, seruandum est: alioqui poena ligatur, nisi sit Papa, aut, secundum quosdam, nisi secum dispenser.

2. Positum donec aliquid fiat, eo facto cessat, sicut & suspensio: item si est ad certum tempus positum, postea cessat.

3. Interdictum non seruandum, nisi sit denunciatum, contra certum locum, aut personam: nec potest quis denunciari interdictus sine citatione: nec, si Capitulum aut populus sit interdictus denunciatus, ideo singuli censentur denunciari.

4. Potest interdicare regulariter, qui potest excommunicare, & suspendere: estque interdictum nullum in casibus in quibus est nulla Excommunicatio. Capitulum autem, Sede vacante, non potest interdicare, nec ab interdicto absolvere Parochus.

5. Præceptum Superioris factum alicui ne celebret usque ad certum tempus, non facit illum interdictum.

6. Interdictum post appellationem positum, non tenet.

7. Interdicitur aliquando quis pro culpa aliena, ut ciuitas pro culpa domini: & priuata persona pro culpa veniali propria potest interdici.

8. Non potest locus interdici pro debito pecuniario. *Syl. Interdict. 3. §. 5. Bonifac. 8. extrauag. Provide, de sententia Excommunicationis.*

9. Interdictum iuris non ad certum tempus, nec reservatum, potest Episcopus relaxare, & quouis Prælatus, quantum ad subditos. Potest & Iudex à se positum suspendere in totum, vel ex parte.

10. Cef-

10. Cessatio à diuinis nunquam ponitur à Iure.

11. Interdictis Clericis, non includuntur Religiosi, etiamsi id quidam dicant: nec interdicto loco includuntur non culpabiles in ea causa: nec interdicto populo includuntur non doli capaces; prohibentur tamen etiam hi sepultura: nec extraneus illic habitans. Qui autem in populo interdicto sine culpa interdicti est, potest alibi, si absit scandalum, & celebrare, & audire diuina Officia. Nec interdicta tota Diœcesi, aut omnibus Ecclesijs ciuitatis, includitur Cathedra-
lis; non enim in odiosis venit illarum nomine.

12. Interdicta Ecclesia, includuntur & cœmeterium & sacellum coniuncta; & interdicta ciuitate, etiam suburbia ei non subiecta includuntur.

13. Religiosi debent seruare interdictum quod seruat Cathedra-
lis, vel Parochiales omnes.

14. Prohibita interdicto diuina Officia, & Ecclesiastica sepultura, non autem benedictio mensæ, fructuum, habitus, & eiusmodi, quæ non sunt diuina Officia, nec actus iurisdictionis; nec, secundum quosdam, ministratio Eucharistiæ.

15. In Ecclesia particulariter interdicta potest celebrari ad renouandum Sacramentum, vel dandum infirmo, (clausis tamen ianuis) & dari Absolutio confitenti, & dici Officium à duobus vel tribus sine animo officiandi: id quod possunt etiam extra Ecclesiam, etiam tempore cessationis.

16. In loco generaliter interdicto licent omnia diuina Officia ianuis clausis, & extra Ecclesiam etiam dici potest Officium exclusis interdictis. & in Ecclesia, aperta ianua, modo interdicti non audiant, nisi fortè transeundo: possunt verò admitti Religiosi, & Clerici externi etiam

17. Tempore interdicti, etiam specialis, licent Baptismus, Confirmatio, Absolutio poenitentium qui non sunt in culpa interdicti, & Communionis viaticum, quod cum lumine & campanula portandum,
&

& secundum quosdam, Communio Clericorum, & Religiosorum, & matrimonium sine benedictione: non autem extrema Unctio, nec Ordinis ministratio, nisi Episcopus suspendat positum à se interdictum.

18. Interdictus non potest eligere, nec eligi, neque usquam potest celebrare: potest tamen orare in Ecclesia, modò ex proposito non audiat diuina Officia.

19. Cui interdictus Ecclesie ingressus, potest ibi orare dum non celebrantur Officia; & cum celebrantur, per eam transire, & extra eam in Oratorio celebrare, & decedens cum signis contritionis, in Ecclesia sepeliri.

20. Interdictus ab Officio potest exercere iurisdictionem quæ non est Officium Ordinis.

21. Priuilegiatus ad audienda diuina Officia, quales Clerici, & Religiosi, potest sepeliri in Ecclesia etiam specialiter interdicta, si alia desit, aut ea sit propria: potest & ad diuina admittere familiares vel domesticos. *Vide de priuil. cap. 11. lib. 6.* & qui potest celebrare, potest sibi adiungere ministrum quemuis non priuilegiatum.

22. Si Sacerdos scienter admittit interdictum, alij non tenentur exire: est autem admittenti interdictum interdictus Ecclesie ingressus usque ad satisfactionem.

23. Interdictus est per mensem ab ingressu Ecclesie, qui excommunicat sine monitione canonica, & presentibus testibus. *De sent. Excom. ca. Sacro.*

24. Interdicta ipso facto Cõmunitas faciens Clericos soluere illicitas gabellas; Ecclesia verò, cum Cõmunitas facit Episcopum comprehendere, vulnerari, aut exulare.

25. Violare interdictum. quidam negant esse mortale, si absit contemptus, & scandalum. Certè Clericus, nisi sit in sacris, & solemniter celebret, non videtur

detur peccare mortaliter violando interdictum.

26. In Absolutione ab interdicto solemnī, iuratur de non contrafaciendo.

27. Sublato interdicto, transferendi in locum sacrum alibi sepulti.

28. Tollitur interdictum in Natiuitate, Pascha, Pentecoste, Festo Corporis Christi, cum tota Octaua, Assumptione & Conceptione, cum Octaua tota, à primis Vesperis vsque ad Completorium Festi inclusiue, admittunturque interdicti ad diuina Officia, & sepulturam.

INTERPRETATIO, vide *Consilium*,
Dispensatio, *Lex*, *Pana*, *Verba*.

1. **I**NTERPRETATIO in pœnis facienda mitior, in fauorabilibus amplianda, in dubio facienda vt potius valeat res quàm pereat: & quidem dubia interpretanda in partem meliorem, & benigniorem, & probabiliorem, & ea proferenti vtiliorem, & secundum antecedentia & sequentia, & præsumendo bonam fidem, vt in facto, vel possessione.

2. Vbi tractatur de obligatione, strictè interpretandum.

3. Masculinum in fauorabilibus comprehendit foemininum; in contractibus non comprehendit.

4. Aliquis, comprehendit etiam foeminam: Alius, & Aliud, significant similia.

5. Cum lex prohibet ne quis interpretetur, non prohibet Doctores, aut Tribunalia, quin possint secundum doctrinam communem interpretari.

6. Modicæ solemnitatis omissio non vitiat actum.

7. Edicta non prohibent opera alioqui bona, sed ea in quibus aliquod latet malum, aut periculum.

8. Non dicitur præsumere, qui probabiliter credit se bene facere.

9. Quan-

9. Quando principale non tener, nec accessorium.

Vide glo. ca. 5. de donat. inter vir. & uxor.

10. Quod est inutile, pro nullo habetur; & pro non scripto, quod non intelligitur, aut aequè bene varijs modis; est enim inutile.

11. Clausula vltima generalis refertur ad omnia præcedentia, nisi ratio sit diuersa.

12. Cùm dispositio finitur primo actu, si ille est nullus, vel inutilis, potest repeti.

13. Dicens de vno, de alio negare videtur.

14. In generali sermone intelligitur excepta persona loquens.

15. Vsus loquendi communis præfertur in omni materia propriæ verbi significationi.

16. Repulsus à re maiori, non censetur repulsus à minori.

17. Rite, significat solemnitatem; Rectè, iustitiam.

18. Etsi communiter in clausula generali non veniunt requirementa speciale mandatum, quale requirunt corrigere, deponere, conferre beneficia, dare dimissorias, tamen venit cùm alioqui generale esset frustra, aut cùm ex verbis apparet talis esse concedentis intentio.

INVENTVM, vide *Thesaurus*.

IRA, vide *Indignatio*.

IRREGVLARITAS, vide *Absolutio, Censura, Episcopus, Suspendio*.

1. **I**RREGVLARITAS est impedimentum accipiendi Ordines, aut acceptis vtendi. *Ant. 3. p. t. 28. Nau. c. 27. n. 191. Syl. Irreg. in princ. Couarr. Clem. Si furiosus, de homicidio.* Impedit verò aliquando solam acceptionem, non vsum; aliquando vsum vnum, & non alium.

H

2. Irre-

2. Irregularitas non est censura, sed poena quædam, seu inhabilitas. Itaque graues quidam Doctores comprehendi dicunt eam quæ pro delicto imponitur, nomine Absolutionis ab omnibus poenis. *Medina l. 2. q. 96. a. 4. dub. 10. Soto 4. d. 22. q. 3. a. 1. Cordub. in Sum. q. 43. dub. 4.* alij tamen negant. *Sylu. verbo Censura. Innocent. c. Quarenti, de verborum significatione. Panormitanus ibidem.*

3. In dubio an quis sit irregularis, sufficit Episcopi iudicium; potest verò iudicare non esse: imò & qui de se dubitat, non debet putare se irregularem; oportet enim ad poenam legis humanæ omnino constare eam locum habere: interim melior est conditio libertatem possidentis. Itaque qui scit se vulnerasse, sed nescit id fuisse causam mortis, non se debet putare irregularem.

4. Irregularis non est capax beneficij, nec pensionis datæ in titulum beneficij: non tamen priuatur prius acquisitis, nec impeditur ab actu iurisdictionis, sed solum Ordinis.

5. Habilis ad aliquem vsum Ordinis, potest obtinere ad illum beneficium.

6. Ad irregularitatem ex delicto, requiritur peccatum mortale (*Soto l. 5. de iust. q. 1. a. 9. Ant. 3. p. r. 29. c. 2. §. 4. in fine. Nauar. c. 27. n. 232. P. à Nau. l. 2. c. 1. n. 69.*) cum contemptu: nec incurritur ante decem annorum ætatem, secundum quosdam. *Vide CENSURA.*

7. Iterare id quod facit irregularem, non facit novam irregularitatem; nec celebrare in irregularitate.

8. Quidam putant ex delicto omnino occulto nunquam incurri irregularitatem: quod et si probabile, tamen usu receptum non est. *Vide Nau. c. 27. n. 194. & Couar. Clem. Si furiosus, 2. p. §. 3. n. 4.*

9. Irregularitas ex peccato, & quæ oritur ex homicidio

cidio sine peccato, per Baptisimum tollitur. *Ang. 1^a reg. 2. n. 1. Syl. ib. q. 28. & Homicid. 3. q. 8. §. 1. Arm. l. 1^a reg. n. 87.* non autem quæ ex defectu natalium, vel ex bigamia. Tollitur verò per professionem Religionis, quæcunque accidit sine peccato, (excepta bigamia) quantum ad omnes Ordines, non autem quantum ad dignitatem, aut prælationem.

10. Nullus incurrit irregularitatem ob opus quod non potest omittere sine peccato, saltem quantum ad usum Ordinis accepti. Itaque Confessor qui monet reum ut confiteatur delictum, ex quo ille ad mortem condemnatur, non fit irregularis. *Vide inf.*
EX DEFORMATIONE LICITA.

IRREGULARITAS

EX BIGAMIA.

1. **S**I quis ducat duas vxores, etiam inualidè, & vtramque cognoscat. *c. Nuper, de bigamis, & c. Presbyterum, d. 38.*

2. Si quis ducat ab altero corruptam, eamque cognoscat, (*c. Si quis viduam, d. 50. c. Qui in aliquo, d. 51. c. Maritum, d. 33. c. Si aliquis, c. Curandum, d. 34.*) cum sciat fuisse corruptam, aut id sit notorium. Quòd si matrimonium fuisset inualidum, ex alia causa quàm professionis, vel sacri Ordinis, Nauat. negat esse bigamum, alij affirmant.

3. Si quis virginem à se ductam post adulterium à se notum cognoscat. *c. Si cuius, & c. Si laici, d. 34.* etsi quidam dicunt, etiamsi ignorans adulteram esse illam cognoscat, bigamum esse. *D. Th. 3. p. q. 66. a. 3. ad 4. Palud. 4. d. 25. q. 4. a. 2. & alij.*

4. Si quis professus, vel in sacris, vxorem ducat, & cognoscat. *c. Quotquot, 27. q. 1. c. 2. de Clericis coniugatis, & c. 1. & ult. de bigamis.* cum eo tamen, si virginem duxit, dispensat Episcopus.

Omnis bigamia, excepta quarta, priuat omni priuilegio Clericali.

In prima non solet Papa dispensare, nisi fortè ad minores Ordines, aut cum ingrediente Religionem ad sacros: in 2. & 3. dispensat Episcopus, vt in susceptis iam minoribus ministretur.

EX CORPORIS VITIO SEV DEFECTV.

1. **S**I quis culpa sua amisit membrum aliquod principale: quale non est digitus. *c. Presbyt. de homicidio, c. 3. & 4. de corpore uitiatis.* Quòd si res est occulta, dispensat Episcopus.

2. Item si quis etiam sine culpa careat membro vnde celebratio impeditur, vt si digitis careat quibus cruces fiunt. *Palud. 4. q. 25. q. 3. a. 3. Richar. ib. a. 2. q. 2. Nau. c. 27. n. 200. Syl. Corpore uitiatus, q. 1. & 2. Ang. ib. §. 1. & 4.* Quòd si iam est ordinatus, poterit ea facere à quibus non impeditur, vt absolucere. *Nauar. cit. & alij.*

3. Item qui oculo aliquo caret, aut visu oculi sinistri, sic vt turpiter seu deformiter cogatur ad librum verti.

4. Denique qui Episcopi iudicio non potest nisi deformiter celebrare: talis autem non censetur claudus qui sine baculo potest celebrare; sed & id Episcopus viderit.

Dispensat in prædictis solus Papa. *Nauar. c. 27. n. 202. & alij communiter.*

Ad hanc irregularitatem pertinet etiam

1. Si quis sit illegitimus, etiam occultus, nisi legitimeretur. *D. Th. 4. d. 25. q. 2. a. 2. quasiunc. 3. Soto ib. q. 1. a. 3. Syl. Illegit. q. 24. Nau. 27. n. 21.* Quidam tamen negant occultum esse irregularem: certè nec matri id dicenti credere tenetur. Potest verò Episcopus dispensare ad Ordines minores, & vnum beneficium

Sim.

Simplex, & ad vsum Ordinis bona fide accepti, & cum eo de quo dubitatur an sit legitimus, vt cum exposito. *Vide citatos.*

2. Si quis careat ætate legitima ad Ordines. *Syl. Ætas, §. 2. n. 3. Nau. 27. n. 202. Marolus l. 1. c. 30. n. 8. vide Trid. sess. 23. de reſor. c. 12.* ſoluſque Papa poteſt diſpenſare vt ordinetur; nam cum ordinato ante ætatem, cum fuerit impleta ætas, poteſt diſpenſare Epiſcopus. Ego verò puto tunc non eſſe opus diſpenſatione ſuper irregularitate, ſi ad illud uſque tempus Ordine non fuit uſus; eſt enim potiùs ſuſpenſus talis, quàm irregularis, ob ſuſceptum Ordinem. *Ex Nauan. & alijs. Vide S u ſ p e n ſ i o.* Vtcumque autem ſit, ſufficit Epiſcopi diſpenſatio, ſeu Abſolutio.

3. Si quis morbo labore deformitatem ſeu ſcandalum affetente in uſu Ordinis, vt lepra, comitiali morbo, aut ſit dæmoniacoſus. *D. Th. 3. p. 9. 82. a. 10. ad 3. Ang. Corpore vitiatuſ, §. 9. Syl. b. 9. 7.* ſoluſque Papa diſpenſat. Quòd ſi iam ordinatuſ, eſt leproſuſ, poteſt celebrare vbi non eſt ſcandalum. Qui dæmoniacoſuſ, aut caducuſ, aut furioſuſ, poteſt, cum ceſſauit diu morbuſ, celebrare. Quidam tamen requirunt plenam ſanitatem.

4. Hermaphrodituſ: qui tamen, ſi praualeat ſexuſ in eo viriliſ, poteſt diſpenſante Papa ordinari. *Nauar. 27. n. 203. Summiſta verbo Hermaphrodituſ, Vinal de irreg. n. 134.*

EX DEFECTU ANIMÆ.

1. **C**ui deeſt ſcientia requiſita à Concilio Trid. *Sess. 23. c. 4. de reſor. & c. 11. & c. 13. & 14.* quibuſdam eſt irregulariſ, alijs non eſt, modò legere ſciat, & ſcribere. Poteſt quidem in ſuſcepto Ordine idiota miniſtrare diſpenſante Epiſcopo.

2. Hæreticuſ, & hæretici fautor, ſi ſit notoriuſ, aut

aut per sententiam condemnatus : item filius & nepos mortui cum hæresi manifestè , vel cum hæresi mortuæ filius . Vide H A E R E S I S . Potest tamen hæreticus poenitens in suscepto Ordine ministrare.

3. Neophytus , scilicet ante annos decem à conversione ad fidem. c. *Quoniam*, & c. ult. d. 48. *Usual. de irregul. n. 53.*

Dispensat in prædictis Papa . Ego verò prædictas irregularitates parum video esse vsu receptas.

EX DEFORMITATE LICITA, vide *Ex illicita.*

1. **Q**UI post baptismum occidit aliquem , aut mutilat (non causa morbi aut iustæ defensionis) viuentis membrum habens distinctum per se officium, est irregularis. *Nau. 27. n. 209. Couar. de homicidio, 1. p. §. 2. n. 5. & est communis.*

2. Quidam putant defendentem quidem se , aut patrem, aut filium , aut uxorem , non esse irregularem, esse verò qui alium quempiam defendat : alij etiam istum excusant , quod mihi magis placet, nisi faciat publica auctoritate. *Couar. cit. p. 3. §. unico, n. 5.*

3. Digitus non est membrum , nec dens, nec cartilago auris, nec testiculi, (secus est de membro genitali) nec, secundum quosdam, mammilla fœminæ. *Couar. relect. de homicidio, p. 3. §. unico, n. 8. & alij Canonistæ communiter . nec nasus . at mihi esse videntur, ut est oculus. Caiet. 2. 2. q. 65. a. 1. Soto l. 5. de iust. q. 2. a. 1.*

4. Non sufficit debilitare , nisi mutiletur. *Soto cit. Nau. 27. n. 207. Tab. Irreg. 3. q. 26.* Oportet verò dedisse ad id causam propinquam , & ad deformationem directam ex natura sua : tale autem est , adiudicare morti, accusare, testificari : at tale non videtur esse, reum Iudici indicare aut tradere, est enim causa remota : nec verò testificari, si mors absque eo fuisset secuta:

fecuta: nec Iudicem aliquem constituere, aut ei causam committere etiam criminalem: nec denunciare crimen quod non meretur deformationem: nec denunciare hæreticum, etiamsi scias comburendum: nec cum tradi ab Inquisitore brachio seculari: nec facere opus ad quod quis tenetur Iure diuino, aut naturali, vt Confessor qui non vult absolvere reum, nisi fateatur crimen; aut Iudicem, nisi faciat quam debet iustitiam: nec parato exequi poenam, dicere vt exequatur: nec dicere malefactores dignos esse morte, aut de eo legem ferre: nec hortari in bello iusto ad occisionem, aut aliquem ad ponendam vitam pro virtute, aut volentem occidere, vt potius miseretur: nec dare arma bello iusto: nec pugnare in bello iusto, etiamsi dubites an in eo aliquem occideris: nec occidere in bello, si ad id Papa misit; censetur enim eo ipso dispensare: nec si Clericus medeatur ægro etiam sciindendo, & ex eo sine illius culpa moriatur: nec accusare reum, protestando Iudici se nolle eius deformationem, etiamsi mentiatur: (non est autem protestatione opus, si Iudex est Ecclesiasticus, aut crimen non dignum poena sanguinis) nec clamare contra lædentem proximum, etiamsi inde mors sequatur; est enim illud de Iure naturæ, quod per positium non punitur: nec iuste infligere vulnus non mortale; si ex eo sequatur mors: nec vertere ægrum qui ex eo præter intentionem citius moritur: nec puerum in periculo baptizare, qui ex eo citius moritur.

Dispensat in prædicta irregularitate Papa; & ad Ordines minores & beneficium Simplex Episcopus. *Navar. 27. n. 240. & alij communiter.* imò, secundum quosdam, potest prorsus cum Iudice & eius ministris dispensare. ferè autem soli hi in eam irregularitatem incidunt. quibus assentior.

EX IL LIC ITA.

1. **Q**VI post baptismum, vitium hominem inficit & cum culpa mortali occidit, aut mutilat, dando etiam ad id causam propinquam, ut mandando, consulendo, hortando, nisi antea reuocet quod fecit, est irregularis: secus si id fecit, unde non per se secuta est mors, aut mutilatio; ut si consilium dedit sine quo fuisset nihilominus secuta, aut si non impediuit cum posset, nisi teneretur ex iustitia, aut si, cum esset cum adultera deprehensus, illa à viro est occisa, aut ipse mutilatus, aut, se defendendo, virum occidisset. *Vide Ant. 3. p. t. 28. c. 2. Tab. Irreg. 1. q. 2. Cou. p. 2. §. 1. & 2. Nauar. 27. n. 230. Vinal. 4. de Irreg. n. 284.*

2. Homicidium casuale facit irregularem, cum oriatur ex peccato mortali, & opere ex quo sequi solet ut causa ex natura rei.

3. Rati habitio post factum secuta, non facit irregularem. *Ang. Hom. 2. n. 7. Tab. Irreg. 2. §. 7. Armul. Irreg. n. 22. Couar. p. 2. §. 1. n. 4.*

4. Cum multi iaciunt lapides, & nescitur quis eorum occiderit, nullus censendus irregularis.

5. Qui sibi solos testiculos abscidit, non est irregularis: si autem membrum genitale, potest Episcopus dispensare si est occultum factum.

6. Qui iubet occidi vnum, si occidatur alius, non est reus homicidij voluntarij.

Cum homicida voluntario solus Papa dispensat. *Trid. sess. 14. c. 7.* si tamen est occultum, potest Episcopus ad minores & beneficium Simplex: id enim poterat Iure antiquo, quod non est sublatum per Conc. Trid. In casuali etiam publico dispensat Episcopus, & in mutilatione occulta.

EX ORDINIS ABUSU, vide *Ordo*.

1. **Q**VI, cùm sit excommunicatus, ordinatur in Sacris, est irregularis. *d.c. Cùm illorum, de sententia Excommunicationis, & c. 1. de eo qui surtiue suscepit Ord.* idemque de suspenso & interdicto quidam aiunt, alij negant.

Dispensat Episcopus cum ingrediente Religione, aut si est occultum.

2. Item qui accipit eodem die cum minoribus Ordinem sacrum, (nisi excuset consuetudo) aut duos sacros. *c. 2. & c. ult. de eo qui surtiue, & c.* Dispensat Episcopus ut acceptis prius uti possit; & Prælati cum Religioso, etiam ut ad maiores ascendat.

3. Item qui ordinatus à denunciato excommunicato, suspenso, interdicto, Simoniaci, vel hæretico, nisi excuset ignorantia, aut metus.

4. Item Clericus qui seriò & solemniter utitur Ordine sacro quò caret. *c. 1. & 2. de Clerico non ordinato ministrante.* Dispensat verò Episcopus, ut accepto Ordine utatur, non ut ascendat.

5. Cantans Epistolam solemniter, sed sine manipulo, non fit irregularis; nec si cum manipulo, sed sine intentione faciendi officium Subdiaconi.

6. Item qui sciens se excommunicatum aut suspensum ob delictum ab habente iurisdictionem exteriorem, aut interdictum, facit solemniter in Foro exteriori actum Ordinis sacri, (qualis non est prædicare, nec matrimonio assistere ut Parochum, aut exercere iurisdictionem, aut Pontificalia; non est enim propriè actus Ordinis) aut ad eum dat auctoritatem, nisi excuset necessitas, aut ignorantia; requiritur enim contemptus. Quòd si quis sit suspensus solum ad tempus, multi censent, si celebret, non fieri irregularem.

Dispensat in prædictis Papa. Nec oportet dicere

H ;

in

in supplicatione, se sapius in ea re peccasse; sufficit enim dicere, incurrisse irregularitatem.

EX ITERATO BAPTISMO.

1. **Q**VI scienter aliquem rebaptizat, aut se finit rebaptizari. Excusat autem ignorantia, dubium, metus iustus, & defectus intentionis rebaptizandi. *Gab. 4. d. 6. q. 2. a. 3. dub. 8. Scorius ib. q. 8. Soto d. 3. q. 1. a. 9. Nau. 27. n. 246. Vival. t. de irreg. n. 43.*

2. Non incurritur irregularitas ob iteratam Confirmationem. *Palud. 4. d. 7. q. 2. Gab. ib. q. 1. a. 3. Soto q. 1. a. 5. Ang. irreg. n. 24.*

EX VIOLATIONE INTERDICTI.

1. **C**LERICVS celebrans in loco interdicto, itemque Prælatus faciens celebrari in sua præsencia, est irregularis: non habet autem locum id in cessatione à diuinis, aut in Ecclesia polluta, aut interdicto generali non seruato à matrice Ecclesia, aut in baptizante in Ecclesia interdicta.

Dispensat Papa ad ascendendum ad Ordinem altiorem, Episcopus verò vt ministretur in suscepto.

2. Admittens interdictum ad celebrandum secum, non incurrit irregularitatem prima vice, quamquam communicet in crimine, sed secunda; oportet enim socium prius incidisse.

EX PECCATO NOTORIO.

1. **Q**UIDAM putant omne peccatum notorium facere irregularem, alij solam fornicationem, sed nec id est in vsu. Infamis quidem ob ingens crimen repellitur ab Ordine. Dispensat verò Episcopus, quamquam sublata infamia non video opus esse dispensatione: quamdiu verò manet, non puto Episcopum

scopum posse dispensare, nisi fortè eam per sententiam auferendo.

I V D A E Y S.

1. **C**ESSANTE periculo, non est mortale cum Iudæo conuersare, etiam simul habitando, aut eius medici opera vtendo.

2. Licet ei vendere ea quibus vtitur in eximonijs suis, sed non ea intentione vt vtatur.

3. Iudæo non licet Christianum seruum aut famulum habere. Quod si eius seruus Christianus est, aut esse vult, sit liber.

4. Iudæi non sunt prohibendū celebrare suos ritus, aut reficere suas Synagogas.

5. Aiunt quidam, posse Principem non habentem Superiorem in temporalibus, permittere Iudæis vsuras, si ita expediat Reip. & cogere populum eis soluere pactas, seruareque sua de ea re statuta. quæ mihi opinio non displicet: licet enim permittere mala minora ad euitanda maiora, vt apparet in meretricio.

I V D E X, vide *Iudiciales actus.*

I V D I C I V M T E M E R A R I V M.

NON est mortale temere de aliquo iudicare id, de quo ille nihil curat. *Arrag. 2. 2. q. 60. a. 3. G. à Val. ib. p. 3.* vel de eo credere malum, etiam firmiter, sed putando fortè esse falsum. Quidam tamen etiam suspicionem putant posse esse aliquando mortalem, quibus non assentior. *Sed potius D. Th. 2. 2. q. 60. a. 3. & Caiet. ib. & in Sum. verbo Suspicio, & verbo Temerarium iudicium, Armil. Iudicium temerarium, n. 8.*

2. Iudicare malum ex signis probabilibus, mortale non est: est autem si ex leuibus iudices malum grande de proximo. *D. Th. 2. 2. q. 60. a. 3. Caiet. Arrag. G. à Val. ib. & est communis.*

IUDICIALES ACTVS, vide *Appellatio, Beneficium, Censura, Clericus, Denunciatio, Examina, Iuramentum.*

DE IUDICE ET ARBITRO, vide *Reus.*

1. **IUDICEM** esse in propria causa licet Superiorem non habenti.
2. Quæstione orta inter Iudicem Ecclesiasticum & secularem super iurisdictione, Ecclesiasticus iudicabit ad quem pertineat: alioqui ad quemuis Iudicem ordinariè pertinet cognoscere in dubio an sit sua iurisdictione.
3. Malefactores possunt à miserabilibus, vt viduis & pupillis, trahi ad Iudicem Ecclesiasticum.
4. Ad Iudicem Ecclesiasticum pertinet causa matrimonialis, & an contractus sit usurarius, & an iuramentum liget, & an aliquid sit peccatum mortale: quamquam inter seculares potest etiam secularis Iudex iudicare de usuræ iure & facto, *secundum Comarr.*
5. Potest Iudex Ecclesiasticus retinere sibi pœnam pecuniariam à se aut statuto impositam, sed præstat dare in vsus pios.
6. Potest Iudex pœnam imponere, cum non est à Iure posita.
7. Iudex in re aliqua, potest procedere contra impediētes.
8. Iudex inferior non potest remittere pœnam legis, saltem cum pars non cōsentit, (sed Princeps potest, modò non in damnum Reip.) potest tamen ex causa

causa minuere seu moderari, (*vide glo. 2. q. 3. Si quem, & 22. q. 4. Innocens,*) & secundum quosdam, etiam augere, sed ante latam sententiam: item ex magna causa facere contra legem Superioris, & omittere punitionem si inde sint peiora secutura.

9. Iudex si petente parte non condemnet reum ad expensas, tenetur illi, nisi reus iusta de causa litigasset.

10. Iudicem quidam aiunt peccare mortaliter, si non visitet carceres, & curet prouideri pauperibus: quod mihi non improbat.

11. Iudex potest assumere assessorem expensis partium.

12. Potest, si est consuetudo, accipere aliquid pro salario, & esculenta munera sponte oblata, modo non sint grandia.

13. Iudex, quem scit innocentem, si non possit eripere, ut clam aperiendo carcerem, aut aliter, potest & debet iudicare secundum allegata & probata, nisi sit Princeps; hic enim potest & debet eripere. Ita multi Doctores. *D. Th. 2.2.q. 67.a.2. Caiet. & Arrag. ib. Alex. Hal. 3. p. q. 40.m. 6.a.2. Soto l. 5. de iust. q. 4.a.2. Richar. 4.d. 18.a.3.q. 2. ad 1. G. à Val. t. 3. disp. 5.q. 11. p. 2.* Ego verò non satis intello, quomodo possit Iudex, nedum debeat, condemnare, quem scit innocentem.

14. Iudex alibi notoriè excommunicatus, validè iudicat ubi id occultum.

15. Iudex in lite difficili potest partes cogere ad compositionem.

16. Iudex non potest esse, rei consanguineus, nec astori suspectus.

17. Clericus de consensu Episcopi potest litigare sub Iudice Ecclesiastico non suo, & sub seculari in causa temporali.

18. Iudex non potest punire eum, à quo contra ordinem Iuris confessionem extorsit.

19. Iudex Ecclesiasticus laicum à se condemnatum ad solutionem, non potest cogere vt soluat, nisi inuocato auxilio brachij secularis, *secundum Couarr.* ego putarim posse per Excommunicationem, aut aliud remedium Ecclesiasticum.

20. Iudex torquens sine sufficientibus indicijs, tenetur de damno: nec ea rei confessio valet.

21. Non potest Iudex punire ob crimen extra suum territorium factum, nisi fortè suum subditum.

22. Arbitrarius etiam cum potestate plenissima, si lèdat enormiter, potest petere reductionem ad arbitrium boni viri, etiam qui iurauit stare sententiæ, & renunciauit petitioni reductionis.

23. Laicus potest esse arbitrator in re spirituali, arbitrarius autè non sine Episcopi auctoritate. Arbitrarius enim debet sequi formam Iuris, non autem arbitrator.

DE MODO PROCEDENDI.

1. **N**ON proceditur contra aliquem sine accusatore, vel infamia, quæ est velut accusatio, nisi Princeps aliud iubeat, aut scandalum magnum vel periculum postulet, vel alioqui Reip. bonum, vel Communitatis, vel alicuius particularis: æquiualeat autem accusationi facti euidencia, & manifesta indicia. *Vide Ant. 2. p. 1. 9. c. 1. §. 2. Palud. 4. d. 19. q. 4. Tab. Inquisitor, q. 6. 7. & 8. Nauar. c. 18. n. 27. & 28. & alijs sequentibus. D. Th. 2. 2. q. 69. Caiet. & alij ib.*

2. Cum proceditur contra aliquem per viam accusationis, requiritur semiplena probatio; cum autem per viam inquisitionis, infamia, vel sufficientia indicia, Iudicis arbitrio.

3. Probat semiplenè vnus testis omni exceptione maior. *D. Th. & alij citati.*

4. Consuetudo Iudicum procedendo non secundum omnia requisita à Iure, diu approbata, videtur obtinere vim legis.

DE TESTIBVS.

1. **C**VM fit inquisitio generalis de criminibus, indicanda sola notoria, aut quorum est infamia, & manifesta indicia, aut quæ contra bonum commune, aut in damnum proximi, quod aliter non possit impediri.

2. Testis non tenetur respondere, nisi sciat se teneri, (quamquam in dubio, si res non vergat in damnum graue alicuius, cui non præponderet damnum Reip., præsumendum est pro Iudice) scilicet si proceditur per inquisitionem, esse probatam infamiam, aut sufficientia indicia; cum per accusationem, esse semiplenè probatum: potest tamen, si velit, etiam in occulto crimine testificari.

3. Nemo tenetur testificari cum suo graui damno; nec ad mandatum denunciandi, si non potest probare: secus est si iubetur esse testis; tunc enim sufficit scire esse semiplenè probatum.

4. Quando non desunt alij testes, non tenentur testificari criminaliter rei ascendentes vel descendentes, coniux, socer, gener, vitricus, priuignus, frater, cognatus intra quartum gradum, secundum Ius Civile, libertus, vel patronus, vel qui est de familia rei; nec ciuilitè filius, aut vxor. Quando verò res non potest probari nisi per certas personas, coguntur testificari etiam prædicti: item in hæresi, aut re perniciosâ Reipublicæ.

5. Proxenetæ non potest cogi testificari de cōtractu in quo fuit mediator, nisi vtraque pars consentiat.

6. Secretò tibi commissum, quod aliàs non sciebas, non potes prodere, nisi vergat in damnum graue alicuius, nec possit id aliter impediri quàm prodendo; nam tunc prodendum Iudici legitimè interroganti, etiam si iurasses te celaturum, nisi maius sit damnum rei, quàm alterius, si reueles. *Vide Soto de secreto regèdo, m. 2. q. 7. Syl. Testis, q. 8. D. Th. 2. 2. q. 70. a. 1. ib.*

Castr.

Caiet. & G. à Val. p. 1. Nau. c. 18. n. 60. & c. 25. n. 42.

7. Testificari tenetur quisque, vel denunciare, etiam non interrogatus, ad liberandum innocentem, (si tamen is condemnatur ob homicidiū quod scīs factum ab alio, non tenetis istum prodere ad liberandum illum, sed tamen potes) item si rem perniciosam Reip. aliter non possit impedire.

8. Quod solum audisti, potes testificari te nescire.

9. Non legitimè interrogatus potes negare te scire, subintelligendo vt tenearis prodere. *Cord. in Sum. q. 64. Valen. t. 3. disp. 5. q. 13. p. 2. Merc. l. 6. c. 11. Vinal. p. 3. c. 16. n. 11.*

10. Testis nihil potest accipere pro veritatis testimonio, sed pro damno quod patitur: quod si accipiat pro falsitate, aut pro eo ad quod non tenetur, non tenebitur restituere. *Vide RESTITVTIO.*

11. Laicus non potest esse testis contra Clericum in causa criminali, nisi in crimine notorio, aut hæresi, aut Simonia, aut lassa maiestate.

DE ACCVSATIONE.

1. **A**CCVSATIONEM debet præcedere inscriptio, & litem citatio.

2. Accusandi ius habens, non tenetur prius fraternè corripere. *Soto de secreto reg. m. 2. q. 5. concl. 4. Palud. 4. d. 19. q. 4. a. 1. Ang. Accusatio, n. 1. Tab. ib. n. 2.*

3. Accusare vix quisquam tenetur, nisi fortè in graui causa Reipublicæ.

4. Accusator non potest causa desistere cum damno Reipublicæ.

DE REO.

1. **R**EVS non tenetur fateri crimen, nisi sciat esse semiplenè probatum. *D. Th. 2. 2. q. 69.*
vbi

ubi Caiet. Arrag. & alij. Soto de iust. l. 5. q. 6. a. 1. Nau. c. 18. n. 57. & c. 25. n. 35. imò fortè nec tunc tenetur de quo vide infra. Vide Syl. Confessio delicti, q. 1. & P. à Nau. l. 2. c. 4. dub. 2. n. 142.

2. Non potest interrogari de socijs occultis, nisi in crimine nimis pernicioso, aut atroci, aut lege aut consuetudine id concedente, aut requirente id damno alicuius, quod aliter non possit impediri: nec sociorum revelatio extorquenda tormentis, nisi sint indicia sufficientia quòd habeat socios.

3. Non tenetur quis ideo suum crimen prodere, quòd videat alteri ab aliquo falsò imponi; potest tamen si velit.

4. Potest quis metu torturæ prodere socium delicti, & occultum suum crimen dignum morte, (etsi id quidam negant) & crimen alienum sibi secretò commissum: non enim tenetur cum tanto dolore celare.

5. Ad supplicium ductus non tenetur fateri quòd malè negavit, nisi alioqui graue damnum sequeretur.

6. Reus non est cogendus à Confessore fateri crimen, nisi sit clarissimum ad id teneri; cum præsertim sit opinio communis, & Iudicum, & Iurisperitorum, reum non teneri fateri crimen, etiamsi iurasset dicere veritatem: intelligitur enim, secundum illos, modò non sit in sui præiudicium, quæ opinio est etiam reorum; in quo etsi fortè fallantur, sed non videtur error perniciosus: quare qui se putat bene agere negando, nec peccare grauitè, cum eo Confessor videtur posse dissimulare.

7. Reus non tenetur illa fateri, ob quæ reuelata iniuste condemnaretur: potest ergo negare, intelligendo se non fecisse sic ut teneatur prodere.

8. Torqueri non potest minor quatuordecim annis, nec grauida, nec qui est in dignitate, aut nobilis, aut Doctor.

9. Reum

9. Reum & fugere licet satellites insequentes; & ab alio ad id iuvari, non tamen resistendo: non est autem resistere, se àprehendente excutere, etiam illum trahendo, & fugere etiam effracto carcere & vinculis, etiamsi alij vincti sint etiam fugituri. *Vide Caiet. 2.2.q. 69. a. 4. Arag. ib. Soto de iust. l. 5. q. 6. a. 4. Ang. Carcer, n. 3. Tab. ib. n. 1.* Si tamen est iuste ad mortem damnatus, etsi potest, non tamen tenetur fugere, secus si iniuste. Cum autem licitum est fugere, licet alijs ad id iuare, nisi lex prohibeat, aut officij proprij ratio. *Vide Caiet. & Tab. locis cit.*

10. Damnatus ad solum carcerem, non potest fugere, secundum quosdam; quibus non assentior. *Vide Comar. l. 1. resol. 2. 2. n. 10. & Soto cit.* certe qui ob debita, quæ non potest vlllo modo soluere, illic tenetur, & fugere potest, & ad id iuvari ab alijs.

11. Damnatus ad inedia, potest oblatum cibum comedere; an verò etiam teneatur, non conuenit inter Doctores: potest quidem alius, cui ex officio non est prohibitum, ei offerre; non tamen tenetur.

12. Damnatus ad haustum veneni, potest bibere.

13. In crimine missi Fori, quale est sacrilegium, superstizio, vsura, punitus insufficienter à Iudice Ecclesiastico; potest iterum à Iudice seculari puniri.

14. Potest quis puniri ex coniectura seu præsumptione certissima, vt si deprehensus sit nudus cum nuda in lecto. *Vide Thom. 4. d. 35.*

15. Reus qui capi non potest, post sententiam potest in alieno territorio puniri, de voluntate tamen domini saltem præsumpta.

DE SENTENTIA, CITATIONE, ET APPELLATIONE.

1. SENTENTIA lata sine citatione rei, & copia se defendendi, est nulla, nisi euidens sit nullam esse defensionem: item data in Ecclesia à Iudice seculari,

culari, nisi detur per modum voluntariae iurisdictionis, vbi scilicet nemo se opponit: item si feratur ordine Iuris non seruato, aut interueniente pecunia, nisi sit arbitri.

2. Oportet sententiam ferri sedendo, & loco publico & honesto, & die, non nocte; & non in festo, nisi postulet necessitas, aut pietas.

3. Citationem oportet dari intra tempus conueniens, & causa expressa, & tempore non feriato, & loco honesto & tuto. Citatus verò, si est impeditus, non tenetur per alium comparere.

4. Iudex, nisi sit Princeps, non potest regulariter mutare sententiam definitiuam: si tamen constet de iniustitia, restituitur condemnatus.

5. Sententia iniusta, sed data secundum allegata & probata, & non continens intolerabilem errorem, valida est in vtroque Foro.

6. Executor sententiae Principis iubentis suspendere absque processu, non peccat. +

7. Licet exequi sententiam Superioris iniquam, sed validam. *Vide de sent. Iudic. deleg. ca. 28.* +

8. Sententia Praelati ligat subditum alibi existentem. *Vide EXCOMMUNICATIO.*

9. Impediens iustae sententiae executionem per appellationem, tenetur de damno & interesse. *Vide Syl. & alios verba Appellatio. Sotol. 5. de iust. q. 6. Arrag. 2. 2. q. 69. a. 3.*

10. Qui appellauit, non censetur damnatus.

11. Cum prohibetur appellatio, intelligitur quae non est iusta.

12. Quilibet etiam Religiosus potest appellare à sententiae grauamine. +

13. Quilibet potest ad Papam appellare.

14. Appellari potest à sententia Iudicis appellationis.

15. Appellandum intra decem dies post sententiam: non currit autem tempus datum ad prosequendum appel-

appellationem, durante partium compositione seu consensu.

+ 16. Potest quisque appellare pro eo qui ducitur ad supplicium.

17. Appellatione pendente, nihil innovandum.

+ 18. Appellatio, si non potest fieri coram Iudice, fiat coram Notario, & vno saltem honesto viro.

DE ADVOCATO, NOTARIO SEU TABELLIONE, ET PROCURATORE.

1. **A**DVOCATUS publicus potest cogi per Iudicem patrocinari litiganti, accepto competente stipendio.

2. Tabellio in Foro Ecclesiastico potest esse laicus.

3. Tabellio factus Clericus, aut Religiosus, non perdit officium.

4. Tabellio, nisi à Principe creatus, non potest extra suum territorium instrumenta conficere.

5. Teneretur Tabellio rogatus conficere instrumentum, quia id iuravit.

+ 6. Tabellionis, cum haberi non potest, vicem suppleant duæ personæ honestæ.

7. Tenetur Tabellio de damno ex imperitia.

8. Notarius Visitatoris si non est de eius familia, nec habet salarium ex publico, potest aliquid accipere à visitatis, nisi statuto aut consuetudine prohibeatur.

9. Procurator in iudicio potest esse quis ante vigesimum-quintum annum, & in causis spiritualibus laicus.

10. Procurator non potest de quota pacisci.

IUVENIS.

1. **IUVENEM** intelligunt Doctores, cùm loquuntur de periculo incontinentiæ, vsque ad annum quinquagesimum.

IURAMENTVM.

1. **IURAMENTA** non sunt, In mea fide, In mea conscientia, In fide Christiani, In fide Religiosi, In veritate; tantùm enim significatur, Ita est, seu, Verum est; nisi quis intendat iurare: idemque quidam censent de ijs, Per meam vitam, Sic me Deus adiuuet, Per Deum, Coram Deo dico, Deus scit me dicere verum: quamquam alij negant. Ego rem pendere puto ex intentione dicentis. Vide August. *epist. 89.* qui iuramentum censet, Deus scit me dicere verum: & quidem illud D. Pauli, Coram Deo quia non mentior, iuramentum est. Vide D. Th. *cum suis 2. 2. q. 89. 2. 3. Sot. 1. 8. de iust. q. 1. 2. 1. Nau. c. 12. D. Ant. 2. p. 1. 10. m. 3. Covarr. c. Quamuis pactum, de pactis, in 6.*

2. Iurare per creaturam non referendo in Deum, sed per ipsam, quantum potest, veritatem confirmando, peccatum quidem est, sed iuramentum propriè non est.

3. Assuetum falsò iurare, etiam cùm verum inaduerterter iurat, peccare mortaliter, quidam aiunt, alij negant.

4. Mortale est iurare te facturum quod credis te facere non posse. *Syl. Iuramentum, 4. q. 18. & est communis.* item si iures falsum, etiam sine animo iurandi. *Caiet. est. 2. 7. ad 4. Covar. ubi sup. 1. p. §. 5. n. 2.* item si iures aliquid promittendo sine animo promittendi; ipsum enim iuramentum obligat etiam non habentem animum se obligandi, modò habeat animū iurandi. Quidam tamen dicunt, iurantem sine animo se obligandi

di peccare quidem, sed non obligari; adduntque, qui non habent animum implendi, non habere promittendi, adeoque nec se obligandi.

+ 3. Qui se iurat facturum peccatum veniale, peccat venialiter: si verò iurat sine animo faciendi, peccat mortaliter. *Nauar. c. 12. n. 13. Sylu. verbo Terrarium, & alij.*

6. Non est mortale iurare se non facturum quod facere melius est, nec si iures falsum quantum ad verba, sed verum quantum ad intentionem petentis iuramentum; ut tempore pestis te non venire ex illo loco, subintelligendo in quo sit pestis, ut ille putat; aut non cum illo locutum, scilicet quod ille suspicatur. *Sylu. Iuramentum, 3. q. 2. in fine. Nauar. c. 12. n. 19.* Ita quidam probabiliter: quod mihi non admodum tutum videtur, nec probarim faciendum, nec tamen factum improbarim. itemque secundum istos potes iurare iudici te non fecisse, scilicet ut ille putat; & cogenti facere quod non licet, aut non teneris, te facturum, scilicet si licebit, vel si teneberis; & extorquenti aliquid iniuste, te nescire, scilicet sic ut illi tenearis dicere. *Valen. t. 3. disp. 5. q. 13. p. 2. Mercado l. 6. c. 11. Viual. p. 3. c. 16. n. 11. Corduba q. 64.* Denique cum non teneris iurare ad mentem petentis, posse ad tuam. *Idem qui sup. & Tol. l. 5. c. 58.* quod alij negant, dicentes verba absolutè falsa non excusari illa mentis subintellectione. Vtrique docti, utrique probabiliter.

+ 7. Rem leuem iuramento promissam non præstare, non est mortale. *Soto l. 8. q. 1. n. 7. Syl. Iuramentum, 1. Nau. c. 12. n. 10. Tol. l. 4. c. 21.* (etsi quidam esse affirmant) atque itidem dicendum si rei promissæ particula aliqua omittatur. Illud certum apud omnes, quicquid etiam leuissimum falsò iuretur asserendo, aut negando, esse mortale.

+ 8. Qui se iurat aliquid facturum, quod postea facere non decet, non tenetur facere: nec si iurauit alterius causa, qui fieri non vult. *D. Thom. 2. 2. q. 89.*

q. 89. a. 9. ad 2. *Caiet. ib. Soto l. 8. de iust. q. 1. a. 9. nisi simul ad honorem Dei iurasset; esset enim tunc velut votum quoddam: quamquam & hic etiam, secundum quosdam, non teneretur, si ille, cuius fieri interest, relaxet obligationem; vt si quis ad Dei honorem iurasset pauperulam ducere, illaque relaxet.* *Nau. c. 22. n. 22.*

9. Fraude inductus ad iurandum, quam si nouisset, non iurasset, non tenetur. At extortum vi iuramentum de re non illicita, obligat, nisi per Superiorem relaxetur, aut sit de matrimonio contrahendo ex metu ad id incusso facto, qui cadat in constantem virum.

10. Iuramentum de re imprudenti, aut indifferenti, aut melioris boni impeditiuum, non obligat, *Valen. t. 3. disp. 6. q. 6. p. 4. Tolet. l. 4. c. 22. id tamen postremum intelligunt quidam nisi iurasses in alicuius fauorem, verbi gratia, ducere aliquam: non enim potes omittere ob continentiam, sed ob Religionem aut Sacerdotium potes.* *Molina t. 1. de iust. & iure, tract. 2. disp. 149. Vide MATRIMONIUM, SPONSALIA, VOTVM, & ca. 16. de spons. & matrim.*

11. Iurans redire ad carcerem, tenetur (nisi esset iniquè detentus) etiam cum vitæ periculo. Quidam tamen etiam ad iniustum carcerem redeundum aiunt, nisi iuramentum relaxetur per Episcopum.

12. Ciuitas tenetur iuramento maiorum, non vi iuramenti, sed pacti & fidelitatis: itaque si non seruet, non est periura.

13. Iurans alterius factum, tenetur solum dare operam vt fiat.

14. Iurans parère, potest appellare à grauamine iniquo.

15. Iurans facere certo tempore, si non potest, tenetur postea.

16. Iu-

+ 16. Iurans non obligatur ad ea ad quæ non intendebat se obligare, scilicet ad ea de quibus si cogitasset, non ea intendisset in alijs quæ promittebat includere, sed exclusisset: nec etiam obligatur si id accadat, quod si fuisset iuramenti tempore, id fuisset temerarium.

+ 17. Iurans puellæ sponsalia, alioqui se non passuræ ab illo violari, tenetur ducere, etiamsi fictè iurasset.

18. Tenetur quis iuramento facto à Procuratore suo nomine ex speciali mandato.

+ 19. Iuramentum confirmat contractum Iure irritum ob fauorem priuatum, secus si irritum est ob fauorem publicum; itaque firmat contractum impuberis doli capacis. Quidam tamen aiunt, iuramentum sortiri naturam actus cui adheret, adeoque non facere irreuocabile, quod secundum Ius est reuocabile, vt testamentum: alij, nisi lex etiam iuratos contractus irritet, firmari iuramento. Mihi placet distinctio posita suprâ.

+ 20. Iurans soluere, potest compensare, nisi contrarium intendisset dum iurauit.

+ 21. Iuramentum secundum contrarium primo non obligat.

+ 22. Iuramentum tenetur implere etiam Religio- nem ingressus, si potest; nisi haberet modum voti, vt cùm sit ad honorem Dei.

+ 23. Iuramentum de celando secreto, intelligitur nisi id alteri noceat.

24. Iuramentum de seruando omnia statuta, intelligitur si sint licita, & nisi abrogentur.

+ 25. Ciuitatis iuramentum si maior pars non seruat, non videntur alij teneri; non enim putandi se obligasse etiam in tali casu.

26. Periurium ex se grauius est homicidio, secus est ex parte damni.

27. Potest ab infideli peti vt iuret, & iuramentum eius

eius, per falsos Deos recipi.

28. In dubio de validitate iuramenti, interpretabitur habens Episcopi auctoritatem. +

29. Iuramentum factum in alicuius fauorem, potest iste relaxare, vel eius Superior.

30. Iuramentum impuberis irritatur patre contradicente. *Vide glo. 32. q. 2. Mulier.*

31. Pater potest irritare iuramenta filij habentia speciem voti, vt potest vota; & quisque iuramenta subditi facta de rebus sibi subiectis. +

32. Qui potest dispensare in votis, vel commutare, potest & in iuramentis. *Soto l. 8. q. 1. a. 9. Vinal. p. 3. c. 14. a. 8. vsque ad 13. vbi non est preiudicium tertij. Tolet. l. 4. c. 23. Conar. q. 312. in quo casu solus Papa potest. Quod si est dubium an sit illicitum vel nocium, vel est extortum, vi, dolo, aut metu, poterit Episcopus.* +

33. Episcopus potest dispensare in iuramentis non reseruatis Papæ ex lege vel consuetudine. Non est autem ei reseruatum iuramentum de adeundo Hierosolymam.

34. Iuramentum à se factum in Dei gloriam, potest quisque commutare in rem apertè meliorem. +

35. Potest quis urgente necessitate, qua non potest adiri Superior, iuramentum violare, credens in illa non obligari, vt sentit Syl. +

36. Dispensatio iuramenti sine causa non valet.

37. Qui iurauit non petere dispensationem voti, vel iuramenti, vel ea non vti, poterit rem Superiori indicare, si id ratio postulet; & si is dispensationem dederit, vti. *Ex Soto.* +

IURISDICTIONIO.

1. **I**URISDICTIONEM dat tacita ratihabitio.

2. Iurisdictionis concessio est fauorabilis, nec cen-

setur reuocata ante reuocationis notitiam. Quòd si publica est, potest eam exercere qui non est denunciatus excommunicatus, aut suspensus, *secundum Nauar.* quod ego intelligo quantum ad validitatem; nam quantum ad peccatum, qui est ab ea suspensus, non video quomodo possit licite.

3. Iurisdictione delegata in aliqua causa, qui nondum coepit uti, expirat morte delegantis ei nota, nisi aliud constet de huius voluntate.

4. Iurisdictione commissa, intelliguntur commissa omnia sine quibus non potest commodè expediri.

5. Iurdictio voluntaria, id est, quando nemo se opponit, potest ubique & semper exerceri.

IUS PATRONATUS, vide *Electio*.

1. **I**us Patronatus esse quid spirituale quidam aiunt, alij negant: alij, esse partim temporale, partim spirituale. *Vide glo. 1. q. 1. Quod autem, & 16. q. 7. Tric. & ca. 16. de Iure Patron.*

2. Id Ius solet sibi reseruare, qui præbendam instituit de bonis suis: potest verò in id consentire Episcopus, etiam post factam donationem.

3. Transit ad hæredes & re vendita, aut data in feudum, non autem in legatarium, nisi de consensu Episcopi: nec transit in confiscatione Iudicis secularis, sed Ecclesiastici.

4. Lex posita à patrono in fundatione beneficij, sed non recepta, non seruanda: nec si sibi retineat aliquod seruitium in dotatione Ecclesiæ, etiam cum auctoritate Episcopi, validum id est.

5. Patronus non potest se præsentare, sed potest ei Episcopus conferre motu proprio.

6. Præsentatus, si non est idoneus, potest ab Episcopo repelli. *Ex Trid. Sess. 25.*

7. Institutio sine præsentatione patroni non negligenda.

Agentis in præsentando est nulla. Quòd si laicus non præsentet intra quatuor aut sex menses à vacatione, Episcopus prouidet.

8. Patronus pauper alendus ex redditibus Ecclesiæ non necessarijs.

9. Non derogatur Iuri Patronatus, nisi id specialiter dicatur; & quidem si est Rex, Dux, aut Marchio, oportet horum fieri mentionem.

L

L A V



L A V D E M I V M, vide *Feudum*.

L A V S, vide *Honor*, *Vana gloria*.

L E G A T V M, vide *Bona*, *Hæreditas*, *Ususfructus*.

1. **L E G A T V M** ad usum pium potest Papa in alium pium conuertere, & Episcopus in magis pium ob necessitatem, & æquè pium ex causa legitima, consentiente hærede, & loco pio cui fuerat relitum.

2. Legatum ad usum profanum potest Princeps non habens Superiorem in temporalibus conuertere in alium profanum vel pium.

3. Legatum in usum aliquem, si non potest impleri, potest Episcopus in alium mutare.

4. Legare non potest, qui non potest testari.

5. Mutus potest legare, nutibus.

6. Legatum potest quis mutare dum vivit.

7. Legato principali venire accessoria etiam pretiosiora, quidam aiunt, alij negant: certè legato lecto, veniunt eius ornamenta.

8. Mortuo legatario ante legantem, nihil debetur.

9. Quod accrescit legato viuenti legante, est legatarij; vt legato gregi pecudes natæ, & fundo legato addita pars, vel ædificium. At acquisitum ex legato ante aditam hæreditatem, non ei accrescit, vt lucrum ex pecunia, vel equo.

10. Vestes legatae dandæ, etiamsi legans putasset plus aut minus valere.

11. Legatis vestibus domi existentibus, intelliguntur etiam quæ apud sartorem.

12. Falsa

12. Falsa demonstratio aut causa non vitiat legatum: nec conditio quæ per legatarium fieri non potest: itaque conditio in legato quod nubat, si non potest sine dispensatione, rejicitur tamquam impossibilis de iure, rejicitur etiam conditio contra bonos mores.

13. Legatum tibi relictum à falso credente te suum esse filium, potes tenere.

14. Legatis omnibus bonis, intelliguntur etiam iura & actiones.

15. Legatarius iuste possidet, etiamsi testamentum sit nullum.

16. Legari potest spurio ratione alimentorum & dotis, sed redit legatum ad hæredes patris, at legatum naturali ad huius hæredes transit.

17. Deportato non potest legari.

18. Alimenta danda ubi legatarius vult habitare, nisi ea legans aliud dixisset: quod si voluit domi manere, non tenetur in aliquo servire.

19. Legatum factum filio computandum in legitimam.

20. Legatum annuum potest peti in principio anni, nisi aliud appareat voluisse legantem.

21. Legata minuenda, si casu fortuito minuantur hæreditas.

22. Peccat qui non soluit legata quamprimum potest: incidit autem in poenas iuris, si pia non soluit intra sex menses ab infirmatione testamenti, alia vero intra annum.

23. In legatis ad pias causas sufficiunt ubique duo testes, & debentur ea etiam ante aditam hæreditatem, & hæreditate non adita: id quod etiam de alijs legatis usus obtinuit. Vide Panor. rap. Relatum, de test. Non detrahatur autem de legatis pijs Falcidia, nisi testator dixisset, aut hæres esset pius institutus; nec Trebellianica.

24. Sufficit legatarium esse capacem legati tempore mortis testatoris.

25. Nato filio post testamentum, valent legata si non sunt magna, at si præsумitur testatorem voluisse vt valerent.

26. Si legatum traditur à testatore, fit donatio inter viuos.

27. Legatum factum Ecclesiæ intelligitur de Parochiali, nisi aliud dicatur. Debetur autem Episcopo quarta pars legatorum Ecclesijs causa pietatis: consulenda tamen in ijs recepta consuetudo.

28. Ad legata tenentur hæredes pro rata.

29. In legatis sub disiunctione, optio erit eius ad quem verba diriguntur, alioqui legatarij.

30. Si quis legauit scienter rem alienam, hæres emet, vel dabit æstimationem: item si ignoranter legetur personæ coniunctæ, vel causæ plæ.

31. Si rem hæredis alteri legauit, etiam ignoranter, dabit hæres, modò sit institutus in aliquo vltra legitimam.

32. Legatum puellæ vt nubar, si moritur, dabitur operi simili.

+ 33. Legatum in alterius voluntate relictum, valet si est ad causam piam.

+ 34. Legatum alicui si nubar, aut si habeat filios, habebit etiam professæ Religionem: idemque est de legato causa dotis, aut donationis propter nuptias, etiamsi legans contrarium voluerit; tenebiturque hæres in conscientia, secundum quosdam. Alij dicunt sequendam legantis mentem.

+ 35. Conditio de nubendo in ea quæ nunquam nupsit, & consuminauit, aut de nubendo arbitrato alterius in ea quæ non sit vidua, aut de non contrahendo matrimonium in eo qui nunquam contaxit, reijcitur. Quòd si dicitur cum consilio talis, audiendum est, etsi non sequendum.

36. Lega-

36. Legatum cum conditione si fiat Religiosus, aut Presbyter, non habebit, si non fiat.

37. Legatum vt nubas cuidam, habebis etiam si nubas alteri, aut ingreditaris Religionem, aut si per te non flet quin fiat, aut ille mortuus sit. +

38. Legatis mille si vxorem ducas, & centum si fias Clericus, habebis mille si fias Clericus, secundum quosdam; alij negant.

39. Legatum vt emas vestem, habebis etiam si non emas: sic legatum vt possis nubere, habebis etiam non nubens: si autem pro dote, dabitur, si non nubas, in opus simile. +

40. Legatum vt nubas cuidam si voluerit, si primo nolit, & postea velit, habebis etiam si non ducas.

41. Legatum alicui cum fuerit triginta annorum, si tunc mortuus sit, dabitur eius heredi.

42. Legatum alicui quamdiu erit vidua, & post eius mortem tibi, si nubat, tuum est statim.

43. Legatum si castè vixerit, non amitti si nubat, alij aiunt, alij negant. Quòd si legatum si pudicè & honestè vixerit, non amitti nisi per copulam carnalem, aiunt quidam, alij etiam per amplexus & oscula & tactus impudicos amitti.

44. Legatis equis vel bobus, dabuntur mediocres.

45. Legatus calix intelligitur argenteus; si planeta verò, serica.

46. Legata re litigiosa, litigabitur sumptibus heredis.

47. In legatis facienda ampla interpretatio.

48. Legatum ad piam causam, gaudet priuilegio relictæ Ecclesiæ.

49. Legans creditori, in dubio videtur voluisse compensare.

50. Legatum pauperibus in communi, potest dari fabricæ Ecclesiæ pauperis.

51. Legata valent etiam sine heredis institutione.

LEGATUS, vide *Delegatus*.

LEGITIMA, vide *Hæreditas*, *Parentes*, *Religio*.

1. **L**EGITIMA, si filij plures quàm quatuor, est dimidium bonorum quæ reliqua sunt solutis debitis defuncti, & impensa funeris: quòd si non plures, est tertia tantum pars. atque id est quod inter omnes diuidendum necessario: est enim debitum filiis legitimis; eisque mortuis, nepotibus legitimis. Debetur autem à matre etiam filiis naturalibus, non autem spurijis. Debetur & parentibus legitimis à filiis non habentibus filios, & fratribus ex parte patris, si quis infamem hæredem instituat, cum illi non essent ingrati. Quòd si illis in testamento nihil esset relictum, esset nullum: si autem minus legitima, supplendum.

2. Non potest filia tolli legitima statuto, secundum quosdam, sed potest statui ut sit contenta dote sufficiente, modò ne enormiter lædatur. Potest verò, secundum alios, legitima statuto minui, & ex causa tolli, sed non alimenta, nec dos: & quidem, aliquibi per primogenituram priuantur alij filij legitima.

3. Filia dotata potest petere supplementum legitimæ, si ei non renunciauit expressè. Computanda autem sunt omnia ei data à patre occasione matrimonij, exceptis vestibus ad usum quotidianum necessarijs.

+ 4. Renunciatio legitimæ facta per metum, non firmatur iuramento.

+ 5. Filius renuncians hæreditati etiam cum iuramento, potest petere supplementum legitimæ: inquam tamen computandum quod ex bonis patris inhonestè expendit, nisi præsumatur pater donasse.

Sup-

Supplementum autem legitimæ non petitum potest petere hæres etiam extraneus.

6. Legitima donata filio inter vivos, potest à patre reuocari.

7. Professus Religionem debet filio legitimam statim, & pater infidelis filio factò Christiano. *Vide RELIGIO.*

8. Non computatur regulariter in legitimam donatio patris ab initio valida: computatur autem, secundum quosdam, quæ morte confirmata, & donatio dotis, aut propter nuptias, aut pro liberatione filij à poena delicti.

9. Filij ob hæresim patris damnati, priuantur legitima, non autem ob eius crimen læsa maiestatis, secundum quosdam.

10. Non potest legitima grauari à testatore, nisi in utilitatem filij, aut propter debita, aut de filij consensu: nec dos, nisi in quantum legitimam excederet. Potest tamen filius prohiberi eam alienare usque ad tertiam generationem.

11. Legitima, Iudicis arbitrio; & non hæredis, ex hæreditate deducenda.

LEX, vide *Interpretatio, Iudiciales actus, Iuramentum, Pæna.*

1. **L**EX humana non obligat in conscientia, ubi constat eius rationem seu intentionem principalem cessare: solet autem intentio ex proximo colligi. Cessat & obligatio cessantibus inconuenientibus ob quæ lata est. Item si lex est inutilis: item in casu quem si legislator cogitasset, excepisset: item si non est recepta à principio, etiam ignorante id legistatorem; aut non recepta est à maiore parte talium personatum de quali excusando loquimur, sciente Superiore, & non contradicente; ad quod sufficit bis

aut ter fecisse contra legem : item in casu scandali, aut infamiae, aut metus cadentis in constantem virum; aut cum occurrit casus ubi ratio iudicat non seruandam; aut cum fundatur in praesumptione, & constat de contrario; aut cum est iniusta, aut non in bonum commune, aut afferens magnum damnum; aut cum est valde difficile obseruare; reputatur enim in Iure impossibile.

2. Cum lex condemnat aliqui licitum, intelligenda est solum in Foro exteriori.

3. Quantum & quomodo lex obliget, petendum ex communi interpretatione, & vsu, praesertim bonorum.

4. An lex ad mortale peccatum obliget, coniiciendum ex verbo praecipit, vel re graui quam praecipit, vel magna poena quam apponit.

5. Non est mortale facere contra legem in re parua, aut sine plena deliberatione, &, secundum quosdam, si absit contemptus; sed id alij negant.

6. Cum in lege Ecclesiastica dicitur, Teneantur, vel, Praecipimus, videtur esse obligatio mortalis peccati; secus si dicatur, Faciant, vel, Dicant, vel, Ordinamus, vel, Statuimus, vel, Mandamus, vel, iubemus: quamquam, Debet, Mandamus, Prohibemus, &, Oportet, quidam putant obligare ad mortale.

7. Cum in lege sunt multae poenae, non habet locum in ijs, in quibus non possunt omnes verificari.

8. Cum in lege excipiuntur aliqui casus, intelliguntur excepti etiam qui alias Iure excipiuntur; & si materia est fauorabilis, etiam omnes similes, & quos excipi xquitas postulat.

9. Lex Papae & Imperatoris, nisi aliud dicant, non obligant nisi post duos menses a publicatione in Prouincia in qua quis est: etsi quidam putant ligare statim scientes primam promulgationem; id quod de legibus inferiorum concesserim.

10. Lex prohibens non est extendenda ad casum in quo

quo non est tanta ratio ; lex enim tantum extenditur ad suæ rationis limites : itaque ubi eadem aperte ratio , idem ius : quod intellige cum lex ratione vitur , secus enim est si sola voluntate legislatoris.

11. Lex priuans ob peccatum re iure possessa , intelligitur in Foro exteriori post condemnationem.

12. Lex Principis generalis , etiam Clericis , secundum quosdam , seruanda est , si nullum eis aut Ecclesijs speciale damnum affert.

13. Approbatio Papæ habet vim constitutionis.

14. Cum lex præscribit formam super eo , in quo quis alioqui habet potestatem , actum contra legem tenet.

15. Cum lex damnat iuuantem malefactores , aut receptantes , &c. intelligit tamquam malefactores , non autem si ob necessitatem faciant , aut pietatem.

16. Lex vetans aliquid , non comprehendit facientes bona fide.

17. Per ius nouum non receditur ab antiquo , nisi exprimatur.

18. Nulla ferè lex præcipiens denunciare delinquentes , est recepta , nisi in casu hæresis.

19. Lex Ciuilis tollitur consuetudine contraria decem annorum ; & etiam Ecclesiastica , si Papa sciens non contradicat ; itemque lex Episcopi , Episcopo non contradicente . Quin etiam quauis consuetudo per duos vel tres actus contrarios , sciente Superiore & tolerante , legem abrogat , secundum quosdam , nisi sit contra publicam utilitatem.

20. Contra legem derogantem futuræ consuetudini , potest ex causa derogari consuetudine.

21. Nulla lege tollitur consuetudo rationabilis certi loci , nisi fiat eius mentio ; nec statuta particularia non continentia solum ius commune , nisi lex aliud aperte dicat. *Uide ca. 1. de const. li. 6.*

22. Lex reuocatoria priuilegiorum non habet vim usque ad publicationem.

+ 23. Lex generalis posterior limitatur per specialem priorem, quantum ad id in quo ei contrariatur, etiamsi dicat, Non obstantibus quibuscunque.

24. Lex sequens non tollit factum præteritum, etiamsi huius effectus pendeat ex futuro.

+ 25. Standum est verbis legis secundum interpretationem Iuris, etiamsi legislator extra legem dicat se aliter intellexisse.

+ 26. A Papa quidem Innocentio Quarto declarante suam mentem in constitutione à se facta antea, recessit Hostiensis, & cum eo alij Doctores. *Vide lib. 6. de concess. præb. ca. 1.*

+ 26. Standum est legis menti apertæ etiam contra verba: intelligitur autem mens legis ex ratione expressa.

+ 27. Cum imponitur poena mittenti epistolam, intelligitur si perueniat.

+ 28. Cum prohibetur subornatio, intelligitur aliqui mala.

29. Cum dicitur, Non gaudeat, aut, Amittat, non est posita poena ipso iure.

+ 30. Non est actus irritus, sed irritandus, si dicitur, Non potest, aut, Non valeat: quidam tamen dicunt irritum esse, si dicitur, Non possit.

+ 31. Statutum loquens simpliciter, non comprehendit res iuratas: nec, cum derogantur generaliter statuta, intelliguntur iurata.

+ 32. Contra statutum etiam à Principe confirmatum possunt facere statuentes, si est principaliter in eorum fauorem. Confirmatio enim habet vim priuilegij, cui potest renunciari.

33. Papa confirmans statuta, intelligit, modò sine conformia Iuri communi, aut ab eo non valde aliena.

34. Statutum Episcopi non ligat subditos extra Diocesim delinquentes.

35. Sta-

35. Statutum durat etiam mortuo statuente: & statutum Capituli, Sede vacante, durat donec ab Episcopo reuocetur.

L I B R I.

1. **L**IBRI & tractatus Astrologiæ iudiciariæ, Geomantia, Chiromantia, &c. Magia, Sortilegiorum, Auguriorum, &c. ne legantur, sed dentur Episcopis, vel Inquisitoribus. Ex *Bulla Sixti Quinti*.

L I T T E R A E.

1. **L**ITTERAS alienas aperire & legere, mortale est, nisi sis scribentis Superior, aut facias sub rati habitione, aut inaduertenter, aut contineant res parui momenti, aut habeantur pro derelictis, aut sint inimici tui, à quo times aliquid mali, aut sis Gubernator tempore belli, aut facias ex curiositate, nec sit periculum damni magni.

L I V E L L V M, vide *Emphyteusis*.

L O C A T O R, vide *Conductor*.

L V D V S, vide *Contractus*, *Debitum*, *Minor*, *Peccatum*.

1. **L**VDERE ludo prohibito, non est peccatum, si fiat causa recreationis, aut alia honesta; cessat enim ratio legis.

2. Ludum funambulorum quidam illicitum dicunt, ob periculum mortis; alij licitum, si sint adeo periti, ut periculum timendum non sit.

3. Ludum agitationis taurorum licere, non obstante prohibitione Pij Quinti, Nauarr. putat, si sic fiat, ut non sit magnum periculum, quia cessat ratio legis. Ab ea quidem prohibitione Gregorius decimus tertius censuras abstulit positas contra permittentes & congregantes.

4. Ludi qui fit cum peccato mortali spectator non peccat mortaliter, si peccato ipso non delectetur.

5. Ludere aleis causa lucri magni, etiam laicis esse mortale Sylu. putat: at Nauarr. solis Clericis, ijsque, etiam si ludo exponant bona patrimonialia.

6. Ludo prohibito acquisitum, non est restituendum, nisi lex impediatur dominij translationem, ut minori; quamquam, si hic parum perdat, non est restituendum: non videtur autem plus posse lucrari quam perdere, nisi forte alter, sciens illum non posse perdere, se periculo committat: potest tamen quis, quod perdit cum illo, illud postea lucrari ad compensationem; & si quod ab eo lucratus est, iterum cum illo perdat, ad nihil aliud tenetur. Sunt & qui probabiliter asserunt, ludo ab eo obtentum, non esse restituendum, de quo vide M I N O R.

7. Inducto ad ludum vi, aut fraude, aut iniuria importunitate, quod perdidit, restituendum, secundum quosdam; quod alij de importunitate negant.

8. Qui valde excedit peritia ludendi, tenetur restituere id nescienti: secus est si uterque de altero ignorans, se periculo commisisset.

9. Cum lex concedit repetitionem ludo perdit, (concedit verò in ludis prohibitis) posse non solui, & solutum iam, clam accipi, putant quidam cum Adriano; alij negant, saltem illud quod de clam accipiendo dictum est. Quod si quis iurasset se non usurum repetendo legis beneficio, potest petere ab solutionem à iuramento, & repetere: si verò solum pro-

promisit se soluturum , non tenetur , etsi id quidam negant .

10. Histrionum ludi non condemnandi, si modeste agant.

L V X V R I A , vide Peccatum.

1. **F**ORNICATIO ex genere suo est peccatum grauius furto : incestus autem grauius adulterio, etsi quidam id negant de incestu extra primum gradum.

2. Incestus dicitur cum cognatis , etiam spiritualibus, per Baptismum, aut Confirmationem, & affinibus. Cognatos verò intellige vsque ad quartum gradum , affines verò vsque ad secundum . Cum Religionem verò professis, aut ordinatis in sacris , aut in loco sacro, potius est sacrilegium, etsi quidam incestum putent : cum filia autem Confessionis, etsi est peccatum dignum depositione, & carcere, non est tamen cum ea propriè cognatio spiritualis ; dicitur verò incestus per quandam similitudinem . Vide 30.

q. 1. Omnes, & ca. Non debet.

3. Stuprum dicitur, si foemina virgo sit, non si vir.

4. Sacrilegium non est , vbi non est propriè locus sacer, etiamsi ibi altare fortè sit.

5. Sodomia est , cum duo eiusdem sexus commiscantur , etiam foeminae , vel cum foemina vir praeposterè . Quidam verò putant variari speciem, si fiat cum cognato aut affine , aut habente votum castitatis , aut cum coniugato , aut cum virgine, aut viri cum foemina ; quae duo postrema non facile admiserim.

6. Ad bestialitatem reducitur etiam coitus cum demone . Sunt autem reliquae bestialitates eiusdem speciei.

7. Ordo grauitatis peccatorum luxuriae est is , Bestialitas, Sodomia, Pollutio voluntaria, (quae tria dicuntur

cuntur contra naturam) Incestus; Adulterium, Struprum, Simplex fornicatio.

8. Pollutio inuoluntaria non est peccatum; nec oportet relinquere opus licitum vnde sequitur contra intentionem, nisi sit periculum consentiendi.

9. Si pollutionis inuoluntariæ causa quæ vitari debuit, est peccatum veniale solum, vt aspectus curiosus foeminae, aut lectio turpis, & ipsa solum venialis est, etiamsi quis præuiderit inde secuturam, sed contra voluntatem. *Soro 4.d.12.q.14.7. Ledes.m. 4.p. 12 q. 21. a. 7.*

10. Pollutio in semiexperrecto, non est mortalis, quia non plenum seu integrum iudicium.

11. Coeptam in somno pollutionem non tenetur euigilans reprimere; sufficit enim non placere.

12. Oportere vt accadat in somnis pollutio, ad mitigationem libidinis, aut ob aliam honestam causam, mortale non est, modo non derur ei causa. *Syl. & Ang. Pollutio, n. 2. Ant. 2.p.1.6.c.5. Nau.c.16.n.7. nec ob eandem causam de præterita gaudere: nec comedere illa vnde creditur secutura, modo non intendatur.*

13. Delectatio de peccato carnali, quæ dicitur mortosa, mortale peccatum est, & eiusdem cum peccato operis speciei. Quidam tamen dicunt non variari speciem, si quis de virgine cogitet, aut coniugata, non vt tales sunt, sed solum vt foeminae. Non licet autem nec viduæ, nec vxori, viro absente, delectari carnaliter, copulam cogitando cum viro suo, quasi præsens esset: secus est si cogitet vt præteritam, aut futuram; tunc enim non est mortale.

14. Oscula & tactus libidinosi inter non coniugatos, nec sponfos, mortalia sunt peccata, non autem inter coniugatos, si absit periculum pollutionis; nec inter sponfos amplexus & oscula.

15. Non tenetur quis vitare alterius osculum libidinosum, si non potest sine scandalo.

16. Qua-

16. Quæ ab aliquo opprimitur, non tenetur ad sui defensionem illum lacerare: an verò teneatur clamare & resistere quantum possit sine periculo vitæ aut famæ, non conuenit inter Doctores: ego ijs accedo, qui resistendum putant. *Vide Aug. 1. Ciu. cap. 16.*

17. Potest & fœmina quæque, & mas, pro turpi corporis vsu pretium accipere & petere. *Nau. c. 17. n. 30. 36. 40. Tol. l. 5. c. 19. Sotol. 4. q. 7. a. 1. Lopez c. 105. Salon 2. 2. q. 62. a. 5. Pet. Nau. l. 4. c. 2. n. 121. & qui promisit, tenetur soluere.*

MALE



MALEDICTIO.

1. **M**ALEDICERE non optando malum, mortale non est; nec maledicere brutis animalibus, nisi quis maledicat in odium eius quod possidet.

M A N D A T U M, vide *Casus fortuitus, Consilium, Dispensatio, Donatio, Interpretatio, Iurisdictio, Præceptum, Restitutio.*

1. **M**A N D A T U M posterius regulariter non derogat priori, nisi de eo faciat mentionem, præsertim in privilegijs, legatis, & re non integra.

2. Mandatum re integra finiri morte mandantis dicitur *C. Mandati, l. Mandatum.* sed casus quidam excipiuntur à Doctoribus: & quidem quod mandatur per modum constitutionis, non expirat; nec, ut ego puto, quod in gratiam alicuius. *Vide supra DONATIO.*

MANIFESTVM.

1. **M**ANIFESTVM in dubio & pœnalibus accipiendum pro notorio quidam volunt; alij pro eo quod possit quidem probari, sed non sit notorium.

2. Notorium facti in loco, aut vicinia, aut Collegio, ubi sint tamen saltem decem, dicitur, quod notum est maiori parti illorum decem; non dicitur autem notorium si omnes non sint decem saltem.

3. Noto-

3. Notorium iuris dicitur, quod constat Iudicis, sententia, vel clara iudiciali probatione, vel confessione.

4. Occultum dicitur, quod tale non est, etiamsi possit probari; & quod pane est occultum, id est, difficile probari: denique etiam quod quinque sciunt, occultum dicitur. *Vide glo. 2. q. 1. Manifesta.*

5. Publicum dicitur, non solum quod notorium est, sed etiam quod coram Iudice aut Notario actum.

MARTYRIUM.

1. **M**ARTYR dicitur etiam qui pro virtute interficitur.

2. Martyrem tenetur eripere qui potest, nisi ipse id recuset.

3. Proles occisa in utero martyris, saluatur illo martyrio.

MATRIMONIUM, vide *Benedictio, Debitum coniugale, Dispensatio, Episcopus, Metus, Parochus.*

1. **M**ATRIMONIUM contractum non praesente Parocho, aut Sacerdote de illius vel Episcopi licentia, nullum est. *Ex Conc. Trid. sess. 24. c. 1. de resor. nec facit sponsalia. Ex Cong. Conc.* Intellige hæc locum habere solum post triginta dies à publicatione decreti Concilij Trid. in illa Parochia. Sufficiunt verò quicunque testes, modo intelligant quid fiat; & sufficit Parochus viri vel foeminae, etiam in aliena Diocesi, & etiamsi non sit ipse Sacerdos, & etiamsi praesens contradicat, aut vi detineatur, aut Episcopus prohibuisset, modo intelligat quod fit, scilicet videndo vel audiendo: item sufficit coadiutor Vicarij perpetui.

tui vel Parochi in administratione Sacramentorum, & Vicarius Parochi qui Sacramenta etiam ad tempus administrat: possuntque tales non solum assistere, sed etiam dare licentiam alteri assistendi, etiam contradicente Episcopo: & Sacerdos cui committitur à Parocho omne quod ad curam Parochi pertinet, potest assistere matrimonio, sine speciali ad id mandato. Sufficit & Parochus toleratus, etiam alioqui excommunicatus, aut suspensus, modò non sit per sententiam priuatus officio: potest ergo talis & assistere, & dare alteri assistendi licentiam.

2. Qui alicubi habitat non animo permanendi, quibusdam non videtur posse sub illo Parocho contrahere: at mihi videtur Congr. Conc. aliud sentire, scilicet sufficere illic habitare dum contrahunt. Vide PAROCHVS. Certe vagabundi, qui nullibi habent domicilium, vbiq; possunt contrahere, sicut & confiteri: idemque de illis dicendum, qui, priore domicilio relicto, domicilium quærunt; scilicet vbi interim habitant, possunt contrahere.

3. Cum dispensatur in matrimonio inualido, sed contracto in facie Ecclesiæ, scilicet vt suprà dictum est, sufficit postea sine Parocho & testibus de nouo consentire coniuges, scientes tamen se posse non consentire. Ex Pio Quinto. Nau.c.22.n.70. Sufficit verò, cum non expedit sciri ab altero impedimentum, ei persuadere vt de nouo consentiat, quasi nunc prius aliquando contraheret.

4. Consensus falsò credentis tenere matrimonium, alioqui non consenturi, non validat matrimonium.

5. Denunciationes, si esset periculum in mora, tempore posset Parochus postponere, ex præsumpta Episcopi voluntate, & quadam tacita commissio-
ne. Possunt quidem etiam omitti volente Episcopo ex
sensu causa.

6. Nec

Def. et notum Th. Sanchez Sicut.

6. Nec benedictionem omittere, nec ante eam consummare matrimonium, est mortale. Quod si fiant hæc sine causa, est veniale.

7. Aetas ad matrimonium in foemina anni duodecim completi, in viro quatuordecim, & antè etiam si sint potentes ad copulam simul: sufficit verò dicta ætas, etiam si non possint coire: expectandum verò deinde usque ad annum decimum-octauum, vt iudicetur an sit perpetuum impedimentum.

8. Ante dictam ætatem contrahere sine iusta causa, & Episcopi licentia, mortale est: nec est matrimonium validum, nisi sint potentes vt dictum est, sed solum sponsalia. *Vide ca. 24. de spons. impu.* Nec sequens copula facit matrimonium antea contractum impuberum validum, nisi adsit consensus saltem tacitus vtriusque.

9. Inter raptorem & raptam etiam alia causa quam vt vxor ducatur, quamdiu est in potestate raptoris, non potest fieri validum matrimonium. *Ex Conc. Trid. & Congr. Concil.* Requiritur verò vis facta puellæ, vel eius parentibus, sub quorum potestate est, ad coitum assequendum. Secus si abducatur sine vi, vel si iam vxorem duxerat, vel de nuptijs tractauerat, & abducitur vt ducatur, vel si non transfertur de vno loco ad alium, vel si inscio patre, & illa volente, abducatur.

10. Requiritur consensus de præsentì verbo, scripto, aut nutibus expressus: sufficit verò alio exprimente non contradicere.

11. Si intentio est de præsentì, etiam si verba sonent futurum, est matrimonium: contra verò, si verba de præsentì, & intentio de futuro, non est.

12. Sufficit alterius consensui præcedenti, & non reuocato, alterius consensum accedere, vt fit cum quis contrahit per Procuratorem. Itaque si quis coram Parocho non verè consensit, sufficit si postea consentiat.

13. Cre-

13. Credens meritò, scilicet ex sufficientibus signis, alteri dicenti se non consensisse, potest cum altero contrahere: non tenetur tamen quis nec debet credere faciliè alteri etiam iuranti se non consensisse.

14. Mutus potest contrahere, & amens dum habet lucida interualla.

15. Matrimonium in dubio an sit legitimum, non dissoluendum, sed secundò contractum irritandum. Nec vni soli iuranti esse impedimentum, post contractum, credendum; semper enim in dubio præsumendum pro matrimonio.

16. Post matrimonium ratum, & non consummatum, potest quis Religionem intrare; eoque proficiente, potest alter cum quo voluerit contrahere. Posse verò Papam in rato dispensare, etsi quidam negant, alij probabiliùs affirmant.

17. Qui consummauit inuitus, an possit Religionem ingredi, non conuenit inter Doctores: mihi melius videntur dicere qui negant, nisi fortè ante bimestre datum ad deliberandum inuitus esset ab altero coniuge oppressus.

18. Ad consummationem requiritur viri seminatio intra vas, etiamsi id non rumpat.

19. Si alter coniugum consentiat, & continentiam voueat, vel Religionem ingrediatur, potest alter Religionem ingredi, vel Ordinem accipere. Non debet quidem id fieri sine Episcopi auctoritate; sed sine ea tamen factum, tenet. *Vide glo. 27. q. 2. Si vir.*

20. Non potest coniugatus cum altero contrahere, nisi certus de morte coniugis. *Vide ca. 19. de sponsal. & matr. & ca. 2. de secun. nupt.* Quòd si est fama sufficiens, aut probabilia argumenta, excusatur qui facit, fiuntque filij legitimi.

21. In dubio an prior viuat, non separandum matrimonium; fortè enim est mortuus, & validum est. Iudicis verò arbitrio relinquitur, an mors prioris satis pro-

tis probetur, vt quis possit secundò contrahere.

22. Bona fide coniugati, non sunt admonendi impedimenti à Parocho, vel Confessore; potest enim sequi magnum damnum.

23. Cùm præcipitur reuelari impedimentum matrimonij contrahendi, etiam secretum debes reuelare, si non possis aliter impedire, (sufficit enim vnus testis ad impediendum) nisi ex reuelatione timeatur magnum scandalum. Quidam tamen putant crimen occultum tacendum. Ego potius dicerem tacendum, si illi bona fide contrahant, impedimentum nescientes: & quidem qui putat non profuturum, non debet reuelare.

24. Confessio coniugum probat inter eos matrimonium.

25. Contrahere principaliter matrimonium ob pulchritudinem, aut diuitias, non est mortale; nec contrahere inuitis parentibus, si absit scandalum.

26. Corrupta nubens ei, qui si sciret non esse virginem, non eam duceret, non peccat mortaliter.

27. Compulsus à Iudice aut alio quopiam habitare cum vxore illegitima, aliò migret.

28. Tenetur vxor virum migrantem sequi, nisi aliud esset inter eos conuentum, & ipse non cogeretur aliqua necessitate migrare, aut nisi insciens vagabundum duxisset, aut si ipse vellet inhonestè vagari, aut cum periculo animæ vel corporis, vel post matrimonium factus esset vagabundus; item, secundum quosdam, si esset bannitus, aut excommunicatus, quod non faciliè admiserim.

29. Vxor si viro non obedit in re honesta, & magni momenti, peccat mortaliter.

30. Vir vxorem potest leuiter verberare causa correctionis, atrociter non potest.

31. Potest vxor, viro bona dissipante prodigè, aut ludis, ea abscondere, & ei negare.

32. In fauorabilibus nomine maritata venit etiam sponsa

sponsa de futuro, & nomine vxoris quæ contraxit, in odiosis verò solum quæ consummauit.

MATRIMONII IMPEDIMENTA, NON DIRIMENTIA TAMEN.

1. **P**ROHIBITIO Episcopi vel Parochi: contra quam facere, mortale quidam putant; alij veniale censent.

2. Tempus ab Aduentu vsque ad Epiphaniam inclusiue, & à die Cinerum vsque ad Octauam Paschæ: quo tēpore non licet benedictio nuptialis, nec conuiuium, nec domum tractatio. At sine his matrimonium contrahere licet, & consummare: etsi consummare quidam negant licere, nisi cū rite benedicta.

3. Sponsalia cum altera, non rite dirempta.

4. Affinitas contracta per catechismum inter respondentem & catechizatum; sed sublata est per Concilium Tridentinum.

5. Votum castitatis, vel Religionis.

6. Vxoridicium, nisi esset in adulterio deprehensa: quidam tamen etiam tum impedire aiunt. Sunt & qui putent etiam viricidium impedire, quod alij negant.

7. Incestus cum vxoris viuentis consanguineis intra secundum gradum, nisi sit occultus.

8. Vi accipere alienam sponsam.

9. Conuietum esse in iudicio, Sacerdotem occidisse. *c. Qui Presbyterum, de pœnitent. & remiss. vbi Panormitanus.*

10. Solemnem agere pœnitentiam, dum agitur.

11. Fieri patrinum filij, ne possit vxor petere debitum.

Potest in prædictis Episcopus dispensare, cū est periculum incontinentiæ, & secundum aliquos, Parochus. Excipe tamen tertium & quintum. Nec verò est in vsu petere dispensationem, nisi in secundo ab

do ab Episcopo, & in quinto à Papa. Non debet autem Episcopus, nisi urgente causa, concedere tempore prohibito nuptiarum celebrationem, nec tunc etiam cum populi frequentia.

IMPEDIMENTA DIRIMENTIA, vide *Episcopus.*

I. **E**RROR, scilicet cum creditur esse persona quæ non est, (secus est si erretur in personæ qualitate, ut diuitijs, aut nobilitate) aut à libero credatur esse liber qui seruus est. Quod si error qualitatis ad errorem personæ pertineret, dirimeret: ut si intendebat cum primogenito contrahere, cum talis non sit, sed secundus aut tertius.

Si liber seruum ducat domino præsentem, & tacente seruitutem, fit ille liber, & tenet matrimonium.

Si dominus ducat ancillam propriam, hoc ipso facere liberam alij aiunt, alij negant, & quidem probabilius.

Cum seruo inuito eius domino potest contrahere & seruus, & liber. Non potest quidem dominus prohibere, sed non tenetur consentire, ne sibi præiudicet.

Dominus consentiens in serui matrimonium, tenetur permittere ut cohabitent, quantum opus est ad reddendum debitum. Quod si illo inuito seruus contraxit, cæteris paribus, magis domino tenetur quàm uxori: (in dubio verò fauendum matrimonio, præsertim si sit periculum incontinentiæ) potest verò etiam tunc seruum vendere, si compellitur ad id causa aliqua; tenebiturque uxor libera seruum sequi, si potest sine graui damno.

Serua ducta à libero per errorem, sed volente postea consentire, non tenetur consentire: quidam tamen dicunt posse ab Ecclesia cogi.

K

2. Con.

2. *Conditio* si sit contra substantiam contractus, ut contra perpetuitatem matrimonij, aut fidem, & uterque consentiat; verbi gratia, *Contraho tecum ex lege*, ut adulterio victum quæras, vel, ut non simul vivamus, vel, ut debitum non reddas, aut ut non reddam, vel, ut conceptio impediatur, vel, ut proles non educeretur. Quod si talis conditio apponatur iam contracto matrimonio, non illud irritat.

Conditio perpetuò continendi, non dirimit, secundum quosdam. *Palu. 4. l. 30. q. 2.* secundum alios dirimit, quod non probo.

Conditio turpis, aut impossibilis, habetur pro non adiecta. Quidam tamen dicunt, quæcunque conditio addatur, si desit consensus, nihil fieri, & si adsit, tenere: quod mihi probatur, modo non sit conditio quæ iure ipso irritet, ut supra dictum est.

Si verbis de præsentis addatur conditio de futuro, cum impletur, non fit matrimonium, sed solum sponsalia. *D. Th. 4. d. 29. q. 1. a. 3. & in addit. q. 47. a. 5. Soto 4. d. 29. q. 2. a. 1. Bonavent. 4. d. 28. q. 3. Vilel. rel. de matrimonio, p. 2.*

Conditio, Si pater consenserit, quem nescit esse mortuum, non impedit, quia significatur si non resistat: si autem sciebat esse mortuum, quidam dicunt impedire, alij habendum pro non adiecta; ego rem pendere puto ex intentione dicentis.

3. *Votum*, scilicet solemne Religionis, vel Ordinis sacri.

Contrahentem post votum castitatis aut Ordinis sacri, teneri, antequam consummet, ingredi Religionem, quidam aiunt, alij probabilius negant, Illud certum, posse consummare, reddendo, non petendo. est & quoddam reddere, petere sola alterius gratia.

4. *Cognatio* carnalis usque ad quartum gradum consanguinitatis inclusivè. Quod si alter sit in tertio, & alter in quinto, possunt contrahere; habetur enim

enim ratio remotioris: si verò alter sit in quarto, sufficit in petitione dispensationis dicere solum esse in quarto, tacendo alterum esse in tertio.

Quoto gradu distant personæ à communi stipite, toto & inter se distant: quòd si inæqualiter, quoto remotior. Sunt verò tot gradus in linea, quot personæ, dempta prima, id est, stipite; id quod etiam in Iure Civili observatur in ascendentibus & descendentes: at inter collaterales, cum distant æqualiter, duplicantur gradus secundum Ius Civile, respectu Canonici; cum autem inæqualiter, tot sunt gradus, quot personæ, dempto stipite.

Cum parentibus Iure diuino prohibitum matrimonium, idque solum secundum quosdam; secundum alios, etiam cum fratribus; alijs, etiam cum nouerca, & auo, & omnibus ascendentibus & descendentes, & eum illorum sororibus & vxoribus. Ego cum alijs puto posse Papam dispensare cum omnibus, exceptis parentibus & fratribus.

Potest filius Petri ex alia vxore, ducere filiam vxoris eius ex altero viro.

Infideles conuersi possunt manere in gradibus prohibitis sola lege humana, nisi essent in gradibus Iua lege matrimonium irritantibus coniugati; in ijs enim opus esset de nouo contrahere. Vide C V L T V S D I S P A R I T A S.

Qui cognouit consanguineam cum qua vult contrahere, non oportet id dicat in petitione dispensationis, si res est occulta. Quòd si Papa sciens peccatum dicat in dispensatione, ne illa mortua contrahat amplius, potest contrahere, nisi esset impositum in poenam incestus, vt quidam aiunt; est enim clausula ordinaria, fundata in præsumptione aliorum fortè criminum.

5. Cognatio spiritualis, scilicet Inter baptizantem vel confirmantem & tenentes ex vna parte, & baptizatum vel confirmatum eiusque parentes ex

K 2

alte-

Altera: nec ultra designatos ad tenendum alij tangeres contrahunt cognationem. Quòd si nulli designentur, omnes tangeres seu tenentes dum baptizatur, vel de fonte leuatur, contrahunt; itemq; quot Parochus ad tenendum designauit, si teneant.

Cognitiones alia spirituales, quæ olim in Baptismo aut Confirmatione contractæ erant, sublatae sunt per Conc. Trid. *Sess. 24. c. 2. de refor.*

Etiã in Baptismo dato in necessitate contrahitur dicta cognatio, non autem in Baptismo solemniam antea baptizati.

Si pater in necessitate filium baptizet, potest debitum ab vxore petere: alioqui cognatio hæc superueniens matrimonio, debiti petitionem impedit in eo qui fecit, (nisi fecisset necessitate, aut ignorantia Iuris vel facti) dispensat tamen Episcopus.

Cum non baptizato non contrahitur cognatio, etsi id quidam affirmant.

Non confirmatum contrahere in Confirmatione cognationem, alij aiunt, alij negant minùs probabiliter.

Sufficit ad contrahendam cognationem tangere solum linteum, oportet verò tangere intentione faciendi quod solent patrini: potest & quis tenere non tangendo, vt infantem in disco; vel assistendo tamquam susceptor dum baptizatur, vel leuatur.

Potest quis tenere filium eius qui suum tenuit, & vir vxorq; eundem, sed non decet.

Cùm quis per Procuratorem tenet, ipse contrahit cognationem, non Procurator: potest autem esse Procurator viri mulier, & mulieris vir. *Ex Congregatione Concilij.*

6. Cognatio legalis, scilicet inter adoptantem & adoptatum, huiusq; descendentes vsque ad quartum gradum, & inter adoptatum quamdiu non est emancipatus, & adoptantis filios legitimos dum sunt in patris potestate, & inter vxorem adoptantis
& ado-

& adoptatum, & inter huius vxorem & adoptantem.

Mortuo adoptante, inter huius filios legitimos & adoptatum, nullum est impedimentum.

Duo adoptati possunt inter se contrahere.

Episcopus potest dispensare in iam contracto, secundum quosdam.

7. Crimen. Primò, si vtriusque operâ occidatur alter ipsorum coniux vt possint contrahere: secus si alterius tantum operâ occidatur, etiam ad illum, finem, modò adulterium ab vtroque notum non interueniat; aut si alia intentione etiam interueniente adulterio occidatur etiam ab vtroque, aut solum ratificetur, modò non præcesserit iussio, aut consiliû. Putant verò quidam, si vir vxorem occidat vt ducat adulteram, dirimi, non autem si vxor occidat virum: sed & id alij affirmant. *Vide 31. q. 1. Si quis viuentem.* Secundò, si adulter ante vel post factum contrahat cum adultero validè coniugato, aut ei promittit non deceptorie seu fictè ante vel post adulterium, contracturum post mortem coniugis: oportet autem adulterium esse vtrique notum, & promissionem ab altero acceptari.

8. Cultus disparitas: scilicet cum non baptizato matrimonium nullum est. *Angel. Matrim. 3. Imped. 11. Soto in 4. d. 39. q. 1. a. 1. & 2. Nauar. c. 22. n. 48. Couar. p. 2. c. 6. §. 11. n. 1. Viêt. Scot. Palud. Durandus.* valida tamen sunt sponsalia cum conditione si baptizetur.

Conuersus ad fidem, si coniux infidelis moritur non vult conuerti, potest contrahere matrimonium, vel fieri Religiosus, vel accipere Ordinem sacrum, quamquam prius matrimonium non dissoluitur, nisi per secundum fidelis matrimonium, vel professionem Religionis. *Rich. d. 39. a. 2. Scot. a. 1. dub. 5. Nau. Conf. 1. tit. 31. l. 3. Soto dist. 27. q. 1. c. 4. Palud. q. 3. Sylu. Diuort. §. 17.* Si tamen est ordinatus, non restituitur

infideli conuerso. Quidam tamen sentiunt dissolui simul ac infidelis non vult cum fideli habitare, aut non sine Dei iniuria.

Si infidelis conuertitur, non est opus nouo consensu ad matrimonium.

Si conuersus habebat multas vxores, ex quibus omnes conuertantur, solam potest retinere quam primo legitimè duxerat.

Conuersum sequuntur filij non adulti: in dubio autem de vsu rationis, iudicandum in fauorem fidei. Conuersus autem filius gaudet hæreditate, & vxor dote.

Mortale est cum hæretico contrahere. *Nau. c. 22. n. 49. Sylu. Matrim. 8. §. 10. D. Th. in 4. d. 39. q. 1. a. 1. nisi esset spes certa conuersionis.*

9. Vis, scilicet illata ad contrahendum, irritat matrimonium factum metu cadente in constantem virum: (nec firmatur consensu, aut iuramento, aut copula, durante metu) talis verò est metus carceris, vel flagellorum, aut magni damni; non est autem talis qui à Superiore iuste incutitur, aut si quis contrahat vt euadat legitimam poenam mortis, aut ducat filiam medici nolentis alioqui mederi.

Qui timore contrahit, sciens esse inualidum matrimonium, non peccat, timore excusatus.

10. Ordo, scilicet sacer. Quòd si quis iam coniugatus ordinetur sine consensu vxoris, nec poterit vti Ordine, nec debitum petere, nec ad superiorem Ordinem ascendere, nisi Religionem professus. *Vide Extra. Antiqua, de voto.* non potest autem profiteri si erat consummatum, nisi vxore consentiente.

11. Ligamen, scilicet coniugij.

Qui contraxit falsò credens coniugem viuere, cum intentione contrahendi quantum posset, validè contraxit.

Quæ ex probabili causa firmiter credit virum mortuum, si nubit, excusatur.

12. Ho-

12. Honestas, scilicet si contrahatur cum cognato etiam in quarto gradu coniugis prioris, etiam per ratum solum coniugium, nisi illud coniugium esset inualidum, & occultum, aut manifestum esset fuisse inualidum: item si contrahatur cum cognato in primo gradu sponsi de futuro, nisi sponsalia fuissent inualida, aut soluta de communi consensu.

Potest in iam contracto dispensare Episcopus, secundum quosdam, si non possit facillimè adiri Papa.

13. Affinitas, scilicet cum affine usque ad quartum gradum inclusive: quod si est affinitas ex fornicatione, usque ad secundum solum.

Affinitas contrahitur cum eo, cuius quis consanguineo est copulatus, eodemque gradu quo erat ille consanguineus: requiritur verò in copula seminatio viri intra vas foeminae.

Cum bona fide contracto per ignorantiam consanguinitatis, potest, secundum quosdam, Episcopus dispensare, si Papa non possit facillè adiri.

14. Impotentia, scilicet seminandì intra vas, vel in ore vasis. Quidam tamen aiunt sufficere copulae potentiam, etiamsi desit seminatio. *Vide glo. 32. q. 7. Hi qui.* Certè valde senes contrahere solent.

Impotentia est, quae non potest tolli sine miraculo, aut peccato, aut vitæ periculo; fecus si orationibus, aut exorcismis, aut cum potest adhiberi remedium per aetatem, aut artem, sine graui periculo.

In maleficio & impotentia quae speratur posse tolli, datur triennium ad explorandum an possit copulari: quod si non speratur, statim separandi.

Quae simpliciter est impotens respectu vnius, non est illi reddenda, si deprehendatur cum altero esse potens.

Quae sine periculo vitæ potest concipere, etiamsi sine eo non possit parere, non censetur impotens.

Scienter contractum cum impotente tenere alij

X 4

aiunt,

+ aiunt, alij negant: tales certè separandi non sunt, sed debent ab impudicis actibus abstinere.

Cùm dubium est præcesseritne impotentia contractum, an sit secuta, quidam putant dirimendum, quibus assentior; credendum enim præcessisse, etsi id quidam negent.

M E D I C V S , vide *Infirmus*.

1. **M**EDICVS non potest doctoratus gradum accipere, aut facultatem medicandi, nisi iuretorum Notario & testibus se seruaturum decretum Pij Quinti de admonendo statim agro confessionis, quam si ille non faciat, de non visitando tertio die, nisi differret de consilio Confessoris. *Ex Pij Quinti Bulla.*

2. Medicus tenetur pauperem & gratis curare, & ei soluere necessariam medicinam, si potest.

3. Medicis non debet Iudex negare suspensum ad Anatomiam.

4. Medicus pretium accipiens immodicum, tenetur restituere, vt qui plus iusto aliquid vendit.

M E N D A C I V M , vide *Iuramentum*.

1. **M**ENDACIVM officiosum etiam in iudicio veniale peccatum est: item quod fit in re parua etiam in Confessione; etiam si id quidam negent, dicentes esse mortale.

2. Mentiri in Concione in pertinentibus ad doctrinam, quidam aiunt semper esse mortale, alij non semper.

+ 3. Petenti quæ ei reddidisti, potes negare te accepisse, scilicet sic vt ei debeas nunc; & petenti totum, cùm solum partem debeas, negare te debere, scilicet quantum petit.

4. Quidam dicunt, eum qui non tenetur respondere

dere ad intentionem rogantis , posse respondere aliquid subintelligendo: vt non esse, scilicet ita vt dicere ei teneatur; vel se non habere, scilicet vt ei det. Alij id non admittunt, & fortè potiori ratione.

M E T V S , vide *Contractus*.

1. **M**ETVS iustus, seu cadens in constantem virum, est, quo probabiliter quis sibi aut suis timet graue malum: excusatque foeminam minor metus quàm virum.

2. Metus iustus excusat à peccato mortali: in lege humana, & in ijs quæ requirunt consensum liberum, vt voto, & matrimonio, tollit obligationem, cum ab aliquo ad hæc facienda incutitur. Quidam tamen putant in voto manere obligationem, si quis habuit animum se obligandi, vt manet in iuramento.

3. Quicumque metus, etiam minor iusto, est causa principalis actus, sine qua non fieret, illum annullat coram Deo, vt promissionem, votum, & matrimonium, secundum quosdam; quod mihi non videtur tutum.

4. Qui iustè metum incutit, non dicitur vim facere, vt ideo contractus debeat censi nullus.

M I L E S , vide *Bellum*.

M I N O R , vide *Contractus*.

1. **M**INORIS tutela durat vsque ad pubertatem: inde, vsque ad vigesimum quintum annum completum, sub curatore est. Quod si non habet curatorem, gesta per eum valent.

2. Minor ingressus Religionem, potest bona sua alienare, velut enim moritur; modò sit doli capax, nam ante septennium nulla eius obligatio valet.

K 5

3. Minor

3. Minor potest alium obligare ad sui utilitatem; & pubertati proximus, potest se alteri obligare cum tutoris auctoritate.

4. Contractui à se facto cum aliquo, ut emptionis, aut venditionis, potest stare si velit, & tunc alter tenebitur: sed poterit is etiam exigere auctoritatem tutoris, &, si opus sit, etiam iudicis, cum ille non vult stare; verbi gratia, ut soluat quod emit, aut reddat.

5. Minor ex contractu facto sine auctoritate tutoris, aut curatoris, non manet obligatus civiliter, nisi in quantum factus est locupletior, aut dolo est usus; manet tamen obligatio naturalis: itaque ex contractu cum eo oneroso, ut qui ei vendidit, aut ab eo ludo est lucratus, non tenetur restituere usque ad condemnationem ludicis, si nulla est usus iniustitia.

6. Minor, in spiritualibus, agit ut maior: itaque re-
get renunciatio ab eo facta beneficij.

7. Minor latus potest per quadriennium post vigesimum quintum annum petere restitutionem, nisi scieret contrarium iurasset.

8. Minor ante vigesimum annum non potest accusare, nisi reus sui aut suorum iniuriam; nec ante vigesimum quintum esse Procurator in iudicialibus; nec ante decimum septimum in extrajudicialibus.

9. Minori, nisi detur tutor à testatore, datur à lege primo loco avus. 2. mater, si velit h. r. c. 3. avia, si velit. 4. propinquior cognatione mas. 5. aliquis à Iudice.

10. Spurio non datur à lege tutor, pater aut mater; sed à Iudice naturali datur.

11. Tutor non potest esse minor viginti quinque annis, nisi forte mater; nec Religiosus; nec femina; nisi mater, aut avia; nec Clericus in sacris, si non vult; nec Episcopus, nisi miserabilium. Horum verò tutelam recipere tenentur & Episcopi, & Clerici, & Reli-

Religiosi; quod ego de Religiosis in vniuersum non admitto.

12. Acquisita per tutorem ex rebus pupilli, sunt pupilli.

M I S S A, vide *Altare, Episcopus, Excommunication, Irregularitas, Parochus, Residentia.*

1. **H**O S T I A M oportet ex tritico confici: certe in alia specie frumenti consecrare non licet; an verò factum teneat, non conuenit inter Doctores.

2. Potest in necessitate consecrari in musto expresso ex uitis.

3. Congelati vini consecrationem tenere quidam aiunt, alij negant: ego validam puto; est enim vinum etiam cum est congelatum.

4. Est & panis etiam qui ex aqua non naturali sit, etsi quidam non putent idoneum consecrationi: ego cum alijs puto.

5. Sufficiunt quidem ad consecrationem vini hæc sola verba, Hic est calix sanguinis mei, vel, Hic est sanguis meus: sed non licet alia præter ea quæ sunt in Ecclesiæ vsu omittere.

6. In dubio probabili quòd defuerit aliquid ad consecrationem necessarium, potest etiam post longam moram repeti forma consecrationis, sub conditione mentali, si non est consecratum.

7. Præter corporalia, adhibenda lintea duo; quamquam vnum sufficit, præsertim si sit duplicatum. Potest & quis, secundum quosdam, in necessitate uti profanis linteis, eaque postea reddere domino suo vtenda.

8. Calicem & patenam oportet saltem ex stanno esse, aut plumbo.

9. Potest quis uti stola pro cingulo, & manipulo pro stola.

10. Cingulum non est necesse esse benedictum, nec linteam quo calix operitur.

11. Ex duplicata stola, vel casula, seu planeta possunt fieri dux, & ex stola cingulum, & contrà, sine alia benedictione.

12. Cingulum fractum potest neci, si pars altera non sufficit.

13. Nec ob vitandum mortem quidam aiunt celebrandum sine vestibus sacris, aut libro: at melius alij, Ecclesiam non obligare cum tanto periculo.

14. Omittenda quidem Missa etiam in necessitate, si non potest rite peragi.

15. Celebrare sine calceamentis, si absit contemptus, non est mortale: est autem, secundum quosdam, si celebretur corporalibus valde immundis.

16. Corporalia lauant Diaconi, vel subdiaconi, itemque purificatoria, & prima ablutio in piscinam mittitur: semel verò ita lota, possunt tradi Monialibus iterum lauanda & reficienda.

17. Potest quis ex causa aperto capite celebrare, vel amictu, vel pileolo, saltem usque ad consecrationem: vitandum tamen scandalum, & expedit fieri de licentia Episcopi. *Vide ca. Nullus, de conf. d. 1.*

18. Potest quis, si desit minister, ipse sibi respondere in Missa. *Vide glo. de conf. d. 1. Hoc quoque, & ca. Inhibendum, de cohab. Cler.*

19. Super mare aut fluuium, si timetur sanguinis effusio, celebrare non licet; si non timetur, putarim licere.

20. Licet in necessitate extra Ecclesiam celebrare sine Episcopi licentia, ut si quis sit in itinere, aut Ecclesia populum non capiat: nec id prohibetur Conc. Trid. Extra necessitatem verò si fiat, & absit contemptus & scandalum, non est mortale. Potest quidem Episcopus dare licentiam celebrandi in Capella domus priuatæ, & sub dio.

21. Cœptum sacrum potest ex causa omitti, & ab initio

initio repeti, nisi esset iam facta oblatio.

22. Non est mortale celebrare ante dictum Matutinum; etsi quidam putant solam grauem necessitatem excusare à mortali: certè quem morbus impedit dicere Officium, potest celebrare.

23. Celebrare in Parasceue non licet, etsi quidam licere putent: in die Cœnæ licet, & Sabbato sancto; quo etiam, si absit scandalum, licebit quarta hora post meridiem celebrare.

24. Eodem die potest quis plures Missas dicere ob populi necessitatem, & cum causa honesta postulat, ut cum aduenit qui Missam in festo non audiuit. *Vide de celeb. Miss. ca. 3.*

25. Pollutio inuoluntaria non impedit celebrationem eo die: pollutus autem voluntariè, si post Confessionem celebret, peccat, sed non mortaliter.

26. Irregularis celebrans ob iustum metum excusatur, itemque excommunicatus; nec tunc fit irregularis. Dicunt & quidam, non ieiunum posse ad vitandum scandalum celebrare: de quo vide infra; id enim admiserim cœpta iam Missa.

27. Ante auctorem celebrare licet ob necessitatem, aut urgentem causam, ut ob iter faciendum; &, si absit scandalum, licet etiam hora nona, scilicet tertia hora post meridiem.

28. Qui consecrat duas hostias putans vnam, utramque consecrat; intendit enim consecrare quod habet in manu.

29. Acceptæ particulæ ut consecrentur, etiamsi in consecratione de eis nihil cogiretur, sunt verè consecratæ, ob virtualem intentionem.

30. Qui aduertit hostiam consecratam esse corruptam, aliam consecrat, incipiendo à, Qui pridie, &c. usque ad, Simili modo, &c. exclusiue: deinde ad locum transeat quò peruenerat: tandemque illam hostiam corruptam sumat post sumptum calicem, vel seruet.

31. Qui sumpta hostia apprehendit aquam esse pro vino positam in calice, si in loco publico est, infundat vinum veluti ad ablutionem, & etiam consecret, & sumat; quod si in privato, nouam hostiam etiam sumat, & consecret, incipiendo à, Qui pridie, &c. Aqua verò mittatur in piscinam quæ solet esse prope altare. Quod si quis pergat in Missa, & ista ex ignorantia vel turbatione omittat, non peccat mortaliter.

32. Qui coepta Missa recordatur se non esse ieiunum, pergat, si alioqui sequeretur scandalum; itemque si se tunc aduertit esse irregularem, aut excommunicatum: nec ideo fiet irregularis. Quod si aduertit se esse in peccato mortali, conteratur, nec Missam omittat, etiamsi possit sine scandalo.

33. Si venenum sit in vino consecrato, aliud consecretur, & illud stupa collectum & siccatum comburatur, & cineres in piscinam mittantur.

34. Hostia ab animali comesta, si potest extrahi, seruetur donec corrumpatur, animal verò comburatur, & in piscinam cineres mittantur: itidemque videtur faciendum, si quis euomat Eucharistiam.

35. Si hostia calici hæret, aut palato, toties adhibeatur ablutio donec deglutiatur.

36. Post ablutionem si apparent reliquiae, aut particulae consecratae, quæ non possint facile asseruari, sumi possunt à Sacerdote, dum adhuc est in altari.

37. Si sanguis cadat super tabulam, lambatur hæc, & radatur; si super mappam, sugatur & lauetur: deinde rasura vel ablutio in piscinam mittatur.

38. Si Sacerdos non possit Missam absolueré, si quidam nondum consecrauerat, perfici potest per alium ieiunum: si consecrauerat, & non communicauerat, perficere potest, &, secundum quosdam, etiam debet, alius, etiam non ieiunus, si desit ieiunus, non autem excommunicatus, aut suspensus, aut irregularis. Quod si desit qui perficiat, sequenti die perficiatur.

ciatur, aut sumatur ab alio in alia Missa Sacramentum.

39. Missa sicca celebratur sine planeta, cum vestibus reliquis sacris, vel superpelliceo cum stola in modum crucis, & candelis: non fit autem conuersio ad populum, nec consecratio, nec ea quæ ad oblationem pertinent.

40. Non potest celebrari pro excommunicatis, nisi Excommunicatio sit inualida, aut credantur dolere de peccatis; tunc enim pro talibus potest Missa applicari, & etiam pro conuersione infidelium, & pro vtrisque orari secerò in Missa.

41. Cum in Missa oratur pro Antistite, intelligitur Episcopus loci vbi Sacerdos habet domicilium: nomine verò Regis, intelliguntur etiam filij, & vxor, & quicunque ad ipsum pertinent.

42. Missa habet effectum secundum affectum offerentium, & eorum pro quibus offertur. Offerentes autem dicuntur etiam circumstantes, & qui pro Missa eleemosynam dederunt. Aiunt autem quidam, vtilius esse astare deuotè Missæ, quàm curare pro se offerri.

43. Missa plus illis prodest, pro quibus particulatim offertur. Quidam tamen putant, Missam pro multis oblatam, tantum singulis prodesse, quantum si pro illis solis offerretur: sed communiter non probatur ea sententia, alioqui probabilis. certè si ab ipsis rogatus celebret, videtur tantum prodesse.

44. Qui debet Missam duobus, non satisfacere dicendo vnã, quidam aiunt: alij satisfacere dicunt, si ab illis nihil accepit pro Missa, aut si tantum pro eis adhibeat affectum, quantum si pro vno solo diceret, aut si nulli eorum totam Missam promisit: quorum mihi opinio non displicet. certè cum multi pro Missa dederunt eleemosynam, perinde mihi videtur ex eadem fructum recipere, ac si pro eis solis of-

ferret.

ferretur : nec enim pallium breue est, quod multos operire non possit . Non ideo tamen puto posse Sacerdotem , vbi ab aliquibus accepit quantum decet pro Missa, accipere pro eadem quicquam ab alijs, nec Parochum, cum suppetunt ad victum necessaria, debeatque pro ouibus saepe Missas offerre, (quod si non suppetant, saltem debet pro ratione fructuum) posse accipere passim pro illis stipem ab aliquo qui pro se velit offerre : interdum verò posse non negauerim.

+ 45. Cui datur certa summa pecuniæ pro Missis à se dicendis, potest alios pro minori pretio conducere qui adiuuent, & reliquum sibi retinere : secus est si accepisset vt curaret dicendas per alios.

+ 46. Obligatus quotidie celebrare, intelligitur salua honestate & deuotione, nisi esset obligatio per se vel per alium celebrandi.

+ 47. Qui non potest celebrare in loco designato, debet in alio celebrare.

+ 48. Obligatus dicere quotidie certam Missam, vt pro defunctis, potest dicere Missam illius diei, præsertim si est festum : quod si est duplex, aut semiduplex, de illo debet celebrare, & non pro defunctis.

+ 49. Videntur etiam quibusdam peccare mortaliter Prælati Collegiatarum Ecclesiarum, aut Conuentualium, si non curent in eis quotidie, cum possit, celebrari.

+ 50. Nauartus ait peccare ita Missam submissè celebrantem, vt circumstantes non possint audire. Addunt & quidam non illepide, Missam debere celebrari cum A. B. C. D. id est, altè, breuiter, clarè, deuotè.

+ 51. Idem existimat, quæ in Missa secretò dicuntur, posse mente sola sine voce recitari : quod ego nec ausim facere, nec improbare.

+ 52. Missam cantantem præstat audire quæ alij cantant, quàm interim per se legere.

53. Cele-

33. Celebrans coram Episcopo in eius Diocesi, dicat in Confiteor, Et vobis Pater & fratres. In fine autem Missæ, inclinato capite, expectet ab ipso licentiam benedicendi: deinde benedicat alios, at non illum: tum se illi iterum inclinaret, velut expectans benedici: denique omnibus absolutis, faciat ei reuerentiam.

34. Clericus peregrinus non admittendus ad diuina Officia sine litteris commendatitijs sui Ordinarij. *Ex Trid.* Qui tamen est alioqui notus, aut creditur non habere impedimentum, potest admitti, & permitti celebrare.

MISSAE AVDITIO, vide Missa.

1. **N**ON potest Episcopus cogere ad audiendam Missam aut concionem in Parochia, aut ad discendam ibi doctrinam Christianam. *Ex Congreg. Concil.*

2. Satisfacit Ecclesiæ præcepto, qui incipit Missam audire ab Epistola, & secundum quosdam, etiam ab Euangelio, usque ad Communionem: & qui post Epistolam vel Euangelium veniens, legit aut audit à legente quæ non audiuit: & qui tempore Missæ discurret pro rebus Missæ necessarijs: & qui præsens est, etiamsi non audiat, modò reuerenter attendat: & qui partem vnius Missæ audit, & reliquam alterius: & qui audiens sacrum, simul dicit Officium, aut poenitentiam iniunctam; id tamen quidam non admittunt.

3. Excusat Missam non audientem legitimum impedimentum, & quævis rationabilis causa, ut si herus impediat, aut foemina prodeundo est alicui peccati occasio; & consuetudo, ut puellarum quæ non solent domo egredi; & custodia domus; & pudor ob vestem non decentem; & Ecclesiæ distantia debilem.

4. Tem-

4. Tempore interdicti habentem priuilegium tene-
ri sacrum audire, quidam negant, alij probabilius
affirmant.

5. Tenetur pater-familias curare vt domestici sa-
crum audiant.

6. Transiens per locum vbi est festum particulare,
non tenetur audire sacrum: secus est si inde recedat,
aut eò accedat.

7. Non relinquenda in festo Missa ob concionem,
vt quidam putant.

8. Sufficit in festo Natiuitatis audire vnā Missam;
& in quouis festo audire Missam quæ dicitur, etiam
de defunctis.

9. Missa excommunicati non denunciati potest
audiri; itemque, secundum quosdam, suspensi etiam
denunciati, si absit scandalum, quod nullo id iure
prohibeatur.

M O N A S T E R I U M, vide *Ecclesia*, *Excom-
municatio*.

1. **M**ONASTERIUM ingredi potest, qui potest
dare ingrediendi licentiam.

2. Monasterium non potest egredi Monialis sine
causa, & consensu Superioris, & Episcopi. *Ex Con-
gregatione Concilij.*

3. Episcopi non possunt ingredi Monasteria men-
dicantium Monialium non sibi pleno iure subiecta.
Ex Pio Quinto.

+ 4. Monasterium non tenetur pro delicto Religiosi,
etiam Prælati. *Vide Regulam Peliētum, lib. 6.* nec ad
debitum Monachi, nisi sit in eius vtilitatem conuer-
sum, aut eius commissione factum, aut sit Prælati
debitum, vel Conuentus: obligatur verò quis Mona-
sterio ex contractu cum Monacho.

5. Puella de qua est lis, potest interim collocari in
Mona-

Monasterio de licentia Episcopi: itemque de licentia Superioris & Monialium, quæ domi tutò ali non potest, aut causa educationis vsque ad annum vigesimum quintum ætatis; sed sine ancilla & potestate egrediendi, nisi ob morbi curationem. Ex Congregatione Comestly.

M O N E T A, vide Cambium, Debitum.

M O R A, vide Debitum.

1. **N** O N tenetur quis ad interesse damni, aut lucri cessantis, ante moram, si de eo non fuit pactum.

2. Obligatus ex delicto semper est in mora: qui autem sine delicto, & non potest, aut difficile potest, aut alioqui causa iusta excusatur, putant quidam non esse in mora, adeoque non teneri ad interesse ratione moræ, nisi ex pacto, vel appositione pœnæ conventionalis, si tali tempore non restitueret, aut impotentia culpâ eius accidisset. Alij putant, qui non soluit tempore debito, etiam sine culpa in morâ esse: quæ mihi opinio videtur mercatorum usu recepta.

M O R T I S A R T I C V L V S.

1. **T** A L I S est, qui prudentis iudicio videtur, & secundum quosdam, cum quis febri continua laborat, aut est ætate confectus, aut iter futurum periculosum.

M V T V V M, vide *Debitum, Depositum, Vfsura.*

1. **M** V T V V M repetens ante tempus quia meget, non tenetur ad interesse, nisi mutuatarius aliunde, si ille non mutuaſſet, fuiſſet habiturus.

+ 2. Licere aliquid accipere pro obligatione mutuandi, quidam aiunt; itemque ratione periculi cui pecuniam exponit, & moleſtiæ quam patitur carento pecunia.

+ 3. Mutuare cum pacto remittendæ iniuriæ, vel remutuandi, licere quidam aiunt: ſed id poſtremum alij negant, ego id non improbarim, illud verò prius ſolum probo, ſi non pro iniuria debeat quicquam pecunia æſtimabile: obligare enim ad aliquid pecunia æſtimabile ob mutuum, omnium conſenſu vſura eſt.

4. Mutuans etiam vltro, poteſt ex pacto accipere lucrum ceſſans, etſi id quidam negant: non tenetur autem mutuatarius ad interesse remotum; eſt enim id infinitum; ſed ad propinquum ſolum.

+ 5. Quod tibi à mutuuario gratis donatur, etiam cum periſſi, poteſt retinere; ſolum enim prohibetur quod datur velut debitum ratione mutui.

6. Pecunia depoſita cum poteſtate vtendi, fit mutuum; idemque eſt de quouis conſiſtente in numero, pondere, aut menſura: fitque depoſitarius dominus.

7. Si quis det frumentum, recepturus oleum, mutuum videtur implicitum.

8. Mutuare mercatori cum pacto vt reddat in mercibus, vel operario vt in operis, eſt emere anticipata ſolutione.

9. Mutuum frumentum eadem menſura reddendum, aut pretium quo valet tempore quo redditur, etiamſi reddatur in loco vbi plus valet, aut repetatur

tur tempore quo plus valet, quando non est prae-
fixum tempus redditioni. At mutuata pecunia de-
bet recipi valor temporis quo data est, scilicet tot
nummi, quot aureus tunc valebat. At pactum de
recipiendo pro frumento quantum valet tempore
quo datur, est non mutui, sed venditionis. *Vide ff. de
reb. cred. l. 22.*

10. Mutuum acceptum ab usurario potes in alium
transferre, cum pacto ut soluat usuram quam tu de-
bebas. *Vide Syl. usur. 1. §. 20.*

M A V.



NAVCLERVS, vide *Stabularius*.

NAVFRAGIVM, vide *Furtum*.

NEGOTIVM.

NEGOTIVM alterius potest quis agere sine eius mandato.

NOMEN.

NOMEN sibi quemque posse mutare, excepto seruo, modò fiat sine fraude, & alterius prziudicio, quidam aiunt: ego ad tempus & ex causa ad posse puto; alioqui acceptum in baptismo non posse, nisi fortè in Confirmatione.

NOTARIVS, vide *Beneficium*, *Iudiciales aëus*, *Ordo*.

NOTORIUM, vide *Manifestum*.

ORB.



O B E D I E N T I A , vide *Præceptum*.

1. **O** B E D I E N D U M Superiori , cū non est certum præcipi malum : in dubio autem an malum sit , excusat obedientiam credentem licere obedire.

2. Mortale est nolle obedire in re gravi sine causa, aut nolle aliquid facere quia iubetur; est enim id contemnere Superiorem. Quidam tamen famulos non putant teneri obedire sub peccato mortali; id quod probabile est.

3. Obediendum non est cū creditur inde malum oriturum.

4. Non tenetur obedire, qui credit Superiorem per errorem præcipere, & si veritatem sciret, non fuisse præcepturum: & quidem per edicta generalia non intendunt Superiores obligare cū magno damno.

O B L A T I O.

1. **O** B L I G A T consuetudo aliquid offerendi in Ecclesia, si obtinuit vim legis, secus si per devotionem liberam fiat: sufficit verò, cū obligat, maiorem partem populi offerre.

2. Oblata celebranti in Ecclesia cedunt Reſtori, itemque quæ offeruntur Ecclesijs ditionis eius.

O B L I G A T I O , vide *Contractus*.

1. **M** V L T O R V M vinculorum simul fieri impossibile, prævalet maximum; si autem sunt æqualia, primum.

2. In obligatione generali, etiam cum iuramento,
non

non veniunt ea quæ non intendebas : talia autem videntur esse, quæ si tunc cogitasses, ad ea te non obligasses.

3. Obligaris pro te negotium vtiliter agenti, nisi contrarium sis protestatus.

4. Obligaris ex filij tui contractu conuerso in tui vtilitatem, vel si habes eius peculium.

+ 5. Obligatus coquere familiæ pro certo pretio, tenetur etiam si illa aliquantum augeatur : quod si grande esset augmentum, vel decrementum, augendum etiam vel minuendum pretium.

6. Nemo potest se obligare ad pœnam mutilationis, quia non est dominus membrorum.

O B S E S , vide *Bellum*.

1. **O** B S I D E M dare potest Papa Cleticum, vel Religiosum, & Abbas Monachum pro Monasterij vtilitate.

O C C U L T V M , vide *Manifestum*.

O D I V M , vide *Charitas*.

O F F I C I V M .

1. **O** F F I C I V M Reip. nisi vtiliori detur, seu digniori, quidam putant esse mortale, alij sufficere si detur idoneo.

2. Officia Reip. vendere, illicitum quidam aiunt, alij negant: certè non expedit, nec ausim probare; multa enim ex eo mala.

+ 3. Potest Princeps compellere subditum ad suscipiendum officium publicum. *Vide Tho. op. 4. q. 21.*

4. Officialis, si habet stipendium sufficiens, non potest pro suo ministerio aliquid accipere, nisi fortè liberè donatum.

O L I V M .

O L E V M.

1. **O** L E V M non sacrum additum sacro, fit sacrum.
2. Oleo Chrismatis potest æger de licentia Episcopi vngi. *Vide Innoc. 1. Epist. 1.*

O P I N I O, vide *Dubium.*

1. **O** P I N I O est assensus cum formidine de opposito.

O R A T I O, vide *Horæ canonica.*

1. **Q** V I orat ex obligatione, tenetur attendere; alioqui non satisfacit.
2. Possunt orari & animæ quæ sunt in purgatorio, (etsi id quidam negent) & qui creduntur esse in cælo, sed priuata solum oratione.
3. Obligare orandi præceptum in maxima tua aut proximi necessitate, item cum necesse ad gratiam præparari, vt cum suscipiendum est Sacramentum, alioqui peccari mortaliter, quidam affirmant; quod ego non ausim.
4. Non peccat qui pro propria morte orat, aut pro aliena, ad vitandum peccatum.
5. Oratio peccatoris & temporalia impetrat, & dispositionem ad gratiam.

O R D O, vide *Dimissorie, Dimortium, Irregularitas, Suspendio.*

1. **A** N omnes Ordines sint Sacramentum, non conuenit inter Scholasticos Doctores: ego omnes esse puto.
2. Etsi vnctiones & manus impositio quibusdam videantur solum Sacramentalia, si tamen omissa sunt, adhibenda, antequam quis Ordine utatur. *Vide ea. fin. de Sac. non iter.*

3. Contactus materiæ non est de essentia Sacramenti, (etsi id quidam putent) nec oportet suppleri, si modò Episcopus præsentauit, etiamsi non tacta sit.

4. Cùm dubitatur an aliquid essentiale omissum sit, omnia sunt iteranda, alioqui solum id quod omissum est; nec priùs Ordine vtendum.

5. Sufficit tangere paulo ante aut post verba ordinantis.

6. Presbyter fit, dum ei traditur materia consecranda; Diaconus, dum liber; Subdiaconus, dum calix cum patena; (sufficit verò calix etiam non consecratus) Acoluthus, dum vrceolus, vel candelabrum; Exorcista & Lector, dum liber, Ostiarius, dum clauis. Sufficit verò in cæteris Ordinibus, præter Sacerdotium, tradere materiam per Archidiaconum.

7. Episcopatus datur per manus impositionem: putant verò quidam, & eam, & quod traditur, & vnctionem esse de essentia: putant & quidam non esse Sacramentum seu Ordinem distinctum à Sacerdotio, sed eius gradum quendam: ego & Sacramentum & Ordinem distinctum puto.

8. Diaconi est, per modum Catechismi exponere fidei articulos, & Decalogum, legere Euangelium, & de Episcopi vel Parochi facultate prædicare, & baptizare, & dare Eucharistiam, id quod etiam potest facere in necessitate, & recitare nomina baptizandorum & ordinandorum.

9. Exorcistæ officium iam soli faciunt Sacerdotes.

10. Lector solebat olim nouos fructus benedicere, nunc solum legit, & cantat.

11. Acoluthi est, præparare lumen, vinum, & aquam ad Missam.

12. Actus Ordinum minorum possunt fieri per carentem Ordine, ex consuetudine vniuersali Ecclesiæ.

13. Pri-

13. Prima tonsura est dispositio ad Ordines : potest autem dari quouis die ; minores verò diebus festis, & quarta feria quatuor Temporum . Episcopatus Dominica , quia in ea descendit Spiritus sanctus in Apostolos, datur . At Ordines omnes Sabbato quatuor Temporum, & Paschæ, & mediæ Quadragesimæ dari solent.

14. Ordines non dantur post prandium ; nec Ordo sacer sine Missa.

15. Episcopus ordinans , si absoluat & dispenset ad cautelam cum ordinandis, prodest etiam regularibus & extraneis.

16. Abbas qui potest ordinare suos subditos de Iure, (potest autem si est mitratus, & Sacerdos, dare Ordines minores) potest & alienos cum dimissorijs, & cum consensu Episcopi loci ; quamquam id potestimum non puto necessarium, si ordinat in loco exempto: nam & in hoc potest Episcopus alienus ordinare, petente loci Superiore ; & Mendicantes possunt ordinari in proprijs domibus à quouis Episcopo.

17. Minores omnes dispensante Episcopo possunt eodem die dari, &, si est consuetudo, simul cum prima tonsura, & cum Subdiaconatu ; non enim Concilium Tridentinum tollit consuetudinē receptam. Dant verò minores ex consuetudine etiam Presbyteri Cardinales.

18. Minores non dantur ante ætatis discretionem.

19. Episcopus non potest dispensare super ætate ad Ordines.

20. Ad primam tonsuram & tres minores requiruntur septem anni completi, & animus vitæ Ecclesiasticæ . Aiunt verò quidam, posse dari à Presbytero de licentia Episcopi . Ad Acoluthum duodecim . Oportet verò recepturum primam tonsuram esse confirmatum, scire rudimenta fidei, & legere ac scribere.

21. Ad minores oportet Latine scire.

22. Ad Subdiaconatum requiruntur viginti duo anni incepti, ad Diaconatum viginti tres, ad Sacerdotium viginti quinque, & præterea docere posse necessaria ad salutem, & scire Sacramenta administrare.

23. Episcopus non potest ordinare die quo est consecratus; nec dare unquam Ordinem quem non habet.

24. Ordinatio per vim non tenet, per metum tenet; sed non obligat, si sit metus grandis, ad castitatem, nec ad officium.

25. Datus Ordo maior sine minori tenet, non tamen Episcopatus sine Sacerdotio.

26. Non est quis ordinandus in sacris sine sufficiente patrimonio, aut beneficio, aut donatione sufficiente ad vitam: nec ea potest alienare, nisi habeat unde viuat competenter, alioqui resignatio beneficii nulla. *Ex Trid. & Congreg. Conc.* Itidemque dicendum de patrimonio, scilicet renunciationem nullam esse: itaque post eam factam non prohibetur quis ordinari, quia nulla fuit.

27. Quidam aiunt posse, qui nihil habet, ordinari, modo sit graduatus in Theologia aut Iure Canonico; tali enim non defuturum unde viuat.

28. Ordinatus in sacris tenetur castè viuere ex voto implicito.

29. Episcopus ordinare potest non solum subditum sibi origine, domicilio, vel beneficio, sed etiam non subditum, de licentia tamen Episcopi sui, vel Vicarij absente Episcopo: item suum per triennium familiarem, si ei statim det beneficium: item subditum vicini Episcopi manifestè suspensū ob ordinationem.

30. Nec Episcopus nec eius ministri quicquam accipere possunt, etiam oblatum, pro Ordine, aut litteris dimissorijs, aut sigillo. Notarius tamen, si non habet stipendium.

stipendium; potest accipere decimam partem aurei, nisi sit consuetudo nihil accipiendi. *Ex Trid.*

31. Exercens actum Ordinis sacri. (quale non est prædicare, aut excommunicare) in peccato mortali, peccat mortaliter. Quidam tamen negant peccare mortaliter Subdiaconum vel Diaconum solemniter ministrantes, aut Episcopum consecrantem calicem, aut altare, aut virginem, aut Sacerdotem benedicentem aquam.

32. Sacerdos stola utitur in omni oratione solempni, & Sacramentorum administratione, & Episcopus conferens primam tonsuram.

33. Si Episcopus ordinando non possit absolucere, pergat alter ubi ille desijt.

34. Non potest ordinari neophytus, vel infamis, nec hermaphroditus, nec obligatus Reip. ob administrationem; ante redditam rationem.

35. Habenti ius petendi Ordines, ut ob beneficium, non possunt negari ob peccatum occultum.

36. Episcopo præcipienti alicui ut ordinetur ob Ecclesiæ utilitatem, non repugnandum sine causa iusta.

37. In materia fauorabili, nomine Sacerdotis venit etiam Subdiaconus; in odiosa verò, solus Presbyter.

38. Si Episcopus dicat, Nolo vel Non intendo ordinare excommunicatos, vel irregulares, intelligitur si sciat aliquem talem esse: quare quem ordinat non sciens talem esse, verè est ordinatus.

O R N A T Y S.

1. **O**RNARI potest foemina ad tegendam turpitudinem: quod si fiat ad vanitatem, aut fingendam pulchritudinem, mortale non est, etiam in Religiosa. Quod si quis alius indeumat occasionem peccandi mortaliter, tunc mortale esse quidam

aiunt, sed melius alij negant. Illud probabilius, si in eo expendatur quod esset necessario dandum pauperibus, peccari mortaliter.

2. Forminam pectus nudum gestare sine mala intentione, quidam negant esse mortale: ego difficile talem absoluerem.

FACTVM, vide Contractus.

PALLIVM.

1. **P**ALLIO quo significatur plenitudo officij Pontificalis, vitur Archiepiscopus in Missa solenni, in prouincia, non autem extra Ecclesiam, vt in Processionibus, aut alijs: nec id potest alteri commodare.

2. Antequam pallium accipiat, non debet ordinare, aut consecrare, nec Ecclesiam dedicare, nec Concilium vocare.

3. Debet cum eo sepeliri.

PAPA, vide Electio, Lex.

1. **P**APAE electio Simoniaca ipso facto nulla. Ex Concil. Later. Quidam tamen dicunt opus esse sententia condemnatoria.

2. Nulla Excommunicatio aut Censura impedit Papae electionem. Ex Tio Quarto.

3. Tractans de eligendo Papa, Papa viuente, est excommunicatus Excommunicatione Papae reservata. Ex Paulo Quarto.

4. Papam peccare non seruando legem humanam, aut in ea dispensando sine causa, affirmat Nauar.

item.

itemque si antea fuit Religiosus, nullum habere pecuniarum dominium, sed solam administrationem.

5. Papæ subditur omnis potestas, etiam secularis, quatenus exigit salus animarum.

6. Papa ob solam hæresim potest accusari, condemnari, excommunicari, & deponi.

7. Papam ait S. Antoninus plura posse quàm nobis vel ipsi compertum sit. +

8. Papa potest esse Iudex in causa propria, & absolvere ab obligatione qua quis homini tenetur, & secum in votis dispensare, & legem à se aut præcessore latam reuocare, eiusque etiam effectus priores, & cuique beneficium auferre, etiam sine causa; habet enim in beneficijs plenariam dispositionem. +

9. Ad Papam appellari potest à cuiusvis sententia. +

P A R E N T E S, vide *Alimenta*, *Hæreditas*, *Societas*.

1. P A R E N T V M negligentiam in docendo filios, aut curando ut discant Pater noster, Credo, & Dei præcepta, mortale esse, quidam valde probabiliter affirmant.

2. Non potest pater Religionem ingredi, si filij eius operâ in seculo egent.

3. Qui filium alere non potest, potest exponere ad Hospitale, vel ad domum Episcopi diuitis.

4. Pater tenetur de damno dato à filio quatenus potest de illius peculio: tenetur & soluere de suo, quod illum iussit expendere, aut debuit iubere.

5. Tenetur filium alere, & eius uxorem honestam, etiam sine sua licentia ductam; & filiam dotare, etiam sine sua licentia digno nubentem, etiam dote non promissâ, si ipsa se dotare non potest: certè ei debet legitimam saltem dare, si illa dotem non promisit: itidemque tenetur avus paternus, & frater ex eodem patre. Quod si indigno nupsit, tenetur ipsam

egentem alere, imò & secundum quosdam, dotare. Tenetur & filiam impudicam, sed poenitentem, alere, & dotare: item si distulit illam locare vsque ad vigesimum quintum annum, & illa, promissa dote, nupsit indigno. Tenetur etiam naturalem dotare, si illa est pauper. Filiam autem hæreticam dotare non tenetur, nisi resipiscat.

6. Potest pater testari de legitima filij, si ille consentit.

7. Potest notho extra testamentum relinquere quantum velit, sine præiudicio tamen legitimum.

8. Potest per donationem remuneratorem, vel in opera pia, alienare in præiudicium filiorum.

9. Potest à filio repetere quæ coactus est pro eo expendere, vt pro eius delicto, aut simili alia causa.

10. In extrema necessitate potius subueniendum filio, secundum quosdam; secundum alios patri, quod probabilius: & quidem in vitæ periculo pater præferendus etiam ei cui fuisset iuratum; intelligitur enim exceptus pater.

11. Pater ob famem potest vendere filium, nisi sit in sacris, aut iam extra eius potestatem; quamquam id apud Christianos non est in vsu: castigare verò potest etiam Sacerdotem.

12. Mater filijs primi matrimonij debet relinquere omnia ex illo lucra, non autem donata ab extraneo, etiam intuitu viri; & pater filijs quæ ad ipsum ex bonis eorum matris, prioris eius vxoris, peruenerunt.

13. Pater non potest impuberem offerre Religioni inuita matre.

14. Nolle videri alicuius esse filium iusta aliqua de causa, sine eius contemptu, non est mortale: alioqui iniuria quævis in parentes mortalis videtur quibusdam, etiamsi levis sit.

15. Patris appellatione veniunt ascendentes, vt filij descendentes. Vide glo. de verb. sig. cap. 2.

PAROCHVS, vide *Confessor, Domicilium, Missa.*

1. **T**ENETVR tempore pestis ministrare salutē necessaria Sacramenta, aut dare qui ministrat, peste infectis.

2. De Parochia efficitur quis acquisitione domicilij: quantum ad pœnitentiam autem & Eucharistiam, sufficit habitatio per sex menses, secundum quosdam. at melius alij, sufficere quantum ad Sacramenta illic habitare, & non posse commodè ad proprium ire. Ad matrimonium verò sufficit vel modica habitatio. At quantum ad decimas, & utilia Sacerdoti, requiritur animus habitandi ferè per annum.

3. Parochus Ecclesiæ destitutæ censetur habere Beneficium Simplex.

4. Tenetur Parochus ministrare Sacramenta etiam extra tempus præcepti ad illa obligantis, etsi id quidam negant.

5. Negligentia magna Parochi in docendo ad salutem necessaria, nempe Symbolum, Decalogum, & Pater noster, mortalis est: vbi passim magnus est abusus eorum qui contenti docuisse Symbolum Latine, non explicant populo rudi mysteria fidei, præsertim Trinitatis, & Incarnationis, tantopere ad salutem necessaria. Vx Parochis, vx Episcopis, vx Prælatis.

6. Parochus habet Iure communi à Papa iurisdictionem, quam non potest Episcopus impedire.

7. Parochus potest esse Iudex in causa Ecclesiæ, alio huius nomine agente.

P A R S.

PARS, sine additione, intelligitur medietas; secus si dicatur aliqua pars.

P A T R I N V S, vide *Baptismus*, *Matrimonij impedimenta*.

P E C C A T V M, vide *Contritio*, *Luxuria*.

1. PECCATVM mortale est, delectari consensu saltem tacito in peccato mortali cogitato, si plenè aduertas; quod vulgò dicitur cogitatio mortalis: secus est si delecteris non ipso peccato, sed sola de eo cogitatione. Aiunt verò quidam, cùm quis plenè aduertit malam esse cogitationem, & periculosam, negligitque reprimere, censendum esse tacitum quendam consensum.

2. Non est mortale cogitare sic apud se, Si peccatum non esset furtum, aut adulterium, &c. illud facerem.

3. De quo, cùm factum est, licet gaudere, non est illicitum illud optare.

4. Non est putandum peccatum esse, quod boni facere solent.

5. Non est mortale facere rem licitam, etiam si scias alteri futuram occasionem peccandi mortaliter; etsi quidam aliter sentiant.

6. Exponere se mortaliter peccandi periculo, mortale est, nisi causa aliqua excuset, vt proximi salus, aut necessitas aliqua; tunc enim sufficit nolle peccare.

7. Quidam putant licere occasionem alicui præbere peccandi, vt furandi, quo deprehensus emendetur: ego id facere non ausim. Permitti quidem possunt peccata minora, vt vitentur grauiora; sic enim permittitur meretricium, ne fiant adulteria: at dare peccandi occasionem ex professo, non puto licere.

8. Pu-

8. Putant etiam, adulterium facere volenti, posse consuli vt potius fornicetur: in quo mihi videntur decepti non intellectu D. Aug. 2. *de adul. con. cap. 15.* qui locus citatur 33. q. 2. *Si quod.* vbi potius contrarium dicit. Licet quidem volentem alium grauiter laedere, rogare vt leuius agat, at malum suadere nunquam licet.

9. Cooperari per accidens peccato alicuius, aiunt quidam posse excusari necessitate, aut vtilitate: vt ad mouere scalam furari volenti, & minanti malum nisi obedias; aut dare enssem occidere alterum paranti, & tibi alioqui malum minitanti, aut dicere vbi sit; ferre epistolam amatoriam amicæ, hero iubente; ornare hœram meretricem; sternere lectum adulteræ dominæ, & huiusmodi quæ non sunt intrinsecè mala, nec fiunt intentione peccati, sed vitandi-damnum, aut aliquid consequendi: etsi id alij negant. Ego quidem puto posse tales excusari cum causâ faciendi rationabilis est; quod prudentis iudicio relinquitur. Sic licet in triremi Tutcarum remigare contra Christianos, & parare arma illis, & offerre; est enim id se tueri cum aliquo proximi damno: nec ille de eo meritò potest conquæri, excusantē necessitate.

10. Facere id quod ex natura sua inducit ad mortale, est mortale. Tale quidam putant pudenda retigere coram altero sexu, nisi fortè causâ rationabili, vt medicinæ.

11. Non est mortale facere ea, quibus alij possunt bene & malè vti, etsi plures malè vtantur, vt aleas, gladios, fucum, &c. etsi id quidam negent.

12. Peccatum veniale posse remitti sine mortali, alij aiunt, alij negant: remittitur quidem in habentē gratiam per opera caritatis, & per quædam Sacramentalia, vt aquam benedictam, & Episcopi benedictionem; item perunctionem pectoris, Confessionem generalem, Orationem Dominicam, si

rectè fiant, id est, cum aliqua deuotione & reuerentia.

P E C V L I V M, vide *Clericus*, *Hæreditas*, *Religio*.

1. **P E C V L I V M** castrense, aut quasi castrense, (de quo filius pubes liberè disponit) dicitur, quicquid acquiritur ratione militiæ, aut officij publici, aut seruitij in palatio Regis, vt liberi donati Professori publico, aut à patre filio absolutis studijs, & militi equus vel arma, & quod ad militiam datur: item quod ea lege datur, vt castrense sit: & quod acquirit Clericus in sacris, aut beneficiatus, imò, secundum quosdam, qui est primæ tonsuræ, vt suprâ dictum in Clerico.

2. *Profectitium*, quod acquiritur causa patris, seu intuitu, in quo filius nihil habet iuris. Non censetur autem tale, quod ei donatur nulla facta patris mentione.

3. *Aduentitium*, quod ei aduenit eius industria vel donatione, vel successione, vel fortuna: in quo proprietas est filij, at vsusfructus patris quamdiu viuit. Quod si filius emancipetur, eius est dimidium: itemque si pater fiat Religiosus, secundum quosdam; nam alij totum tunc filio tribuunt, alij totum patri.

4. *Acquisitum* ex rebus patris propria industria, partim est profectitium, partim aduentitium; itaque dimidium est filij. Quod si clam patre acquisitum est, aut ex pecunia à patre mutuo accepta, totum quidam dicunt esse filij.

5. Confiscatis bonis patris, non confiscatur aduentitium filij: confiscato autem aduentitio, non perdit pater in eo vsusfructum.

6. Si pater alienauit aduentitium filij, is, si est hæres, non potest, secundum quosdam, reuocare magis quam pater, subit enim personam eius.

P E C U N I A, vide *Moneta*.

P E N S I O, vide *Beneficium*, *Clericus*, *Hora canonica*.

1. **R E D E M P T I O** pensionis non fit sine Papæ auctoritate.
2. Cui data est pensio cum obligatione dandi eam alteri, potest ab hoc eam obligationem pretio redimere.
3. Solus Papa pensionem dat laico.
4. Pensio ipso iure perditur per matrimonium, idque etiam aliàs nullum, secundum quosdam.
5. Potest Episcopus imponere pensionem ad coquantos fructus beneficiorum permutatorum, quæ daret ad tempus tenentis beneficium cui imponitur: item super beneficio à se collato, ad vitam solum beneficiati; inrò etiam, secundum quosdam, ad vitam Pensionarij: & secundum Thom. 2. 2. q. 100. w. 4. ante collationem beneficij potest subtrahere de fructibus eius ad pios usus. Potest & Iudex ad dirimendam litem pensionem constituere. Quæ mihi ut vera videntur, ita parum esse in usu.
6. Pensio non est propriè beneficium, non tamen datur irregulari sine dispensatione.
7. Excommunicatio lata in non soluentem pensionem tempore præfixo; non ligat, secundum stylum Curie, usque dum Pensionarius declaret ligasse.
8. Pensio non soluta potest ex stylo Curie peti à successore de fructibus quos percepit.

P I G N V S, vide *Contractus*.

P I G N O R E non licet uti contra voluntatem domini.

L. 7.

o. Non

2. Non datur res sacra in pignus, nisi in necessitate.

3. Recepto homine libero in pignus pro debito, perditur debitum. *Vide glo. cap. 1. de pign. vbi excipiuntur quidam casus.*

4. Creditor potest pignus in pignus dare, sed non pro maiore quantitate; non potest autem vendere, debitore non solvente, nisi post biennium, & eo prius monito, nisi iudex concedat posse ante. Quidam tamen dicunt posse vendere, post trinam monitionem non soluenti factam, etiamsi fuisset conuentum ne venderetur: quod ego æquum puto, dummodo debitorem expectet aliquo conuenienti tempore, nisi promississet expresse se nullo modo venditurum; seruanda enim promissio.

5. Clericum accipientem rem Ecclesiæ in pignus, debere fructus in sortem computare, quidam aiunt, alij negant, sed minus probabiliter; nisi fortè modo sequenti.

6. Dominus accipiens feudum in pignus, facit fructus suos, dummodo non accipiat eos ex melioramentis, nec interim seruitium à vassallo. Idemque dicendum in Emphyteusi, nisi Emphyteuta grandem pecuniam pro ea dedisset: quamquam etiam tunc potest percipi tantum fructus, quanto minus pretio rei iusto ille dedit.

7. Prohibita alienari, possunt pignori dari.

8. Expensæ factæ in pignore necessario, vel vtiliter, repeti possunt.

9. Agrum à te incultum accipiens in pignus, si colat, posse fructus non computare in sortem, quidam aiunt, alij minus probabiliter negant.

10. Pignus dicitur de re mobili, hypotheca de immobili.

P I S C A T I O, vide *Venatio.*

P O E N A, vide *Ignorantia, Interpretatio, Lex.*

1. P O E N A imposita ipso Iure vel facto non incurritur sine sententia iudicis & executione per ipsum, etiam si lex dicat non requiri sententiam, aut declarationem, aut etiam soluendam in Foro conscientiae; intelligitur enim Iudice exequente: nisi poena esset eiusmodi, quae secum traheret executionem, ut Excommunicatio, suspensio, interdictum, & irregularitas; aut lex dicat, Sit incapax, aut inhabilis; (quidam tamen etiam hinc sententiam requiri aiunt) aut dicat, Non faciat alioqui fructus suos: est enim conditio quae seruanda est, ut quae ponitur à testatore.

2. Ad poenam conuentionalem tenetur quis cum petitur: non est autem petenda si culpa abest, nisi ob interesse damni, aut lucri cessantis.

3. Quidam putant nullum crimen subijci poenae Iuris, nisi de illo planè constet in iudicio, aut alioqui sit notorium; excepto homicidio, quod etiam occultum irregularem facit. Probanda quidem opinio, nisi usus Ecclesiae repugnaret.

4. Inhabilis ob crimen ad officia, aut beneficia, non ideo priuatur obtentis; nec priuatus obtentis, ideo inhabilis fit ad obtinenda.

5. Poena praesumentis imposita requirit dolum.

6. Poenae promissio in matrimonijs & sponsalibus non obligat. *Vide de spons. & matr. cap. 29.*

7. In poenalibus & restrictione vtendum, & pia interpretatione. *Vide de elect. lib. 6. ca. 22. & de reg. iur. Odia & in poenis, scilicet regu. 16. & 49. lib. 6.*

8. Poenae non extendendae ultra casus Iure expressos, etiam si eadem ratio videatur.

9. Po-

9. Pœnam non incurrit, qui facere non potuit iuste impeditus.

+ 10. Regulæ pœnales Cancellariæ, secundùm quosdam, solum ligant in Foro exteriori.

+ 11. A pœna legis humanæ excusat consuetudo, etiam irrationalis, itemque iusta credulitas.

+ 12. Pœna iuris contra facientem, intelligitur si perficiat opus.

13. Per verba futuri temporis, in dubio non intelligitur pœna posita ipso facto.

+ 14. Non accusans aliquem cùm teneretur, non debet pœnam, ad quam ille, si ipse accusasset, fuisset condemnatus, (pœna enim non debetur ante condemnationem) et si quidam aliter sentiunt.

+ 15. Cùm pœna imponitur omitterenti aliquid sine determinatione temporis, ut cùm dicitur, Qui non residet, sit excommunicatus, requiritur prius monitio.

+ 16. Pœna successiva imposita sine termino, finiri solet decennio: quòd si usque ad beneplacitum imponentis, finitur eius morte.

+ 17. Factus amens post delictum, non punitur corporaliter, sed in pecunia.

+ 18. Non potest quis priuari beneficio, aut privilegio, aut ab eo suspendi aut deponi Clericus, nisi in casibus Iure expressis.

P O E N I T E N T I A, vide *Confessio*.

P O T E S T A S, vide *Dominium*.

6. Q V I potest maiora, potest & minora, cum eadem ratio, aut maior.

P R A

PRAECEPTVM, vide *Censura, Lex, Mandatum, Obedientia.*

1. PRAECEPTVM de re leuissima non obligat ad mortale, etiam si, qui praecipit, id velit: nisi quis se voto obligasset ad omnia iussa; tunc enim forè posset etiam in re leui, vt si diceret, In virtute obedientiae, aut quid simile.

2. Praecepti non potest vt subditus sibi membrum abscindi patiatur ob sanitatem; nec vt reuelet suum peccatum omnino occultum.

PRAEDICARE, vide *Ordo, Prelatus.*

1. PRAEDICARE non est actus Ordinis sacri, nec Officium diuinum prohibitum interdicto, aut suspensione à diuinis.

2. Praedicans in statu peccati mortalis non peccat mortaliter, si absit scandalum.

3. Praedicandi licentiam potest dare viro docto Parochus, etiam non ordinato in sacris, modò sit Clericus, & non saepe det. Nam Conc. Trid. in Regulari requirit Episcopi licentiam. Ego nisi Diacono dandam non censeo, nisi sit Religiosus.

4. Mortale quidam censent praedicare sine legitima licentia, aut valde inutilia, aut scienter falsa in fidei doctrina vel morum, vel miraculis aut vita Sanctorum, aut detrahendo ferè nominatim Prelatis Ecclesiae, non esse autem si quis ob gloriam aut pecuniam principaliter praedicet.

5. Nullus Episcopo contradicente praedicare praesumat. Ex Conc. Trid. Excepit Pius Quintus Mendicantes in sua Ecclesia praedicantes, nisi Episcopus vellet praedicare.

6. Non potest Episcopus sine causa rationabili suspendere à praedicatione. Ex Conc. Conc.

7. Men

7. Mendicantes semel examinati in vna Diocesi ad prædicandum, non possunt in ea amplius examinari: quòd si sint graduati in Theologia, aut Lectores, non egent examine Episcopi. *Pius Quintus.*

8. Mendicantes possunt prædicare etiam cum prædicatur in Cathedrali. *Idem.*

P R A E L A T V S, vide *Ecclesia, Electio, Episcopus, Obedientia.*

1. P R A E L A T V S dicitur, qui Ecclesie Collegiatae seculari vel regulari præficitur. Itaque Priores & Guardiani sunt Prælati, & in dignitate. *Vide glo. ca. 28. de elect. lib. 6.*

2. Prælatus propriè non dicitur esse de Capitulo vel Conuentu.

3. Non potest Prælatus tempore pestis populum deferere.

4. Gestæ per Prælatum toleratum valida sunt, etiamsi iure titulum amisisset.

5. Prælatus excedens in subditi correctione, non tenetur ab eo veniam petere.

6. Prælati bona sunt tacitè hypothecata pro mala Ecclesie administratione.

P R A E S C R I P T I O.

1. P R A E S C R I P T I O dicitur immobilium, Vsfucapio mobilium. Fit autem vsfucapio triennio, etiam in rebus Ecclesie: requiritur autem ad eam bona fides, etiam in tradente rem. Non potest verò vsfucapi res sacra, aut prohibita alienari; nec res Ecclesie requirens solemnitatem in alienatione; nec res pupilli, aut minoris, quæ potest seruari, scilicet quæ non consumitur. Sufficit verò ad vsfucapiendos fructus abesse malam fidem, etiamsi bona non adsit.

2. Ad

2. Ad praescriptionem vel usucapionem requiritur possessio non interrupta per certum tempus, & bona fides, & titulus praesumptus iustus, scilicet ut nihil in contrarium appareat probabile, & quod res possit praescribi: bonam verò fidem non tollit dubitatio adueniens: nocet autem haeredi mala fides defuncti, non autem habenti ab haerede. Quamquam si haeres inuasoris, bona fide praescribit inter praesentes triginta annis, & inter absentes quadraginta: itidemque dicendum de re furtiua, quæ alioqui non praescribitur.

3. Titulus praesumitur consuetudine immemorabili: sufficit & iusta credulitas tituli ex errore facti.

4. Contra laicos praesentes in eadem provincia praescribitur regulariter decem annis, contra absentes viginti; idemque est in bonis patrimonialibus Clericorum: at in re Ecclesiastica aut Religiosa, inter praesentes triginta, inter absentes quadraginta: contra Ecclesiam verò Romanam requiruntur centum. Sufficit verò in praescriptione triginta vel quadraginta annorum bona fides, etiam sine titulo.

5. Possessio bonæ fidei praecedentis & sequentis possessoris coniuncta complent tempus praescriptionis.

6. Ecclesiæ & minori datur quadriennium post finitam praescriptionem contra ipsos ad restitutionem, nisi esset praescriptum ab alia Ecclesia.

7. Soluens tributum seu pensionem per contractum promissam, triginta annis praescribit, non solvens sine mala fide. Quod si erat pactum non soluendi nisi petitam, negligente domino petere, praescribit secundum legem communem praescriptionis.

8. Eligendi ius praescribitur quadraginta annis, etiamsi vnus solus actus interueniat. +

9. Prohibita alienari non praescribuntur ante viginti annos.

- + 10. Statutum tollens præscriptionem, non tollit eam cuius initij non est memoria.

P R I M I T I A E, vide *Decima*.

P R I V I L E G I U M, vide *Gratia*.

P R I N C E P S, vide *Dominus, Lex, Officium*.

1. **R** E X tenetur pro Republica vitam ponere. 2. Potest per Remp. priuari ob tyrannidem, & si non faciat officium suum, & cum est causa aliqua iusta; & eligi alius à maiore parte populi. Quidam tamen solam tyrannidem causam putant.
- + 3. Tenetur Princeps corrigere mala publica, si possit, sine damno Reip., & agere causam populi, adeoque curare ut Episcopi & Curati resideant.
- + 4. Potest dispensare secum ex causa in suis legibus, nam sine causa peccat.
5. Potest etiam legitimare filium suum non ut pater, sed ut Princeps.
- + i 6. Potest ex causa rem vnius alteri dare, & locum Reip. communem, sine populi consensu, proprium in vsum assumere, & reuocare suum contractum, & datum à se privilegium, etiam remuneratorium. Cum autem requiritur causa iusta ut aliquid facere possit, non ei credendum dicenti esse causam iustam, nisi appareat.
- + 7. Gubernator ciuitatis habetur loco Principis: itaque eius licentia vel scientia supplet defectum cuiusvis solemnitatis.
- + i 8. Gubernare principaliter ob gloriam aut diuitias, non est mortale.
- + 9. Imperator potest esse iudex in causa sui fisci.

P R O C E S S I O .

1. **I**N processione Corporis Christi nulla Reliquia gestatur.
2. Dum fit processio, pulsantur campanæ , ad excitandam populi deuotionem.

P R O C Y R A T O R, vide *Casus fortuitus, Iudiciales actus*.

1. **P**ROCYRATOR ad negotia, potest alium instituere Procuratorem.

P R O M I S S I O , vide *Donatio*.

1. **P**ROMISSIO obligat, nisi res sint ita mutatae, ut, si cogitasses ita futurum, non promississes; aut si non habuisti animum te obligandi, sed solum proposuisti facere. Vix autem quis promittentium obligari intendit, nisi iuret, aut faciat instrumentum. Itaque cum dicunt, Faciam, intelligunt se facturos, nisi mutantur; volunt enim liberi esse. Qui autem animum habet promittendi, hoc ipso se obligat: si tamen promissionem non implet ex causa qua sibi videtur rationalis, non peccat mortaliter, nisi alioqui sequeretur scandalum, aut grande proximi damnum; tunc enim, qui promisit, etiam de damno tenetur, quo solo casu quidam aiunt obligare promissionem ex iustitia, alioqui solum ex fidelitate, & sub peccato veniali, & sine obligatione restituendi. Potest & quis promissum negare ei, qui, quod sibi promisit, non praestat: item cum sibi est perniciosum praestare, aut ei, cui promisit, inutile; aut is per ingratitudinem fit indignus; aut si est promissio vi aut dolo extorta, & non firmata iuramento; aut si non est acceptata, aut est de re illicita, aut donatio lege prohibita, ut Simoniaca; aut de soluenda usura, & non firmata iuramento.

to , sed id potest Episcopus relaxare ; aut si promissum sit , secundum quosdam , ei qui sit denunciatus excommunicatus.

2. Quod alicui promissisti pro re illicita , si facit , teneris ei dare , etsi id quidam negant.

3. Cum quis promittit , etiam cum iuramento , intelligitur nisi enormiter laedatur.

4. Promissio acceptanti nomine Ecclesie vel Hospitalis facta , transfert dominium , secundum quosdam. *Vide V E N D I T I O .*

5. Qui puellam violavit , promittens sibi se eam ducturum , tenetur ducere : quod si corrupta erat , sufficit ei pro iniuria satisfacere.

P R O X I M V S , vide *Charitas, Correptio.*

P V B L I C V M , vide *Manifestum.*

P V B E R , vide *Censura.*

1. **P**V B E R I ante septennium non ligantur Ecclesie legibus ; imò , secundum quosdam , nec ante duodecimum censuris . Certè infantes non comprehenduntur interdicto , nec prohibentur ingredi Monasteria : prohibentur tamen tempore interdicti sepeliri in loco sacro.

P Y R G A T O R I V M , vide *Indulgentia, Oratio.*

1. **R** E M I T T V N T V R in purgatorio peccata venialia hinc non remissa per displicentiam , vel per actum caritatis , in quo virtualiter poenitentia includitur.

Q V A S -



QVABSTVARI II.

1. **Q**VABSTVARIIS eleemosynarum nulli-
bi admittendi. *Ex Conc. Trid.* ubi tamen non
prohibentur qui sine indulgentiarum publicatione
petunt pro se aut loco pio, quive eleemosynas col-
lectas in pios usus erogant.

2. Pius Quintus omnes gratias & facultates con-
cessas pro manibus adiutricibus reuocauit, quæstus-
que tales prohibuit.

RAPL



RAPINA, vide *Furtum*.

RAPTUS, vide *Matrimonium*.

RATIFICATIO.

1. **R**ATIFICATIONE, etiam tacita, conualescunt gesta per metum: oportet verò ratificationem fieri animo validandi actum aliàs nullum.

2. Factum alicuius nomine, validatur tempore quo ipse ratificat.

RATIHABITIO.

1. **F**ACTVM tuo nomine, seu tui contemplatione, cum posset tuo agi mandato, si ratum habes, censeri mandasse: non tamen poenas mandantis incurris, nisi id exprimatur lege.

RELIGIO, vide *Appellatio, Casus reservatus, Electio, Episcopus, Exemptus, Iudiciales actus, Ordo, Prædicare, Prælatus, Votum*.

1. **O**BIGATUS ad debita, etiam cum iuramento, potest ex fervore caritatis ingredi Religionem: quam profitendo cedit bonis, nec ad aliud tenetur, secundum probabilem quorundam opinionem. Alij, prius solvendum, si possit, differendo aliquantum ingressum: nec posse cum grandi proximi damno suæ salutis consulere. Vide D. Thomam 2. 2. q. 189. ubi aliter sentire videtur.

2. Parentum grandi necessitati subueniendum ante ingressum: facta autem professione, faciendum quod

quod possit salua obedientia: ante professionem vero potius egrediendum, si possit subuenire, quam deferantur.

3. Nouitio potest etiam post Trid. Conc. concedi dilatio ad professionem post annum nouitiatus, si causa subest.

4. Nouitiorum Prælatus est velut ipsorum Ordinarius, potestque cum ipsis dispensare.

5. Nouitij obligatio extra Societatem Iesv nulla valet sine licentia Episcopi, aut eius Vicarij, idque intra duos menses ante professionem, ante quam nullum sortitur effectum. *Ex Trid.* ubi non prohibetur testamentum, sed donatio inter viuos, nec dispositiones de bonis suis ante susceptum habitum, modo non fiant intuitu Religionis.

6. Potest, *secundum Neuar.*, etiam post Conc. Trid. ex causa iusta fieri aliqua Religiosa manendo domusæ cum peculio vnde sustentetur.

7. Monialis morientis aut abeuntis ante professionem, bona omnia restituenda ei à Monasterio.

8. Nouitius non tenetur ad præcepta Religionis, nec egressus ad expensas.

9. Si nouitiatus annus interrumpatur per egressum, opus est de nouo incipere, alioqui inualida professio. *Vide de elect. lib. 6. ca. 26.* Non interrumpitur verò manendo ex causa extra Monasterium de licentia Superioris: id quod potest etiam fieri post Concilium Tridentinum.

10. Dum quis est in Religione, non tenetur ad vota antea facta, nec ad iuramenta quæ sunt Religioni incompatibilia, nec ad poenitentias iniunctas. *Vide glo. 33. q. 2. Admonco.*

11. Parentes possunt offerre Religioni filios impuberes inuitis tutoribus, & pater auo inuito, sed non contra.

12. Profitentem patrem debere filio dare legitimam, alij aiunt, alij negant.

M

13. Epi-

- + 13. Episcopus potest admittere ad professionem in Monasterio sibi subiecto, vel de licentia Superioris.
- + 14. Professio potest fieri per Procuratorem. Potest & fieri adiecto modo ut possit sua bona ad viræ sustentationem administrare, sed Prælatus poterit postea prohibere. Quod si fiat cum pacto contra substantiam Regulæ, quidam dicunt esse nullam, alij valere; pactum enim reiiciendum.
- + 15. Professio non valet si desit intentio profitendi, & consensus potentis incorporare Religioni, vel rati habitio receptæ eius nomine, accedens postea; oportet autem etiam novitiatum fieri de illius consensu.
- + 16. Non fit quis tacite professus per aliquid, nisi intendat per id fieri.
17. Professio affert plenariam peccatorum indulgentiam; itemque ingressus, secundum quosdam, animo perseverandi, &, ut quidam aiunt, votorum renouatio.
18. Professus solum obedientiam secundum Regulam approbatam, censetur simul profiteri castitatem & paupertatem.
19. Professus etiam si non intendat servare regulam nisi more aliorum, tenetur ad omnia quorum non est legitima dispensatio.
20. Professus Religionem in communi, etiam emissis tribus votis in manu Episcopi, non est verè professus, sed sunt illa vota simplicia.
- + 21. Professio ante decimum-sextum annum expletum, & ante annum probationis, post susceptum habitum, nullam inducit obligationem. *Ex Conc. Trid.*
- + Potest quidem novitatus fieri ante decimum-sextum annum, modò illo expleto fiat professio.
- + 22. Professio Monialis non mendicantis in Monasterio non habente redditus necessarios ad vitam, non tenet. *Vide cap. Periculosè, de sta. reg. lib. 6.*
23. Professio inualida defectu consensus, illo superveniente validatur.

24. In dubio de professione Monialis, aut de donatione valida, debet illa examinari ab Episcopo extra Claustra. *Ex Cong. Conc.*

25. Professi bona, præter legitimam descendantium & ascendentium, intelliguntur esse Monasterij, nisi ille ante professionem aliter disposuisset.

26. Professi mortui bona acquiruntur Ordini. *Ex Congregatione Concilij.*

27. Professus pensionem acquirit Monasterio, & hæreditatem. Quòd si ille hæreditatem sibi relictam repudiet, potest Monasterium acceptare: & si moriatur ante aditam patris hæreditatem, succedit Monasterium.

28. Religiosus acquirit Monasterio cui se dedit profitendo. Quòd si generaliter Ordinem profitemur, nulli se addicens Monasterio, acquirit toti Ordini.

29. Professus nec potest facere testamentum, nec factum reuocare.

30. Non valet professio viri inter fœminas, nec fœminæ inter viros, nec hermaphroditi si par est sexus, *secundum Nauarrum.*

31. Professum contemnere perfectionem, quam sequi professus est, mortale est. +

32. Religiosus de licentia Superioris potest fieri Parochus: (non autem simplex beneficiatus sine Papæ licentia) ubi si delinquat, non per Episcopum, sed per Prælatum puniendum quidam censent. Ego putarim id ad Episcopum pertinere, cui sit subiectus; estque solutus obseruantijs quas commodè non potest obseruare. Dicunt & quidam, posse Abbatem dare, cum populi & Episcopi consensu, Monachum in Capellanum Ecclesiæ Parochialis. +

33. Professio coniugati inuito coniuge habet vim voti simplicis; & non repetente coniuge, non potest egredi: si autem de eius licentia, sed non vouentis castitatem, professus est, professio inualida est. *Vide de conuers. coniug. ca. 1. & 4.* +

34. Professus, celato morbo contagioso, expelli potest à Religione.

35. Professus transiens ad alium Ordinem, oportet in eo faciat integrum nouitiatum, nec potest secum ferre quæ acquisiuit in primo.

36. Religioso posse imponi duriora quàm sint in Regula, quidam aiunt, alii, negant. *Vide glo. d. 74. Gesa, & 32. q. 1. Integritas, & Decium ca. Ad nostram, de appell.* Ego posse puto, saltem quantum se vel tacite eius vota extendunt.

+ 37. Ad strictiorem Religionem, id est, sanctiorem, vel fructuosiorem, vel asperiores, potest quisque transire licentia petita, etsi non obtenta, non obstante priuilegio sui Ordinis de non transeundo. *Vide de Regul. cap. 17.*

38. De quouis Ordine potest transiri ad Cartusien- ses.

39. Ad laxiorem Religionem licet transire ex dispensatione ipsius Praelati seu Superioris: certè Generalis potest ad id licentiam dare ex causa iusta, nec talem facultatem iuridicam tollit Conc. Trid.

40. Professus eiectus non tenetur ad obedientiam, aut paupertatem, aut Officium diuinum, (nisi sit in sacris, aut beneficiatus) aut ieiunia, aut habitum, aliave Religioni annexa, potestque ingredi laxiorem Religionem. Quidam tamen putant teneri ad vota, sed non ad Regulæ obseruantias. An autem acquirat Monasterio, an verò Ecclesiæ ad quam translatus, non conuenit inter Doctores.

41. Religiones ducentium vxores, non sunt simpliciter Religiones, (nec, secundum quosdam, dissolunt matrimonium ratum) nec Ordo qui dicitur Tertius S. Francisci.

42. Oblatio Religiosi per votum, aut iuramentum, non est valida sine consensu Superioris: sed vide *VOTVM.*

43. Religiosum potest Superior pro quouis peccato mor-

mortali incarcerare, & expellere ob crimen causa cognita, per sententiam, (non autem deponere Ordine sacro) si est incorrigibilis. *Vide ca. 7. Ne Clerici vel Monachi.*

44. Non licet recedere à Conuentu prætextu conueniendi Superiorem. *Ex Trid.*

45. Habitum ex causa occultare aut dimittere ad tempus, licitum est.

46. Religiosus beneficiatus potest de fructibus disponere, vt secularis; & Ecclesiæ suæ acquirit, non Monasterio, *secundum Nauar.* idemque cense de Abbate & Priore; esse enim Abbatiam & Prioratum beneficia Ecclesiastica. Ego verò hos non puto posse plus quàm Regula eis permittit.

47. Prælati in Religione possunt secum dispensare, sicut cum subditis. *Vide Ib. 2. 2. q. 88. & 181. & 186.* Expedi verò id facere per suum Confessorem. *Vide CONFESSOR.*

48. Licita est consuetudo dandi quotannis certum quid ad sustentationem Religioso, vt solet Monialibus lucrum ex suo artificio ad vestitum dari. Nec *Trid. Conc. Sess. 25.* prohibet peculium ex causa in usum pium cum Prælati licentia: potest enim Superior concedere subdito quod ipse potest, scilicet vti & donare causa pietatis, & remunerationis.

49. In usum communem censetur impendi, quod impenditur in usum Monachi de licentia Superioris. +

50. *Conc. Trid. Sess. 25. ca. 1. & 2.* non intendit legitime relaxata aut mutata prohibere. +

51. Quidam putant non teneri Religiosum obedire in re ad Regulam nihil pertinente, aut difficillima, si dubitet an possit Superior præcipere; nec vt Episcopatum acceperit: alij debere acceptare, si præcipiatur in virtute obedientiæ. +

52. Acquisita à Religioso in Episcopatu titulari, relinquenda Monasterio.

53. Vbicunque sit Religiosus sub obedientia Superioris, censetur in Clauitro esse: & quidem de licentia Superioris potest extrà manere, sed cum habitu.

+ 54. Cùm Superior non contradicit, intelligitur tacite consentire.

+ 55. Religiosus potest appellare à sententia iniusta Superioris: potest & agere contra Superiorem in utilitatem Monasterij. *Vide ca. Ex parte, de accus. & ca. Cùm delicta, de rescript.*

+ 56. Pius Quintus voluit Mendicantes vti gratijs suis & priuilegijs in Foro conscientie, non obstante Conc. Trid. Et quamuis eius Bullam, vbi eis multa concessit, reuocauerit Greg. xiii. tamen postea reuoluidauit, vt testatur Congr. Concil. Quare videntur posse ordinari ante ætatem legitimam. *Vide d. 77. ca. Monachas.*

57. Franciscani possunt habere redditus Ecclesijs suis relictos, non autem relictos Conuentui, nisi ad modicum tempus, pro victu & vestitu.

58. Carrusianum teneri vesci carnibus, si aliter non possit morbo liberari, quidam aiunt, alij negant. Illud probabile, teneri si non possit aliter viuere. Sunt & qui affirmant, non peccare illos mortaliter si carnibus vescantur extra morbum, si absit scandalum; non enim ex voto abstinere, sed ex consuetudine.

+ 59. Mendicantes non tenentur contribuere ad Seminaria, etiam ratione beneficiorum, nec ad vllum subsidium aut onus. *Ex Pio Quinto.*

60. Religiosi possunt esse Vicarij Episcopi de licentia Prælati, & postulare pro alio in ciuilibus, coram Iudice seculari.

+ 61. Prælati exempti habent iurisdictionem veluti Episcopalem in suos: itaque possunt in eos, quod Episcopus in subditos.

+ 62. Religiosi tempore Iubilei possunt confiteri cuius Confessori approbato ab Episcopo.

63. Mo-

63. Monachum aiunt quidam nec in Papam posse eligi sine Abbatis licentia. +

64. Non potest Iudex secularis cognoscere de facto Religiosi ante ingressum Religionis; est enim mutatum Forum. +

65. Episcopus non potest præcipere Monasterio, etiam sibi subdito, vt recipiat Monialem; id enim est Abbatissæ cum Conuentu. +

66. Abbas non ligatur statuto, etiam facto cum Conuentu. +

67. Abbatem non venire nomine Monachi in odiosis, alij aiunt, alij negant.

68. Abbatem oportet esse viginti-quinque annorum inceptorum, & Sacerdotem, & professum; Abbatissam verò quadraginta annorum, nisi aliud Superiori videatur.

69. Abbate mortuo, expirat officium Prioris; nisi esset ab illo cum Capitulo institutus.

70. Abbas non potest præfici duobus Monasterijs, nisi vnum pendeat ex altero.

71. Apostata non est à Religione, qui exit animo reuertendi, aut aliam, etiam laxiorem, intrandi; aut qui fugit nimis fruiiente Superiore; aut merito credens se non esse professum, tunc enim potest etiam dimisso habitu fugere, non obstante Concilio Tridentino. +

72. Apostata est excommunicatus si habitum dimittat, non assumpto alterius Religionis habitu. +

73. Acquisita per apostatam extra Religionem, quidam dicunt esse Camera Apostolicæ, alij Monasterij.

RELIQUIAE, vide Oratio, Processio.

1. **C**OLI possunt priuatim Reliquiæ eius quæ creditur esse in calo.

REPRÉSALIA, vide *Bellum*.

1. **L**ICENT Represalia eo modo quo bellum, scilicet auctoritate sui Principis, & altero Principe, scilicet eius qui læsit, monito ut curet satisfieri: quod si non fit, potest læsus etiam ab innocentibus accipere, si aliter sua recuperare non potest.

2. Represalia non possunt fieri in persona Ecclesiastica. *Vide de iniur. lib. 6.*

RESCRIPTVM, vide *Gratia*.RESIDENTIA, vide *Beneficium*.

1. **O**MNE beneficium requirit residentiam: nec residet, qui non seruit: quod nisi causa iusta excuset, aut recepta consuetudo, mortale est non residere. Vbiq̃ue autem ferè-receptum, ne in Simplicibus resideatur. Curatum autem, ne resideat, nulla excuset consuetudo, obligatur enim diuino Iure: nec, *secundum Congreg. Conc.*, excusat seruitium Episcopi, aut Cathedralis, aut inquisitionis, aut paucitas ouium, aut defectus domus propriæ, potest enim cōducere: nec, *secundum Caiet. 2.2. q. 185.*, esse auditorem Rotæ, aut Secretarium Sedis Apostolicæ, nec, *secundum Sorum*, esse Cardinalem: si enim est Episcopus, debet residere in Ecclesia sibi commendata.

2. Parochiæ annexæ Ecclesiæ Cathedralis Capellæ potest per Vicarium serui.

3. Residere censetur, qui abest propter Ecclesiæ suæ negotia.

4. Potest Episcopus abesse ob suæ vel vniuersalis Ecclesiæ necessitatem, & vt alienæ succurrat, modo sine suæ detrimento.

5. Episcopus & Curatus non legitimè absens teneat fructus dare fabricæ, aut pauperibus. *Ex Trid. Sess.*

Seff. 23. Qui tamen non potest residere, non ideo debet damnum pati. *Ex Cong. Conc.*

6. Fructus amissos ob non residentiam non tenetur quis dare ante condemnationem, secundum *Navarrum*. Ego verò censeo à Confessore condemnandum.

7. Potest Episcopus abesse ex causa per tres menses, Curatus verò per duos. *Ex Trid.* Nec, secundum *Navarrum*, opus est licentia ad tanti temporis absentiam. Habens verò beneficium in Cathedrali, aut Collegiata, non potest abesse plus tribus mensibus quotannis. *Ex Trid. Conc.*

8. Excusat à residentia audire Theologiam aut Ius Canonicum per quinque annos; docere verò quamdiu docetur: in alijs scientijs requiritur Episcopi licentia, si peri solet. Item Papæ servitium, aut Episcopi, ob utilitatem Ecclesiæ. Ita *Navar.* At *Trid.* vult approbari ab Episcopo absentia causas, & quidem has oportet esse Ecclesiæ utiles, vel propriæ, vel uniuersæ, vt suprà dictum est. Ait verò *Navar.* dispensationem Episcopi cum Parocho, vt possit causa studij abesse per septem annos, non posse per Episcopum renocari.

9. Qui non residet, tenetur per alium tot Missas dicere, ad quot residens tenebatur.

10. Capellanus potest per alium celebrare, etiam si in fundatione sit vt celebret. *Ex Cong. Conc.*

11. Canonicus absens sine causa, tenetur restituere distributiones; nisi alij remittant, sine fraude legis.

12. Excusat in Collegiatis non insignibus à non residentia consuetudo inmemorabilis, & redditus reuæ, qui Canonicos alere non possunt. *Ex Cong. Conc.*

13. Obtinens Canonicatum, & Parochialem, in hac tenetur residere: & perdat distributiones, quando non seruit Canonicatui. *Ex eadem.*

R E S P V B L I C A .

1. **P** R O H I B I T A Vniuersitate, non censentur prohibiti singuli: nec pactum inter Regem & Communitatem obligat singulos Communitatis.

2. Respublica potest pro bono communi rem vnius alteri dare. Vnde non facile condemnanda statuta quæ videntur iniqua aut vsuraria, vt bene monet Caietanus.

3. Reip imputatur quod facit Princeps, vnde ob huius peccatum interdum punitur.

4. Cuiusque professionis homines possunt sibi Rectorem facere.

R E S T I T U T I O, vide *Beneficium, Conductor, Debitum, Furtum.*

1. **R** E S T I T U E tenetur, qui damnum non impedit, cum ex officio deberet, vt Iudex, pater, tutor: nisi omittat ob periculum rerum suarum, quas debeat præferre alienis. *Sylu. Rest. 3. §. 5. Nauar. c. 17. n. 134. Tabie. Rest. n. 24. Angel. Iuram. §. 27. Rosel. Restit. 4. §. 3. P. à Nau. l. 2. c. 4. n. 123.*

2. Tenetur & Medicus, & Aduocatus, & Confessor, ex negligentia quæ damnum dedit, ijs quorum causam agebant. Nam Confessor qui damnum dedit ei cui restituendum erat, non monendo restituere, non ei tenetur; causam enim non eius, sed pœnitentis agit: etsi quidam putant teneri, si ex crassa ignorantia dixit ne restitueret.

3. Item qui impedit habentem Ius ad rem ne eam consequatur. *D. Th. 2. 2. q. 62. a. 4. Caiet. ib. Solol. 4. de iust. q. 6. a. 3. Nau. c. 17. n. 69 Syl. su. §. 12. T. à Nau. l. 3. c. 3. n. 2. Lopez c. 141. Arag. 2. 2. q. 62. a. 2.*

4. Et

4. Et qui vi, dolo, aut mendacio aliquem impedit.

Mercado l. 6. c. 17. Tol. l. 5. c. 19. Valen. r. 3. disp. 5. q. 6. p. 3. Salon q. 62. a. 2.

5. Et qui aliquem ad damnum induxit, alioqui non facturum. *Bar. M. d. l. 1. c. 14. §. 30. 10. Med. Cod. de Rest. q. 7. Pedraza prac. 7. d. 1. Tol. l. 5. c. 21.*

6. Et qui cum alio simul damnum dedit, de tanto tenetur, quanti causa fuit. *Arag. 2. 2. q. 62. a. 7. Ang. Furtum, §. 16. Sylu. Restit. 3. §. 6. Nauar. c. 17. n. 21. & 130.*

7. Et qui à fure aliquid accepit furti, nisi sic fuisset mistum cum eius rebus, (verbi gratia, frumentum, aut pecunia) vt discerni non posset; aut bona fide acceptum consumpsisset, nec esset factus locupletior. *Sot. 4. q. 7. a. 2. Tabir. Rest. n. 25. Syl. cod. 3. §. 6. & 7. Med. Cod. de Rest. q. 10. Bap. Corra. q. 156. Salon 2. 2. q. 62. a. 6.*

8. Et testis legitimè interrogatus de damno, cuius, tacendo, causa fuit; nisi tacuisset iusto damni proprii timore. *Sot. l. 4. de iust. & iure, q. 7. a. 3. 10. Medina de Re.stitutione, q. 9. Nau. c. 17. n. 21.*

9. Et qui accepit pro re quam ex iustitia debebat; (nisi fuisset liberè donatum, & non velut iustitiæ pretium) secus est si pro eo accepit, quod non ex iustitia, sed ex alia virtute debebat, (etsi quidam etiam tunc volunt restitui) vel pro eo quod ex iustitia non facere tenebatur.

10. Et qui damnum mandauit fieri, nisi antea mandatum reuocasset.

11. Et qui dedit consilium damni, nisi antea dissuassisset. *Vide C O N S I L I U M.*

12. Et qui ab aliquo per metum incussum aliquid extorsit, vel à non audente negare ob reuerentiam; secus si blanditijs.

13. Et qui læsit malo exemplo, tenetur dare bonum.

14. Et qui Religionē spoliauit vi aut fraude persona

vili, tenetur ei de damno; saltem illam monere vt redeat.

15. Et qui virginem vi aut dolo vitiauit, tenetur arbitrio boni viri, & fortè dotare. Quod si ei promissit se ducturum, etiam si stè, tenetur ducere, nisi illa potuisset conijcere fictionem, vt cum sunt valde impares. *Nau. c. 16. n. 18. Led. f. 2. 4. q. 18. d. 2. Soro 4. d. 27. q. 1. d. 3.* Quod si magnum malum ex matrimonio timeretur, etiam si vere promississet, sufficit de damno satisfacere, arbitrio prudentis.

16. Et qui alienum agrum possedit mala fide, tenetur etiam de fructibus quos dominus alioqui percipisset, deductis expensis vtilibus, & laboris pretio. At secus est de lucto ex aliena pecunia; id enim non restituendum, nisi fortè dominus tantundem lucratu ex ea fuisset.

17. Et qui promissionem non impleuit, tenetur de damno inde secuto.

18. Et qui aliquid accepit vt malum faceret, si non fecit, tenetur restituere. *Bar. Med. l. 1. c. 14. §. 33. Mercad. l. 6. c. 16. Lop. c. 107. Cordub. l. 1. q. 32. Med. de rest. q. 2. & 3. non autem si fecit. Tol. l. 5. c. 21. & 59. Ang. Rest. 1. §. 6. P. à Nau. l. 4. c. 2. n. 131. Nau. c. 17. n. 30. quinquam Aug. epist. 54. indicat, Aduocatum restituere debere acceptum pro iniquo patrocinio.*

19. Et hæres eius qui alterum infamauit, secundum quosdam: sed alij negant debere.

20. Enquisque pro damno dato à seruo suo, si ipse fuit in lata culpa.

21. Et qui falso testimonio scienter coniecit alium in vitæ periculum, tenetur etiam cum fux vitæ periculo liberare: quod si sine culpa fecit, debet retrahere si possit sine magno sui periculo.

22. Restituere non tenetur qui sine vi & fraude impediuit liberam donationem, aut collationem beneficij ad quod nondum erat acquiritum ius,

Ant.

Ant. 2. p. 1. c. 12. Soto l. 4. de iust. q. 6. a. 3. Nau. c. 17. n. 72. & c. 26. n. 36. Rosel. Rest. 10. §. 1. 2. 3. Pedraza praecep. 7. d. 3. Corda q. 100. Valen. t. 3. disp. 5. q. 6. p. 5. aut qui testamentum curauit mutari, etiam dolo; nondum enim per illud acquisitum ius secundum quosdam: at alij istum teneri dicunt, quia contra iustitiam faciens laesit.

23. Nec qui sine vi & dolo alicui suasisit malè facere, eide damno inde secuto tenetur. +

24. Nec qui vulnerauit, tenetur de fœditate relicta ex vulnere, sed de damno solo. *Nauar. c. 15. n. 20. ubi alios citat.*

25. Nec qui bona fide fecit, tenetur ad damnum inde secutum. +

26. Nec qui non potest restituere rem minoris ordinis sine damno maioris: est autem honor maior pecuniâ, honore fama, famâ corpus, corpore verò anima. *Colligitur ex Soto l. 4. q. 6. a. 3. Arag. q. 62. a. 2. Tol. l. 5. c. 70.*

27. Nec qui non potest sine maiore suo damno, quàm sit damnum creditoris: quòd si non fuit in turpitudine aut mora, nec cum tanto suo damno, tenetur restituere quantum est creditoris si non restituat. +

28. Nec qui sine vi & fraude remissionem debiti obtinuit.

29. Nec cui debitum in specie sine culpa periit ante moram, aut perinde apud dominum fuerat perituum. *Colligitur ex Rosel. Restit. 12. §. 2. Mercad. l. 5. c. 5. P. à Nau. l. 4. c. 1. n. 23. Nau. c. 17. n. 80.* +

30. Nec qui laesit contra caritatem faciens, non contra iustitiam. *Nau. l. 3. c. 4. n. 122. Tol. l. 5. c. 19. Arag. q. 62. a. 7. Bar. Med. l. 1. c. 4. §. 50.*

31. Nec qui famam grauitèr quidem laesit, sed est iam à læso recuperata. +

32. Nec qui infamauit dicendo se audisse quidem, sed non credere. +

- + 33. Nec qui accepit, quod si petisset, ei datum fuisset.
- + 34. Nec qui tantundem est latus ab eo quem laesit. *Colligitur ex Tol. l. 5. c. 70.*
- + 35. Nec qui damnum dedit sine lata culpa. *Colligitur ex Sotol. 4. q. 7. a. 2. Tol. l. 5. c. 18.*
- + 36. Nec qui dubitat an fuerit damni causa, vel an teneatur restituere. *Colligitur ex Syl. Restit. 3. §. 6. Valen. 2. 3. a ff. 5. q. 6. p. 7.*
37. Nec qui pro restitutione incertorum fecit compositionem cum Papa, aut Episcopo, aut cui à Papa facta eorum remissio.
38. Nec qui in mare proiecit alioqui cum hominibus peritura.
39. Nec qui videt aliquem puniri per errorem pro eo quod ipse fecit, & tacer.
- + 40. Nec qui alioqui facturo malè, dixit ut faceret. *Colligitur ex Arag. q. 62. Salon ibid. Tabie. Rest. n. 24. Ang. Confil. §. 1. P. à Nau. l. 3. c. 4. n. 19. & 26.*
41. Nec qui falsas litteras de industria proiecit, unde alius credens latus est; leuiter enim credidit: nec qui alienas aperiens, praeipuit alteri lucrum ad quem mittebantur, emendis mercibus.
42. Nec possessor bonae fidei, nisi in quantum factus est locupletior. *Ang. Rest. §. 8. Syl. eod. 3. §. 6. 7. Sotol. 4. q. 7. a. 2. Tol. l. 5. c. 17. Tabie. Rest. n. 25.*
43. Nec meretrix mendacis visitatis multa extorquens.
- + 44. Nec qui diligenter quaesito creditore, & non reperio, dedit pauperibus.
- + 45. Nec qui pro debito pecuniae punitus est poena corporali.
46. Nec testis falsus de poena quae alicui obuenerat si verum dixisset; non enim debetur ante condemnationem: nec iudex qui non condemnauit, tenetur tamen de damno partis laesae, scilicet de eo quod in conscientia debebatur.

47. Nec

47. Nec qui obligatus dare pauperioribus in genere, non talibus, sed tamen pauperibus dedit.

48. Nec qui accusatorem suum, non potentem probare, vocavit calumniatorem; hic enim tales in iure vocantur.

49. Nec qui habet causam non restituendi, quam deberet merito creditor approbare: ut cum quis difficile potest restituere.

50. Nec qui aliena lænt, ut sua seruaret, cui illa nocebant, cum aliter non posset: ut cum diruit domum vicinam, per quam incendium ad suam erat perueniturum.

51. Nec qui habuit à liberè dante, sed sine Iuris solemnitate, rem secularem aut Ecclesiasticam; etsi id quidam negant.

52. Nec qui ex causa pro re pretium restituit.

53. Nec qui dedit operibus pijs quod non poterat domino restituere sine graui periculo, aut cum res esset modica, aut dominus tam longè abesset, ut difficile ad illum res posset missa peruenire.

54. Nec qui cum dedisset officium aut beneficium indigno, restituit Reipublicæ aut Ecclesiæ laicæ, huic enim debebat, non digno, cui non dedit. *Soto. l. 4. q. 6. a. 3. Pearaz. præcep. 7. d. 36. Valen. l. 3. disp. 5. q. 7. p. 2. Nau. c. 17. n. 69.*

55. Nec qui debitum prodigo seruat eius inopix, vel hæredibus. Quidam tamen id non admittunt, dicentes illi omnino restituendum, & cuicunque abutenti rebus suis, modo sine proximi iniuria.

56. Nec qui cum dubitaret vtri duorum deberet, certus alteri eorum debere, dedit vtrique dimidium.

57. Nec qui in extrema necessitate sua & creditoris sibi retinuit. *Vide T. à Nauar. de Rest. l. 4. c. 4. n. 25. Tab. Rest. n. 5. Pedraz. præcep. 7. d. 38 Val. sup. id quod quidam extendunt etiam ad vxoris aut filiorum*

extre-

extremam necessitatem. *Salon q. 62. a. 5.*

58. Nec qui non posset læsum honorem aut famam restituere, non aliter compensavit: quidam tamen dicunt debere pecunia, aut alia re.

59. Nec qui pro iniuria aliter quàm veniam petendo satisfacit; aut, cùm sit illustris, satisfacit priuato à se infamato pecunia, aut alia re.

+ 60. Nec cui culpa veniali periit depositum, aut commodatum. *Sotol. 4. q. 7. a. 2. Tol. l. 5. c. 19. pro eadem sententia citat Molin. & Luesm.*

61. Possidens bona fide restituat ubi est, alioqui sic ut creditor damnum non patiatur. Usurarius tamen non tenetur suis expensis aut labore restituere. Nec commodans aut mutuans debet damnum pati in recuperatione commodati aut mutui.

+ 62. Qui non potest omnibus soluere, soluat primò quod in propria specie debetur, ut depositum, vel commodatum, vel acceptum titulo oneroso, ut venditione, & nondum solutum si extat. Secundò ijs quibus bona expressè hypothecata, & prius prioribus, priusque habentibus specialem hypothecam quàm ijs qui generalem. Tertiò doris debitum, vel fisci. Quartò habentibus hypothecam tacitam, & prius prioribus. Quintò depositoribus rei non extantibus. Sextò ceteris pro rata. Excusatur verò qui soluit prius petenti, aut valde indigenti. *Vide Ant. 2. p. 1. 2. c. 7. §. 3. Caet. Rest. c. 3. Ang. Rest. 2. §. 16. Nau. c. 17. n. 47. P. à Nau. l. 4. c. 5. & c. ult. n. 81. Modo, ait Valen. l. 3. disp. 5. q. 6. p. 10. reliqua sint paria. Lop. c. 111.*

+ 63. In debitis eiusdem ordinis, ceteris paribus soluenda priora. *Sylu. Rest. 6. §. 5. Salon q. 62. a. 8. P. à Nau. sup. n. 51. alioqui maiori damno prius occurrendum.*

64. Qui debet ex delicto, ut furto, simul & ex contractu licito, soluat prius debitum prius. *Vide D. Th. opusc. 76. c. 18. Med. Col. de Rest. q. 2. Ang. Rest. 2. §. 15. Usurarius tamen soluat prius debitum ex contractu quo*

quo non est pauperior factus, quàm vsuras priores; alioqui prius has, si ex contractu posteriori est factus pauperior.

REVELATIO.

I. **R**EVELATIONES probantur sapientiam iudicio, sanctitate eorum quibus factæ, veritate, & conformitate cum doctrina Catholica.

R. E. V. S., vide *Iudiciales actus*.

R. E. X., vide *Princeps*.

SACRA



SACRAMENTVM, vide Confessor.

1. SACRAMENTVM cum peccato mortali accipere, aut ministrare, mortale est: sufficit autem ad accipiendum attritio regulariter; ad ministrandum verò requiritur contritio, nisi quis baptizet in necessitate sine solemnitate, aut assistat ut Parochus matrimonio. Fortè etiam accipere matrimonij Sacramentum in peccato, non est tale peccatum.

2. Sacramenta accipienda à Pastore, quamdiu toleratur, etiamsi sciatur esse irregularis, aut suspensus, aut excommunicatus, modo non sit denunciatus, aut notorius Clerici percussor. Illum verò subdito petenti ministrando peccare quidam aiunt, alij negant.

3. In articulo mortis licet accipere Baptismum & Pœnitentiam etiam à nominatim excommunicato, etiam ab hæretico: & quouis tempore licet accipere ab eo qui non est denunciatus excommunicatus, aut notorius Clerici percussor, quoduis Sacramentum.

4. Sacramenta omnia potest quisque de Diœcesi accipere in Cathedrali. *Vide glo. de off. Arch'ep. cap. 3.*

5. In Pascha potest quis accipere Sacramenta in Parochia ubi tunc reperitur: imò quouis tempore potest Parochus ministrare peregrinis.

6. Cui generaliter committuntur omnia exercenda in Parochia, potest dare alteri Sacerdoti licentiam administrandi sacramenta.

7. Non debet Parochus aliquem priuare Sacramentis, nisi ob peccatum notorium.

8. Accipere

8. Accedenti ad Sacramentum cum gratia, augetur gratia, etiam si accedat cum peccato veniali, et si id quidam negant. +

9. In solo Baptismo & Confirmatione est de essentia formæ: In nomine Patris, & Filij, & Spiritus sancti.

10. Forma Sacramenti potest iterari, cum dubitatur an dicta sit. +

S A C R A .

1. **S A C R A** vestes pollutæ luxuria, iterum benedicendæ. +

2. Sacra vendita ad vsus profanos, prius dissolueda, sic vt formam amittant: quod si lapides sint & ligna diruta Ecclesiæ, possunt verti in vsum profanum de Episcopi licentia.

3. Sacra tangi à laicis sine contemptu, aut nullum peccatum est, aut leuissimum. +

4. Sacra vetustate consumpta, comburenda, & cinerese in Ecclesia reponendi: ligna tamen & lapides possunt seruire loco religioso honesto.

5. Sacra vasa & vestimenta habere enormiter immunda, mortale est, & ijs qui habent, & Prælati qui non prouident. +

6. Sacer dicitur locus, cum est benedictione deputatus ad officia diuina, aut sepulturam. +

S A C R I L E G I V M, vide *Luxuria*.

1. **S A C R I L E G I V M** est, cum fit iniuria rei sacra in eo ad quod est sanctificata, vt extrahere ex Ecclesia eius immunitate gaudentem, furari etiam Reliquias ex deuotione. Furari autem in Ecclesia rem non Ecclesiæ, quidam negant esse sacrilegium, alij melius affirmant. +

S A L A R I U M, vide *Debitum*.

S A N C T I, vide *Oratio, Reliquie*.

S A T I S F A C T I O P O E N I T E N T I A L I S,
vide *Confessio, Hora canonica, Missa*.

1. **A**D pœnitentiam iniunctam non tenetur, qui accipit indulgentiam plenariam: & qui accipit indulgentiam quadraginta dierum, liberatur à pœnitentia quadraginta dierum, nisi sit pœnitentia imposita ad medicinam, seu in peccati remedium. Quidam tamen aiunt, Papam non putandum velle per indulgentias liberare pœnitentijs iniunctis, nisi id exprimat.

2. Etsi accipienti indulgentiam plenariam potest dari Absolutio sine pœnitentia, expedit tamen aliquam semper imponere.

3. Non potest iniungi pro pœnitentia ingressus Religionis, potest autem iniungi frequentia Confessionis.

4. Tenetur pœnitens acceptare pœnitentiam rationabilem, & implere. *D. Th. 4. d. 17. q. 2. & 18. q. 1. Hal. 4. p. 9. 24. m. 4. a. 5. Sot. 4. d. 20. q. 2. a. 2. Ledes. 2. 4. q. 20. a. 3. & est communis.* etsi quidam aliter sentiunt.

5. Qui tamen acceptatam non implet, non videtur peccare mortaliter, si absit contemptus. *Caiet. 1. 1. opusc. tract. 6. q. 2. ad 2. & verbo Confessio, r. 1. & verbo Satisfactio.* etsi quidam contrarium putant.

6. Secundus Confessor potest à priori impositam pœnitentiam in aliam commutare, etiam si priora peccata non audiat, & etiam si prior fuisset Episcopus, aut Papa. *Vide glo. 27. q. 7. Tempora. Ledes. 2. 4. q. 20. a. 4. Nau. c. 26. n. 22.*

7. Potest quis à se impositam pœnitentiam ex causa
mi-

minuere, & Episcopus etiam extra Confessionem relaxare pœnitentiam à Parocho impositam. +

7. Possè satisfieri Deo per pœnitentiam factam in peccato mortali pro peccatis remissis; alij aiunt, *Med. Cod. de Satisf. q. de satisf. extra gratiam, Marsilius 4. q. 11. a. 3. Soto 4 d. 15. q. 1. Ma. ib.* alij negant. Illud certum, satisfieri tunc præcepto Confessoris pœnitentiam imponentis, nec esse opus de eo postea confiteri: & probabile illud, recedente peccato, valere illam pœnitentiam apud Deum; vt volunt quidam valere indulgentiam, recedente peccato in quo est accepta. +

8. Non expedit pœnitentiam publicam iniungere pro peccato occulto, ob periculum reuelatæ confessionis.

9. Cui iniuncta est eleemosyna, satisfacit dando etiam extrema patienti.

10. Potest quis satisfacere per alium de licentia Confessoris, etiam secundi: itemque cum non potest per se. An verò qui pro alio satisfacit, possit simul pro se satisfacere, alij aiunt, alij probabilius negant. +

11. Potest in pœnitentiam imponi opus aliàs debitum.

12. Illud Concil. Trid. *sess. 24. de imponenda pœnitentia publica scandaloso, Nauar.* intelligit in Foro exteriori, in quo etiam solo Canones Pœnitentiales vult locum habere. Nam in Foro interiori pœnitentia omnes relictæ arbitrio Confessoris. *Vide 26. q. 7. Tempora, & de pœnit. ac remis. cap. 7. & 8.* +

13. Confessor cum non parem peccatis pœnitentiam imponit, debet de eo pœnitentem monere.

14. Qui non fecit pœnitentiam tempore præscripto; debet facere alio. +

15. Etsi omne opus ex gratia profectum est satisfactorium, magis tamen cæteris paribus satisfacit cum

cùm poenale est ex se, vel ex parte complexionis poenitentis.

+ 16. In satisfactione quidam primo loco ponunt eleemosynam, secundo orationem, tertio ieiunium: quibus non assentior; nec enim minus posse existimo apud Deum ieiunium & orationem, quàm eleemosynam.

S C A N D A L V M, vide *Confessio*.

1. S C A N D A L V M est, re mala, vel speciem mali

+ habente, alteri dare peccandi mortaliter occasionem: quòd si id intendas, vel ex se res ad id inducat, mortale est.

2. Si scandalum oritur ex alterius malitia, non ideo omittendum opus licitum; si verò ex infirmitate vel ignorantia, differendum est, si differri sine peccato potest.

+ 3. Ob periculum scandali negligenda Prælato temporalia Ecclesiæ bona; præferenda enim pax.

4. Scandalizans alios, tenetur illis dare bonum exemplum.

5. Ob scandalum illorum qui te putant excommunicatum, debes Missam in festo non audire.

+ 6. Scandalizatus dicitur populus, cùm decem graves viri & honesti scandalizantur.

S C H I S M A, vide *Hæresis*.

1. S C H I S M A est, nolle obedire Papæ vt Christi Vicario, alijsque vt eius subditis communicare.

2. Schismaticus, vt & hæreticus, priuatur ipso iure omni potestate.

S C H O-

S C H O L A R I S , vide *Domicilium*.

S C R Y P V L V S , vide *Dubium*.

S E C R E T V M , vide *Iudiciales actus*.

1. S E C R E T V M reuelare licet , cùm est in alterius iniustum damnum , aut cùm nihil ex reuelatione damni est , nihilque ex occultatione utilitatis.

S E P V L T V R A , vide *Baptismus* , *Ecclesia* , *Hæresis* , *Simoniam*.

1. S E P V L T V R A M sibi eligere potest quisque Pubes: quòd si non elegit , sepeliendus Clericus in sua Ecclesia , peregrinus in Parochiali vel Cathedrali , vxor cum viro , spurius cum matre non illustri , naturalis cum patre non in dignitate constituto.

2. Sepultura non potest impediri prætextu debiti , aut vilius obligationis , at potest ex causa negari condemnatis ad mortem.

3. Sepultura sacra priuati Iure , nisi in morte dent signa contritionis , excommunicati ; vsurarij manifesti , nisi dent præter illa signa etiam cautionem ; morientes in peccato notorio , aut in duello ; interdicti Ecclesiæ ingressu ; fautores hæreticorum aut infidelium ; nominatim interdicti . Quòd si sint sepulti excommunicati denunciati , & exhumandi , & locus reconciliandus : quòd si sepultus ibi infidelis , etiam parietes radendi . Non ideo autem aliquis est exhumandus , quia à schismatico sit sepultus .

4. Ossa fidelis à sepultura perpetua non transferenda sine Episcopi licentia .

5. Episcopus ex causa potest in sepulcro vnus alium sepelire eo inuito .

6. R. S.

6. Repertus in puteo non ideo priuandus sepultura; non enim præsumitur se occidisse.

7. Ius sepulturæ non datur sine Episcopi consensu in Ecclesijs ei subiectis.

8. Abusum quidam dicunt esse, sepelire passim in Ecclesia. Olim quidem fideles in cimiterio sepeliebantur, solum excellentes quidam in Ecclesia.

9. Clerici non obligati alioqui ad officium sepulturæ, possunt pro eo aliquid accipere in sustentationem.

+ 10. Quartam debitam Parocho soluunt Religiosi solum de oblatis die sepulturæ.

11. Defuncti expensas faciunt hæredes, & vxoris nihil habentis vir, si illius pater non potest; filij pater, serui dominus. Quod si vxor dotem habet, de illa fiet: si autem eius dotem vir habet, & alter bona, faciet vt erque pro rata.

S E R V V S, vide Dominus.

+ 1. S E R V V S captus in bello, etiam iusto, potest fugere, etiam ab eo qui se emit, nisi promississet non fugere.

2. Captus bello, etiam Christianus, potest cum filiis in seruitutem redigi: vt nuper Granatenses in Hispania cum filiis puberibus serui facti sunt.

3. Redimens aliquem ab hostibus, accipiet pretium, vel quinquennij seruitutem.

4. Potest se quisque in seruum ex causa vendere, etiam infideli, sed cum pacto non deferendi fidem.

5. Ex libera natus, liber est, ex ancilla seruus, secundum Ius: quod quidam aiunt non seruari; ex libero enim patre natum, esse liberum.

6. Seruus fit liber simul ac habetur pro derelicto: vt si exponatur infans domino sciente, & non contradicente, aut à domino ager deferatur, aut ei negentur alimenta, aut ordinetur domino sciente, & non

non contradicente, aut si dominus sit hæreticus aut infidelis, & fugiat seruus ad Ecclesiam, aut si ancillam velit dominus violare, & illa fugiat, aut si illam habuit concubinam vsque ad mortem, cum posset ducere, & de ea nihil disposuit moriens.

7. Serui bona ludo, aut dono, aut hæreditate acquisita, non sunt domini.

8. Libertus debet patrono egenti alimenta: & decedenti sine liberis, succedit patronus ab intestato.

SIMONIA, vide *Beneficium*, *Pensio*, *Suspensio*.

1. **SIMONIA** est, dare spirituale, aut spirituali annexum, pro re æstimabili pecunia per modum pretij: vbi autem non est obligatio ciuilis, seu ex contractu, non est Simonia, etiamsi sit obligatio quædam naturalis: vt cum quis dicit se intendere, vel sperare, sed non obligare; vel seruire ob beneficium, sed non velut pretium seruitutis.

2. Non est Simonia, renunciare beneficium in fauorem alterius. Nec dare aliquid ad redimendam vexationem ab iniquè impediante vel electionem, vel possessionem. Nec accipere pro re non supernaturali, vt professione Theologiæ. Nec soluere ab aliquo promissum, aut solutum, ad Ordines pro re ignorante aut contradicente, aut si data est re nesciente, etsi in Foro exteriori id censetur Simonia, & potest in eo Episcopus dispensare, si non est Curatum, aut dignitas. Nec si pro tua iam electi confirmatione re ignorante data est pecunia. Nec si quis tuo nomine, vt beneficium perderes, pecuniam dedit pro eo. Nec sacra vendere ratione materiæ. Secus est si vendantur Reliquiæ. Nec locum sepultura honoratorem, aut pompam funeris non necessariam. Nec pacisci de sustentatione ingredientis Religionem.

N

aut

aut de soluendo certum quid ab ingrediente Confraternitatem. Nec si secularis vendat ius decimarum, sibi à Papa datum. Nec si concionator accipiat pro sustentatione, aut pro libris, aut Capellanus pro seruitio, aut Sacramentum ministraturus pro labore itineris, aut quis pro obligatione obeundi munus spirituale. Nec si quis det spirituale, quod non est beneficium, pro spirituali, vt Missam pro Missa. Nec si quid det ad obtinendam amicitiam, ex qua deinde consequatur beneficium. Nec si det beneficium non principaliter, sed secundariò, ob bonum temporale, aut cum pacto oneris ei annexi, vt docendi, aut cum pacto vt resignet quando habuerit aliud maius, aut vt remittat debitum iure inualidum, aut cum intentione etiam expressa, sed sine pacto tamen vt detur postea alteri. Nec si quid det pro expensis litis, non pro ipso beneficio. Nec si detur in permutationibus pecunia ad recompensationem fructuum pauperum, aut nullorum.

3. At Simonia est, dare alicui temporale quid, vt suadeat alteri vt det beneficium. Item dare patrono vt præsented. Item dare beneficium, vel facere pactum consentiendi in pensionem, si alter sibi beneficium impetret. Item permutare beneficia sine beneplacito Superioris illius, ad quem pertinet consentire. Item si Episcopus accipiat aliquid pro expeditione litterarum beneficij, secus si Notarius. Item resignare beneficium reseruando pensionem sine Papæ auctoritate. Item dare temporale pro actu potestatis spiritualis, vel pro amouendis impedimentis quæ possent apponi iuridicè. Item si electores inter se conueniant vt solum ex se ipsis eligant ad beneficia, electio est Simoniaca. Item vendere officium Oeconomi Ecclesiastici, aut Sacristæ, secundum quosdam.

4. Non reuelantes Simoniacos iam non incidunt in poenam vllam.

s. Bullæ

5. Bullæ contra confidentias intelligendæ de Simoniacis, scilicet ubi pactum saltem tacitum interuenit.

6. Pœnæ Simoniaci intelliguntur solum in Ordine aut beneficio. *Syl. Simonia, q. 9. Nau. c. 23. n. 111.* Non est autem beneficiû Vicariatus temporalis, nec pensio, nec ius patronatus. Oporteret autem completam esse Simoniam: si enim non est datum spirituale, aut temporale, non est locus pœnis, etiam si quis promissionem scripto confirmasset. *Syl. Simonia, q. 19. Nau. c. 23. n. 103. Couar. reg. Peccatum, 2. p. §. 8. n. 7.*

7. Renunciatione Simoniaca non perditur ius, aut titulus, quia est nulla; nec Simoniaca permutatione: itaque possunt beneficia resumî. *P. à Nau. de Rest. l. 2. c. 2. n. 436.*

8. Simonia mentalis non obligat ad restitutionem, ut obligat mentalis vsura.

9. Bulla Pij Quinti, qua adeptus officium aut beneficium Simoniacè, priuatur ipso iure, sitque inhabilis ad alia, intelligitur in Foro exteriori.

10. Collatio beneficij Simoniaca nulla est: danda verò pecunia Ecclesiæ in cuius iniuriam facta; vel pauperibus, secundum quosdam; secundum alios, ei à quo accepta est.

11. Fructus restituere tenetur ipse beneficiarius, non mediatores in Simonia: dandi verò operibus pijs, vel Ecclesiæ illi, aut successori: aiunt quidam tamen solere dari Papæ.

12. Simoniacus in Ordine est suspensus, non qui in beneficio, nec si aliquo ignorante aut contradicente in Ordine suo commissæ est Simonia. Tollitur verò Simoniaci occulti suspensio, per pœnitentiam; et manifesti, per Episcopum post pœnitentiam.

13. Simoniacus per ignorantiam non incurrit Excommunicationem.

SOCIETAS, vide *Hæreditas*.

1. **I**N societate qui plus ponit, plus debet habere lucri: qui autem posuit pecuniæ solum partis periculum subit, eius tantum debet habere lucrum; reliquum enim intelligitur mutuatum.

2. Societas in dubio intelligitur contracta secundum consuetudinem.

3. In pacto quod sit commune damnum capitalis, intelligitur quod etiam lucrum sit commune: itaque quod superest capitalis, in fine inter utrumque diuidendum.

4. Damnum ponentis operas debet esse commune, si societas fuit eius causa propinqua, ut est lucrum, cuius societas causa: debent etiam expensæ de corpore societatis fieri eius causa proficiscenti.

5. Dissoluta societate, (dissoluitur autem vnus socij morte, aut perdito capitali ferè toto) nisi aliud sit conuentum, reddito capitali ei qui posuit, solutisque debitis factis ab aliquo nomine societatis, lucrum pro rata diuidendum.

6. Societates officiorum Romæ solitæ fieri, non possunt fieri ultra valorem officiorum. *Ex Tit. Quarto.*

SODOMIA, vide *Luxuria*.

SORTES.

+ 1. **S**ORTES ex causa licent in temporalibus electionibus, non in Ecclesiasticis.

2. In necessitate licet Dei auxilium per sortem reuerenter implorare.

S P O N

SPONSALIA, vide *Iuramentum*, *Matrimonium*, *Pana*.

AETAS ad sponsalia septem anni in utroque ferè completi, (alioqui non oritur impedimentum publicæ honestatis) nisi antea adesset eis usus rationis, etsi quidam negent id sufficere. Antè verò celebrata, conualescunt postea tacito consensu. Quòd si maior septennio contrahat cum minori septennio, tenetur non quidem vi sponsalium, sed promissionis.

Sponsalia secunda, etiam iurata, non valent, si prima non sunt legitimè dissoluta.

Qui sponsalia iurarunt, solent ab Episcopis cogi ad contrahendum, imò qui solum promiserunt, & merito; tenentur enim sub peccato mortali.

Sponsalia non fiunt sola promissione sponsalium, nisi aliud sit in intentione, aut consuetudine; nec ante aduentum positæ conditionis.

Ad sponsalia requiritur utriusque promissio, nec sufficit alterum acceptare alterius promissionem, nisi intendat etiam se obligare.

Dicere, Contraham tecum, si Papa dispensauerit, nec facit sponsalia, nec obligationem post dispensationem contrahendi, secundum quosdam; alij enim id negant: & qui promisit dispensationem petere, teneri petere, alij aiunt, alij negant, utrique probabiliter.

Sponsalia cum hæretico nulla sunt; cum infideli verò, cum conditione ut conuertatur, tenent, posita conditione.

Dicere, Non aliam ducam quàm te, non facit sponsalia: tenetur tamen ducere, si sic decipiens, violauit virginem.

Sponsalia facta à parentibus pro filijs, non valent, nisi hi ratificent.

N 3

Quidam

Quidam mortale putant desponsari clandestinè, quod ego non ausim affirmare.

Quidam putant sponsalia metu inuvalidante matrimonium iurata, valida esse: ego non puto.

Arrha data in sponsalibus, soluto matrimonio, reddenda ei qui dedit.

+ Sponsalia soluuntur, primò, vtriusque consensu, etiam si fuissent iurata. Quòd si ante septennium contracta, in septennio possunt dissentire.

2. Alterius ingressu in Religionem, vel ordinatione in sacris, etiam si fuissent iurata: nec soluitur tunc pœna arrharum.

+ 3. Altero contrahente matrimonium, vel absente, & non redeunte tempore à Iudice præfixo, etiam si fuissent iurata. Item si sine sponsæ licentia recessit, & non speratur citò rediturus. Potest & Iudex ob periculum incontinentiæ dare licentiā contrahendi: nec incurritur pœna arrharum, cum contrahitur auctoritate Superioris.

+ 4. Si fama est quòd sit impedimentum canonicum inter eos.

5. Si alter ad pubertatem veniens dissentiat. Quòd si iurarat, potest petere Absolutionem à iuramento statim in pubertate.

6. Si, cum essent facta cum conditione contrahendi certo tempore, alter fidem violauit.

+ 7. Altero incidente in paralytim, aut morbum contagiosum, aut hæresim, aut fornicationem, etiam per vim, aut grandem deformitatem: talia enim intelliguntur excepta in generali obligatione contrahendi.

8. Si alter fecerat votum castitatis ante sponsalia, etiam iurata, aut post ea, Religionis, aut Ordinis sacri suscipiendi, aut castitatis. Quidam tamen negant post sponsalia, etiam non iurata, valere votum castitatis; nec posse talem ordinari; imò si sponsam violauit, non posse ingredi Religionem: quæ mihi pro-

probabilia videntur : tamen alter liberatus est obligatione, quia alter vouendo recessit.

9. Superueniente inter eos capitali inimicitia. +

10. Non impleta promissione aut conditione honesta, & possibili, aut amissa dote expectata.

11. Comperto postea alterum esse aspero ingenio. +

12. Succedente aliquo, quod si praecessisset, non fuissent contracta. +

In praedictis si causa est manifesta, aut sponsalia clandestina, non requiritur auctoritas Iudicis. +

STABVLARIVS, vide *Culpa*.

1. STABVLARIVS potest cogi per Iudicem ad recipiendum hospitem.

2. Tenetur pro damno dato in rebus à suo famulo, non autem pro vulnere.

3. Tenetur pro deposito perduto etiam culpa leuissima, secundum quosdam; at secundum alios solum de leui. Vide *CULPA*. Idemque censendum de Nauclero & Caupone. Depositum autem censetur, quod in eius vel domesticorum ad id deputatorum praesentia ponitur. Qui verò deposuit rem clausam, probabit quid fuerit intus, nec stabitur eius iuramento. Quòd si recepit hospitio sine mercede, solum tenetur de dolo & lata culpa; & si dedit clauem cubiculi, non tenetur.

STATVTVM, vide *Lex*.

SUBIECTIO, vide *Dominus, Seruus*.

SUFFRAGIUM, vide *Indulgentia*.

N 4

S V P E

SUPERIOR, vide *Dominus, Prælatus*.

1. **SUPERIOR** ubique potest capere subditum, scilicet Prælatus Religiosum, dominus servum, vir uxorem.

S V S P E N S I O, vide *Absolutio, Censura, Episcopus*.

1. **S V S P E N S V S** ab officio, non ideo est à beneficio; nec suspensus à maiori Ordine, ideo est à minori; nec suspensus ab administratione, ideo est ab Ordine.

2. Suspensus absolutè, intelligitur ab Officio Ordinum, & beneficio, non autem ab auditione divinorum, aut sepultura.

3. Suspensus ab officio, intelligitur & Ordinis, & iurisdictionis: potest tamen dare licentiam audiendi Confessiones.

4. Suspensus per non habentem iurisdictionem Ecclesiasticam exteriorē, non est propriè suspensus, sed prohibitus: itemque si quis solo verbo suspendatur, & non scripto: item si ab officio non propriè Ecclesiastico.

5. Suspensionem ob contumaciam debet præcedere monitio, secus si ob culpam præteritam.

6. Si Iudex suspendat à iure suspensum, non est nova suspensio, sed sola Iuris.

7. Suspensus à beneficio, intelligitur à fructuum perceptione: opus est autē executione per Iudicem.

8. Suspensus ab vno, potest exercere aliud non connexum: & Episcopus suspensus à Pontificali officio, potest Missam celebrare etiam cum Pontificalibus.

9. Suspensus ab Ordine Episcopali, non ideo est à iurisdictione.

10. Suspensus ab ingressu Ecclesie, solū prohibetur

cur

tur in ea celebrare, & interesse diuinis officijs : itaque potest in ea orare, & recipere Sacramenta, & exercere iurisdictionem, & sepeliri decedens cum signis poenitentię, & extrà celebrare, scilicet in loco non designato per Episcopum in perpetuum ad celebrandum.

11. Suspendio post legitimam appellationem est nulla, vt Excommunicatio, & interdictum.

12. Suspendio à fructibus potest impediri per sequentem appellationem : imò, secundum quosdam, omnis suspendio, nisi sit à diuino officio, aut ingressu Ecclesię, per appellationem sequentem suspenditur.

13. Suspendo Capitulo, vel Conuentu, non censentur singuli suspensi, nisi sint in culpa.

14. Beneficium collatum à Capitulo suspendo, & non denunciato, tenet.

15. Nullo iure prohibetur quis vitare suspensos & denunciatos in diuinis : quidam tamen dicunt mortale esse, cum suspendo à diuinis, & denunciato, in eis communicare.

16. Communiter suspendere potest, qui excommunicare: quæ verò crimina digna suspensione, ipse iudicabit.

17. Posita suspendio vsque ad certum tempus, per se tollitur.

18. Suspendio, vel interdictum, si feratur in participantes cum excommunicato, non præmissa monitione canonica, non valet. *Vide de sententia Excommunic. lib. 6. cap. 13.*

19. Habens Episcopalem auctoritatem, potest absoluerè à suspensione non reseruata; & communiter Religiosi ex priuilegijs possunt absoluerè ab omni suspensione in Foro conscientię, si ob peccatum sit posita; & regulariter potest Episcopus ab omni iuris suspensione, & etiam statuti Synodalis à Papa confirmati.

+ 20. Qui certus est se non peccasse, non incidit in suspensionem: nunquam enim imponitur ab homine sine culpa, saltem veniali; nec à iure, aut ab homine, ob contumaciam, nisi ob mortalem.

+ 21. Suspendio in totum & perpetua ab officio & beneficio, est potius depositio.

S V S P E N S I I P S O I V R E.

1. **C**LERICVS in sacris notorius fornicarius, vsque dum poeniteat: quamquam videtur hæc suspensio consuetudine sublata; certè non est in usu.

+ 2. Ordinatus in sacris sine ætate legitima, aut dimissorijs, aut extra tempora, est suspensus ab executione Ordinũ, nisi fecisset absque dolo: & si Ordine utatur, nõ quidem quãdo ab Episcopo ordinatur, sed post, (tunc enim solũ incurritur suspensio) sit irregularis, nisi absit contẽptus; requiritur enim præsumptio.

+ 3. Excommunicans, suspendens, aut interdictus, sine scriptura & causæ expressiõne, est suspensus per mensem ab ingressu Ecclesiæ. Excipe Prælatum regularem hæc agentem cum suis. *Vide de sent. Excom. lib. 6. cap. 1.* Idemque dic de excommunicante sine monitione canonica.

+ 4. Sacerdos qui sine legitima licentia matrimonio coniungit, aut benedicit, est suspensus ab Ordine, donec ab Episcopo Parochi illius absoluator. *Ex Trid.*

+ 5. Ordinatus scienter à Simoniacò denunciato.

6. Religiosus habens administrationem, si alienat illegitimè, est suspensus ab officio.

7. Ordinatus ab excommunicato, suspensò, aut interdicto denunciatis: quòd si ignoranter factum, dispensat Episcopus.

9. Ordinatus Simoniacè, est suspensus ab Ordinibus, (sed excusatur ignorasse, aut contradixisse) itemque ordinans.

9. Ordinatus in irregularitate, est suspensus, solusque Papa dispensat.

10. Or-

10. Ordinans aliquem sine beneficio, aut patrimonio sufficienti, est suspensus à collatione talium Ordinum per annum. *Ex Trid.* Ipse autē ordinatus non est suspēsus. *Ex Cong. Conc.* Debet autem illum Episcopus, qui scienter fecit, alere, *secundum Navar. & alios.*

11. Ordinans non subditum, etiam ad primam tonsuram, sine licentia proprii Episcopi, est suspensus à Pontificalibus per annum, ordinatus verò ab Ordine vsque ad beneplacitum Prælati. *Ex Trid.*

12. Ordinans inuitum, est suspensus per annum à celebratione Missæ.

13. Conferens tonsuram illitterato, suspensus est per annum à collatione tonsuræ, secundum quosdam: quod non puto esse in usu.

14. Ordinatus per saltum, est suspensus ab Ordine suscepto: quod si non ministravit, Episcopus dispensat. *Ex Trid.* Est tamen, priusquam utatur, suscipiendus Ordo omissus. Quod si ignoranter ministravit, dispensat Episcopus etiam ut ascendat; si scienter, solum ut accepto utatur.

15. Qui visitans exigit pecuniam, vel munera, vel à non visitatis procuracionem, si Episcopus, suspensus ab ingressu Ecclesiæ; si inferior, ab officio & beneficio; vsque dum restituat duplum. Quod si absolvatur à potente absolvere, non tenetur ad duplum.

16. Præsumens in concione populari, aut ubi est virorum & mulierum multitudo, de conceptione B. Mariæ in alterutram partem disputare, asserendo propriam sententiam rationibus, aut auctoritatibus, & contrariam refellendo, aut vulgari sermone scribete, aut dictare, est suspensus à divinis, si est in sacris, & priuatus omni gradu dignitatis, & ad similem inhabilis; solusque Papa dispēsat. *Ex Pio Quinto.* Nota quod requiritur præsumptio, adeoque dolus.

17. Religiosi præsumentes in domos suas forminas admittere, suspēsi à divinis, & ad officia inhabiles. *Ex Pio Quinto.*

18. Exemptus admittens ad diuina nominatim **ex-**
communicatum, vel interdictum, est suspensus ab
ingressu Ecclesie, vsque dum satisfaciat. *Vide cap.*
Episcoporum, de priuil. lib. 6.

19. Suscipiens duos Ordines sacros eodem die, est
suspensus a posteriori, & solus Papa dispensat.

20. Ordinatus illegitimè post matrimonium ratum,
est suspensus ab Ordine, officio, & beneficio, si ma-
net in seculo.

SUSPICIO, vide *Iudicium temerarium.*

TABELL.



TABELLIO, vide *Iudiciales actus*.

TEMPVS.

1. **T**EMPVS longum dicitur decem annorum, longissimum triginta.
2. Tempus statutum à iure ad aliquid, in dubio oportet sit continuum.

TESTAMENTVM, vide *Clericus, Donatio, Fiscus, Hereditas*.

1. **T**ESTARI non potest Religiosus professus, nec filius-familias, nisi de peculio castrensi, aut quasi castrensi, non autem de aduentitio sine patris consensu, nisi sit Clericus, etiam solùm primæ tonsuræ: in eo enim aduentitium est quasi castrense. Nec pupillus, nisi doli capax, & confirmans iuramento; nec bello iusto captiuus, nec obses apud infideles, nec ad mortem præsens damnatus, nec deportatus, nisi ad pias causas, possunt. Nec manifestus vsurarius, nisi præstita cautione: sed eius ad pias causas valebunt legata, si decessit pœnitens. Nec vxor, nisi ad pias causas, si sit statutum quòd non possit testari sine consensu viri: quamquam tale statutum communiter reprobatur; nec enim statuto aut consuetudine prohiberi potest, ne quis testetur sine alterius consensu. Nec damnatus ad perpetuum carcerem. Nec cæcus sine octo testibus. *Vide infra*.

2. Bona per testamentum prohibita alienari, non confiscantur ob delictum.

3. Relicta in testamento minùs solemni, licitè possidentur, etiamsi solis verbis factum sit; sufficit enim constare de voluntate testatoris: non tamen ea

tenetur dare hæres ab intestato, etsi quidam putant teneri.

+ 4. Testamentum, & omnis vltima dispositio ad pias causas, valet sine solemnitate iuris, & sine institutione hæredis, & valet quantum ad legata pia; imò secundum quosdam etiam non pia: sufficiuntque in eo duo testes, etiam non rogati, etiam fœminæ, vel scriptura ipsius testatoris.

+ 5. Per secundum testamentum non solemne ad pias causas, renocatur prius solemne ad pias causas.

+ 6. Testamentum nuncupatium fit sola voce, nominando hæredem, coram septem testibus rogatis.

7. Commodè fit testamentum, scribendo quodvis, & clausum dando iudici coram septem testibus signandum, testando illam esse tuam vltimam voluntatem.

8. In testamento parentum, etiam ex eorum, inter liberos & horum descendentes, etiam per fœminam sufficit declarare suam voluntatem coram duobus testibus, etiam non rogatis, etiam fœminis.

9. In testamento quouis apertè scripto sufficiunt quinque testes, vel tres cum Notario.

10. Matris testamentum inter filios naturales & spurios minùs solemne, valet.

11. Patris testamentum inter liberos, ab eo solo scriptum aut subscriptum, valet, etiam quoad pia legata.

12. In testamento, cum difficile est habere septem testes, sufficiunt quinque: item si fiat ab habitante communiter rure.

13. Sufficit testari coram Principe, aut Iudice, & duobus testibus.

14. Sufficiunt duo testes, si coram eis hæres promissit testatori se eius voluntatem seruaturum.

15. Testa-

15. Testamentum coram Curato & duobus testibus valere vbique, quidam aiunt, alij solum in terris Ecclesiæ subiectis, & rebus Fori Ecclesiastici, & ad pias causas: sufficiunt verò testes etiam fœminæ, modò puberes, & pro Curato duo testes. Idemque quidam censent de Clerici vel nouitij testamento, etsi alij negent. *Vide infra.*

16. Testamentum minùs solemne valet vt codicillus, si habet requisita ad codicillum, & testator dixit se velle vt valeret meliori modo quo posset: quod omnes, etiamsi non dicant, communiter volunt. +

17. Ad codicillum sufficiunt quinque testes, etiam non rogati, etiam fœminæ: (quod si sit inter liberos, aut militis in bello, sufficiunt duo) in codicillo tamen caci, sicut in testamento, requiruntur septem testes, cum Tabellione, vel aliquo eius loco

18. Codicillus valet etiam factus ante testamentum, nisi id repugnet.

19. Testamentum non potest fieri solo nutu, nisi sit militis, aut ad pias causas: at donatio causa mortis, & legatum, & fideicommissum potest.

20. Clericus potest testari, secundum quosdam, vt miles in bello, scilicet cum duobus testibus rogatis, etiam fœminis: quidam tamen negant.

21. Ingressus Religionem potest testari sine Iuris solemnitate, secundum quosdam; etsi alij negent.

22. Non potest in testamento testis esse seruus, nec hæres, aut is in cuius iste est potestate, vt pater, aut auus; nec filius, nec incapax testamenti testatoris, vt spurius; nec hereticus, nec intestabilis Iure, &c. nec fœmina, nisi in quibusdam casibus, vt tempore pestis. *Vide supra, & F O E M I N A.* At Legatarius, & Commissarius, & Tabellio possunt.

23. Statutum disponens circa testamenta, comprehendit etiam forenses ibi testantes, & bonæ, ubicunque existant.

24. Stat.

+ 24. Statutum quòd non valeat vltima voluntas nisi registrata, non habet locum ad pias causas.

25. Testamentum est nullum, si non instituantur descendentes, aut, his deficientibus, ascendentes, nisi reddatur causa cur non instituantur, (legata tamen & fideicommissa valent) aut sit testamentum militis, aut Clerici, aut Religionem ingressi.

+ 26. Exheredari vel præteriri in testamento potest filius, si vult, modò non sit in præiudicium filiorum eius: si tamen est minor, & notabiliter læditur, conceditur restitutio. item ob ingratitudinem, nisi cum patre in gratiam rediisset, aut pœnituiisset ante conditum testamentum, aut esset Religionem ingressus.

27. Filius institutus in minori parte legitima, potest petere eius supplementum. Potest quidem pater inæqualiter filijs bona relinquere, sed non priuare legitimam.

28. Testator potest iubere vt hæredes ad tempus maneant in communitate bonorum, sed non vt semper.

+ 29. Filijs naturalibus potest pater in testamento vnciam relinquere, id est, duodecimam partem bonorum, simul cum matre; & deficientibus legitimis descendentes, vel his sine fraude consentientibus, illos hæredes instituere, relicta tamen legitima ad ascendentes. At spurio nihil potest à patre in testamento relinqui, secundùm Ius Ciuile, (at secundùm Canonicum potest illi alimenta relinquere, & filix dotem, si egent) sed exëcutor testamenti potest ei aliquid dare. Spurius tamen filius legitimus vel naturalis potest ab auo institui.

30. Testamentum fratris rumpit frater & soror ex eodem patre, si ille instituit infamem, nisi instituat in aliqua solùm parte, aut illi in eum fuissent ingrati.

31. Si quis dixerit in testamento, vt fiat quod dixerit Confessor, tantum huic credendum, quantum verisimile

Simile est testatorem ei mandasse.

32. In dubio credendum est testatorem id voluisse, quod, si adesset, interrogatus dixisset.

33. Testamento potest derogare ob vtilitatem publicam Papa, & supremus loci Princeps. Potest & Episcopus cum consensu executorum conuertere in maiorem publicam necessitatem, quod in minore erat relictum; item quod non potest commodè fieri, in aliud conuertere.

34. Qui iurauit non reuocare testamentum, si reuocet, esse periurum, quidam aiunt, alij negant: illud certum, valere reuocationem.

35. Si quis vi aut errore disposuit, voluitque nihilominus ita fieri, valet dispositio.

36. Non dicitur disposuisse, qui voluit disponere, sed fuit impeditus.

37. Condicio in testamento, Si non nupserit, in ea quæ nunquam nupsit; item, Si non intrabit in Religionem; habetur pro non adiecta.

38. Professio Religionis non rumpit testamentum prius factum.

39. Publicatio testamenti laici non facti causa pietatis, debet fieri apud Iudicem secularem, etiam si Clericus instituatur hæres.

40. Ille cuius arbitrio relictæ bona distribuenda, debet dare pijs operibus.

41. Prohibitio testatoris ne Episcopus aut Iudex executorem compellat, aut ne iura habeant locum in suo testamento, non valet.

42. Capitulum Sede vacante potest compellere executorem: & si negligat, exequi testamentum.

43. Notabilis mora in executione testamenti est mortalis.

44. Executor testamenti potest esse qui excedit decimum septimum annum, modò non sit aut Franciscanus, (prohibitum enim ei iure) aut mutus, aut surdus, aut prodigus.

45. Prius

45. Præmium relictum duobus executoribus, & unus non vult exequi, habebit alter.

+ 46. Duorum executorum altero mortuo, vel nolente, vel longè absente, alter exequetur.

+ 47. Cum dicitur intra tantum tempus à morte defuncti aliquid faciendum, intelligitur à die scientiæ, & aditæ hæreditatis, secundum quosdam.

+ 48. Officium executoris non transit ad hæredem, nisi fortè re non integra; sed ad successorem Prælati transit, si est data executio nomine dignitatis, & non personæ.

49. Potest Episcopus & Iudex subditum compellere exequi testamentum.

TESTIS, vide *Fœmina*, *Iudiciales actus*.

+ 1. **T**ESTIS vni in re magni momenti, si est fide dignus, potes quidem credere, sed non teneris. Aliquando tamen vnus testis probat, vt cum nulli sit præiudicium, vt quòd quis sit baptizatus, quòd Ecclesia consecrata; vel cum impediendum peccatum, vt matrimonij illiciti; vel de consensu partium; vel cum quis dicit se confessum, vel Confessor pœnitentem esse emendatum, &c.

2. Nulli testi in iudicio creditur non iurato, creditur autem duobus contra quemcunque.

3. Duo testes supplent vicem vnius, quantacunque auctoritatis.

+ 4. Testis regulariter non potest esse seruus, mulier in criminalibus præter Simoniam, aut testamentis, impubes, minor viginti annis in criminalibus, infamis, infidelis contra fidelem, nisi in hæresis crimine, cognatus ascendens vel descendens per lineam rectam, familiarisve actoris, inimicus, amicus, laicus in crimine contra Clericum, socius criminis, persecutus in crimine, ignotus.

5. Te-

5. Testes singulares deponentes super diuersis factis, regulariter non probant.

6. Cùm testes sunt pares, fauendum reo, nisi in matrimonio, libertate, dote, testamento, &c.

T H E S A U R V S.

1. **T**H E S A U R V S est pecunia deposita à tempore immemorabili, estque reperientis. Quòd si in loco alieno reperit casu, dimidium dabit domino loci: quòd si duo sint domini, vt cùm alter est propriarius, alter vtiles, inter illos diuidet illud dimidiũ, & si ager est dotalis, vxori dabitur, nõ viro: si autem de industria reperit, si quidẽ domino cõsentiente, totum habebit; quòd si illo ignorante aut contradicente, totum ei dabit: quòd si duorum dominorum alter reperit, dabit alteri dimidium, seu potius dimidium dimidij: nam vt reperor, habet dimidium; & vt dominus, dimidij alterius dimidium.

2. Principem nihil posse exigere à reperiente thesaurum in loco non Principis, nec de eo consuetudinem vllam valere, quidam aiunt, alij negant.

3. Licitè emis domum vbi scis esse thesaurum, nec ideo debes augere eius pretium.

4. Quæ dominum non habent, aut pro derelictis habentur, vt cùm dominus non amplius querit, sunt occupantis: imò quod quis reperit, nec potest reperire dominum, potest, secundum quosdam, sibi retinere: nec leges in talibus applicantes rem Principi, obligant ante sententiam.

T O R N E A M E N T V M.

1. **M**O R T V V S in torneamento, vel hastiludio, quòd venerat causa pugnandi, etiam si poxni-reat, priuatur Ecclesiastica sepultura, si tamen erant illa illicita: nam cùm sic fiunt, vt non sit probabile mortis periculum, licent.

T R A N S.

TRANSACTION.

NON potest Prelatus transigere in causis Ecclesie sine Capituli consensu.

TRIBUTVM, vide *Gabella*.

TUTOR, vide *Curator*.

TYRANNVS.

1. **A**D tyrannum gubernantem licet recurrere pro iustitia, si aliunde non possit haberi.

2. Tyrannicè gubernans iustè acquisitum dominium, non potest spoliari sine publico iudicio; lata verò sententia, potest quisque fieri executor: potest autem deponi à populo, etiam qui iuravit ei obedientiam perpetuam, si monitus non vult corrigi. At occupantem tyrannicè potestatem, quisque de populo potest occidere, si aliud non sit remedium; est enim publicus hostis.

YANA



VANA GLORIA, vide Honor.

1. **G**LORIAM & famam ob finem bonum optare quantum quisque meretur, licet.
2. Vanæ gloriæ causa præcipuè prædicare, aut Mis-
sam celebrare, peccatum esse mortale, quidam
aiunt, alij negant.

VENATIO.

1. **C**APTA in alieno laqueo, aut reti, esse capien-
tis, quidam dicunt, ego cum alijs nego. Po-
test quidem avis & fera in loco alieno capi, & est ca-
pientis, etiamsi dominus loci aditum prohibuisset,
& ius venandi alij locasset, nisi locus esset clausus,
domini feras (vt fit) includens.
2. Fera est capientis, si persequi desinat qui illam
vulneravit.
3. Fera facta domestica, si bis fugiat, & de more
non redeat, est capientis; imò simul ac fugit, nec do-
minus sic persequitur, vt possit capere.
4. Quòd quidam domini prohibent venationem
aut piscationem in loco publico, quidam condem-
nant, alij excusant, vel consuetudine, vel populi con-
sensu. Illud certum, non licitè prohiberi quemquam,
ne agro suo, etiam occidendo, si opus sit, pellat va-
stantem feram; datur enim damnum inuito domi-
no: nec licitè, vt fit, puniri, qui contra prohibitio-
nem venantur, mutilatione, aut flagellis.

VENDITIO, vide Emptio, Officia.

1. **C**VM quis pro emptâ re plus iusto dat, sine vi,
metu, aut errore, præsumitur donare.
2. Do-

- + 2. Doctiores licitè vendunt carius operam.
3. Potest quis rem vendere carius, quia tantum sibi valet ob utilitatē quam inde capit : item ob damnum quod patitur vendendo : item ob periculum non recuperandi pretium.
4. Cum venditur res quotidie fructificans, vt domus, aut ager, si nihil est expresse conuentum, fructus vsque ad tempus rei tradita sunt venditoris, reliqui emptoris: at in alijs, vt vinea & oliueto, omnes fructus nondum collecti, sunt emptoris; itemque pensio quam pro ijs alius fortè soluit, vt qui conduxit.
- + 6. Illicitum est priuilegium, vt quis solus vendat cum populi damno, secus si detur ex causa iusta, non grauatis emptoribus.
- + 6. Donatum à fure bona fide vendens, tenetur pretium dare domino rei, quia in eo factus est locupletior.
- + 7. Potest quis ad tempus dilata solutione carius vendere certum mercium genus, ob lucrum cessans, & ob laborem probabiliter subeundum in recuperando pretium, vel expensas in eo faciendas, etiamsi postea nullus labor accidat, aut expensæ: item cum dubium est an tempore solutionis sit res plus aut minus valitura: quidam tamen id solū admittunt cum eò vsque rem erat seruaturus.
8. Iustum pretium venditi sub hasta, scilicet plus danti, quidam putant quod non excedit dimidium iusti, in plus aut minus.
9. Quod aurifices quam vocant ligam simul cum argento ponderant, & pro argento vendunt, non videtur condemnandum, modò multam non addant in fraudem.
10. Omnes vendentes, etiam Clerici, tenentur ad pretium legitimè taxatum.
11. Si pluris vendidisti quàm rei dominus constituerat, teneris ei totum reddere, nisi tacitè donauerit.

rit, vel opera tua illud quod amplius est meruerit, vel industria partum sit. +

12. Vendens agrum, etiamsi tradat emptori, potest recipere fructus pro rata nondum soluti pretij, etiamsi antea eius fuisset intentio ut emptor fructus reciperet; id enim censendus ex ignorantia intendisse, putans deberi.

13. Vendere se quis potest, etiam vxore inuita, ob grandem necessitatem. +

14. Cum non est taxatum pretium rebus ad vitam non necessarijs, ut aureis, aut argenteis, aut margaritis, & rebus eiusmodi, potest accipi quantum emens sciens & prudens dat.

15. In venditione quæ vulgò dicitur *Lotto*, cum scilicet multa venduntur innumeris, qui syngraphas dant cum paruo pretio, non possunt res omnes plus vendi quàm valent ipsæ, & opera ministrorum quibus soluendum: potest tamen de licentia Principis aliquid amplius accipi, dandum pauperibus.

16. In pacto de dando pretio corrente aliquo die, si varietur, dabitur medium; si autem corrente septimana aut mense, dabitur diutius durans. +

17. Venditorum per præconem, vel proxenetam, pretium est, quod reperitur absque fraude, & proxenetæ negligentia. +

18. Non licet carius vendere hospitibus, quàm indigenis.

19. Illicitum videtur quibusdam vendere ius hospitandi, cum privilegio ne alij hospitentur.

20. Quod parum est, consentur emptor & venditor condonare inuicem.

21. Si vendis pro decem, quod creditur valiturum solum quinque quando trades, etiamsi illo tempore valeat quindecim, teneris, secundum quosdam, restituere quinque.

22. Non tenetur vendens prodere defectum rei manifestum, etiamsi emptor non aduertat; nec occultum. +

tum,

tum, unde nullum emptori damnum accidit: nunc perniciosum est quarenti emptori mentiri: netur autem, si res est inutilis ad id quod ille vult, monere.

23. Dubitans rem esse furtiuam, debet id emptori indicare: quod si sciens rem perituram emptori cecidit, tenetur.

24. Vendere rem qua quis potest bene uti, etiam si scias male usurum, non est mortale; ut arma tempore belli iniusti, vel coenam die ieiunij, modò non credas illum emere ad nocendum alteri vel sibi corporaliter.

25. Agrum aut domum loci sacri constructioni necessariam, aut amplificationi, vel utilem, paruo domini detrimento, potest Iudex cogere vendi: quod si non est necessaria, sed utilis tantum, potest cogere Princeps: potest item cum expedit aliquid ad bonum publicum emi.

26. Venditum perit venditori ante degustationem necessariam, aut mensurationem; itemque si est in mora aut culpa, aut causa interitus: alioqui perit emptori, etiam si non sit tradita.

27. Si quis ex centum dolijs decem vendit indefinitè, & pereant omnia, pereunt & sua emptori: quod si maneant decem, erunt emptoris: sic si vendit de duobus vnum indefinitè, si pereat vnum, quod reliquum est, dabitur emptori.

28. Notarius faciens instrumentum ubi aliquis fraudatur citra dimidium iusti pretij, non tenetur restituere; non enim dat damni causam.

29. In venditione celebrata cum Ecclesia, sed per eius Procuratorem, non transfertur dominium ante traditionem, secundum quosdam: nec, si executor testamenti vendat rem non presenti pecunia, transfert dominium; quod ego intelligo in Foro exteriori.

30. Venditio cum conditione, ante eam impletam non obligat.

V E R B A.

VERBA.

1. **V**ERBUM iocosum dictum causa recreationis, non est peccatum. *Vide D. Th. 2. d. 9.* +
4. d. 9.

VERBERA.

1. **V**ERBERARE possunt parentes, domini, & pedagogi per se vel per alium; & Religiosum incorrigibilem Prælatus, etiam per laicum.
2. Prælatus potest etiam Sacerdotem verberare, & fortè etiam præceptor, ut si sit talis alicubi consuetudo; & vir uxorem graui de causa.
3. Episcopo non licet manibus suis verberare.

VESTIS, vide *Sacra*.

1. **V**ESTIS religiosa maris aut foeminae uti seculari rem ludi causa, non est mortale.
2. Uti veste alterius sexus ob vanitatem, veniale est; ob iustam verò causam licitum: quamquam August. 2. *Soliloq.* dubitat an vnquam liceat viro uti veste foemineæ.

VICARIUS, vide *Confessor*.

1. **V**ICARIUS Episcopi non potest esse laicus, nec Clericus coniugatus, oportet verò habere Ordines minores.
2. Vicarius generalis dicitur Ordinarius, potest quædare dimissorias, & potestatem absolucendi à reſeruatatis.
3. Vicarius Episcopi eo mortuo cessat, (nisi à Capitulo confirmetur) gesta tamen per eum ante mortis notitiam, valent.

4. Vicarius electus à Collegio, perseverat mortuo Prælato.

5. Excommunicato aliquo, cessat officium eius Vicarij, secundum quosdam; nisi habeat auctoritatem à iure, ut Vicarius Abbatis, vel Prioris.

6. Vicariatus perpetuus est beneficium.

7. Vicarius perpetuus potest ex causa urgente fieri ab Episcopo inuitis Rectore & patrono: debet autem esse viginti-quinque annorum, & fieri intra annum Sacerdos, alioqui priuatus est ipso facto: quod si accipiat aliam Ecclesiam cum cura, perdit Vicariatum,

8. Vicarius perpetuus potest facere Vicarium ad tempus, seu temporalem.

9. Vicarius temporalis potest facere Vicarium, si sit consuetudo, aut habeat speciale mandatum, aut non possit totum implere, & partem committat.

VIDVA.

1. **V**IDVA non dicitur, quæ non est à viro cognita.

VIRGINITAS.

1. **V**IRGINITAS amittitur pollutione voluntaria, saltem in causa, ut cum quis nocturnam optat, aut procurat voluntariè, & concubitu apto eam facere, etiam si per accidens non sequatur: quidam tamen dicunt, sine pollutione non amitti. Aliunt & quidam, foeminam recipientem semen etiam sine signaculi fractione, virginitatem amittere.

VISITATIO, vide *Episcopus*, *Notarius*.

1. **I**N visitatione primò prædicandum & monendum, deinde inquirendum.

2. Episcopus visitat Diocesim, Archiepiscopus totam provinciam, etsi id non videtur esse in usu.

VITA,

VITA, vide *Homicidium, Infirmus.*

1. **N**ON tenetur quis vitam producere quantum potest, nec vti cibis delicatis & salubribus, nec ad vitam seruanda m. permittere sibi membrum abscindi, nec vti medicinis aut remedijs extraordinarijs, aut valde pretiosis, vel laboriosis, nec abstinere poenitentijs quæ vitam possunt breuiare.

2. Vitam potest quis exponere periculo pro suis vel proximi rebus, & etiam pro honore, secundum quosdam; quod non concederet D. Aug. Potest quidem vitam suam quis exponere pro tuenda vita alterius; at pro re alia temporali, vel sua, vel aliena, non putarim licere, nisi esset ad vitam necessaria.

3. In naufragio posse alteri permitti tabulam antequam capiatur, sed non postquam capta est, quidam aiunt. Ego putarim posse etiam captam alteri permitti, vt saluetur; vt & panem quem quis vnum habet solum, alteri posse dare in extrema vtriusque necessitate.

VOTUM, vide *Baptismus, Debitum coniugale, Episcopus, Festum, Matrimonium, Religio.*

1. **N**ON obligat votum de re inutili, aut vana, aut maioris boni impeditiua, si quis meliorem facere velit, alioqui obligat; vt votum de coniugio vitandæ incontinentiæ causa, nisi quis melius quid faciat. *Tol. c. 17. l. 4. Bart. Med. l. 1. c. 13. §. 6. Nau. c. 12. n. 28. Soto l. 7. q. 1. a. 3. Valent. t. 3. disp. 6. q. 6. p. 2.*

2. In dubio an voueris, non teneris voto: itidem-
que dicendum, si dubites an, cum vouisti, compos
esses rationis, vel an sis obligatus. *Bart. Med. l. 1. c. 13. §. 7.*

3. **Votum de peccato mortali mortale est; de veniali**

ciali veniale. *Nau. c. 12. n. 40. & 63. Soto l. 8. q. 1. a. 7. Dual. p. 3. q. 14. n. 66.*

4. Votum non obligat, si rem quam voues, in finem malum ordinas, ut si voues aliquid ad hoc ut consequaris quod non licet, verbi gratia, furtum vel adulterium; aut in gratiarum actionem pro malo: secus si ipsum vouendi actum male ordines, ut si voues Religionem ut laute viuas, aut lasciuè, vel in gratiarum actionem pro filio ex adulterio suscepto; id enim non malum est, etsi adulterium ipsum pessimum.

5. Voti poenitere, sed cum animo implendi, non est mortale.

6. Tenetur voto, qui intendit vouere, etiam si non intendat implere: qui autem non se intendit obligare, non videtur intendere vouere; hoc enim ipso, quod quis vouet, se obligat, ut qui promittit, hoc ipso quod promittit: peccat tamen, & secundum quosdam mortaliter, qui vouet sine animo se obligandi.

7. Qui votum ratificauit, falso putans se teneri, non ideo obligatur.

8. Votum factum metu graui ad id non iuste incusso, non valet, nisi firmetur iuramento: secus est si iuste metus incuriatur. Quidam tamen aiunt, votum quocunque metu factum, si adfuit intentio se obligandi, tenere. *Tolet. l. 4. c. 17. Nau. c. 12. n. 52. Valen. t. 3. disp. 6. q. 6 p. 4.*

9. Votum puellæ ob metum patris reuerentialem, non valere quidam asserunt, si præsertim timet ne ab eo alioqui dure tractetur.

10. Votum parentum de filiis, istos non obligat, nisi se obligent ipsi approbando. *De Grassiis l. 2. c. 26. Bap. Carrar. q. 191.*

11. Quidam putant, votum Religionis, ubi regula non seruatur, non tenere; nec qui Religionem vouit, debere ingredi eam, si ibi pro libito viuitur: ego neutrum affirmare ausim.

12. Qui

12. Qui vouit Religionem certam, debet quærere aliquot eius Monasteria, vt recipiatur; qui autem Religionem in communi, aliquot diuersarum Religionum in ea prouincia.

13. Qui vouit solum ingredi Religionem, si in nouitiatu ea non placet, potest exire, etiamsi vouisset animo perseuerandi in ea, nisi intendisset se obligare ad perpetuò ibi manendum; quamquam etiam tunc quidam putant, si bona fide probans putat non sibi conuenire, posse exire. Idem autem censetur, vouere ingredi Religionem, & vouere fieri Religiosum.

14. Qui vouit Religionem arctiorem, si in laxiori proficitur, non amplius tenetur. *Vide de Regul. lib. 6. cap. 4.*

15. Violare votum de re leui, aut de vitando aliquo peccatum veniale, est solum veniale peccatum. *Nov. c. 12. n. 40. Val. t. 3. disp. 6. q. 6. p. 4. Berard. p. 3. de voto, c. 9.* Quidam tamen dicunt, qui vouit dare vnum nummum, si non det, peccare mortaliter; sed qui vouit non ludere, non peccare nisi venialiter si parum ludad, ob leuitatem materiæ.

16. Non est in potestate vouentis se obligare sub mortali aut veniali peccato; obligat enim ex se votum pro qualitate materiæ.

17. Quæ vouit virginitatem, si violat, tenetur ad castitatem, nisi, cum vouit, aliud intendisset.

18. Vouens Religionem grauitèr deceptus, non voturus si sciisset, non tenetur.

19. Non ideo votum non obligat, quia accidit aliquid, quod si prouidisses, non vouisses; sed quia accidit id, quod si fuisset tempore voti, obligationem voto abstulisset: vt si fiat res impossibilis, aut illicita, aut indifferens, &c. *Caietanus Voti emissio, Valento supra p. 4.*

20. Votum de nunquam peccando, non obligat, quia de impossibili; secus si fiat de non peccando mortaliter.

21. **Votum Religiosi de re non prohibita, seruandum**, donec per Superiorem irritetur. Quidam tamen dicunt, nullum votum Religiosi valere, nisi consentiente Superiore expresse: alij etiam de re prohibita factum votum, ei indicandum, vt approbet, si velit.

22. Vouens seruare aliquam legem non obligantem sub mortali, non se obligat ad mortale, sed secundum rationem legis.

23. Metus qui excusat violentem præceptum ieiunij, excusare videtur quibusdam etiam violentem votum de ieiunio; obligare enim votum instar legis.

24. Vouens non nubere, non se obligat ad castitatem; nec qui vouit mulierem non tangere lasciuè. *Sylu. Votum, n. 4. Angel. Votum, 4. n. 9. Arag. sec. 2. q. 18. a. 12. Henr. l. 7. c. 30.*

25. Vouens abstinere ab ouis, non ideo tenetur abstinere à carnibus.

26. Vouens se aliquid facturum, si contingat forte peccare, intelligitur de prima vice, nisi intendisset expresse quoties peccasset.

27. Coniugem non posse sine alterius consensu vouere non petere debitum, alij aiunt, alij negant: non videtur quidem posse castitatem vouere, etiam ante consummatum matrimonium, nisi velit Religionem ingredi.

28. Vouens Religionem non præfixo tempore, debet, quamprimum potest, ingredi.

29. Qui vouit vnum principaliter, vt Religionem; & alterum accessorie, vt castitatem; liberatus à primo, est liberatus à secundo.

30. Votum sacerdotij non est votum castitatis, potestque ab Episcopo dispensari. *Soto l. 7. q. 4. a. 3. Beja casu 1. 26. Octob. anno 81. Tabien. Votum, 3. n. 2.*

31. Votum de impossibili non obligat, etiam si postea fiat possibile.

32. In voto seruandum possibile & honestum, +
omisso impossibili & turpi.

33. Duorum votorum incompatibilium, si æquè +
bona, seruetur prius, alioqui melius.

34. Qui vouit quotidie dare pauperi, si hodie non +
det, debet cras illud addere.

35. Votum factum vt aliquid à Deo obtineas, ob- +
ligat, etiamsi non obtineas; nisi dixisses, Si obti-
nuero.

VOTI IRRITATIO, DISPENSATIO,
& COMMUTATIO, vide *Debitum*
coniuale.

1. **A**D irritandum votum sufficit voluntas eius +
qui potest, nec requiritur causa. *Caiet. Voti*
dispensatio. Potest autem pater, & mater si tutrix sit,
(imò, secundum quosdam, etiamsi non sit tutrix
impuberis, & si non sit curator, etiam puberis, scili-
cet mortuo patre) tutor, curator, maritus, & domi-
nus, impuberis quidem omnia vota irritare, *Viual. p. 3.*
c. 4. n. 99. Sylu. Votum, 4. §. 2. De Gress. c. 29. n. 3. etiam +
antequam venirent sub suam potestatem emissa;
puberis autem reale, (non autem personale sibi non
præiudicans) nisi esset adiunctum voto Religionis,
aut de bonis castrensibus, aut quasi castrensibus; &
Pralatus Religiosi vota omnia, adeoque etiam Papa, +
qui est eius supremus Pralatus, qui tamen secula- +
rium vota non potest irritare.

2. Irritans votum sine causa in quod consenserat, +
peccat quidem, sed irritatio tenet. *Tabien. Votum, 5.*
n. 5. Nau. c. 12. n. 73. Berard. p. 3. c. 9.

3. Votum impuberis de faciendo aliquid tempore +
libertatis, semel irritatum, non reuiuiscit: quidam
tamen seruum excipiunt: excipitur & pubes, nisi
vouisset simul in tempus etiam subiectionis: Reli- +
giosus autem censetur vt impubes.

+ 4. Irritans votum, si postea consentiat, non ideo reualidat. *Rosella Votum*, 2. § 6. *Tabien. Votum*, 5. n. 6.

5. Votum impuberis de Religione, potest pater & tutor irritare, etiam post pubertatem, si ille in pubertate se de nouo non obligauit. *Valent. 1. 3. disp. 6. q. 6. p. 6. Beja casu 1. 22. Maij anno 81. Lopez c. 48.* idemque dicendū de Prælato Religiosi facti Episcopi; scilicet poterit similiter huius votum antea factū irritare, si iste de nouo non confirmauit Episcopus factus.

6. Omne votum auctoritate Iuris commutatur in Religionem; & quidem personalia omnia professione extinguuntur, realia verò debita quidam aiunt transire in Monasterium, iuxta vires hæreditatis: ego verò, si sint solum votorum debita, etiam extinguī professione puto. Nouitius autem excusatur à voto personali, sed non à reali. Possunt & omnia vota nouitiorum commutari à Confessore in onera Religionis. Vota quidem nostrorum quæ in seculo fecerunt, ante professionem sunt suspensa, quādiu sunt in Societate.

+ 7. Qui promisit se alicuius votum impleturum, potest commutare in ingressum Religionis.

+ 8. Potest quis facere contra votum, cum observatio vergit in periculum magnum, & non potest adiri Superior. Excipe tamen votum continentia, quæ melior est quàm vita. *Tho. 2. 2. q. 88. & 4. d. 33.*

+ 9. Causa dispensandi, voti inutilitas, vel maioris boni impedimentum, secundum quosdam: ego verò tunc non puto votum obligare, quare nec opus esse dispensatione; dicerem potius causam, facilitatem in vouendo, infirmitatem ad implendum, necessitatem, vel vtilitatem, quæ & ipsæ sunt ad commutandum idoneæ causæ.

+ 10. Commutatio sine causa, fiat in melius; cum causa, in æquale: quod si apertè melius est, potest quisque in illud suum votum commutare. *Bap. Corrar. q. 312. Tolet. l. 4. c. 18. Beja casu 1. 22. Maij anno 81.*
& for-

& fortè etiam in perinde bonum. Et quidem sunt
qui dicant, auctoritate ad commutandum solum
opus esse cum est commutandum in minus; & quod
cum Papa dat potestatem commutandi, intelligitur
in aliquid minus.

11. Qui habet Episcopalem auctoritatem, potest
dispensare in omnibus votis, exceptis castitatis per-
petuæ, Religionis, Romanæ, Compostellæ, & Hiero-
solymitanæ peregrinationis, in quibus etiam potest,
cum facta sunt per modum pœnæ peccati, si illud
facere contingat. *Lopez. c. 44. Toler. l. 4. c. 18. Henr. l. 7.
c. 30. Arag. 2. 2. q. 8. a. 2. Bar. Med. in Sum. c. 13. n. 6.
potest & in castitatis voto Episcopus, si sit pericu-
lum incontinentiæ, & Papa non possit facile adiri.
Sylu. Dispensatio, §. 15. Henr. supra, Lopez. c. 49. Valent. t. 3.
disp. 6. q. 6. p. 7. Nau. c. 12. n. 76. Arag. supra a. 12. potest
& in voto castitatis ad tempus, vel conjugalis. Pa-
lud. dist. 38. a. 4. conclus. 3. Fumus Dispensatio, n. 18. Tabien.
cod. n. 11. Angel. Votum, 4. n. 9. Potest & dispensare
cum vouente arctiorem Religionem, vt laxiorem in-
grediatur. Sylu. Votum, 4. §. 3. Arag. 2. 2. q. 88. a. 13.
Bapt. Corrar. q. 312. non enim est id dispensare in Re-
ligione absolutè: imò, secundum Panor. & alios, po-
test in voto Hierosolymitano facto causa deuotio-
nis, & non subsidij. De Grassi. l. 2. c. 30. n. 30. Fumus Dis-
pensatio, n. 16. Berar. l. 1. tit. 8. q. 70. Viual. p. 3. c. 14. q. 73.
Vide glo. cap. Ex multa, de voto. Potest & in voto non
nubendi, & non petendi debitum.*

12. Archiepiscopum non posse dispensare in votis
subditorum Suffraganeis, quidam aiunt, alij negant.

13. Papam posse in solemnii voto castitatis, qui-
dam negant, alij melius concedunt. *Rosella Votum,
5. §. 1. Nauar. c. 12. n. 75. Valent. t. 3. disp. 6. q. 6.
p. 7.*

14. Quod vouisti Deo alicui te daturum, si non
huic promissisti, potest commutari.

15. Qui vouit non petere dispensationem voti, po-
test

test petere, si timet alioqui periculum peccandi.

Henr. l. 7. c. 30.

16. Qui potest vota commutare, potest etiam cum sunt iurata: potest & iuramenta quæ non sunt in fauorem tertij, quale est si quis dicat, Voueo Deo me tibi tale quid daturum: itaque id non poterit commutare.

17. Id in quod est votum commutatum, tanquam votum obseruandum est.

18. Cum Religioso, qui vouit transire ad arctiorem Religionem, potest Superior dispensare vt maneat; non enim est votum simpliciter Religionis.

19. Qui potest ex priuilegio dispensare, potest & commutare. *Syl. Votum, 4. §. 5. Viual. p. 3. c. 14. n. 4. Soto l. 7. q. 4. a. 7. non contrà.*

20. Dispensatio in voto aperte sine causa, non valet. *Caet. Voti dispensatio, Roset. Votum, 5. §. 3. Tolet. l. 4. c. 18. in dubio verò excusat dispensatio Prælati.*

21. Qui potest dispensare, tutius facit in leue aliquid commutando.

22. Per Bullas & Priuilegia possunt commutari vota, etiam post illa facta, etsi quidam id negant.

23. Prælati videns, & cum possit facile contradicere, non contradicens, hoc ipso videtur dispensare.

24. Si Papa votum sibi reseruat in aliquid commutauit, potest id ab Episcopo ex causa in aliud commutari; non enim id est Papæ reseruat, etsi quidam aliter sentiunt. *Syl. Votum, 4. §. 7. Arag. q. 88. a. 12. Viual. p. 3. c. 14. n. 77.*

V S V C A P I O , vide *Præscriptio.*

V S V F R V C T V S , V S V S .

I. **V**S V F R V C T V A R I V S potest vendere solum quantum opus est ad soluendam vecturam rei longè distantis necessaria: quidam tamen dicunt,

cunt posse vendere arbores cæduas, fructíferas verò nec incidere posse.

2. Tenetur reddere æstimationem rerum usu consumptibilem, ut pecuniæ, vini, & c. factam tempore quo ei traditæ sunt, (quæ verò usu minuuntur, ut vestes, eorum reddendum quod supererit post usufructum) & pro pecoribus mortuis alia substituere, si legatus est usufructus gregis vel armenti, secus si animalium; itemque pro vitibus & arboribus mortuis alias substituere, fœtus autem potest consumere: & si substituta pereant, non tenetur pro illis dare alia. Potest & consumere fructus usu non consumptibilem, vel eorum pretia.

3. Non tenetur ad expensas magnas pro rerum conservatione, vel defensione, sed potest repetere à proprietario. Quidam tamen aiunt, si sit legatus usufructus omnium bonorum, teneri ad expensas etiam magnas pro reficienda re.

4. Tenetur soluere rei tributum, & collectas, & onera, nisi essent tanta, quòd legatum per ea redderetur inutile: ad onera verò pro habendo iure fructuum, tenetur proprietarius.

5. Non tenetur soluere debita, sed hæres, qui ea soluet de proprietate & usufructu; is enim intelligitur deducto ære alieno: si tamen ille esset usufructuarius non omnium bonorum, sed rei certæ, non tenetur de ea dare ad soluenda debita.

6. Vxor relicta usufructuaria omnium bonorum, vel domina & gubernatrix, habebit solùm alimentata: at mortuis filiis hæredibus, habebit plenum usum fructum, imò & proprietatem, secundum quosdam.

7. Fructus maturi tempore mortis usufructuarii, ad proprietarium pertinent.

8. Usufructus omnium bonorum non intelligitur in legitima filiorum testatoris.

9. Usufructus transit cum ingrediente Religionem

dum viuit, si Monasterium potest habere proprium in communi.

10. Vsfuſtus relictus ciuitati, vel vniuerſitati, ceſſat poſt centum annos.

11. Si vſuſtuarius amittat ciuitatem, ſuccedit ei pater, filius, & heres, dum ille viuit.

12. Perit vſuſtus per non vſum decem annorum inter praſentes, & viginti inter abſentes.

13. Legato tibi vſuſtu vſque ad alicuius pu- bertatem, ſi ante moriatur, habebis vſque ad illam ætatem: ſi verò vſque dum nubat, & moriatur, habebis dum viuis; tamdiu enim poterat non nubere.

14. Legata tibi re ſtabili, habebit tecum in ea vſum- fruſtum vſuſtuarius omnium bonorum; vel tu ſolus, ſecundum quosdam.

15. Fœmina intra annum nubens, non ideo amittit vſumfruſtum relictum à marito, vel proprietatem, niſi ille id expreſſerit.

16. Conceſſa tibi re aliqua ad vitam, intelligitur tibi conceſſus vſuſtus, poteſque alteri tradere ius illud dum viuis.

17. Vſum ſolum habens agri, poteſt fruſtus edere cum familia, ſed non vendere aut locare: ſecus ſi habeat vſumfruſtum.

18. Vſuarius tenetur ad expenſas: quòd ſi propri- etarius participet rei commodo, ipſe ſolus tenetur.

V S V R A, vide *Contractus*, *Debitum*, *Dos*, *Iudeus*.

3. V S V R A R I J bona eſſe tacitè hypothecata pro vſuris, quidam aiunt, ſed melius alij negant.

2. Aiunt quidam, donationem vſurarij, qui non eſt ſoluendo, non valere, nec dotem ab eo datam; quòd ego non dixerim, ſaltem in dote: certè vſuræ domi- nium, etiam ſecundum iſtos, in vſurarium transfer- tur;

rut; cur ergo non valeat donatio, nedum dos? *Vide Tho. opus. 73. ca. 19.* vbi ait, pro equo accepto per vsuram, sufficere pretium restituere.

3. Lucrum ex officio per vsuram acquisito, non est restituendum, nec res empta ex pecunia vsuraria. +

4. Non est vsura pecuniam locare, aut vendere. +

5. Non est illicitum petere ad vsuram ab eo quem scis non aliter daturum: quod si petis sine necessitate aut utilitate, non est mortale.

6. Plus tenetur vsurarius de rebus non in specie debitis, filiis & vxori, quam creditori.

7. Vsurario manifesto, id est, qui nulla potest tergiversatione celari, nullum administrandum Sacramentum ante satisfactionem, vel saltem cautionem sufficientem: secus si non est manifestus, & non potest restituere. Est autem infamis iure vsurarius manifestus.

8. Qui fecit contractum vsurarium bona fide, credens iustum, potest tantum lucri retinere, quantum acquisisset alioqui per contractum licitum.

9. Contractus qui dicitur vulgò, *Godere à godere*, scilicet cum alter domum dat habitandam, alter pecuniam vtendam, est vsurarius, nisi aliqua circumstantia honestetur, vt lucri cessantis, &c.

10. Centesima vsura dicitur, cum datur vnum pro centum singulis mensibus.

11. Qui bona fide accepit tanquam donatum, vbi comperit esse pro mutuo datum, tenetur restituere quantum factus est locupletior, nisi præscriptisset. +

12. Notarius faciens instrumentum vsurarij manifesti contra formam, (*cap. Quamquam, de vsur. libro 6.*) non tenetur restituere, quia ipso iure est nullum. Nec inducens fœnerarium ad fœnerandum tenetur restituere, secundum quosdam; alter enim volens vsuram dedit.

13. Merus executor vsurarij non tenetur restituere:

secus est de principali agente; hic enim causam dat: excusatur tamen & is ignorantia, vel si nihil retineat, secundum quosdam.

14. Hæredes vsurarij tenentur solum pro rata restituere, scilicet qui est ex dimidio hæres, dimidium debiti; qui ex tertio, tertiam partem; etiamsi alij non restituant.

15. Domini temporales possunt ob bonum publicum cogere solui promissas vsuras.

16. De vsura inter seculares potest cognoscere etiam Iudex secularis, siue de iure siue de facto queratur.

17. Qui iurauit non repetere vsuras, poterit Ecclesiæ denunciare, & ipsa cogere restitui: quod si iurauit non denunciare, non tenet iuramentum, secundum quosdam, quia illicitum.

V V L N E R A R E.

2. **V** V L N E R A R E non licet parentibus, nec dominis.

¶ E N O -



XENODOCHIVM, seu HOSPITALE.

1. **H**O S P I T A L E sine Episcopi auctoritate constructum, est locus profanus: nec gaudet immunitate, nisi superueniat Episcopi auctoritas: in dubio autem credendum auctoritate Episcopi fundatum.

2. Hospitali, cum instituitur, debet dos assignari, ut Ecclesiae; & cum laeditur, restituitur in integrum sicut Ecclesia.

3. Potest in eo poni Rector sine Episcopi auctoritate, nisi habeat curam animarum: seruanda tamen consuetudo.

4. Hospitalis, etiam sine auctoritate Episcopi facti, cura ad Episcopum pertinet; est enim pater pauperum: non tamen tenetur ad procuracionem Episcopi visitantis.

5. Hospitalis administrator non tenetur rationem reddere Ordinatio, si id expressè est cautum in eius institutione. *Ex Cong. Conc.*

6. Hospitali relicta, etiam immobilia, alienantur sine solemnitate.

7. Hospitali habenti curam, vel annexo Ecclesiae curatae, potest praefici Religiosus.

F I N I S.

APPROBATIO.

HI Aphorismi Confessariorum, Auctore
R. P. EMANVELESA, Doctore
Theologo Societatis IESV, docti sunt ac
p̄y, multamque vtilitatem allaturi Con-
fessarijs omnibus : quare recte imprimi
poterunt. Datum Antuerpiæ, 3. Id. Decemb.
Anno 1597.

Siluester Pardo, S. Theol.
Licentiatus, Cathedralis
Eccles. Antwerp. Canoni-
cus, librorumque Censor.

INDEX.

A

A BBAS.	pag. 7.
Abbatissa.	7.
Abortus.	7.
Absolutio.	7.
Adoptio.	11.
Adulterium.	11.
Aduocatus.	12.
Aedificare.	12.
Affinitas.	12.
Alienatio.	12.
Alimenta.	13.
Altare.	14.
Apostata.	15.
Appellatio.	15.
Aqua benedicta.	15.
Archiepiscopus.	15.
Archipresbyter.	15.
Avaritia.	15.

B

B ANNITVS.	16.
Baptismus.	16.
Bellum.	18.
Benedictio.	19.

Beneficium.	20.
Blasphemia.	26.
Bona.	27.
Bonus vir.	37.

C

C ALIX.	28.
Cambium.	28.
Capitulum.	29.
Casus fortuitus.	30.
Casus reservatus.	30.
Caupo.	31.
Census.	31.
Censura.	33.
Charitas.	33.
Circumstantia.	35.
Civitas, ciuis.	35.
Clericus.	35.
Cœmeterium.	39.
Cognatio.	39.
Collegium.	39.
Columbarium.	40.
Comedere.	40.
Commodatum.	40.
Communio.	41.
Communitas.	41.

Con-

INDEX.

Concessum.	41.	Cecima.	69.
Concilium.	41.	Degradatio.	70.
Concionator.	41.	Delectatio morosa.	70.
Conductio.	41.	Delegatus.	70.
Congregatio.	44.	Delictum.	71.
Confessio.	44.	Denunciatio.	71.
Confessor.	50.	Depositio.	71.
Confirmatio.	55.	Depositum.	72.
Coniux.	56.	Detractio.	73.
Conscientia.	56.	Diabolus.	73.
Consecratio.	56.	Dimissoria.	73.
Consensus.	57.	Discere.	73.
Conseruator.	57.	Dispensatio.	73.
Consilium.	57.	Disputatio.	76.
Consuetudo.	57.	Diuortium.	76.
Contractus.	58.	Docere, Doctor.	<u>77.</u>
Contritio.	61.	Dolus.	<u>78.</u>
Contumelia.	61.	Domicilium.	<u>78.</u>
Corruptio.	61.	Dominiũ, Dominus.	<u>78.</u>
Credere.	62.	Domus.	79.
Crimen.	62.	Donatio.	79.
Culpa.	62.	Dos, paraphernalia.	82.
Curator.	63.	Dubium.	84.
Curatus.	63.	Duellum.	85.
Curiositas.	<u>63.</u>		
Custos.	63.		

D.

DEBITUM.	64.	E.	
Debitum coniugale.	67.	EBR1ETAS.	86.
		Ecclesia.	86.
		Ecclesia immunitas.	89.
		Ecclesiasticus.	90.
		Ele-	

INDEX.

<i>Electio.</i>	90.	<i>Fideiussio.</i>	128.
<i>Eleemosyna.</i>	91.	<i>Fideicommissum.</i>	129.
<i>Emphyteusis seu liuel- lum.</i>	93.	<i>Filius.</i>	129.
<i>Emptio.</i>	94.	<i>Fiscus.</i>	133.
<i>Episcopus.</i>	96.	<i>Fœmina.</i>	133.
<i>Eucharistia.</i>	100.	<i>Fructus.</i>	133.
<i>Examen.</i>	105.	<i>Fuga.</i>	133.
<i>Excommunicatio.</i>	105.	<i>Furtum.</i>	134.
<i>absolutio ab Excommu- nicatione.</i>	112.	G.	
<i>de Excommunicationi- bus Bullæ Cœna.</i>	115.	<i>GABELLA.</i>	136.
<i>quadam alie Excom- municationes Pape reservata.</i>	117.	<i>Gratia.</i>	138.
<i>Excōmunicationes nulli reservata.</i>	120.	<i>Grex.</i>	140.
<i>Exemptus.</i>	122.	<i>Gula.</i>	140.
<i>Exilium.</i>	122.	H.	
<i>Extrema Vñctio.</i>	122.	<i>HABITVS.</i>	140.
F.		<i>Hæreditas.</i>	140.
<i>FALSARIVS.</i>	125.	<i>Hæresis.</i>	146.
<i>Fama.</i>	125.	<i>Hisrio.</i>	147.
<i>Familia.</i>	125.	<i>Homicidium.</i>	148.
<i>Famulus.</i>	125.	<i>Honor.</i>	151.
<i>Festum.</i>	126.	<i>Hora canonica.</i>	151.
<i>Feudum.</i>	127.	<i>Hospitale.</i>	154.
<i>Fictio.</i>	127.	<i>Hypotheca.</i>	154.
<i>Fides.</i>	127.	I.	
		<i>IEIVNIUM.</i>	154.
		<i>Ignorantia.</i>	156.
		<i>Imago.</i>	156.
		<i>Impossibile.</i>	156.
		<i>Ince-</i>	

INDEX.

<i>Intestus.</i>	155.	<i>ex peccato notorio.</i>	178.
<i>Incorrigibilis.</i>	156.	<i>Indeus.</i>	179.
<i>Indignatio.</i>	157.	<i>Iudex.</i>	179.
<i>Indulgentia.</i>	157.	<i>Iudicium temerarium.</i>	
<i>Infamia.</i>	160.		179.
<i>Infamare et fama.</i>	161.	<i>Iudiciales actus.</i>	180.
<i>Infans.</i>	163.	<i>de Iudice & arbitro.</i>	
<i>Infidelis.</i>	163.		180.
<i>Infirmus.</i>	163.	<i>de modo procedendi.</i>	
<i>Ingratitudo.</i>	164.		182.
<i>Iniuria.</i>	164.	<i>de testibus.</i>	183.
<i>Inquisitor.</i>	165.	<i>de accusatione.</i>	184.
<i>Interdictum.</i>	165.	<i>de reo.</i>	184.
<i>Interpretatio.</i>	168.	<i>de sententia, citatione,</i>	
<i>Inuentum.</i>	169.	<i>& appellatione.</i>	186.
<i>Ira.</i>	169.	<i>de Aduocato, Notario</i>	
<i>Irregularitas.</i>	169.	<i>seu Tabellione, &</i>	
<i>Irregularitas ex biga-</i>		<i>Procuratore.</i>	188.
<i>mia.</i>	171.	<i>Iuuenis.</i>	189.
<i>ex corporis vitio seu de-</i>		<i>Iuramentum.</i>	189.
<i>fectu.</i>	172.	<i>Iurisdictio.</i>	193.
<i>ex defectu anime.</i>	173.	<i>Ius patronatus.</i>	194.
<i>ex deformitate lici-</i>			
<i>ta.</i>	174.		
<i>ex illicita.</i>	176.		
<i>ex Ordinis abusu.</i>	177.		
<i>ex iterato Baptismo.</i>			
	178.		
<i>ex violatione interdi-</i>			
<i>ci.</i>	178.		

L.

<i>LAUDERIUM.</i>	196.
<i>Lans.</i>	196.
<i>Legatum.</i>	196.
<i>Legatus.</i>	200.
<i>Legitima.</i>	200.
<i>Lex.</i>	201.
<i>Li-</i>	

INDEX.

<i>Libri.</i>	<u>205.</u>
<i>Litteræ.</i>	205.
<i>Linellum.</i>	205.
<i>Locator.</i>	205.
<i>Ludus.</i>	205.
<i>Luxuria.</i>	207.

M.

<i>MALEDICTIO.</i>	210.
<i>Mandatum.</i>	210.
<i>Manifestum.</i>	210.
<i>Martyrium.</i>	211.
<i>Matrimonium.</i>	211.
<i>Matrimonij impedi-</i>	
<i>menta, non dirimen-</i>	
<i>tia tamen.</i>	216.
<i>impedimenta dirimen-</i>	
<i>tia.</i>	217.
<i>Medicus.</i>	224.
<i>Mendacium.</i>	224.
<i>Metus.</i>	<u>225.</u>
<i>Miles.</i>	225.
<i>Minor.</i>	225.
<i>Missa.</i>	227.
<i>Missæ auditio.</i>	233.
<i>Monasterium.</i>	234.
<i>Moneta.</i>	<u>235.</u>
<i>Mora.</i>	235.
<i>Mortis articulus.</i>	235.
<i>Mutuum.</i>	<u>236.</u>

N.

<i>NAVCLERVS.</i>	<u>238.</u>
<i>Naufragium.</i>	238.
<i>Negotium.</i>	238.
<i>Nomen.</i>	238.
<i>Notarius.</i>	238.
<i>Notorium.</i>	<u>238.</u>

O.

<i>OBEDIENTIA.</i>	239.
<i>Oblatio.</i>	239.
<i>Obligatio.</i>	239.
<i>Obses.</i>	240.
<i>Occultum.</i>	240.
<i>Odium.</i>	240.
<i>Officium.</i>	240.
<i>Oleum.</i>	241.
<i>Opinio.</i>	241.
<i>Oratio.</i>	241.
<i>Ordo.</i>	241.
<i>Ornatus.</i>	245.

P.

<i>PACTVM.</i>	246.
<i>Pallium.</i>	246.
<i>Papa.</i>	246.
<i>Parentes.</i>	247.
<i>Parochus.</i>	249.
<i>Pars.</i>	250.
	<i>Pa</i>

INDEX.

Patrinus.	250.	Ratihabitio.	<u>264.</u>
Peccatum.	250.	Religio.	264.
Peculium.	<u>252.</u>	Reliquie.	271.
Pecunia.	253.	Represalia.	272.
Pensio.	253.	Rescriptum.	272.
Pignus.	253.	Residentia.	272.
Piscatio.	255.	Respublica.	274.
Pœna.	255.	Restitutio.	274.
Pœnitentia.	256.	Reuelatio.	281.
Potestas.	256.	Reus.	281.
Præceptum.	257.	Rex.	281.
Prædicare.	<u>257.</u>		
Prelatus.	258.	S.	
Præscriptio.	258.	SACRAMENTVM.	282.
Primitia.	260.	Sacra.	<u>283.</u>
Privilegium.	260.	Sacrilegium.	283.
Princeps.	260.	Salarium.	284.
Processio.	261.	Sancti.	284.
Procurator.	261.	Satisfactio pœnitentia-	
Promissio.	261.	lis.	284.
Proximus.	262.	Scandalum.	286.
Publicum.	262.	Schisma.	286.
Puer.	262.	Scholaris.	287.
Purgatorium.	262.	Scrupulus.	287.
		Secretum.	287.
Q.		Sepultura.	287.
QVÆSTVARII.	263.	Servus.	288.
R.		Simonia.	289.
RAPINA.	264.	Societas.	292.
Raptus.	264.	Sodomia.	292.
Ratificatio.	264.	Sortes.	292.

Spon-

INDEX.

<i>Sponsalia.</i>	293.	<i>Venatio.</i>	309.
<i>Stabularius.</i>	295.	<i>Venditio.</i>	309.
<i>Statutum.</i>	295.	<i>Verba.</i>	313.
<i>Subiectio.</i>	295.	<i>Verbera.</i>	313.
<i>Suffragium.</i>	295.	<i>Vestis.</i>	313.
<i>Superior.</i>	296.	<i>Vicarius.</i>	313.
<i>Suspensio.</i>	296.	<i>Vidua.</i>	314.
<i>Suspensio ipso iure.</i>	298.	<i>Virginitas.</i>	314.
<i>Suspicio.</i>	300.	<i>Visitatio.</i>	314.

T.

TABELLIO.	301.	<i>Votum.</i>	315.
<i>Tempus.</i>	301.	<i>Voti irritatio, dispensa-</i>	
<i>Testamentum.</i>	301.	<i>tio, & commuta-</i>	
<i>Testis.</i>	306.	<i>tio.</i>	319.
<i>Thesaurus.</i>	307.	<i>Vsucapio.</i>	322.
<i>Torneamentum.</i>	307.	<i>Vsufuctus, Vsus.</i>	322.
<i>Transactio.</i>	308.	<i>Vsura.</i>	324.
<i>Tributum.</i>	308.	<i>Vulnerare.</i>	326.
<i>Tutor.</i>	303.		
<i>Tyrannus.</i>	308.		

X.

V.		XENODOCHIVM,	
VANA GLORIA.	309.	<i>seu Hospital.</i>	327.

FINIS.

